



registrato da me Prospero de Rosa dalla Biblioteca
di Card. Garibaldi di f. m.

f. 429

0408

R. BIBL. NAZ.
Vitt. Emanuele III.

RACCOLTA
VILLAROSA

B

429

NAPOLI

Ex libris
Josephii Aloysii Lezerini.





JACOBUS SANNAZARIUS.
Ex Musaeo Paulli Jovii.

V. B. 429

JACOBI, SIVE
ACTII SYNCERI
SANNAZARII.

NEAPOLITANI, VIRI PATRICII,
P O E M A T A

Ex antiquis Editionibus accuratissime descripta.

Accessit ejusdem Vita, Jo. ANTONIO VULPIO Auctore;

I T E M
GABRIELIS ALTILII
E T
HONORATI FASCITELLI
CARMINA QUÆ EXSTANT.
EDITIO ALTERA, PRIORE LOCUPLETIOR.



PATAVII. CIOIOCCXXXI.
EXCUDEBAT JOSEPHUS COMINUS
Superiorum Permissu.

592287

Illustrissimis atque Excellentissimis Viris,
 A L O Y S I O P I S A N O
 Equiti, ac Ædis D. Marci Procuratori,
 J O A N N I P A S C H A L I C O,
 M I C H A E L I M A U R O C E N O,
 R E I L I T E R A R I Æ M O D E R A T O R I B U S

Joannes Antonius Vulpius S. P. D.



*I quis est, cui mi-
 rum forte videat-
 ur, A C T I I S Y N C E R I S A N -
 N A Z A R I I, elegantissimi homi-
 nis*

E P I S T O L A

nis, poemata, sublatis mea cura librariorum erroribus, in lucem rursus prodeuntia, a me VOBIS offerri, VIRI AMPLISSIMI; is profecto aut ea numquam legit, aut oscitanter, minimeque intento animo legit. Quum enim poeta ille recti amantissimus, de immortalis VENETORUM REPUBLICA omnia egregia & præclara sentiret, diligenter providit, ne sententia hæc sua paucis tantummodo familiaribus nota esset, ac deinde oblivione deleteretur. Splendidis itaque magnificisque carminibus, audien-

DEDICATORIA.

te atque invidente reliquo terrarum orbe, admirandæ URBIS VESTRÆ dignitatem, VESTRORUMQUE clarissimorum CIVIUM libertatem ornavit. quæ carmina quanto in pretio habenda sint, & insigni liberalitatis exemplo SENATUS eo tempore declarare voluit, & ex ipsius poetæ natura facile colligi potest: non enim is erat SANNAZARIUS, qui libenter assentaretur, sed potius, qui hominum vitia acerrime exagitaret, neque illos quidem intactos abire sineret, quibus opes & potentia, scelerum impuni-

E P I S T O L A

tatem quodammodo peperisse videbantur. Hæc est demum vera laus, quæ a magni & excelsi animi viro proficiscitur, neque spe, neque metu extorta: ad hanc improbis, & pusillis hominibus omnino aspirare non licet. Quapropter ad neminem alium, nisi ad Vos hujusmodi scripta deferenda erant, VIRI AMPLISSIMI, qui publico VENETORUM PATRUM decreto, gravissimæ studiorum procurationi præfecti estis, disciplinas autem quæ ab humanitate nomen habent, præcipuoque urbibus ornamen-

DEDICATORIA:

*to sunt, vel in primis diligitis,
 & coli gaudetis. POETAM igitur VESTRUM benigne atque
 bilare excipite, ejusque carminibus legendis, MAJORUM
 gloriam agnoscite, quæ tamquam hereditate ad VOS usque
 pervenit. stat enim, DEI OPT. MAX. beneficio, RES-
 PUBLICA VESTRA, ac tamdiu stabit, quamdiu genus
 ipsum hominum permanebit. Utinam vero aliquid non contem-
 nendum ipse ingenii mei viribus, præstare possem, nec semper,
 ad meam erga VOS observantiam significandam, alieno*
 admi-

EPISTOLA DEDICATORIA.

adminiculo indigerem : nemo profecto esset , qui Virtutes VESTRAS majore studio atque alacritate celebraret . At quoniam eloquentia excellere , perpauco- rum est , neque id mihi natura concessit ; hoc quaecumque munusculum equi bonique consu- lite , VIRI AMPLISSIMI , me- osque conatus , quæso , patroci- nio ac benevolentia VESTRA prosequimini . Valete .

Patavii . Idibus Novembris . clb lcccxviii .

ERU-

ERUDITO LECTORI

S.



UOD polliciti sumus anno superiore, nos videlicet daturos operam, ut cultissimi quique probatissimique scriptores, qui sæculo post CHRISTUM ortum decimosexto Latinas literas a barbarie vindicare, novo quâsi lumine illustrati, in manus hominum pervenirent, id sedulo præstare pergimus, erudite Lector. Ecce tibi ACTIUS SYNCERUS SANNAZARIUS, poeta merito suo ab omnibus fere celebratus, atque illis tantummodo ignotus, quibus vita elabitur dormitantibus, & quos nulla de rebus optimis cura umquam attingit. Ex hujus carminibus, antiquarum editionum ope, menda typographica passim sustulimus; quæ res ad institutum hoc nostrum potissimum spectat. Quidquid autem de clarissimo genere, de fortuna, de studiis, de amicitiiis, ceterisque casibus tanti viri, memoriæ proditum est, non mediocri la-

b

bore

bore ac diligentia ex variis libris collegimus, perpetuaque narratione contexuimus; est enim doctis hominibus jucunditati, quorum ingenium admirentur, eorum eventus moresque cognoscere. Gravissimos etiam laudatores excitavimus, qui SANNAZARIO singularis eruditionis doctrinaeque testimonium tribuerent; ut scilicet auctoritatem, qua ipsi caremus, ex aliorum sententiis mutuaremur. Indicem quoque rerum memorabilium adjunximus, iis qui totum volumen perlegere noluerint, prope necessarium. Denique GABRIELIS ALTILII EPITHALAMIUM, exquisitæ venustatis poema, sed in quibusdam libris fœde corruptum, emendatius multo exhibemus; nonnulla item HONORATI FASCITELLI carmina, Catulli elegantis affluentia, excudenda curavimus: quos poetas ACTIO SYNCERO adjicere, non abs re visum est; ambos enim regio Neapoli finitima protulit, ALTILIUS vero SANNAZARIO sodalitate etiam conjunctus fuit. Hæc volebamus, ne ignorares, amice Lector. Vale, fruire, ac fave.

NO-

NOVÆ HUIUS EDITIONIS LECTORIBUS.



ACOBI SANNAZARII, GABRIELIS ALTE-
LII, & HONORATI FASCITELLI poemata,
quæ ante hosce XII. annos typis describi cura-
vimus, cupide adeo elegantiores homines exce-
perunt, ut hodie apud bibliopolas vix aliquod
corum exemplar invenitur. Ne igitur ea diutius desiderarentur,
gratum facturj studiosis adolescentibus, huic novæ editioni ma-
num libenter admovimus; quæ quum omnia priore editione com-
prehensa, rursus exhibet, tum ALTILII, & FASCITELLI
pluribus, iisque sane non contemnendis, carminibus aucta est, vel
ad hanc diem ineditis, vel e rarioribus libris depromtis. horum
autem pleraque debemus Viro Celeberrimo humanissimoque, APO-
STOLO ZENO, CAROLI CÆSARIS Poetæ atque Historiarum
scriptori. Adjecta præterea sunt doctorum virorum, aliquot de
his poetis testimonia; quæ singula hoc signo † notata invenietis.
Indicem etiam in SANNAZARII poemata non uno loco emen-
davimus, novaque cura perpolivimus. Porro multorum querelis
commoti, quibus diphtbongj solutæ molestiam afferebant, eas in
unum contraximus, magisque usitatam orthographiæ rationem eo
in genere secuti sumus. Quod vero ad nitorem typorum atque
chartarum attinet, nihil est quod illum oratione commendemus;
res enim lucet ipsa per se. Favete, ut soliti, candidi Lectores,
& bene rem gerite.

NOI RIFORMATORI

dello Studio di Padova.

COncediamo licenza a *Giuseppe Comino*, Stampatore in Padova, che possa ristampare il Libro intitolato : *Jacobi, sive Actii Synceri Sannazarii Poemata, &c.* giusta l'esemplare stampato in Padova nell'anno 1719.

Data li 8. Agosto 1730.

(Carlo Ruzini Cav. Proc. Rif.
(Andrea Soranzo Proc. Rif.
(

Agostino Gadaldini Segret.



Ex aeneo numismate, apud Vulpios

JACOBI, SIVE ACTII SYNCERI SANNAZARII.

NEAPOLITANI, V. P.

†V I T A,

A JOANNE ANTONIO VULPIO

CONSCRIPTA.

(Editio Quarta.)



LEUMELLINA Cisalpinæ Galliæ regio est, in Ducis Mediolanensis ditione. Ejus fines ab Oriente, Ticino flumine; a Meridie atque ab Occasu Solis, Pado & † Sessite; a Septentrionibus, Novariensi agro terminantur. Ea quum pluribus castellis & vicis distincta est, tum pagum continet nobilissimum, fossis, aggeribus, portisque munitum, opibus vero frequentiaque incolarum cum paucis conferendum, ut omnino urbis instar esse

vi-

† Petrus Vlamingius Belga in Epistola ad Lectorem præfixa Editioni suæ poematum SANNAZARII Amstelædamenti, anni 1728. ita de lucubratione hac nostra: *Vitam ACTII SYNCERI, quam Jo. Ant. Vulpus ex Crispo, qui Italo sermone, ad Aldum Manutium, hanc telam erat exersus, & aliis scriptoribus, accurate sane & non ineleganter congestis, hic lubenter admisi, quamquam ipse, ante sexdecim, & quod excurrit, annos, laborem illum mihi sum-*
feram

videatur: SANCTUM NAZARIUM appellant. Nomen invenit (nisi conjectura fallor) e viro fortissimo, qui patre Africano natus, Neronis Cæsaris temporibus maximos cruciatus toleravit, seque acriter morti obrulit, ut pro CHRISTI doctrina, quæ tum primum proferebatur, contra veterem gentium superstitionem propugnaret. Hujus reliquæ corporis, quum diutius ignoratæ latuissent, Mediolani tandem a Divo Ambrosio, illius civitatis Antistite, repertæ sunt, statimque a populo summa religionæ coli cæptæ: qui cultus adhuc non in urbe solum, sed etiam in finitimis locis, festis institutis diebus, constantissime retinetur. In eo pago, stirpis antiquitate, divitiarum splendore, rerumque gestarum gloria ceteris longe præstitit SANNAZARIORUM familia; quæ ab ultimis Hispaniæ regionibus illuc profecta, eas copias paullatim eamque amplitudinem consecuta fuerat, ut immoderatæ Vicecomitum potentia sola obistere posse videretur. Hoc genere procreatus NICOLAUS SANNAZARIUS, Carolum III. Dyrrachinum, ex Andegavensibus principibus, qui anno post CHRISTUM ortum ccccclxxx. ab Urbano Pontifice evocatus, eo consilio in Italiam venerat, ut regno Neapolitano potiretur, tribunus militum secutus est; pulsitque demum hostibus, ob singularem virtutem, præclaraque in eo bello edita facinora, nonnulla in Lucanis castella a Rege victore, beneficii loco accepit. JACOBUS vero NICOLAI F. Ladislao Caroli F., strenuo adolescente, cui patris morte regnum obvenerat, tristissimo ac difficillimo ejus tempore, utilem adeo operam præbuit, eique ad fugandum Ludovicum Andegavensem ita præsto fuit, ut Petrinum, seu Montis Draconis Rupem, apud quam olim Sinuessæ sita erat, bonam item Falerni agri partem, Massicos montes, oppidulumque ad Vulturni ostia, prope Linternum illud

ve-

seram (quum Arcadiam Sannazarianam Belgice ligato & soluto sermone redderem, qua brevi lucem adspiciet) præsertim, quum ex iisdem fontibus hausta serent, & inter meam Valspianamque de Sannazariana vita commentatiunculam nihil fere esset discriminis.

Idem Vlamingius eadem Epistola vocat priorem nostram SANNAZARIE editionem *nitidam, & perpulcram*: eoque nos honore dignatus est, ut testimonia omnia doctorum virorum & summo poeta a nobis olim collecta, in sua præclara editione iterum legi voluerit.

†† *Sessæ*) Ita Plinius appellare videtur l. 3. c. 16. flumen quod a recentioribus *Sessa*, vel *Sicida* vocari consuevit.

vetus, P. Cornelii Scipionis Africani secessu & sepultura nobilitatum, amicissimi Regis voluntate possidere cœperit, remque paternam æque, ac veterem avorum gloriam, mirum in modum amplificaverit. Sed, ut rerum quæ ex fortuna pendent, varia commutabilisque ratio solet esse, paucis post annis Ladislaus, vigenti admodum ætate, nullis relictis liberis, excessit e vita. quo defuncto, Joanna soror ejus, impotenti animo mulier, & cujus mores plurimum a fratribus abessent, regni administrationem suscepit. Hæc, quum sentiret, se odiosam esse illis qui, vivo fratre, honoribus & gratia in aula floruisent, eos insectari numquam destitit, donec dignitate omni per summam injuriam spoliatus, bonis avitis & patriis funditus everteret. JACOBUS igitur ex beato repente miser, tenuissimum patrimonium JACOBO NICOLAO filio reliquit, quo vix principis civis personam, amplissimæque familiæ nobilitatem tueri posset. Is tamen, casus adversos, ut poterat, sapienter modesteque ferens, uxorem duxit MASELLAM A SANCTO MANGO, civem Salernitanam, vetusto & nobili genere ortam, ex qua JACOBUM, cujus potissimum causa hæc omnis mihi instituta narratio est, ac MARCUM ANTONIUM liberos procreavit. Natus est JACOBUS hic noster Neapoli, anno a CHRISTI adventu cccccxviii. † festo die SANCTI NAZARII, v. Kal. Sextilis: quod ipse clarissimis carminum suorum monumentis non semel testatum esse voluit. Per id tempus Alfonsus Aragonius, Rex Neapolitanus, cognomento Victor,

† Festo die Sancti Nazarii) a quo Martyre generis ipse originem sese traxisse non obscure innuit SAMNAZARIUS, quando hæc canit in Ode de fonte Mergillines, quæ exstat Lib. Epig. 2.

*Namque ab extremo properans Eos,
Hæc die primum mihi vagienti
Phæbus illuxit: pariterque dias
Hansimus auras.
Hæc & insigni peragenda ritu
Sacra solennes venimus ad aras,
Nazarii, unde omnes tituli, meæque
Nomina gentis, &c.
Si mihi primos generis parentes,
Si mihi lucem pariter dedisti,
Hæc age, & fontem tibi dedicatum
Sæpe revise.*

& iterum, eodem Epigr. libro

*in Hymno ad D. Nazarium.
O mihi semper geniale cali
Sidus, o sama datus omne nostra,
Auctor o idem mihi gentis, & spirabilis aura,
Se tibi debet proavorum origo, &
Sanguinis si sunt decora ulla nostri:
Debet & præsens genus, & futurum,
Debet & hæc lux
Sacra, qua magnum mihi prima Solem
Obtulit nascenti &c. &c.*

Petrus Vlamingius.

ctor, qui a Joanna Regina adoptatus fuerat, vir bellica laude maxime præstans, pacisque artibus ornatissimus, mortem obiturus, Ferdinando filio ex nobili concubina suscepto regnum tradidit. Tum & stellæ crinitæ, quas Græci cometas appellant, & prodigia multa in cælo visa; quæ tamquam futurarum signa calamitatum vulgi animos perterrebant. Bellorum deinde motus tota Italia excitati sunt: quibus privatorum bona direpta, liberi homines in servitutem abducti, exercitus sæpe magni occisione occisi. Multa præterea oppida terræmotibus corrûere, florentissimisque urbibus pestilentia vi solitudo & vastitas illata est. SANNAZARIUS igitur pessimis auspiciis vitam exorsus, quum per ætatem nondum ipse sibi prospicere posset, patrem amisit; matrique in tutelam traditus una cum fratre natu minore, fortunæ iniquitatem experiri cœpit. Mater ejus, virilis animi femina, quum se in tantas rei familiaris angustias adductam videret, neque haberet, unde sibi suæque familiæ sumtus liberales suppeditarentur, maxime pro urbis Neapolis opulentia & dignitate, extrema filiorum pueritia in Picentinos concessit, Nuceriaque Paganorum domicilio collocato, ibi parce admodum continenterque vivebat. Eo in oppido JACOBUS, ut erat eximio ingenio, & ad colendam poësim aptissimo, librum illum suum vernaculo sermone fertur inchoasse, quem pastorum lusibus amoribusque refertum, ARCADIAM inscripsit. Antequam vero Neapoli excederet, Juniani Maji, celebris eo tempore ludimagistri, domum frequentaverat, a quo Latinis Græcisque literis diligenter imbutus est. Is porro quanto in honore semper fuerit apud gratum memoremque beneficii discipulum, SANNAZARII carmina passim declarant, in quibus Majus doctissimis hominibus annumeratur, & ob singularem prudentiam, rerumque usum, miris laudibus in cælum tollitur. Dolebat sane optimo præceptori, summam vim ingenii, qualem scilicet in puero perspexerat, situ veluti quodam ac pædore obsolescere, neque in principum virorum conspectu, pulcherrimæque urbis luce positam esse; iccirco MASELLÆ † auctor fuit, ne tam egregiæ indolis filium in abdito diutius manere pateretur; sed potius, copiosis omni-

† auctor fuit, ne..... pateretur) Hæc loquendi ratio minus Latina sit oportet, si Paulo Manutio auscultare velimus, qui Comment. in Epist. 1. lib. 1.

mnibus quæ illi reliquæ essent, contractis, JACOBUM Neapoli ingenue liberaliterque educandum curaret. Brevi enim fore aiebat, ut sumtus in ea re facti, amplioribus longe commodis, quæ plerumque studiosorum adolescentium industriam consequi solent, abunde compensarentur. Paruit fideli consilio materfamilias, & primo quoque tempore cum liberis Neapolim venit. Florebat ea tempestate in celeberrima urbe Joannes Pontanus, vir disciplinis omnibus, & præcipue illis quibus juvenum animi ad humanitatem informantur, præter ceteros excultus atque expolitus. Ad hujus domum, tamquam ad certissimum Musarum & Sapientiæ templum, flos nobilitatis & juventutis Neapolitanæ undique confluebat: & cuicumque adolescenti bona de ingenio suo spes esset, is neminem alium, nisi Pontanum, studiorum suorum hortatorem quarebat. Quapropter non defuerunt, qui Pontani Academiam (sic enim ipse lectissimorum ingeniorum concilium illud cætumque appellabat) equi Trojani simillimam fuisse dicerent; ex qua scilicet non quidem belli duces, urbiumque expugnatores, at egregii poetæ, summique oratores plurimi in apertum prodierint. Consuetudo autem erat, ut quicumque bonarum artium cupiditate inflammatus ad maximum virum se applicuisset, novum sibi nomen imponeret, ex antiquitate depromptum. putabant etenim, ejusmodi nomina & plus dignitatis in se continere, & blandius quodammodo jucundiusque in aures influere posse. Quo tamen facto nonnulli censoriæ gravitatis ho-

c mi-

1. lib. 1. M. Tullii Ciceronis, pag. 6. ita scriptum reliquit: *Addo illud, auctorem dici, non qui hortatur ne quid fiat, sed qui hortatur ut fiat. Itaque auctor, & dissuasor Cicero opponit: ceteraque ejusdem, atque etiam aliorum exempla ad affirmationem semper, numquam ad negationem spectant.* Quæ tamen regula maxime luculento Bruti ad Ciceronem exemplo falsa esseprehenditur, qui Epist. 15. lib. Epist. Ciceronis ad Brutum, hoc pacto scribit: *Nam illi (Antistio) ita sentienti de republica magnopere AUCTOR sui ne differret tempus petitionis sue.* Ipsique M. Tullio Epist. 27. l. 11. ad Famil. Matius dicitur non suscipiendi belli civilis gravissimus AUCTOR.

† novum sibi nomen imponeret) Etiam Ludovicum Ariostum hic mos nominis mutandi adversarium habuit in sexta Satyram ad Petrum Bembum: *Il nome che d' Apostolo ti denno, In Jano, e in Jovian van racconciando: O d' alcun minor Sauto, i padri ... Quasi ch' il nome il buon giudicio inganni: E che quel meglio t' abbia a far poeta In Cosmico, in Pomponio vai mutando: Che non farà lo studio di molti auni. Altri Pietro in Piero, altri Giovanni Petrus Vlamingius.*

mines vehementer offensi sunt; quibus nimirum Christiana lædi pietas, & majorum instituta convelli videbantur, si, nominibus quæ sanctissimorum virorum olim fuissent, penitus abjectis, in eorum locum alia supponerentur, quæ profanarum gentium memoriam renovarent. Sed pleræque res in hominum vita, quæ neque summam honestatem, neque rursus insignem turpitudinem adjunctam habent, perinde sunt ut accipiuntur; nec quidquam adhuc in eo genere vel a sapientissimis excogitari potuit ita elegans atque perfectum, ut nullos omnino reprehensores invenerit. Pontanus igitur, quo reliquos exemplo excitaret, Jovianus appellari voluit: SANNAZARIUM vero jam pridem in familiaritatem receptum, ACTIUM SYNCERUM ex eo nominavit, quod ille princeps ex Latinis bucolico poemate piscatores de amoribus suis in *acta* colloquentes induxisset, & quod sine fūco & fallaciis vitam ageret, nec aliud clausum in pectore, aliud in lingua promptum haberet; amaretque puram & simplicem dicendi formam, in qua scilicet ipsius ingenium & mores apertissime elucebant. Quæ vero argumenta impulerint Paullum Jovium, ut monumentis traderet literarum, a SANNAZARIO avitum gentilitiumque nomen repudiatum fuisse, equidem ignorare me fateor. Nam tamen JACOBUS, ubi conventus amicorum iisdem studiis gaudentium, aut festiva aliqua scriptio hilaritatem & jocos postulare videbatur, illo altero nomine sæpius uteretur, non tamen ad eas ineptias umquam descendit, ut proprium clarissimæ familiæ vocabulum aspernaretur. immo vero, id sibi magno ornamēto esse, & apud posteros fore, existimans, optimis verbis commemorare ac celebrare non destitit. Quum igitur ad eximiam ingenii suavitatem eas artes adjunxisset adolescens quæ duos etiam & agrestes homines mollire ac mitigare consueverunt, incidit in amorem formosissimæ puellæ, nobili genere ortæ, quam † Carmosinam Bonifaciam appellabant. SANNAZARII autem, & †† Bonifacii, quod ejusdem vicinitatis essent,

† *Carmosinam Bonifaciam*) Ipse vero SANNAZARIUS, alique ejus temporis poetæ *Harmosynen* vocant.

†† *Bonifacii*) Memorabile, & rarum est quod scribit Ludovicus Dulcius in Epistola ad Joannem Bernardinum Bonifacium, qua ei mittit Ludovici Pæscalis, Julii Camilli, Mollæ, & aliorum Illustrum Poetarum Car-

sent, in idem quoque concilium Portæ Novæ adscripti erant. Hujusmodi concilia Neapolitani *sedes* vocant. quum enim propter urbis magnitudinem cives nobiles domiciliis inter se distantes, vix unum in locum convenire possent, de republica consultaturi, urbs in quinque regiones distributa est, quarum singulis suam veluti curiam esse voluerunt, in qua viri primarii proxima loca incolentes, sententiam dicerent, & suffragia ferrent. Ut autem omnis ejusmodi amor anxius & sollicitus est, variasque animis perturbationes asserre solet, SANNAZARIUS noctes atque dies miserrime afflictabatur; non enim illi puella mutuam voluntatem tribuebat, live id pudicitiae custodiendæ causa faceret, live quod ad formosam pertinere arbitraretur, amatorem sævitia excruciare. In tanta igitur acerbitate postremum illud adolescenti perfugium relinquebatur, plenis querelarum carminibus modo levitatem suam, modo puellæ crudelitatem, modo fortunæ vim atque imperium accusare; quod quidem egregie præstitit magno breviorum poematum numero, hac recentiori Italica lingua scriptorum, quæ maxime omnium Latino epigrammati respondere existimantur. Aliud etiam genus frequentavit, argutis concinnisque sententiis cum superiore fere conveniens, quod vero ad circuitum verborum, numerorum varietatem, figurarumque splendorem attinet, longe copiosius. Hoc veteres Græci *ῥήματα*, Itali multis post sæculis *cantionem* dixerunt. Utroque genere SANNAZARIUS ita excelluit, ut scriptores fere omnes quicumque a Francisci Petrarchæ obitu usque ad sua tempora lyricam Italorum poesim excoluerant, de gloriæ possessione deturbaverit. Non minimum enim desciverant illa ætate ab elegantia scribendi, contentisque antiquiorum exemplis, novam quamdam rationem excogitaverant demulcendi aures imperitorum, quæ, corruptis judiciis, longe lateque diffundebatur. Acute quidem rem inveniebant, (id quod etiam barbari persæpe faciunt) sed inventam expolire nequaquam poterant, in quo vis omnis eloquentiæ sita est. Sententiæ plerumque improbables erant, contortæ, nimis exquisitæ; verba inculta, horrida, ex trivio

Carmina typis excusa Venetiis apud Gabr. Jolium 1551. in 8. *Quid doctissimo fratre tuo DRAGONETO elegantius, cultius, aut expolitius antiquitas habuit? nonne illud SANNAZARII obsolescentis dictum, Palmam sibi a DRAGONETO ereptam videri? &c.*

arrepta; numeri laxi, fluctuantes, dissoluti; tota denique oratio neque nervis colligata, neque articulis distincta, ut rudem inopemque consilii scriptorem facile agnosceres. Magna igitur SANNAZARIO laus debetur, quod & quanto in errore homines versarentur, aut unus, aut certe cum paucis animadverteret, & ad veterem penitusque insitam opinionem ex eorum animis evellendam summo conatu aggressus fuerit. quæ quidem res ipsi ex sententia successit; paullatim enim sanum ac splendidum orationis genus non juventuti solum, sed etiam iis qui turpiter aberraverant, vehementer probari coepit. & quod a SYNCERO tamquam primis lineamentis inchoatum, adumbratumque fuerat, id postea Petrus Bembo incredibili studio, labore, diligentiaque perfecit. Quum hæc SANNAZARIUS meditaretur, matre optima orbatus est; cujus immaturum interitum in ARCADICIS lusu elegantiissime deploravit. Ut autem puellæ propter quam curis vigiliisque angebatur, si posset, memoriam omnem deponeret, in ultimam Galliam profectus est; quam regionem ARCADIÆ nomine ferunt ab eo involutam fuisse. Ibi quum aliquamdiu moratus esset, sentiretque in dies ægritudinem augeri, neque amicæ, patriæque desiderium ferre amplius posset (quæ amantium inconstantia est) magnis itineribus Neapolim rediit. At huic gravi diuturnoque morbo tristiores medicinam fortuna opposuit; SANNAZARIO enim absente, Carmosina, nondum ætate provecta, de vita migraverat. Qui casus quantum amatori luctum attulerit, satis indicant ECLOGÆ Italica, Latinaque lingua conscriptæ, quibus Phyllidis mortem deplet; sic enim ipsi amores suos obducere ac velare placuit. Quum itaque ejus ingenii fama, quæ per omnium fere civium aures pervaserat, in domum Ferdinandi Regis pervenisset, Federicus Regis filius natu minor, juvenis poetarum studiis mirifice deditus, eum ad se cupide accessitum tectis ac sedibus suis recepit, præcipuaque benevolentia prosecutus, in intimis & familiarissimis semper habuit. Præ ceteris autem poeseos generibus, regium adolescentem spectacula illa capiebant quæ veteres mimos quodammodo salibus & jocis exprimerent. quapropter SANNAZARIUS, ut erat ingenio ad excogitandum promptissimo, novis lepidisque fabulis fingendis docendisque, ei quotidie gravior acceptiorque fiebat. Proavorum temporibus adhuc in manibus erat libellus qui-

quidam a SYNCERO exaratus, facetiarum ac festivitatis plenissimus, quem vulgus Neapolitanum, † GLIOMERUM appellabat. in eo scilicet collecta erant rudia & obsoleta verba, argutæ item brevesque sententiæ, quæ olim populari sermone jactabantur. his auctor multa ridicula addiderat de suo, ut qui opus legisset, ab ingenioso doctoque homine profectum, haud temere suspicari possent. Iisdem artibus & officiis paulatim effecit, ut ipsum Isabella de Baltio, quæ cum Federico nupta erat, & Constantia ex Havalorum gente mulier ornatissima, bonarumque artium supra muliebrem imbecillitatem studiosa, plurimum diligerent atque admirarentur. Hæc quum Federico, germano Isabellæ fratri, in matrimonium data esset, quo die Pyrrhi Ducis Altamurani, soceri sui, domum introivit, totum nuptiarum apparatus a SANNAZARIO optima ratione dispositum descriptumque invenit. Ob eandem ingenii præstantiam, Ferdinando Regi, & Alfonso Calabriæ Duci, ad quem regni hæreditas pertinebat, familiaris factus est. Hunc porro imperatoria laude florentem, bello Etrusco secutus, in ejus exercitu militavit. Comitem etiam illi se præbuit ad Hydruntum recipiendum, fugandosque Turcas, qui oppidum illud suis præliis occupaverant. Mox quum Ferdinandus pro Hercule Ferrariensi Duce, socer nimirum pro genero, contra Sixtum Pontificem, ejusque fœderatos arma cepisset, idem Alfonso ad Nomenti, Tiburisque expugnationem SANNAZARIUM secum duxit; tametsi prope Lanuvium prælio superatus, de gloria, quam maximis rebus gestis adeptus fuerat, nonnihil amisisse visus est. Si quid autem poetæ sub ipsis pelibus otii relinquebatur, id totum in scribendis epigrammatis consumebat; ex quibus unum præcipue celebratur, quo Ladislai, Regis fortissimi, & de SYNCERI majoribus optime meriti, facinora complexus est. Ita, quod mirabile omnino videri debet, bellicam laudem cum literarum studii conjunxit; quum plerumque contingat, incitia milites, ignavia literatos homines laborare. Consecuta sunt deinde ejusmodi tempora, quæ florentissimam Aragoniorum familiam in extremum discrimen sæpius adducerent, regnoque tandem spoliata, ex-

filiis,

† *Glomerum*) Latine *glomerum*. Hunc libellum exstare manuscriptum Neapoli vir Illustrissimus & Reverendissimus Justus Fontanus literis suis amicissimis mihi significavit. *Petrus Vlamings*.

filiis, continuisque regum funeribus penitus perderent atque delerent. Carolus enim Ludovici F. Galliae Rex, acerrimo ingenio adolescens, & qui totius Italiae dominatum appeteret, induxerat in animum, regnum Neapolitanum Ferdinando eripere, & ad id facinus maximas copias brevi tempore comparaverat. Sed tanta malorum mole impendente, Ferdinandus, exacta jam ætate, mortem obiit. Alfonso vero, qui in patris locum succederat, quum potentissimi hostis adventum formidaret, neque in populi principumque civium auxilio spem ullam poneret, quibus nimirum propter crudelitatem inivisum se esse intelligebat, pristinae virtutis oblitus, ac fortunæ cuncta permittens, in Siciliam confugit, ibique haud multo post e vita excessit. Ferdinandus itaque ejus filius, cujus mores paternis moderatiores erant, regni administratione suscepta, quantum potuit, Gallorum conatibus restitit; quibus quum par esse non potuisset, avitumque imperium amississet, nequaquam tamen animo fractus, rei feliciter gerendæ occasionem captabat. Accidit autem peropportune, ut Carolus in Galliam reverteretur; a cujus discessu strenuus adolescens incredibili virtute, celeritate, prudentia, hostes prælio fudit, remque amisam recuperavit. Sed perturbatum regni statum componere molienti acerba mors intervenit. Ad Federicum igitur, ejus patrum, omnis potestas translata est. Existimabant homines, nec injuria, SANNAZARIUM, qui in Regis clientela semper fuisset, neque in tantis calamitatibus ad florentem hostium fortunam umquam ab eo descivisset, summum locum & dignitatis & gratiæ apud ipsum obtenturum. sed eventus omnium opinionem fefellit. Etenim Federicus Robertum quidem Bonifacium, Balthasarem Pappacodam, & Antonium Grisonem, viros nobilitate insignes, quibus familiariter utebatur, donis oppidorum ac vectigalium locupletavit, SANNAZARIO autem pensionem tantummodo largitus est, qua illi sexdecim millia H-S quotannis ex ærario solverentur, rus item suburbanum, in Panislypi montis latere situm, cui Mergilline nomen est, ob amœnitatem magis, pulcherrimumque Tyrrheni maris prospectum, quam ob fructuum ubertatem, a superioribus regibus in pretio habitum. Ægre admodum tulit JACOBUS, officiorum suorum, diuturnique servitii tam exiguum sibi mercedem tributam, seque illis posthabitu quos ipse fide benevolen-

lentiaque adversus dominum (ut quidem arbitrabatur) aut su-
perasset, aut certe adæquasset. nec sibi temperare potuit, quo-
minus arguto epigrammate muneris tenuitatem Regi expro-
braret, agricolam ab eo se factum, non obscure conquestus.
At postea loci deliciis captus, Mergillinem suam laudibus in
cælum extulit, Regemque ipsum liberalitatis nomine celebra-
vit. Otiosam tamen & quietam ætatem sine periculis & labo-
ribus ei diutius agere non licuit; etenim quadriennio post, Lu-
dovicus, qui e Duce Aurelianensi Rex Galliarum in locum Caroli
creatus fuerat, & Ferdinandus Hispaniarum Rex, Alexandro
Pontifice Maximo suadente, contra Federicum conjurationem
fecere, ut eum communibus copiis regno pellerent. Oppressus
itaque hostium viribus Federicus, ac regni possessione spoliatus,
in Galliam ad Ludovicum abire maluit, quam apud Ferdinan-
dum exulare. hunc enim, ob consanguinitatis jura nefarie
violata, vehementer oderat. Eo casu præclarissimum fidei,
constantiarumque exemplum a SANNAZARRO proditum est. Nam
quum pauci omnino Regem in exilium secuti essent, & ex
his quoque nonnulli, eo relicto, domum rediissent, ipse ab e-
jus latere numquam discessit, cumque eo tamdiu fuit, dum il-
le curis ac mœre confectus, mortem oppeteret. Quodque
incredibile multis videri possit, antequam iter ingrederetur,
quum oppidula duo, & portorium, quod sexto ab urbe lapide
collocatum incolæ Gaudellum appellabant, vendidisset, qua-
dringenta viginti sestertia ex venditione collecta, libentissime
Regi obtulit, vix exigua tantæ pecuniæ parte ad vitæ neces-
sitates sibi reservata. Neque vero extincti memoriam colere
umquam desinit, sed & in ejus funere † ingentem lacrima-
rum vim profudit, & qui in eo perdendo operam suam omnem
studiumque posuerant, in hostium numero habuit, apertissi-
moque odio semper persecutus est. Verisimile autem videtur,
Elegiam illam tertii libri, quam ipse tamquam ad Federicum
missam in vulgus edidit, post Regis mortem conscriptam fuisse;
in ea enim de ejus exilio ac sepultura mentio fit. sed for-
tassis poeta ideo simulatione usus est, ut scilicet Cajetæ vatici-
nium majorem iis qui legissent, admirationem moveret. Jam
omnibus pietatis officiis diligentissime persolutis, quum patriæ
desiderio teneretur, Neapolim rediit, anno post CHRISTUM
ortum

† Vide Elegiam 2. l. 3. a v. 79.

ortum c15 lxxv. Non est autem silentio prætereundum, vetustissimos codices, multisque antea sæculis invisos, a SYNCERO e Gallia in Italiam fuisse allatos; particulam videlicet Ovidiani poematis de piscibus, Gratii Falisci, & Olympii Nemesiani carmina de venatione, Rutilii Numatiani Itinerarium; necnon Valerii Martialis, Aufonii, & Solini scripta, iis quæ vulgo circumferri solerent, emendatiora. Neapoli porro (ut erat insigni morum elegantia, quam ex principum virorum familiaritatibus hauserat) Joannam Reginam præcipue coluit atque observavit. Quum autem regia in domo assidue versaretur, Cæsandræ Marchiæ, ingenio ac forma præcellentis puellæ, e comitatu nobilium mulierum quæ circum Reginam erant, amore captus est. Hæc sibi Joannæ voluntatem pudoris ac modestiæ significatione præ ceteris conciliaverat. Non tamen, ut sæpius fit, sædis perturbationibus agitabatur SANNAZARIUS, ætatem illam jam prætergressus quæ maxime libidinum imperio subiecta est, at veterum Platoniorum more, occultam animi pulchritudinem ex corporis dignitate conjiciens, in ejus potissimum contemplatione mentis oculos defigebat. Igitur omni dictorum factorumque turpitudine procul amota, ea tantummodo puellæ præstabat officia quæ virtuti nihil officere posse viderentur. Nec rivales moleste tulit. quum enim Alfonso Castriota, vir primaria nobilitate, eodem tempore Cæsandram amaret, & ut firmius puellæ animum sibi adjungeret, pollicitus ei esset, se illam uxorem ducturum, ipsumque postea promissi pœnituisset; omnes nervos contendit SANNAZARIUS, ut LEO X. Pontifex Maximus, matrimonium ratum haberet, neque Alfonso juramento solveret; ususque in eo est auctoritate Petri Bembi, qui tum Pontifici ab epistolis erat. sed quum ob nimiam adversariorum potentiam, optata impetrare non potuisset, iniquiore in LEONEM animo postea fuit. Quemadmodum vero iis iratum se præbuit quorum consilia & mores plurimum a suis distare cognovisset, ita multorum amicitias floruit qui eodem studio literarum, veritatis, & constantiæ tenebantur. Caros ideo in primis habuit e Neapolitanis civibus, Franciscum Pudericum, acerrimo judicio virum, qui quamquam oculis captus, quid pulchrum, quid rectum esset in scriptis poetarum oratorumque, egregie dijudicare poterat; Lucium Crasum, antiquitatis studiosissimum; Petrum Com-

Compatrem, Hieronymum Carbonem, Thomam Fuscum, Rutilium Zenonem, Joannem Franciscum, & Marinum Caracciolos, Joannem Sangrium, Antonium Garlonium Allifarum Ducem, Trajanum Cabanilium Trojæ ac Montellæ Dominum, Chariteum, Andream Matthæum, & Belisarium Aquivivos, alterum Hadriæ, alterum Neritinorum Ducem; qui omnes elegantioribus Musis mirifice **dediti erant: Petrum** item Summontium, qui res Neapolitanorum literis mandavit, Alexandrum ab Alexandro, Jurisconsultum, hominem liberalibus doctrinis politissimum, Hieronymum Scripandum Cardinalem, Ferdinandum Havalum, Piscariæ Ducem, imperatoremque fortissimum; a quibus contra impense diligebatur, maximique fiebat. Summa etiam illi necessitudo fuit cum Joanne Pardo Hispano, Philosopho præstantissimo, & cum Antonio Galateo Appulo, qui medicinæ operam dabat. Coluit præterea omnibus officiis Joannem Pierium Valerianum Bellunensem, Julium **Senensem**, Michaellem Marullum Byzantinum, Bartholomæum Scalam Florentinum, Gabrielem Altilium in Lucania natum, Petrum Gravinam Siculum, Elysium Calentium Appulum, Aegidium Viterbiensem, Cardinalem, Ludovicum denique Montaltum Syracusanum, viros ingenii laude, vitæ innocentia, morumque suavitate spectatissimos. Ex Venetis, Petro Bembo, qui tum in literis regnabat, & Marco Antonio Michaelio, plurimum tribuit. Aldi quoque Manutii, hominis de politiori antiquitate præclare meriti, **industriam** atque eruditionem valde suspexit, cui & **ARCADIAM** suam tradidit, typis divulgandam. Dilexit & complures alios; quos singulos enumerare nimis longum, atque adeo injucundum foret. Quos autem semel in amicitiam recepit, iis usque ad extremum spiritum inviolatam fidem servavit; neque umquam commisit, ut aut beneficiorum oblitus, aut in difficultatibus periculisque amicorum lentus ac negligens videri posset. Hanc sane fidelitatis constantiæque laudem, tamquam ipsius propriam & singularem, omnes, ne inimicis quidem exceptis, **ACTIO SINCERO** tribui debere, una voce prædicabant. Erga Jovianum Pontanum, quo studiorum suorum impulsore in juventute usus erat, ita **semper** animatus fuit, ut erga semetipsum; & quamquam illum carminis dignitate, Latiniq; sermonis elegantia procul dubio **superavisset**, nihilominus, quoties occasio

d
obla-

oblata esset, de illius ingenio, eruditione, sapientia, cum familiaribus honestissime loquebatur. Hujus etiam scripta e domestica bibliotheca tenebris primus in lucem evocavit; adhibitis ad eam rem Francisco Ælio, Petroque Summontio, viris eruditissimis, multorum profecto dissimilis, qui postquam sine cortice natare didicerunt, ut in veteri proverbio est, ac nonnullam dicendi facultatem adepti sibi videntur, eos quorum opera profecerunt, non solum præ se contemnere, sed etiam vehementius insectari solent. Ea præterea SANNAZARII probitas fuit, ut quadam epistola ad M. Antonium Michaelium data, se pluribus quidem saluti fuisse, nemini vero umquam nocuisse, gloriari potuerit. quæ laus una ceteris omnibus merito anteponenda est. A litibus summopere abhorruit; videbat enim, nihil magis animi tranquillitati, studiisque rectoribus adversari, quam strepitum fori, vulgariumque hominum concertationes. Justitia quantum ab ipso culta sit, non uno argumento cognosci potest. Quo primum tempore Gallica natio Neapolitanum regnum invaserat, nulla æqua judicia fiebant; qui provincii præerant, maleficio & scelere pascebantur; nobilium bona publicabantur; cuncta denique ex victorum libidine, non ex legis ratione gerebantur. SANNAZARIUS tanta rei atrocitate commotus, egit sedulo cum Petro de Roccaforti, cujus fidei negotia regni Gallia commissa erant, ut ejus apud Regem auctoritate modus injuriis aliquando statueretur; ad quem etiam Elegiam misit, in qua scilicet Astræam cum ipso conquerentem inducit. Cæsarem Borgiam, Ducem Valentinum, Tyrannorum crudelissimum, quem præceps atque effrenata regnandi cupiditas ad pessima quæque suscipienda facinora quotidie impellebat, probrosis carminibus maledictisque vexavit; & de ejus tandem pernicie lætitiā apertissime tulit. Nebulones, parasitos, comessatores, & qui ad cædem faciendam pretio conducti latrocinia in urbibus exercent, ac noctu diuque cum relo ambulant, maxime oderat. Nec eorum mores probare poterat qui quamquam ingeniosi, doctrinaque exculsi, reliquos tamen omnes infra se ducerent. quamobrem & Politiano infensior fuit, eumque binis epigrammatis laceravit, quod nimirum, vir alioqui doctissimus, se insolenter efferret, (ut SYNCERO quidem videbatur) &, quemadmodum olim Quintus ille Palæmon, secum natas, secumque morituras

ras

ras literas arbitretur. ac diffiteri nolim, inimicitias quas cum Michaelē Marullo, & Bartholomæo Scala, Marulli socero, Politianus gerebat, præcipuam SANNAZARIO odii causam fuisse. Pietate ac religione in superos nemini concessit. Quum enim Ægidium Viterbiensem, Augustinianæ familiæ monachum, improbos homines acerrima concione objurgantem audisset, ac nescio quo Virgilii versiculo, quo ille opportune ad faciendam fidem usus erat, mirabiliter se affici sensisset; gravem illum virum diligere, omnique officiorum genere profequi cœpit: ac deinde rerum divinarum amore inflammatus, egregium illud DE PARTU VIRGINIS poema inchoavit, quod omnium sæculorum posteritas admirabitur. Ne autem aliquid prætermitteret quod ad cultum sanctissimæ DEI OPTIMI MAXIMI Genitricis pertineret, in scopulis Mergillinæ templum ædificavit, ejus divini partus memoriæ sacrum; cui templo monachorum Collegium adjunxit, qui se MARIÆ Servos appellant; iisque prædia reliquit, ex quibus octo millia HS in singulos annos perciperent, ad festos dies anniversarios agendos, & ut Federici Regis, ACTII SYNCERI, ejusque parentum peccata, DEUM quotidie precando, expiarent. DIVO quoque NAZARIO sacellum extruendum curavit. Præ ceteris vero cælestibus, Augustinum maximum illum Theologum, Gaudiosum, Jacobum Picenum, atque Antonium Lulitanum, cujus sepulcrum Patavii positum toto orbe terrarum celebratur, a SANNAZARIO in honore habitos fuisse, quum ex ipsius poematis apparet, tum ex aliorum testimoniis constat. Non tamen pietate impediabatur, quominus in studiis humanitatis ac literarum versaretur; sed amicis, qui ad eum ventitabant, semper novum aliquod epigramma, salis atque urbanitatis plenum, aut elegiam recitare solitus erat, quæ nitore atque elegantia cum antiquorum scriptis certare posset. In hoc genere Propertium sibi ad imitandum proposuit, candidum sane poetam, Græcorumque ornamenti abundantem; cujus transmarinos lepores nativa quadam Tibulli, & Ovidii suavitate passim temperavit. Quum vero ad heroicum poema aggressus fuisset, nusquam a Virgilii magnitudine deiciebat oculos, quem adeo admirabatur, ut ejus natalem diem quotannis solenni convivio cum familiaribus celebraret. Numerorum scientiam, ei qui in scribendo carmine

excellere velit, maxime necessariam, at multis antea sæculis ignoratam, unus perfectè calluit, ac reliquis exemplo monstravit. de qua ipsum disputantem, quamvis eo tempore admodum adolescentem, Pontanus inducit in eo dialogo cui **ACTIO** nomen est. Qua potissimum re, tanta **SANNAZARIO** deberi gloria mihi videtur, quantam consecutus est Bembo, quod homines ad **M. Tullii** scripta diligentius evolvenda primus excitaverit. In opus **DE PARTU VIRGINIS** perpoliendum infinitos pæne labores infumisit, illudque perpetuis annis viginti accuratissime castigavit; lucubrationum suarum tristis ac morosus omnino censor. Et quamquàm subtili iudicio præditus esset, quo & a pravis recta, & a mediocribus optima discernere posset, ipse tamen sibi diffusus, ad **Franciscum Pudericum**, doctissimum senem, assidue veniebat, cumque illo de verbis a se nuperrime factis communicabat. Quem ferunt auribus adeo fastidiosus fuisse, ut a **SYNCERO** decem interdum versus in eandem sententiam recitarentur, antequam illi place satisfieret. Ob hanc nimiam in scribendo diligentiam, statarium poetam nonnulli **SANNAZARIUM** nominavere, qui videlicet manum de tabula tollere nesciret. Neque ulli, dum vixit, iratior fuit, quam cuidam qui scripta ejus nondum satis emendata furtim abutulerat, eaque **Venetis** edere constituerat. Quum autem **LEO X. Pont. Max.** de tam præclaro poemate audisset (erat enim res in omnium sermone) incredibilem animo voluptatem cepit, non solum quod literatorum hominum conatibus favere solitus erat, sed etiam quod e re Christiana fore existimabat, si pia hujusmodi atque elegantia scripta impiorum quorundam scriptis opponerentur, qui religionem a majoribus traditam, eo potissimum tempore labefactare, ac funditus delere cupiebant. Itaque ad **SYNCERUM** literas dedit, admodum honorifice scriptas, quibus ei singularem in **DEUM** pietatem, vimque ingenii admirabilem gratularetur, cumque ad perfectum jam opus quamprimum edendum hortaretur. Verum, offensione exorta quam supra commemoravimus, **SANNAZARIUS** poema apud se continuit, dum **LEO** e vita migraret. quo mortuo, opus tandem typis descriptum, ab Antonio Seripando **CLEMENTI VII.** ex eadem Mediceorum familia Pontifici, auctoris nomine oblatum est. Pergratum ac per jucundum sibi munus fuisse, & se tam egre-

gii scriptoris de facie cognoscendi cupidissimum esse, CLEMENS humanissimis verbis Seripando significavit; eique, ut justas debitasque SANNAZARIO gratias ageret, imperavit. Quod etiam ipse per literas præstitit, quibus immortalis beneficio se affectum ab illo confessus est; cui pariter æqualiterque respondere, tametsi in amplissimo statu collocatus, nulla unquam ratione posset. Ne autem iis dignitatibus SANNAZARIUS ornaretur quas fortasse pro meritorum suorum magnitudine, speraverat, Columnensium bella, quibus Pontifex distinebatur, & ejusdem in præmiis tribuendis lentitudo quædam, in causa fuere. Ceterum in ELOGIS quoque PISCATORIIS ACTII judicium cognitum est. Testatur enim Julius Scaliger, unam ex iis, quæ nimirum secundo loco posita est, apud se extitisse, in qua multa legerentur quæ postea scriptor diligentissimus immutaverit. Decem ab eo hujusmodi poemata scripta fuerant, si Paulo Manutio fides habenda est: sed quum ex ulteriore Gallia in patriam longo intervallo reversus esset; quinque tantum in seriniis invenit; reliquis aut furto surreptis, aut negligentia suorum amissis. ARCADIAM suam, opus juvenili quodam fervore effusum, ætate provectus minus probavit, eamque multorum efferri laudibus, indigne tulit. Tametsi autem poetarum sui temporis princeps a doctis omnibus haberetur, neque ipse in eo genere mediocritati ullum esse locum existimaret, quos tamen scribendi carminis gloria olim insignes futuros conjecisset, eos magnopere coluit; in quibus Joannem Cottam: cujus etiam mortem epigrammate deflevit. De ceteris ejus moribus hæc feruntur. Magno atque erecto animo fuit, & qui pusillos quosdam obrectatores, tamquam e superiore loco, despiceret. Quapropter Lucium Joannem Scopam, ludimagistrum, qui plurima antiquorum scripta numquam in vulgus edita in bibliotheca sua servari, falso gloriabatur, ineptum fane hominem, atque in ipsum ridicule insultantem, adeo contempsit, ut indignum omnino esse duceret cum quo decertaret; ejusque audaciæ jacula levi, ut ita dicam, lateris flexu semper declinavit. Hanc animi magnitudinem nonnulli pejorem in partem interpretabantur: superbum enim & contumacem esse, ajebant. Nec minore constantia, Consalvi Cordubensis, qui Magnus Dux a rerum gestarum amplitudine appellabatur, amicitiam repudiavit. Ab
hoc

hoc enim, quod Ferdinandum, Federici Regis filium, ex arce Tarentina extractum, contra datam fidem, in Hispaniam ire cogisset, ubi postea miser consenuit, alienum animum habebat. Qui nihilominus gloriæ cupiditate adductus, quum omnia frustra expertus esset, ut egregium poetam sibi conciliaret, id tandem consilii cepit, ut ad visendum Puteolanum agrum, veterum ædificiorum rudibus, ac subterraneis ignibus admirandum, cum sibi potissimum ducem itineris deposceret. SANNAZARIUS itaque tanta fortissimi viri comitate victus, ejus voluntati morem gessit. Quum itaque Consalvus iter ingressus, de recentibus Hispanorum victoriis magnifica oratione locutus fuisset, jamque ad speluncam, in ipso Pausilypo monte excavatam, qua Puteolos itur, appropinquassent, Tempus est, inquit poeta, ut postquam res Hispanæ satis a nobis verbis ornatae sunt, de rebus gestis ac virtute Italorum pauca dicamus. Atque ibi de infinito prope servorum numero quem Romani olim ad eam specum effodiendam adhibuissent, narrare cœpit; multa de veteri historia depromens; eoque tandem, sermonis cursu, devenit, ut diceret, Hispaniam, quæ olim Italorum imperio paruisset, longinqua conversione temporum, victoribus suis jugum imposuisse. Hujusmodi narrationibus delinitus Consalvus, ab eo die SANNAZARIUM majore in pretio habuit, ejusque amicitiam studiosissime coluit. Incredibile est, quantum immortalis VENETORUM REIPUBLICÆ SYNCERUS faverit. Hanc scilicet tamquam unicum antiquæ libertatis exemplum, venerabatur; multaque de ejus magnificentia & splendore honorate & graviter prædicabat. Eum contra VENETI, quasi unum ex suis civibus, diligebant; quumque ille argutum Hexastichum scripsisset, quo illorum Urbem Romæ anteferendam esse affirmaverat, tria millia HS pro singulis versibus Poetæ persolvi jusserunt. Ejus quoque effigies apud ipsos in veteri curia conspiciebatur, a Titiano depicta, prope reliquas summorum virorum; quæ omnes coorto incendio, miserabiliter absumptæ sunt. Quum ille in rerum omnium abundantia viveret, neque ei decisset, unde largiorem sumtum facere posset, habitus est ad rem attentior, quam satis esset; duo enim tantummodo mancipia domi alebat, quorum alteri honestiora officia, alteri culinæ curam commiserat. Quum autem Comes Sanseverinus, qui tum loco Regis

Nea-

Neapolim obtinebat, ut nimiam poetæ parsimoniam perstringeret, mirari se dixisset, quomodo ille cibum capere posset quem servus adeo sœdus parasset, hujusmodi a SANNAZARIO responsum tulit: duo in illo mœncipio præ ceteris munda esse, mentem nimirum, ac manus. Fallitur Joannes Baptista Crispus, Callipolitanus, a quo SANNAZARII res gestæ accurate quidem, sed omnino impolite, monumentis literarum traditæ sunt, quum scribit, famulum illum cubicularium, Hiempsalem, coquum vero, Sannazarium, herili nomine, vocatum fuisse. res enim contra se habet; siquidem Alexander ab Alexandro in libris Genialium Dierum, narrat, servum illum ex Æthiopia, qui Sannazarius appellaretur, scitissimum adolescentem, & ob morum elegantiam libertate donatum, liberalibusque disciplinis a domino eruditum, Propertii elegias suavissima voce ad tibiam cantare potuisse; quæ omnia quantum a coqui moribus distent, facile quivis perspicere potest. Jocis ac facetiis mirum in modum delectabatur, quæ rerum graviorum tristitiam ac severitatem mitigarent. Nos ejus aliquot festiva & acuta dicta commemorabimus. Quum aliquando in conventu medicorum, eo præsentem, quæsitum esset, quid præcipue oculorum sensum acueri posset, aliudque ab aliis magis idoneum judicaretur, ipse *invidiam* aptissimum collyrium esse dixit; nonnullosque Ovidii versus protulit, quorum hujusmodi sententia est: alienam segetem semper videri fertiliorem, ac vicinorum gregibus ubera esse majora. Nullum inveniri morbum, ajebat, quo plures homines perirent, quam febri tabifica, igniculo spei excitata. Eos qui ob generis claritatem magnos sibi spiritus sumerent, histrionibus comparabat regali trabea indutis. Librum quemdam Poggii Florentini, scriptoris alioqui non contemnendi, Judæi domum appellabat, quod alienis pignoribus refertus esset. Interrogatus a quodam, cur tam raro nobilium cœtibus interesset qui de republica consultabant, ideo, respondit, quod suffragia numerari, non appendi solerent. Dicebat præterea, cogitationes & consilia magnarum rerum quæ difficillime effici possent, eorum militum esse simillima qui missionem acceperant: iis enim sæpenumero, quamvis usui esse desierint, stipendium tamen ex ærario numeratur. Antiquis familiæ insignibus, quæ discoloribus ludi latrunculorum tessellis continebantur.

nebantur, † proprium signum addiderat, urnam videlicet, in quam candidos nigrosque scrupos veteres immittebant, ad felices infelicesque dies notandos. Ex hac SANNAZARIUS magnum nigrorum lapillorum numerum, uno tantum candido immisso, pellucere voluerat, hoc urnæ inscripto versiculo:

AEQVABIT. NIGRAS. VNA. SED. ALBA. NOTAS

quumque a Bembo admoneretur, antiquorum urnam haudquaquam pellucidam, sed fictilem fuisse, lepide respondit: suam e crassiori vitro constare. Statura fuit procera, & ad dignitatem apposita, membris solidioribus, facie subtristi, quæ studiosum hominem indicaret. Valetudine autem usus est minus prospera, perpetuoque stomachi languore laboravit. Ex nimis etiam angoribus, assiduaque meditatione, canitiem prænaturam contraxit. Paulo post direptam Romam a Borbonii militibus, Neapolim atrox pestilentia invaserat; qui ferocius in dies grassante, SANNAZARIUS, exacta fere ætate, ad vicum illum confugit qui olim ad radices Vesuvii situs erat, antequam subitis ignium cinerisque eruptionibus penitus obrueretur. Eo jampridem secesserat Cassandra Marchesia, atque ibi cælibem vitam agebat. Hujus domum, quamvis a suis ædibus mille passus distantem, poeta quotidie, mulierem salutatum, veniebat; ut tantam amoris in sene constantiam omnes vehementer admirarentur. Haud multo interjecto tempore, quum Franciscus Galliæ Rex cum Carolo Cæsare de Neapolitano regno dimicaret, SANNAZARIUS tristem omnino nuntium accepit: jussu nimirum Philiberti Auranii, Cæsariani exercitus Ducis, villam suam Mergillinæ, cæsa prius Gallorum cohorte, quæ illic ad excubandum confederat, a militibus fuisse dirutam, ne rursus ab hostibus occuparetur. Ea res acerbissimum poetæ dolorem inussit, maxime quod monachos de quibus antea diximus, honesto illo domicilio excipere cogi-

† proprium signum addiderat) Ut quidem Paullus Jovius memoriæ prodidit. Legendus tamen dialogus Scipionis Ammirati Italice scriptus, cui *ROTA*, sive *delle Imprese*, nomen est; ubi scriptor elegans narrat, signum illud, eumque versiculum a SANNAZARIO non suimet gratia excogitatum, sed ut Marchioni Vici morem gereret, qui postea conqueri solitus erat, id sibi per injuriam eripi a Jovio quod ab amici liberalitate olim accepisset.

cogitaverat. Scribit Jovius, ob hujusmodi factum, ACTIUM SYNCERUM tanta in Philibertum iracundia exarsisse, ut quum tandem eum in pugna occisum, audisset, ipse graviter ægrotans, mortique jam proximus, libenter se de vita migrare testatus fuerit, postquam barbarus ille imperator violatis Musis, quibus villa sacra erat, interitu suo pœnas dedisset. Mortuus est SANNAZARIUS Neapoli, omnibus quæ ad religionem pertinerent, rite sancteque persolutis, anno ab humano genere servato cDcxxx. annum agens lxxii., in domo Cæsandræ; si fides Rainerio Gualando, viro nobili, habenda est, qui se morientis lectulo adstitisse, ejusque cadaver in avitam Sannazariorum domum transferendum curasse, affirmare solitus erat. Non enim audiendus Trajanus Boccalinus, qui poetam, ex animi acerbitate morbo contracto, in summa rerum omnium inopia, Romæ obiisse, scriptum reliquit. Antequam vero ad sepulturam efferretur, quidam, poetarum, doctorumque hominum studiosissimus, formam capitis ejus effingi mandavit, quæ ipsius monumento marmoreo, opera Joannis Angeli Florentini, excellentissimi artificis, affabre sculpto, demum imposita est. Eidem tumulo Petrus Bem-
bus hujusmodi carmen inscripsit:

DA. SACRO. CINERI. FLORES. HIC. ILLE. MARONI
SYNCERVS. MVSA. PROXIMVS. VT. TVMVLO

In bibliotheca quoque Hieronymi Seripandi, Cardinalis, a quo maxime colebatur, vera SANNAZARII effigies, in tabula picta, olim exstabat. Sepultus est in templo quod ipse Beatissimæ Virgini, DEI Genitrici, vivens dicaverat; funus procurante Cæsandra. Nullos omnino reliquit liberos. Unicum vero filium, quo se orbatum, in epigrammatis † queri videtur, ex qua muliere suscepit, incertum est; quum ceteroqui, uxorem ab eo numquam esse ductam, satis constet. Gens etiam Sannazariorum, quæ Neapoli floruit, mortua nepte Marci Antonii, fratris ACTII SYNCERI, quam Camillus

† *queri videtur*) Epigr. 43. l. 2. quod incipit: *Cur ben Laritiam falso dixere parentes*, &c. id tamen carmen alieno ludui leniendo fortasse scripserit; qui mos poetarum est.

lus Morumilius, Patricius Neapolitanus, in matrimonio habuerat, tota deleta est. Ita mortalium res omnes definitis temporibus conclusæ circumscriptæque sunt, quibus & incipiant, & sensim augeantur, & demum intereant: ea tantum quæ virtute atque ingenio paratur, gloria, numquam fenescit, unoque orbis terrarum excidio videtur posse aboleri. Maximo in pretio habita sunt ad hanc usque diem SANNAZARII scripta, non a vulgo solum; cujus iudicium leve, fallax, varium, instabile; sed etiam a doctissimis viris, & ab iis qui alienam indutriam parce admodum laudare solent, ne suæ quodammodo detrahère videantur. In primis vero *ECLOGÆ PISCATORIÆ* omnium admirationem promeritæ sunt. Elegantia certe poematum SANNAZARII plerosque a scribendo Latino carmine deterruit: Bembusque ipse, quamquam id optime facere potuisset, libris ejus perlectis, ad Etruscam poematum colendam totum se contulit. Quicumque postea heroicum poema attingere voluerunt (si Fracastorium, & Vidam excipias, homines doctrina atque ingenio singulari) longe infra SYNCERUM subistere. Ægre ferebat Seripandus, Cardinalis, opus *DE PARTU VIRGINIS* tanta cura elaboratum, non a pueris in scholis edisci, quum *Æneidi* Virgilianæ, orationis majestate prope par esset, argumenti autem dignitate etiam antecelleret. Non me fugit, Desiderium Erasmus Roterodamum, cui subinvisa erat Italorum gloria, nodum in scirpo quævisisse, ac SANNAZARIUM reprehendisse, quod rem sacram fabulis antiquorum inculcandis commaculaverit; sed quum Franciscus Floridus Sabinus in libris *Succisivarum Lectionum* pro egregio poetâ causam dixerit, qui amborum argumenta perpenderent, utri potius assentiendum sit, ii facile dijudicabunt.

†FRANCISCUS ÆLIUS MARCHESIUS

(qui Sannazarii temporibus vixit, Librumque de
Neapolitanis Familiis scripsit)

DE GENTE

SANNAZARIANA, ET

ACTIO SYNCERO.

Sannazarios genere nobilissimos, nemo Italicarum rerum medio-
criter gnarus est qui nesciat. ACTIUS SYNCERUS noster, ut
scis, homo & summæ modestiæ, & sinceritatis, Caroli III. literas
mibi ostendit, quibus Nicolaum & Benedictum Sannazarios ad
ejus stipendia invitat. Erat eo tempore Carolus ab Urbano VI.
Pontifice ad regnum capeffendum hortatus, & fratres Sannazarii
Papia oriundi, a Vicecomitibus Dominis, quorum ditionis erant,
merebant stipendia; ceterum viri generosi Regis magnanimi precibus
tergiversari non potuerunt. Itaque anno salutis 1381. in Caroli III.
castra venerunt, alter cum equitum turmis quatuor, alter cum dua-
bus. Rex non tam numero, quam qualitate militum ac præfectorum
letus, illos stipendiis satis liberalibus amplissimisque promissis profe-
cutus est. Victo demum Othone Brunsvicchio, captoque cum Jo-
anna regina universo regno Neapolitano, Sannazariis fratribus,
Montis Dragonis Rocham, ac feuda quàmplurima in Sueffano
ac Sidicino agro, item Serram ac Sanctum Laurentium, Felictum,
& Castrum Novum ob virtutes dono dedit, eosque carissimos ha-
buit. Mortuo deinde Carolo III. eandem Ladislao ejus filio fidem
præstitere; & si Rex ille diutius vixisset, magna in Jacobum,
Nicolai filium, beneficia collaturus videbatur. Successit Ladislao
Joanna Secunda, quæ primum amoribus Pandolpbelli Alope,
mox Seriani Caraccioli addicta, & quasi mente capta omnes a
Carolo patre & Ladislao fratre erectos prosternere studuit; ita
ut Aurilios, Sannazarios, Moriminos, viros bellicosos, & Sportiæ
amicos, quia Seriani magnitudinem ferre non poterant, ipsos Se-

c 2

rianno

† Ex Scipionis Mazellæ regni Neapolitani descriptione sumsit Petrus
Vlamingius.

rianno exautorandos persequendosque tradiderit, qui (ut erat prudentia & in tractandis rebus solertia singulari) variis de causis modo hos, modo illos, infra quinquennium bonis, auctoritate, & dignitatibus spoliavit; nactusque occasionem suspicionis, quia Jacobus Sannazarius Annichino Morimino rebus novis studenti, opem & consilium præstitisse dicebatur, reum a fisci patrone ad causam dicendam citari procuravit. Jacobus magis cedere tempori, quam se inimici tradere potestati decrevit; sperabat enim reginam, tot probris coopertam, diutius non regnaturam. Verum opinio eum fefellit; mortua enim Joanna, ejus bona ad Sansseverinos procures, & ad Joannem Antonium Marzanum Sueffæ Ducem, viros potentissimos, translata, ab iis avelli amplius non potuere. Superfuit e Jacobo Nicolaus filius, SYNCERI nostri pater, qui cum bonis quæ Burgenfatica Neapoli & proximis in locis recuperaverat, ducta uxore honesto loco nata, se & M. Antonium, & SYNCERUM filios aluit, qui hodie inter aulicos Federici Regis ea gratia pollet, ut nulli dubium sit eum inter magnates relatum iri a Rege benevolentissimo, nisi fortuna, parum officiosis ac magnis viris amica, aut illi vitam, aut Regi potestatem benefaciendi abstulerit.



S E L E C T A
DOCTORUM VIRORUM
DE ACTIONE SYNCERO
S A N N A Z A R I O,
EJUSQUE SCRIPTIS
TESTIMONIA.

† *Pauli Manutii Praefatio ad Antonium Carlonem Allisarium Principem
in SANNAZARII Poemata. Praefationum XXIII, 1535.*

UT est praeclarum, ornatissime Princeps, in arte poetica excellere: sic ea cognoscere quibus ad illam laudem perveniat, maximum quiddam, ac difficillimum est. fallitur enim, si quis absoluti poetæ partes in eo positas arbitratur, ut, cum metiendi carminis rationem optime perceperit, cum elegantissimarum vocum suppellectilem quasi quamdam sibi compararit, addo etiam, cum materiem animo comprehensam ordine quodam atque artificio distinxerit, hisce rebus tamquam egregie munitus ad scribendum se conferat. Graviora sunt quæ requiruntur, & ex abditis plurimarum artium, ac doctrinarum fontibus haurienda. Nam cum ejus consilium qui hoc in genere elaborat, vel in primis id spectare debeat, ut voluptati versusum utilitate sententiarum admiscenda, nihilo minus lectorem moneat, quam oblectet; monita vero illa plerumque necessaria sint, ut in vitiis summam turpitudinem inesse, in virtutibus summam gloriam, ostendatur: quo modo hoc sine philosophiæ cognitione prudenter ac perite poterit efficere? Jam, si res exigit, ut aut de cæli stellarumque ratione, aut de regionum terrestrium ac maritimarum situ dicendum sit: certe hos locos non potuerit, nisi qui astrologiam, & geographiam attigerit, conumode tractare. Itaque, si quis hujus facultatis studium eo complexus animo est, ut aliquando quæ literis mandare studuerit, ea se speret, veluti pictorem egregium, omnibus artis coloribus illustraturum: is omnium fere disciplinarum scientiam quæ ad bene beateque vivendum pertinent, ne prorsus ignoret, necesse est. Quod si ad assequendum poetæ nomen ubertatem illam ingenii a natura datam satis esse putat; atque hac una instructus, facile audent canoros illos quidem, rerum tamen inanes versus vel domi pangere, vel in triviis ad populi aures effundere; statim ab intelligentibus explodetur, neque solum imprudens, aut parum verecundus, sed etiam plane stultus, ac temerarius habebitur. Quo minus est mirandum si ut hac arte præstarent, quam paucissimis contigit; cum in omni præterea liberalium doctrinarum genere plurimi semper floruerint. Sed egregiorum poetarum multo etiam majorem hac nostra tempestate, quam prisca temporibus, penuriam esse constat: sive quod sæculi felicitas illa fuit; sive, quod equidem magis existimo, quia non iisdem quibus olim præmiis ad vir-

virtutem nunc homines excitantur. Eorum autem quos in hoc genere præstantes cognovimus, sine controversia primum locum obtinuit vir eximius, & omni laude cumulus JACOBUS SANNAZARIUS: cujus ingenii monumenta non vetustas, non oblivio delebit ulla: ut ex tot regum triumphis haud paullo clarior, quam ex unius hominis doctrina, atque ingenio, Parthenope sit futura. Hoc autem, Princeps egregie, tui muneris fere totum est: qui cum ad summam generis nobilitatem etiam optimarum disciplinarum scientiam adjunxeris, tamen hæc per se, nisi accederet studium de posteris bene merendi, quasi minima judicans, quæcumque a doctis viris mandata literis, digna quæ inter manus versentur, exillimas, in apertum ut referantur, maximopere contendis. Quo nomine ipsi profecto SANNAZARII manes tibi non vulgares gratias habent, cum eos libros quos ille moriens tuæ fidei commendaret, pervulgandos diligentissime curas. Qui vero ingenuarum artium studiis dediti sunt, in se tibi tantum debere profitentur, quantum persolvi nullo modo possit. itaque a me, qui eodem in ære sum, petere videntur, universorum causam ut suscipiam, tibi que propter hoc officium, quid omnes de te & sentiant, & loquantur, aliqua ratione significem. Ego, licet ipsa te recte factorum conscientia contentum esse, nihil præterea requirere, exploratum habeam; tamen ut eorum honestissimo desiderio ne desum, do me libenter in eam partem in quam etiam mea sponte propendebam; & ad ostendendum non eorum modo animum, sed etiam observantiam & pietatem in te meam, hæc ipsa SANNAZARII Poemata quæ nostris typis edenda curasti, nomini tuo dicata ad te mitto. Leges hic omnia quæcumque ab eo Latine scripta nunc exstant. primum autem erit divinum illud quod ipse de Partu Virginis inscripsit, opusculum: deinde CHRISTI Lamentatio: mox Eclogæ quinque; quas tamen decem scripserat; sed e Gallia reversus has tantum quas emisimus, & fragmentum illud quod post Salices collocavimus, invenit, reliquis aut furto surreptis, aut per incuriam suorū, quibus eas discedens crediderat, amissis. Sequuntur Elegiarum libri tres, Epigrammatum totidem. quæ omnia tuo inscripta nomini apparebunt; ut ejus benevolentia quam SANNAZARIO & vivo & mortuo præstitisti, hunc saltem fructum percipias. Venetiis. M. D. XXXV.

† *Incertus Auctor Epistola ad Lectorem Collectionis Carminum SANNAZARII, & aliorum Aldina anni 1533.*

JACOBI SANNAZARII doctrinam, eximiasque ejus virtutes & feci semper plurimi, & quæcumque ab illius proficerentur ingenio, digna judicavi, quæ cum ab omnibus assidue legeretur, tum perpetuo non mediocri cum auctoris laude viverent. Sed, ut dicam quod sentio, videtur mihi vir egregius, & in omni poetica facultatis laude eminentissimus, in hoc ipso de Partu Virginis opusculo, non solum voluisse cum antiquitate ipsa contendere, verum etiam se ipsum quodammodo superare. Itaque nos ut tanti viri manibus dignas, ut ita dicam, inferias, dignumque tantis illius meritis honorem exhiberemus, & quantum fieri posset, per nos vita etiam fundus luce ista frueretur: denuo divinum illud opus, quantum licuit, accurate recognitum excudimus: denuoque illud, lector humanissime, sub tuo nomine apparere curavimus.

† *Gabrie-*

T E S T I M O N I A. xxxi

† *Gabriel Altilius, Episcopus Polycastroensis, ac ill. Principis Campani
ab Epistolis, Chariteo amico charissimo S. D.*

LEgisti, ut ego arbitror, * *Βραμουςισθω κακογυγισι*. en, dum laceffere non desinunt, concitarunt lenitatem illam *ΣΥΝΕΚΡΙ* nostri, mansuetissimumque animum, scilicet malefacta ut noscerent sua. Et sane quis non Lampos istos Ismenios, ac novos Lucilios abominetur, oderit, Ito-machetur? qui, tamquam Appuli aranci e cavis venenatos porrigunt aculeos, summisq; barbatulis quibusdam, ipsi quidem latent, atque dissimulant, & tamen ita dissimulant, ut noscitari cupiant; laudemque ex tam petulanti, & inepto maledicendi genere improbius aucupentur ac mendicent. Sed sic est, mi Charitee,

Naturam expellas furca, tamen usque recurrit.

peffima ingenia sese undiquaque suo indicio, quasi mures, ut ille dixit, produnt. Sed capient quam possunt laudem; modo ne ullam capiant; ac potius ridiculi sint. Atqui dixeris, Tantumne Academicæ nostræ vacat, ut de his sermo sit? & ut olim Plato ad Dionysium, an non satis erat, suo ipsos veneno confici, & alienis bonis invidentes intabescere Timones istos? Recte id quidem; sed nostri vulgi mores: sæpe taciturnitatem in conscientiam vertunt. Nunc ad *ΑCΤΙΥΜ* redeo; mitto ad te, quum tantopere efflagites, quæ ille in hos Cyclopas (sic enim illos appellat) ridens nuper responderit; carmen mehercule exactum, simplex, candidum, quodque non minus priscam illam venustatem elegantiamque, quam optimos & integerrimos auctoris mores, nitidissimamque animi sinceritatem præ se ferat. Dii boni, quam recte philosophorum facile princeps Aristoteles! qui sordidos poetas ab ingenuis hoc differre putat, quod illi maledicant semper, hi vero & deorum & heroum laudes canant: atque, ut haud *ΑCΤΙΥΜ* nostrum inter posteriores ponas, vide obsecro, dum contumelias retorquet, quam verecunde agit! jam erubescere ipsum carmen dixeris, & invito domino parere. at quum laudat, quam plenus, quam

† Petrus Viamingius in notis ad *SANNAZARIS* Eleg. XI. lib. I. edit. sum pag. 574. hanc Gabriellæ Altilli Epistolam, paucissimis notam, & oblivione omnino sepultam, his verbis offert: *Quam ex editione Sannazariana qua Vront. apud Bern. Stephonium anno 1531. in 24. prodit, & qua casu mihi perit, Gabriellæ Altilli Epistolam nullus sum, qua de hac ipsa Elegia, ad Charitum scripta fuit, pergratum fore lecturi arbitror, si integra hic legatur.*

Idem Viamingius pag. 626. hoc de Gabriellæ Altilli testimonium adducit, ex Alexandro ab Alexandro Diet. Gen. cap. 1. lib. v. *Ad Gabrielem Altillum, virum modestissimum, doctissimumque, cum quo mihi a prima adolescentia familiaritas fuit, quod ipsum ad Pontificatum evectus fuerat, nos & aliquot bonarum artium studiosi juvenes, summo loco nati, Neapoli congratulatum venimus; ad quem ut venimus, excepti ab eo comiter & benigne sumus. Quamque complexi bonis in primis adibus, post mutuum salutationem, latè precationibus ei gratulamur, etiamque bonorem sibi a diis fortunari, & quod nobis illi in optatis fuerat, id nunc magna voluptati esse, ac bene locatum in bonis morum habere, & omni doctrina conspicui; sperareque illud sibi, & nobis nostræ oronamento resursum prestaremur, &c.*

* Ita leguntur hæc in veteri libro, corruptæ scilicet, ac sine notis accentuum. Videat porro scribendum *κακογυγισι* pro *κακογυγισι*, i. e. maledictis. vox autem illa *Βραμουςισθω* originem forte duxerit *αὐτὸ τοῦ βραμῶν*, quod *serpere*, vel *αὐτὸ τοῦ βραμῶν*, *ζῆον*, quod *hæcbari* significat. ut Altillus indicare velit *serpentium*, seu potius *hæcchantium maledictis*.

xxxii T E S T I M O N I A.

quam lætus, quam teres, atque ut Horatii verbis utar, rotundus! nam, per deos, quid similis, quid accommodatius dici potuit, quam illud de Corvino nostro, dum novellæ arboris surgenti ramulo comparat? quid quum livori insulat? nonne & illum deprimit, & a sua ipse modestia non discedit? siquidem non hausisse, sed novisse tantum se Castalia undas affirmat. at vero quum perorare vult, quam novæ, quam lenes, & jucundæ acclamationes, quam etiam appositæ & opportune! modo deos patrios appellando, modo Parthenopen suam contaminari querendo; quæ si apte, & suo tempore fiant, scis quantum lucis orationi, & in primis carmini afferre soleant. postremo quum se apud Musas expurgat, veniamque ut dent, si quid offenderit, petit, quis adversariorum improbitatem, impudentiamque non explodat? quis vero ingenuitatem, verecundiamque non amet, & summis in cælum laudibus ferat? Sed quid ego hæc? tu melius ista deprehendes: nihil non absolutum, & quod non ex omnibus suis partibus constet, invenies; nisi unum illud fortasse non probabis, in quo illum facile, & jure coargui patiar; tantum enim Altilio tribuit, quantum sibi ille nec agnoscit, nec postulat. de his hæcenus. Tu interim lyram intende, ut quum plusculum otii fuerit, te canente illa audiamus; nam si accentus tuus accesserit, ne Musis quidem ipsis (pace quidem illarum dixerim) invidemus. Veuissim ad te: sed scis in Appuliam cum Principe meo festinanti mihi quam ista, (ut ita dicam) cumultuaria expeditio gravis sit, togato præsertim, & prima tirocinii rudimenta capefcenti. Vale, & me clarissimorum collegarum tuorum cœtui commenda. vale iterum, ac tertio. Neapoli. pridie Idus Quintilis.

† *Joannes Jovianus Pontanus in Ægidio, pag. 165.*

PONTANUS. PETRUS SUMMONTIUS.

PONT. **L**ætatur in cælo, ut arbitror, nunc Altilius, exultatque inter beatissimos spiritus, quum intellegit in hoc confessu & pie cum **CHRISTO** agi, & suis piissimis monitis obtemperantes nos esse. Unum credo illi dolet, si dolere eum fas est dicere, quod in tanto conventu, **ACTII** locus sit vacuus, voluntarium ob exilium dum Federicum Regem Neapolim relinquentem, proficiscentemque ad Ludovicum in Galliam, accepta ab illo fide, benevolentiae tantum gratia sequitur, ac gratitudinis. Sed Altilius consolatione nulla quidem indiget cum diis agens. Quod vero ad nos ipsos attinet, hominis maxime ingeniosi, & docti quis nostrum non angatur absentia? Verum Musis ipsum comitantibus, & illi nihil prorsus timendum est, & nobis ipsis desiderio absentis ejus temperandum, in re præsertim voluntaria, & homine generoso digna. Tu quid ad hæc, Petre Summonti? PET. Me vero sollicitat ejus imbecillitas, quum sæpicule quidem laboret de stomacho. Sed ipsa forte peregrinatio, cælique varietas, ac terrarum, robur illi adjunget; quod fore quidem non despe-

† Idem Joannes Jovianus Pontanus tomo 1. suorum operum **SANNAZARIO** inscribit librum de Liberalitate: tomo autem 3. librum de Rebus Cælestibus. Præterea tomo 2. pag. 104. dialogo cuidam nomen imposuit **ACTIUS**. Loquitur etiam **SANNAZARIUS** (sub **SYNCERI** nomine in Pontani Ecloga cui titulus *Mæon*). Denique Pontanus misit ad **SANNAZARIUM** Hendecasyllabum XI. lib. I. & Eclogam V. quam *Cerylen* appellavit.

T E S T I M O N I A. xxxiii

despero. Quod vero ad animum ejus ac consilium spectare potest, vehementer me hortantur versiculi ejus quos discedens ipse in puppi constitutus quasi Nereidibus audientibus, ac locorum Nymphis decantavit; quorum ipsorum recitationem non temere recreamentum arbitrer quasi quoddam quæstionum haud multo ante explicatarum, nec parvum quoque momentum allaturam absentiae ejus desiderio moderando. Sunt autem versiculi hujusmodi:

Parthenope mihi culta vale, blandissima Siren,

(. lega reliquos in calce carminum SANNAZARII, pag. 222.)

Hos ille abiens, confirmato admodum animo, vultuque quam maxime hilari pronuntiabat: quem nos ut amicum, ut Regem sequentem suum & bonis prosequamur omnibus, & deos illi propitiabiles bene precemur. Ceterum ut a quo tua, Joviane, coepit, ad eundem quoque Alcilium mea convertatur oratio, nonne existimas cum bonis illum Geniis, qui pie percoleuterque morientibus adesse solent, assistisse morienti nuper Elisis? &c.

Alexander ab Alexandro Genialium Dierum Libro II. Cap. I.

Locus ex Propertio, ab ACTIO SYNCERO Neapolitano in convivio familiari commode emendatus.

Saturnalibus quum ego & familiares mei complusculi, sub idem tempus Neapoli conveniremus: quumque a forensibus negotiis feriarum causa aliquando quies foret: ad ACTIUM SYNCERUM, virum ingenii cultu & facundia singulari, cum quo mihi per vetus consuetudo fuit a puero, nonnumquam ventitabamus: cum eoque vel honestis deambulationibus, vel sermonibus lepidissimis, id quod erat temporis, ad multam saepe diem conferebamus, quotidianoque ejus congressu & assiduo comitatu perfruebamur. Accipiebatque nos homo ille suavitate insigni, plerumque novo Epigrammate, aut Elegia, versibus mundis & graphice factis, multo cum nitore & cultu. nonnumquam festivissimis epulis & lætiore convivio, cœnaeque non vulgari nec protrita, sed aut veteris cucurbitae ferulo cum lactuca thyrsio minutim cæso, & acino uvæ passæ insperso: aut olentibus pomis, anni frigore servatis, & sicca Sinuesana cum rosacco ex Petrino siso, quæ ipse appellabat *Petrinia*. Velut fuit illa die, quum mihi & plerisque doctis viris cœna exhibita, Sannazario ex Æthiopia bonæ frugis liberto, scitissimo adolescenti, quem libertate & gentili cognomento donaverat, liberalibusque disciplinis instruxerat, ita ut cuivis ingenuo non impar videretur, demandavit ut Propertii Elegias a se pluribus in locis castigatas, summissim leniterque cantaret. Quod quum ille cupide faceret, versusque ad tibiam modulis dulcissimis, scita & canora voce cauere inceptaret: nosque & proferentis verba, & concentum, numerosque admodum suaves summa cum voluptate capteremus: & jam millibus modulatis versibus, ventum esset ubi Cynthiam Bajis demorantem, diu abfuisse conqueritur, his verbis:

Ecquid te mediis cessantem, Cynthia, Baijs,

Qua jacet Herculeis semita litoribus:

Et modo Thespreti mirantem subdita regno

Proxima Misenis agnora nobilibus?

f

ACTIVS

xxxiv T E S T I M O N I A.

ACTIVS carminibus pausam fieri iussit, & ad me conversus: Quid tu, inquit, qui orbis situm tam diu legendo perscrutaris, Misenum aut Ba-
 jas cum Thesproti regno commune habere vidisti? Numquid in memo-
 riam venit, Thesprotium agrum in Epiro juxta Chaones & Acarnanes,
 aut (sicut Herodotus ait) Ambraciis & Leucadiis proximum longe a Cu-
 mano abesse? Quid enim isto in loco hic poeta senserit, qui regno The-
 sproti æquora Miseno proxima subdita esse dixit, quum tanto maris ter-
 rarumque recessu discreta sint, non equidem intelligo. Neque enim The-
 sprotios in Cumanum venisse, aut in Italiam colonias deduxisse, vel ar-
 mis novas sedes conquisivisse, umquam, quod meminerim, legi: nisi tu for-
 te, qui meliore memoria es, aliter sentis. Quumque me id arbitrari re-
 spondissem, quod plerique studiosi sensere, ut poeta loci confinio, & quasi
 commercio ductus, quum ex Chalcide & Eubœa profecti, multum in o-
 ra maris posset, lateque fines propagassent, illosque Cumanum tenuis-
 se, & illuc colonias deduxisse, auctores tradant: siquidem Hypocles Cu-
 mæus, & Megalthenes Chalcidensis, multo emenso mari, huc colonias
 deduxere, moniti oraculo, quippe quum nullam coloniam sine consilio
 deorum Græci transmitterent: vel, ut multi serunt, duce Parthenope Eu-
 meli filia, quæ solum Neapolitanum delegit, columbæ augurium sequen-
 ta; in cuius rei monumentum, Apollini statuam Neapolitani erexere, co-
 lumba humero insidente, quam ipsa inspicere & adorare videbatur: The-
 sprotiumque agrum ab Eubœa haud multum distare certum sit, quasi ad
 hoc alludens Poeta, subdita regno Thesproti æquora Miseno proxima as-
 firmarit: scilicet quia ex Chalcide Thesprotis proxima & Cumæis profe-
 cti, agrum Miseno finitimum, hoc est, ipsas Cumas tenuerunt, propter-
 ea ea loca subdita videri: solereque non ignobiles poetas loca & recessus
 circumscribere, illaque non exposite & aperte, sed quasi per tegmen-
 ta & figuras obliquis orationibus denotare: idque sensisse doctos viros,
 itaque versus interpretatos fuisse dixi. Numquam, inquit ACTIVS, quod
 ego scio, tam hispida & agresti aure Propertius fuit, ut quum Chalcide-
 dem aut Cumæos dicere contenderet, Thesprotium agrum quasi finitimum
 illorum loco nuncuparet, quum præsertim nulla societas aut communio
 cum Thesprotiis agro Cumano fuerit: constetque, si omnes sinus, promon-
 toria, litora, insulas, & urbes maritimas, ac maria vasta, & terræ in-
 fusa ex omni antiquitate percerere velis, Thesprotios magno litorum fle-
 xu & multiplici sinu, longe a Chalcide Eubœæ & Cumæis abesse: nec
 ita finitimos, ut forsitan arbitraris. Neque ego huius poetæ præstantis
 ingenii vim, hos nitidissimos & mundissimos versus optime editos, tam
 abstruso & recondito significato verborum conculcasse putarim. Etenim si
 Chalcidenses & Eretrienes ex Eubœa, classe huc advectos Cumas con-
 didisse, & pulcherrimam Campaniæ oram, ac loca Miseno proxima to-
 nuisse fama fert, sicut Japygiam, Phaliscos, Nolam, & Abellani tennere,
 cur loca Miseno finitima potius Thesprotiis quam Chalcidensibus,
 quam Eretrienibus subdita dixerit, equidem ignoro: quum & hi veri in-
 colæ sint, & longe aptius convenientiusque fuit, istos, quam illos, cum
 quibus nullum erat commercium, nominasse. Verum, inquit ACTIVS,
 si versus istos bene pensitare, & verba ac sensus aure attenta rimari vo-
 lumus, non *Thesproti*, ut communis error habet, sed *Prochyta* a poeta
 scriptum fuisse facile contenderim. Idque ita esse, in quodvis pignus vo-
 carim,

carim, non aliter scriptum carmen ab eo editumve fuisse. Sed hic error ita aliquibus insedit penitus, ut divelli haud facile queat. Quod tamen ita esse, inclinat animus probabili argumento. Quum Prochyta & Pithecusæ a continente æstu marino evulsæ, quandoque circumfluum mare insulas fecisse, liquido constet, sicut Capreas, Leucosiam, Sirenes, & Cænorias: seu quod multi tradunt, Inarimen montem fuisse, qui motu terræ disclusus a continente, Prochyta fecit insulam, angusto freto interfluente, quæ Græcis ab effusione dicta est: ipsamque & Pithecusæ disclusas montis partes, proximas Cumanorum finibus tamquam moles objectas ante agrum Cumanum & Misenum existere, antiqua monumenta annalium prodidere: quod & nunc videre licet. Subdita ergo Prochyta regno Miseni proxima æquora poetam dixisse crediderim, quum ipsa litora facili trajectu apta & coheræntia sint, quippe quum ante ipsam parvo freto distincta jaceant: propterea subdita videri potius, quam Theleptos, cum quibus nullum commercium fuit, extimos & remotissimos intellexisse. Insulas quoque regna nuncupari, Virgilli testimonio probatum est VII. *Æneidos*, dum inquit: *Fertur Teleboûm Capreas dum regna teneret*. Hujusque erroris illud quoque specimen est, quod alio in loco communi opinione, pudendo errore receptum erat, navitam hunc poetam fuisse: quod quidem ita fuit in confesso, ut in ejus vitæ commentariis plerique id pro certo posteris tradere non dubitarent, ut altero versiculo constare videbatur: *Et quamvis navita dives eram*: quo imperitius dici profecto nihil potuit, quum neque hoc usquam gentium tradatur, ut elegantissimus poeta & honestissimus, vitæ genus poetarum studiis piaculari & portentoso, navitæ munus concupiverit. Et portentici ad prodigii simile est, hæc commenta in tanti ingenii viro opinari. Sed quod a vero minime abest, mendum etiam in hoc versiculo facile, inquit, ostendimus: siquidem ubi legebatur *perperam*: *Quamvis navita dives eram: non ita dives eram*, dicendum fuit. Hujus quoque rei haud improbabile documentum videri, quod Jovianus Pontanus vir multæ eruditionis, antiquissimo firmabat testimonio, Propertii Elegias patrum nostrorum ætate, & se a dolescentulo primum in lucem prodixisse, quum antea infœcitia temporum incompetæ forent & incognitæ: opusque oblitteratum & longissimo ævo absumtum, corrosis & labentibus literis in cella vinaria sub doliis inventum apparuisse, & quum libelli vetustate, verbis & nominibus absumtis longo situ & senio, quod in diuturna obscuritate latuerant, veram lectionem assequi nequirent, effectum ut mendosi inde codices prodirent: paulatimque discuti errores, & corrigi cœpti sunt: nec tamen effici quisse, ut posteris omnino integri inoffensque darentur. Ad hunc modum ACTIVUS SYNCERUS noster, scite admodum apud complusculos qui aderamus, sermocinabatur: itaque mendaces libellos deprehendebat, erroresque dijudicabat, ac perpenso judicio vitia rimabatur.

Joannis Pierii Valeriani Epistola ad Clarissimum ACTIVUM SYNCERUM
in Hieroglyphicorum Librum XX.

Tibi vero, SYNCERE ACTI carissime, *Phœnicem*, & *Pelecanum*, quique in ipsam historiæ seriem quibusdam veluti laqueis detenti se se invicem implicuerunt, sociatique in hunc locum aptissime conveniunt,

xxxvi T E S T I M O N I A

runt, *Nestum*, *Cornicem*, & *Passerem* : dedicare consilium fuit. Ac *Phœnicem* quidem ea de causa, quod veluti ille admirabili quadam insignis pulchritudine, visu rarissimus, post longissima tenporis intervalla conspicitur: ita Latinæ linguæ nitor, & eloquentiæ cultus, ornatuque per tria ferme *Phœnicis* sæcula desiderati, ætate demum nostra, beneficio, opera, & labore plurimum tuo suscitati, spectandos se se theatris jam omnibus exhibuere. *Pelecanum*, ob eam, quæ præcipue commendaris, in amicos omnes charitatem atque beneficentiam, ut nemo unus hodie magis amico amicus, quam *SYNCERUS ACTIVS* esse prædicetur. *Nestum*, quæ tuarum indicium sit lucubrationum, quas Minerva haudquaquam invita, elegantissimas elaborasti. *Cornicem*, ob diuturnitatem, quæ scriptis debetur tuis, non modo uno plus sæculo, sed perpetuo summa omnium commendatione visuris. *Passerem*, ob orationis tuæ veneres, cupidinesque, quæ nihil suavius neque jucundius excogitari potest. Sed enim quæ multa atque præclara de ingenii tui sublimitate dici possent, ea consulo prætereo, quia tu longe major es quam mea te capere possit commendatio: quis enim Soli lumen afferre, nisi fatuus quispiam, aggrediatur? Igitur quum tuo ipse sis splendore clarus, principatum hinc in literaturæ candore tuum, suo se præsidio tuentem misum faciemus, quodque nostrum est institutum, ad animalium quæ interpretanda suscepimus, significationes convertemur, quæ quidem quales & cujusmodi sint quamvis tu eas tum ex Græcis Latinisque scriptoribus non ignoras, tum ex admirabili illa venerabilis antiquitatis tabula ænea, quam simul apud Bembum inspeximus, potes edoceri, quæ omnem Ægyptiorum historiam antiquiorem, argento atque auro delineatam ostendat; quid tamen & nos super his compererimus, ex ipso *Phœnice* indicare incipiemus.

† Ex Hieronymi Carbonis Elegia a Petro Vlamio allata in suis
ad SANNAZARIUM notis pag. 599.

Me rapis interdum recinens, *SYNCERE*, sub umbra,
Mystica virginei sacra puerperii;
Et pecus, & silvas, piscosi & numina ponti,
Et quæ litoribus fert Sinuella suis.

Petri Bembi Epistola ad JACOBUM SYNCERUM SANNAZARIUM,
quæ existat Lib. IV. Epistolarum Familiar.

ET te amabam antea plurimum: nam sæpe in tua scripta incidi quum vernacula, tum Latina; quibus in omnibus felicitatem illam ingenii tui ad poetices facultatem sum vehementer admiratus: & nuoc quidem Ægidius monachus Viterbiensis, & Antonius Agnellus effecerunt, ut nihil me uno sit in te amando, observando, colendo plane ardentius. Ex ipsorum enim oratione cognovi; præter ea quæ dixi, utriusque linguæ studia literarum, delatumque jam pridem in illis tibi a Musis atque ab Apolline principatum; quam sis etiam in ipso usu vitæ, quum humanitate, & suavitate; tum hercle, omni virtutum genere, atque illa in primis vel probitate, vel morum animique, si Latine satis possum dicere, sinceritate, quæ quidem virtus tibi etiam agnomen dedit, politissimus.

T E S T I M O N I A. xxxvii

mus. Itaque hæc ad te volui scribere primum, ut tibi notum facerem hunc ipsum animi mei sensum in te, ac voluntatem: jaceremque, tamquam fundamenta benevolentiae; futuræque nostræ necessitudini, quasi quoddam vinculum adhiberem, amorem summum erga te meum. In quo quidem pergratum mihi erit; si me sic amandum susceperis, ut utare; sic fueris ulus, ut plane tuo. Deinde ut scires, me videndi tui desiderio magnopere teneri: nam fruendi quidem non audeo dicere: qui neque salutari te permiseris, quum nuper e Gallia rediens, ut audio, de itinere Venetias ivisses. Quod si tua culpa effectum est, ut, quum fieri utriusque commodo potuerit, ut te viderem, me tamen latueris; dabo ipse operam, ut id aliquando fiat, etiam si non poterit sine magno incommodo meo. Interea tamen, etiam atque etiam a te peto; ut quouiam hoc tempore in secessu isto Neapolitano tuo, puto te otio mirifice abundare; mittas aliquid ad nos de tuarum Musarum penu; quo minus a nobis molestè videndi tui desiderium perferatur. Quod ut libentius facias; hoc te genere officii etiam provocabo. Asulanus enim meos habebis cum his literis. qui quidem quamquam libri, amicorum meorum assiduis postulationibus, ac prope etiam impulsu, exire jam in vulgus, atque haberi ceperint; ad te tamen veniunt non minus, ut eos emendes, si qua tibi non probabuntur; quam si, quod mallem, placuerint, ut probes. Vale. Idibus Aprilis. M. D. V. Venetiis.

Des. Erasmus Roterdamus Dialogo qui inscribitur Ciceronianus.

No. Pontano successit ACTIUS SYNCERUS, qui Partum Virginis Matris mire felici carmine descripsit, cui supra modum applausum est a Romano theatro. B. V. Testantur hoc abunde LEONIS, & CLEMENSIS Brevia (sic enim hodie vocant) tum Ægidii Cardinalis addita præfatio, ne cæteros commemorem: nec sine causa tantopere placuit. Mihi certe magna cum animi voluptate perfectum est opus utrumque. Nam & Eclogas scripsit Piscatorias. Quis autem talem indolem in juvene patricio non exosculetur? Hoc nomine præferendus est Pontano, quod rem sacram tractare non piguit, quod nec dormitanter eam, nec inamœne tractavit. Sed meo quidem suffragio plus laudis erat laturus, si materiam sacram tractasset aliquanto sacratius.

L. Gregorius Gyraldus Dialogo I. de Poetis suorum temporum.

A Pontano nonnulli profluxere, tum in poetica, tum in arte dicendi celebres. Unde & Pontani Academia nunc vulgo, ut Trojanus equus, dicitur; in qua nunc fenescit, ni potius floret, ACTIUS SYNCERUS SANNAZARIUS, cujus ingenii exquisita quædam monumenta legi, & in primis Piscatorias Eclogas, nonnullasque Elegias, & Epigrammata; in quibus quædam sunt omni laude digna. alia præterea ejus, præter vernacula non vidi, & quosdam Virginei Partus, ut ipse appellat, heroicos: in quibus, ut sic dicam, *statarius* poeta videri potest. Non enim verborum volubilitate fertur, sed limatius quoddam scribendi genus confectatur, & lima in dies atterit, ut de illo non ineleganter dictum illud Apellis de Protogene Pontanus usurpare solitus esset: *Eum manum de tabula tollere nesci-*

xxxviii T E S T I M O N I A.

neſcire. Præter diligentiam, curamque ACTII, acerrimum quoque ejus judicium, & numerorum ſcientiam in poetica facultate cognoviſimus; quare ejus reliqua, quæ condidit ſummopere deſideramus, quæ longius ille jam ætate provectus ſupprimat. Quare non fatiſ mirari poſſum, virum quemdam alioqui eruditum deſiderare in Pontano, & ſi diis placet, in SANNAZARIO..... elocutionem, hoc eſt barbaram. Sed hic cum ſua cenſura qua homines Italos perſtringit, non diutius permanebit.

† *Idem in Epiftola in qua agitur de incommodis qua in direptione Urbana paſſus eſt; ad Antonium Thebaldeum.*

Et SYNCERUS abeſt, cecinit qui primus in *acta*
Non prius auditum carmen, quo gurgite ab alto
Proſiluit Triton ſimul, & chorus Amphitrites;
Exin Virgineos aſſatus numine Partus
Concinnuit graviore tuba (mirabile dictu!)
Hac cælum mulcetque, & triſtia tartara terret.
Fortunate ſenex, vivens cape laudis honores,
Invida quos poterit non unquam abolere vetuſtas.

Paulus Jovius in Elegiis Virorum literis illuſtrum.

JACOBUS SANNAZARIUS equeſtris ordinis poeta, Neapoli natus atque educatus, avito præclarum ſecundi atque feliciſ ingeniū ſpecimen daret, repudiato quomodo gentilitioque nomine, ACTIUS SYNCERUS appellari voluit, adhortante Pontano, qui Joviani cognomen, amicorum imitatione deſumerat. Sed origo vetuſta ſtirpis e Sancto Nazario, Laumellini agri oppido, inter Padum & Ticinum non ignobili, unde majores adveniant, non obſcure petebatur. Floruit amicitia Federici regis, ſenectæ Pontani gratia: qui Aragonum nomen vehementer offenderat, quum veluti perſonæ oblitus, victorem Carolum invidioſa vel intempeſtiva oratione publice laudaret. Permaſit in ea belli procella in officio ACTIUS, redeuntque Ferdinando juniore armatus inter fideles cives operam præſtitit: unde ei conſpicuus in aula gratiæ locus. Sed inſeſtiſ demum urgente fortuna, quum Federicus regno pelleretur, conſtanti ſtudio atque integra fide eum exſulem in ulteriorem Galliam ſecutus eſt: qua gratiſſimi animi reſtitutione ſingulari laudem promeruiſſe, vel ejus inimici judicabant. Scripſit, tamquam ambidexter, Etruſca ſimul atque Latina carmina, pari lepore ſaleque, aridentibus utrimque Muſis, quum multo ſelle odii ſubamaris præpilata jacula jambiſ intorqueret: aut amorum ſuorum dulcedine reſolutus tenerime laſciviret. Gravi autem & ſacro poemate De Partu Virginis, viginti annorum lima perpolito ſummum decus fruſtra expeſtaſſe videri potuit: quum illæ quæ juveni exciderant Piſcatoriæ Eclogæ, publico exceptæ plauſu reliquorum operum famam oppreſſerint: ita ut eam publici tamquam iniqui judicii querelam aperto cum pudore, nec tamen ſine tacita voluptate devoraret. Vixit annos ſeptuaginta duos, permæno, virentique ſemper ingenio, accuratoque & plane juvenili cultu inter amatorias obſecrationes: numquam non feſtius & hilaris. Ex dolore autem indignantis animi ſupremum concepit morbum, quod Philiber-

tus

T E S T I M O N I A. xxxix

tus Aurantius dux Cæsaris Mergillinæ villæ suæ delicias, temere excisa turre deformasset, ea ad Paulilypi radices conspicitur. Sed Aurantio deum acie intersecto, quum hora fatalis adveniret, audito ejus interitu se fe in cubitum erigens: Excedam, inquit, e vita hoc meo non inani voto lætus, postquam barbarus Musarum hostis, ultore Marte, immanis injuriæ pœnas persolvit. Sepultus est juxta villam Mergillinam in templo Deiparæ Virgini ab se dedicato. Marmoreo autem tumulo Bembus hoc carmen inscripsit:

DA. SACRO. CINERI. FLORES. HIC. ILLE. MARONI
SYNCERVVS. MVSA. PROXIMVS. VT. TVMVIO

Romulus Amasius de Latina Lingua usu retinendo Schola II. pag. 139.

Quod si poetarum, in hoc quasi Latini nominis censu habenda ratio est: quis in ACTII SANNAZARII hominis prudentissimi ac doctissimi elimatissimis verbis (nihil nunc de carminis dignitate, ac gravitate: nihil de rerum dispensatione, nihil de numero, & compositione, nihil de ornamentis loquor) sed quis in ejus verbis verbum unum, aut sententiam unam offendat, quæ non e medio Latinitatis fonte hausta videatur?

Jovita Rapicius Libro V. de Numero Oratorio.

At enim, dicat aliquis, defuetudinem ipsam hujus rhythmî, & diuturnam apud multos rei hujus ignorantiam, desperationem asserre posse. At mehercule Pontani Urania, & Horti Hesperidum: Fracastorii Syphilis, & SYNCERI de Virginis Partu libri, & pauca Andreæ Naugerii, pauca item Cottæ poemata facile declarant, non esse desperandum, quin intermissa, & diu desueta in consuetudinem revocari aliquando possint. quum enim poematum recte scribendorum ratio diu latuisset; & malos versificatores Latini plurimos, poetam nullum haberent, hi quasi de cælo demissi sunt, qui desitæ, & prope obsoletæ artis observatione, pertinaci bonorum imitandorum studio, multaque, & jugi exercitatione tantum profecerunt, ut cum antiquis poetis conferri jure possint. itaque horum poemata, ut primuni perspecta sunt, quasi quædam Phidæ signa, statim ab omnibus ita sunt probata, ut artem poeticam, quam prius quasi sopitam, ac jam prope extinctam, lugebamus, eam nunc tantorum, & tam excellentium virorum ingenio, & arte suscitatum gaudeamus. &c.

Bernardinus Parthenius de Poetica Imitatione Libro II. inducens Tryphonem Cabriellum cum Manutio loquentem, judiciumque de poetis ferentem.

Sed unde initium duci vis? A SANNAZARIO, inquit Manutius. De quo quid, obscuro, sentis? Equidem, inquit, mirificum semper huic existimavi, sive gravitatem, sive verborum sonum, aut eorum delectum spectarem. Magnificentiam vero, spiritusque sublimitatem nunquam fatis ab ullo ingenio extolli posse putavi. Numquam præterea in ejus scripta incidebam, quin Virgili ipsius imaginem viderer intueri. Tunc mecum ipse cogitabam, si idem argumentum sibi poeta summus proposuisset, neque magni-

xI T E S T I M O N I A.

magnificentius, neque splendidius tractaturum fuisse. Dispositione autem illa, ac decore, sententiarumque dignitate, tum numero nihil fingi, aut excogitari absolutius posse statuebam. De quo adjungere & illud liceat, inter illum, ac veteres poetas nihil, quum a sæculo, atque ætate disceserimus, interesse. Elaborati ac perpoliti versus, præcipueque limati. Quamobrem Pontanus, ex cujus Academia una cum tot excellentissimis ingeniis fluxit, de eo idem dicere solitus erat, quod de Protogene Apelles, nempe, quod numquam manum de tabula tolleret, quum uisam illius artificis diligentiam accusaret. Magno fuit judicio; scientiaque numerorum ita excelluit, ut exactam eorum legem solus tenere videretur. & *paucis interiecit*: † Major in hoc vis, (*sc. in Pontano*) in ingenium tamen suum indulgentior quam SANNAZARIUS. Is enim parcius, restrictiorque est, sicut elaboratior. Alterum vivo fonti per similem dicas, qui ex naturali vena profiliens, ita se profundit, ut sæpe extra ripas superbus ac spumans distuat atque exundet. Alterum illi, qui a beatissima iidem emanans vena, arteque expolitus, moderatius se ipsum temperans, ac cohibens, inter flores, ac viridissimos herbarum vestitus suavi, ac leni cum murmure, riparum suarum finibus contentus, perlabitur. Hic quidem continens, ille profusus: hic verecundus, ille pæne luxuriat; ut uter esse eorum malim, divinare vix sciam.

Idem in Oratione pro Lingua Latina.

Sed circumstant poetarum nobilissimi cœtus, quos in tanto numero ne totum diem illis recensendis conteramus, in mentem veniat saltem JACOBUS SANNAZARIUS, quem divinitus in divinis versatum, nemo non intelligit antiquitatem vario scribendi genere provocasse.

Q. *Marius Corradus Uritanus Epistola ad Fulvium Constantium, qua exstat pag. 525. Librorum de Lingua Latina ejusdem Corradi.*

Paullo superiore ætate duo fuerunt lumina hujus urbis, (*Neapolis*) Latinique sermonis, & eloquentiæ, ACTIUS SYNCERUS, & Jovianus Pontanus. Quid hos fuisse putas quum viverent, in tanto hominum, & civium reliquorum splendore, nobilitate, potentia? Crede mihi, a bonis paucisque hominibus aliquo numero habiti, a cæteris, vel non cogniti erant omnino, vel fortasse etiam ridebantur. Nunc vero duos tantum hæc urbs videtur illa ætate cives habuisse, quos infinita etiam posteritas hominum, externarum quoque gentium sit admiratura. Ubi sunt enim qui tum principes civitatis putabantur? Ubi reges etiam illi, quorum fama, amplitudo, & gloria duobus privatis hominibus par esse non potuit?

Julius Casar Scaliger Poetices Lib. VI. qui & Hypercriticus, SANNAZARII scripta perpendens.

Reliqui duo sunt, ACTIUS SYNCERUS SANNAZARIUS, & Hieronymus Fracastorius. Quorum uterque, quum præter illa quatuor a nobis toties decantata (*nervum scilicet, numeros, candorem, venustatem*) etiam castigatissima fluat vena, atque moderatissima, non potest committi, quin

quin aut alter, aut ambo, pari æqualique gloria nomen suum tueantur. De SYNCERO igitur prius.

Qua tempestate melioris vitæ officia Bononiæ auspiciatus sum, habui studiorum socium Pacium Aquilium civem Romanum, qui antea militiæ quoque fuerat contubernalis. E Calabria igitur comestatus gratia Neapolim quum venisset, decedens inde, secum attulit Eclogam SANNAZARI, cui titulus est, *Lycos*, ac præter eam ex *Chriseide* (sic enim appellabat) aliquot carmina sane quam luculenta. Quorum mihi nunc quum in mentem venit, non possum non didicisse ex iudicio tanti viri, qui opus divinum illud suum mutato consilio postea non *Chriseidem*, sed *de Partu Virginis*, inscriptum maluit. Quare vero prioris inscriptionis titulum repudiavit, cognoscere satis in promptu est. Etenim vitam adque CHRISTI quum in eo neutiquam narret, sed natalia tantum canat, simplicissime profecto Latinis verbis expressit operam suam. Insuave fuisset, *Parthenotocia*, & *Theotocia* *post multa*: Ecloga vero Galatea longe optima est. Fam ante etiam, quam ederetur, manu nostra descriptam habuimus. Non igitur operari peridi. Quod enim nunc legimus v. 5. *Æquora collustrans flammis*, ita scriptum fuit: *Æquora rimantur flammis*: ut intelligas magni viri iudicium. Item v. 33. — — — *plures Nesi mihi servat echinos*: legebatur — — — *totidem virides mihi Nesi echinos*. *Servat adhuc*. Quæ sequebantur, in memoria non habeo. Restant vestigia tamen iudicii castigati, quum redegit ad pauciora &c.

Il Cardinal Seripando in una sua Lettera scritta a Scipione Ammirato inserita tra le Lettere memorabili impresso dal Mannuzio Lib. 4. a c. 99.

Io mi sono doluto, e dorrò sempre, che avendo voi un poema tale, quale è il Parto della Vergine del vostro SYNCERO, ove niente manca, che possa desiderarsi da un' artificiosissimo poeta, ove non v'è cosa, che possa contaminare i buoni, e civili costumi, ove solo tra i poeti si trova la verità della religione, ove il verso ha tutti quei numeri che hanno avuto i più perfetti poeti antichi, da lui prima avvertiti, e poi dal Pontano ancor vostro scritti, ove le fizioni sono dolcissime, ove finalmente è tutto il vostro Dedalione (1) cioè l'ufficio del vero poeta, mi sono doluto, e dorrò sempre, che si legga da' maestri della gioventù, e che si veda nelle mani de' vostri giovani altro poeta.

Sixtus Senensis Bibliotheca Sancta Lib. IV.

JACOBUS SANNAZARIUS, patricius Neapolitanus, qui & ACTIUS SYNCERUS Partheopæus, vir ad illustrandam sacrosanctam Christianorum poësim felicissimo sidere natus, scripsit in secundum Lucæ capitulum De Partu Virginis libros heroicis carminibus, ita Virgilianum candorem, sublimitatemque præferentibus, ut Virgilium ipsum te legere, audireque existimes. Operis initium est: *Virginis partus, magnoque aquara parenti*. Claruit anno Domini 1530.

(1) Questo è un Dialogo dell' Ammirato trattante del Poeta.

xlii T E S T I M O N I A

*Antonius Possevinus Mantuanus Societatis Jesu Bibliotheca selecta Tom. 2.
Lib. XVII. qui est de Poësi, & Pictura, Editionis Veneta pag. 309.*

A SANNAZARIO quidem paucissimis demtis (quæ voces illas ethni-
corum poetarum sapiunt) divinum habemus poema, ut merito Belisarius
Aquaviva Neritinoꝝ Dux eidem scribens dixerit; cum orationis splendore
contendere brevitatem: cum roanditate ornatum: cum fluxu carminum pulchri-
tudinem: atque ita demum omnia numeris, & sententiarum gravitate commen-
data videri, ut ad cuiusvis scriptoris antiquissimi, candidissimique laudem asce-
dant.

*Robertus Cardinalis Bellarminus Libro de Scripturibus
Ecclesiasticis ad annum .1500.*

JACOBUS SANNAZARIUS eodem tempore scripsit egregium car-
men de Partu Virginis.

*Franciscus Schoetus, Andrea viri doctissimi frater,
Binerarii Italia Lib. III.*

Nec procul inde a Paufilypo ACTII SYNCERI SANNAZARII poe-
tæ, Virgilii æmuli, domus visitur, quæ ex testamento in cœnobium ver-
tit, templumque B. Virgini dicatum. Est ibi marmoreum sepulcrum, affa-
bre sculptum. Hinc Orpheus seu Apollo, illinc Sibylla sive Musa e mar-
more caddenti: cum hoc Petri Bembi Cardinalis Epigrammate:

DA. SACRO. CINERI. FLORES. HIC. ILLE. MARONI
SYNCERVS. MVSA. PROXIMVS. VT. TVMVLO
VIXIT. ANNIS. LXXII. OBIT. ANNO. CID. ID. XXX

Ludovicus de la Cerda Soc. Jesu in VII. Enneides.

(SANNAZARIUS) poetica laude floruit præ mortalibus sui ævi. Sed
quid sui ævi? Quid si Neapoli majorem gloriam attulit SANNAZARIUS,
quam Statius Papinius? Non erit iniquus censor qui hoc conseat.

Boissardus in Iconibus.

(SANNAZARIUS) Neapoli natus, patre equestris ordinis viro, claro
inter suos & luculentarum facultatum. Hic ACTIVS prius vocabatur JA-
COBUS SANNAZARIUS, quod nomen gentilicium mutavit jam adultior.
Is propter doctrinam, facundiam insignem, morumque facilitatem † Fer-
rando Arragonum regi factus est amicus, & inter cariores aulicos, &
familiares receptus, cujus amicitiam singulari fide, & constantia coluit
quamdiu vixit. Expulsum enim Neapoli regem in Galliam usque exulem
secutus est: unde reversus ab eo multis honoribus & beneficiis affectus est.
At inter aulica munia, seriatque occupationes non desuit bonas sequi Mu-
sas,

† *Federicus Aragonio, regi Neapolitano, dicere debuit.*

T E S T I M O N I A. xlii

tas, & doctissimis lucubratiouibus augere, & promovere rempublicam literariam: potissimum illo insigni poemate de Partu Virginis: in quo de perfectione poeseos videtur cum antiquis decertare. Composuit & Lamentationem de Morte CHRISTI, & Eclogas aliquot, & Epigrammatum perfectissimorum librum.

Olaus Borrichius de Poetis pag. 105.

ACTIUS SYNCERUS SANNAZARIUS Neapolitanus initio sæculi XVI. clarus, poësin Latinam ad illud fastigium evexit splendore ingenii, imitatione optimi cujusque veterum, apta fictionum poeticarum inventione, & acumine, ut paucis admodum ex eo tempore altius eniti concessum sit. Clauditur tumulo ad Pausilypum, vicinus cineri Virgiliano, ut qui arte pares, & studiis, etiam monumentis conjungantur. Docet vel Epos illud illustre quod de Partu Virginis libris tribus complexus est, nihil fere illius veribus inveniri castigatius — ad summam digna omnia SANNAZARI quæ poeseos candidatis attente legantur; ita ubique in quocumque argumento regnat: cultæ ejus Eclogæ, faciles & numerosi Elegi, arguta Epigrammata & libera.

*Gerardus Joannes Vossius de Poetis Latinis Capite VII.
pag. 257. Editionis novissima.*

Nec multo post Pontani obitum grande merito nomen fuit ACTII SYNCERI SANNAZARII.

Inprimis vero id sibi peperit libris tribus de Partu Virginis: ob quos luculentum LEONIS X. elogium meruit anno 1521. iterumque a CLEMENTE VII. an. 1526. quo ipso & Romæ in lucem prodire cum Lamentatione de Morte CHRISTI, & Piscatoriis Eclogis.

Uti vero a Petrarca initium est poeseos renascentis: ita temporibus SANNAZARII eadem jam videtur pervenisse ad vigorem. Illum consecuti præstantium poetarum alii: & quidam nonnulli pares, aliqui superes.

Uti Hieronymus Vida, Balthasar Castilionæus, & alii multi, qui avorum, patrum, ac nostra fuerint, vel sint ætate &c.

† *Idem Insit. Poeticar. Lib. III. cap. VIII.*

Quod de nautis, & piscatoribus, minus possumus dicere. ACTIUS tamen SANNAZARIUS, hos etiam inducens Eclogis suis, fatis feliciter id tractat argumentum.

Scaligerana Prima pag. 131.

SANNAZARIUS tertius poëta, & optimæ inventionis, lectione dignissimus.

† *Janus Bronkhufius in Epistola ad Lectorem præmissa editioni Poematum SANNAZARII Amsteladamenfi apud Henricum Voesenium anno 1689. ab eo adornata.*

Quæ (*Jo. Joviani Pontani Academia*) si nihil habuisset aliud unde com-

mendaretur, (habuit a item ingenia ejus ætatis longe nobilissima) æterno beneficio omnem devinxit posteritatem, quod ex ea nobis prodierit dulcissima illa, atque orbi erudito decantatissima JACOBI SANNAZARII Musa. Cujus viri limatissimis carminibus nihil post sæculum Augustæum emendatius prodiisse si quis dixerit, næ ille profecto haud iniquo judicaret Apolline. Neque vero opus est ad ejus rei veritatem evincendam litteratorum virorum conquiſitis testimoniis, cum tam crebræ, ac toties innovatæ laudatissimi libri editiones, id quod bonæ merces solent, nusquam indiguerint ulla hedera.

† Idem in calce notarum ad Elegiam IX. libri I. Elegiar.
SANNAZARII, pag. 113. editionis Vlamingii.

Atque hæc quidem habui quæ notarem ad nobilissimam Elegiam. nec tamen omitrenda est insignis illa SYNCERI in Pontani scripta pietas, quæ post illius obitum sopita atque neglecta e tenebris primus in lucem, tum Francisci Ælii consilio, tum opera Petri Summontii usus, revocavit. magno sane thesauro rem literariam auxit SYNCERUS, cui & hoc quoque uomine æternum debebunt Musæ Romæ, quod princeps e bibliothaphiorum pulvere in hominum eruditorum manus protraxerit Ovidii fragmentum de piscibus, Gratii Cynegetica, itemque Aurelii Nemesiani; & Rutillii Numatiani Itinerarium; ut quid dicam de emendatoribus, quam fuerant antea, Martialis, Aufonii, & Solini codicibus. Dignus est & ipse, cujus rationem habeat grata posteritas, quemque post Augustæi sæculi ingenia tamquam ducem ac normam sibi proponant genuinæ ac generosæ poësis studiosi. Vis firmum hoc judicium meum? audi virum undequaque eruditissimum, Ludovicum de la Cerda, cujus hæc sunt ad Virgilii lib. 7. v. 734. *Inde quoque arrepta occasio celebrandi hujus fluminis* (de Sebetho loquitur) SYNCERO SANNAZARIO, utpote Neapolitano, qui vir poetica laude floruit præ mortalibus sui avi. Sed quid sui avi? Quid si Neapoli majorem gloriam SANNAZARIUS attulit, quam Statius Papinius? non eris iniquus censor, qui hoc censent. Vid. eundem Cerdam ibid. T. 1. p. 530. *

Giovann-Mario de' Crestimbene, Custode d' Arcadia, nel Lib. VII. della Part. II. del Vol. II. de' suoi Comentarj intorno all' Istoria della Volgar Poesia, a carte 393.

Tra gl' infiniti scrittori che celebrano l' Opere del SANNAZARO, ci piace qui riferirne uno, che molto aggiustatamente dà giudizio sì delle Latine, come delle Volgari; ed è egli il P. Alberto le Roy Agostiniano, il

* Item a Jano Bronkhusio in Tullii Eleg. I. Lib. I. vocatur SANNAZARIUS eximius ille etiam inter primos. Idem ib. in Eleg. II. & quem ante omnes nominasse oportuit. Ibid. in Eleg. XI. Præteriter ego tantæ ambitioni (scilicet vetusta eandem descriptionem Anthonii Heroniti Emensis) binos JACOBI SANNAZARII versiculos ex Epigr. III. Lib. I.

Post obitum non alia mihi carceſſa ponet
Æarus, inferns non vides uva jugis.
Ibid. in Eleg. I. Lib. II. Clarissimus & vir & poeta. in Eleg. II. Lib. III. Par antiquis poeta.
Idem in Propertii Eleg. XI. Lib. I. Vir sæculorum omnium memoria dignissimus. Ibid. in Eleg. XVII. Dissertissimus. Ibid. in Eleg. XX. Lib. II. Liquidissimus ille Musarum cycnus, solo tempore veteribus minor. Ibid. in Eleg. XXII. Venustissimus. Ibid. in Eleg. P. Lib. III. Iſtis (sc. Tullio, & Ovidio) adjice duos non tam vetustate, quam clarissima poetæ facundiam gloria censendos; SYNCERUM SANNAZARIUM, ac nostratæ Secundum.

il quale ne' Comentarj a Pietro Scolorio (1) scrive così: *Splendidissimum juxta pedem Pausilypi exstat adificium, seu villa ACTII SYNCERI SANNAZARII, quæ Margaritam vocant, ubi ille cum amicis doctis versari, & rusticari quandoque solebat. Scripsit Etrusca, & Latina carmina, pari lepore utrobique, & sale, sacro poemate De Partu Virginis, & Piscatoris Eclogis apud posteros immortalis. Virum natalium, animique nobilitate illustrem commendat Paulus Jovius, apud quem exstat Epitaphium, quod marmoreo tumulo inscriptis Rembus: &c.*

† *Petrus Vlamingius. Belgæ in Dacizans SANNAZARII Poematum editionis a se adornata. Amsteladami. 1728.*

Qui enim ACTII SYNCERI divinam illam carminis majestatem, numeros rotundos, videres non adsciticias, linguæ Latine purissimum nitorem, Propertianam illam felicem, & minime servilem imitationem, suo merito æstimare queat? &c.

Idem in Epistola ad Lesiorem.

Nam ACTIUM SYNCERUM, ab iuvene ætate, imo pæne puer, unice semper sum admiratus, maturiore hac meâ veneror, suspicio, & colo; quis enim poetica laude ex iis qui a profligata barbarie Musarum sacris sese dedidere, maximum illum vatem superavit? *Poss non multa.*

Testimonia quæ Broukhufius & Vulpius collegerant, addidi. Si omnia quæ ipse selegi, & alibi congesta inveni hic adhibere voluissim, in immensam molem volumen excrevisset; omnes enim qui unquam hæc divina vatis monumenta oculis usurparunt eruditi, summa cum laude SANNAZARIANI nominis meminerunt; upum tantum mihi liceat adscribere, quod suo loco neglectum est, Petri nempe Lotichii secundi, Germanorum poetarum principis, quod exstat Elegiarum Lib. I. Eleg. X. ad Christophorum Herdesmannum v. 37.

*Fœderis erat ad contempnere, sedis hostis, & ante adorti
Dilecti ambulant nos gestis acer equos.
Stans, & Amia cultores dictus artis,
Humani belli nos habuisse mores.
Nomen ad dividem, formos, confidit, dicit,
Nos etiam mites credere dea.
Quod si forte proci vestris parante ad aures
SYNCERUS pulchri ACTIUS ætate oritur:*

*ACTIUS Tiberis fœderis bene negas in ætate,
Pugna sceleris qua rigat arva liquor?
Nil ego me veteri consanguinitate propinquum
Clarior, & vate, vatis amicum, amo.
Iurgia nec gradatæ nequie in arce cupido
Cum populi terras offere cura fuit.
Ite at, & vobis, ubi Casar æquos, in nobem
Eclatans totarumque solisque vias.*

Imo, ne quis credat, ipsi viventi hos ingenue laudis fructus, æstimationem, & tanti nominis reverentiam defuisse, sufficiat, quod * Balthasar, Comes Castilionensis, magnum illud Italice lumen, literarum monumentis de eo testatur voluit; versus nempe aliquos recitatos, SANNAZARIO, sed falso adscriptos, & ab omnibus summo cum applausu, & admiratione exceptos, statim, ubi rescitum fuit, alterius poetæ totum esse, minus quam mediocres, ut ceat: erant, vilis fuisse.

DILE-

E 3.

D I L E C T O F I L I O
A C T I O S Y N C E R O
S A N N A Z A R I O
L E O P A P A X.



DILECTE fili, salutem & Apostolicam benedictionem. Quum forte de claris ingenii etatis nostrae apud nos verba fierent, affuere qui quum te, tum opus tuum De Partu Virginis divinis prope laudibus cum admiratione attollerent, atque prædicarent. Quæ res expectata quidem diu nobis (nihil enim non excultum, non elaboratum, non singulari tuo ingenio dignum proficisci a te posse arbitramur) verum eo nunc carior & iucundior visa est, tum quod quæ futura expectabamus, accepimus jam facta esse, & quæ superent omnem expectationem, tum quod & si nullo non tempore fuissent acceptissima, hac præcipue tempestate erunt longe gratiora. qua ut quidam, quo doctiores videntur, Ecclesiam stilo iniquo petunt, qui exactissima eruditione commendent, non desiderentur. Dici non potest, quum hæc audiremus, quantum voluptatis acceperimus, & quum ipsi legemus, accepturi sumus: quod persuasi sumus, divina factum providentia, ut divina sponsa tot impiis oppugnantibus, lacerantibusque lacerata, talem, tantumque nacta sit propugnatorem; & quum illi impia facundia abusi frangant in rem sacram genuinum, tu unus opus edideris quo rem sacram omnibus (ut dici solet) nervis attollendam, excolendamque procuraveris sancto consilio, eventu felice, quum dicitent qui legere, si rem queramus, nihil nisi CHRISTUM atque ejus sponsam sonare: si pietatem, undique religionis enitere studium: si iudicium, nihil ungue signandum relinquere: si figuras artisque conatus, veterum vatum nulli cedere, multos antecire. Gratulamur itaque tibi, quod tantum unus præstes, quantum antea nemo: Ecclesiae, quod quum vexetur lancineturque ab aliis, a te uno in cælum efferatur: nostro sæculo, quod fiet tui carminis luce

luce celeberrimum: nobis denique ipsis, quibus imminente hinc Goliade armato, hinc Saule a furis agitato, affuerit pius David illum funda a temeritate, hunc hyra a furore comescens: Hortamur itaque te, jam opus edas, ut qui dolent, quum illa legunt quæ adversus pietatem venena ficti Christiani evomere, ad tua conferant se se, quæ veluti præsens antidotum sint opposituri. Tu ita tibi persuadeas volumus, nos te & tua omnia perinde ac nostra complexuros esse, nec nos, nec hanc Sanctam Sedem umquam tui vel affectus vel operæ immemores futuros. Datum Romæ apud Sanctum Petrum sub annulo Piscatoris die VI. Augusti.
M. D. XXI. Pontificatus nostri anno nono.

BEMBUS.

Per Favonium de mandato.

DILECTO FILIO
ACTIO SINCERO
SANNAZARIO
CLEMENS PAPA VII.



DILECTE fili, salutem & Apostolicam benedictionem. Accepimus librum gratissimo munere, quem tu ad nos de **DEI, & DOMINI NOSTRI JESU CHRISTI** rebus scriptum misisti, cujus argumentum præclarum, atque nobile quum in te parem ostendat animi pietatem, atque ingenii gloriam, sitque in eo nomen quoque nostrum ad memoriam eorum qui lecturi sunt, qui quidem innumerabiles futuri sunt in longa posteritate, immortalitati quasi commendatum, muneris tui magnitudinem hoc magis sentimus, quod quomodo parem referamus gratiam, habere nos non arbitramur. Si enim immortalitas optata, & grata est omnibus, qui præsertim animo vegetiore atque erectiore sunt, permagnæ sunt illius partes nobis a te tributæ. Quamquam enim ea est appetenda maxime, illique elaborandum præcipue, quæ post discessum ex hac vita, in illa altera vita felici & sempiterna nos cum **DEO** ipso collocat, tamen ne hæc quidem non libenter adsciscenda, quæ producit ad posteros nostri nominis perpetuitatem. pro qua, qui illam cælestem & divinam immortalitatem non plane cognoverunt, maximis sæpe tamen contentionibus, & acerbissimis discriminibus vitam, & caput suum objecere. quod profecto non fecissent, nisi a natura ipsa admoniti, summum quoddam bonum existere conjectati fuissent, cujus in imagine & simulacro tam multas partes experirentur esse delectationis, & gloriæ. Est enim profecto hæc famæ & laudis ad commemorationem hominum celebritas, imago illius veræ immortalitatis quæ eximio dono Omnipotentis **DEI**, uni Christiano generi, per **DOMINUM NOSTRUM JESUM CHRISTUM** proposita est, ad quam potissimum aspirare debemus, hanc vero ita caram, jucundamque ducere, si

proborum & prudentium testimonium nobis deferatur, quod quidem in te nobis egregie contigit. Non enim ingenio solum tuo honorati, illustratique sumus, sed (quod nobis etiam gratius est) iudicio comprobati; & si enim ingenii gloria concedis nemini, vel omnibus potius præstas qui in hoc scribendi genere cum laude versati sunt, tamen quum ipso scriptionis argumento ostendas, qua sis pietate, sapientia, religione præditus, jucundius etiam accepimus testimonium optimi, & religiosissimi viri, quam studium doctissimi. Quapropter maxime virtute tu quidem; id enim es consecutus, quo nullum majus homini bonum in hac vita existere posse videatur. maximorum enim donorum quibus te affecerat DEUS, gratia illi (quoad mortali homini licuit) relata, illud jam summum, & incomparabile veræ immortalitatis donum es promeritus, cui deinde jam gratia nulla esse par potest. qui talentum acceptum multiplicatis mercedibus, eidem domino reddidisti a quo acceperas. Ex quo quum fructum quoque non mediocre tui libi dicatione, ad nominis nostri laudem, ac memoriam redundare volueris, tantam tibi habemus gratiam, quantam capere grati, & memoris Pontificis tanto devincta officio mens potest, sicut & re ipsa tibi ostendere parati sumus, & ut experiri etiam adhortamur. Datum Romæ apud Sanctum Petrum sub annulo Piscatoris die V. Augusti. M.D.XXVI. Pontificatus nostri anno tertio.

JAC. SADOLETUS.

Æ G I D I U S
TIT. S. MATTHÆI
S. R. E. PRESBYTER CARDINALIS
A C T I O S Y N C E R O
S A N N A Z A R I O S.



IVANUM De Partu Virginis poema mihi tuo nomine redditum quum legissem, velut attonitus ac lucis impatiens, statim ad te nescio quid, sed quale ab iis qui lelio (ut ajunt) visitant, proficisci potest. Neque enim de eo posse arbitrer quemquam judicare, prater cum qui ad eruditionem tuam proximo accedat, quique (quod fieri vix possit) tui sit quam maxime similis. Verum quum absurda quadam & incoherens scripserim, mea tamen litera (qua tua est humanitas) nunquam exposita, lecta, exscripta istic a plerisque omnibus sunt. Quumque (ut audebam) earum literarum exemplum in tuorum fere omnium civium manibus esset, ecce a te mihi litera redduntur. demissa calo ancilia mihi visa sunt: nullum enim ornandi me locum pratermittis. Nam dum mea probas, Neapoli cum admiratione legor, & item Roma: dum rescribis, quo munere beasti me, SYNCERE, diis hominibusque invidentibus! Sed ut ad poema redeam, divina quidem illa omnia, verum hactenus ita omni ornatu caruerunt; ut humanis inferiora: nunc a te ita omnium Musarum munerebus exculsa, ut divinis (si dicere fas sit) vel potiora esse videantur. Nam quum a prescripta linea digrederis, velut liberum d'ecendi genus natus, ita ingenii vires explicas, ut antiquorum quidem nemini sit tibi concedendum. rursus quum ea narras unde ne transversum quidem unguem, quod ajunt, quaque majores nostri divinarum rerum scriptores Latinis literis ornari haud posse arbitrabantur, ita oratione illustras, ut omnium argumenta, quum Græcorum, tum Latinorum poetarum, longe post se intervallo relinquant. Quid enim, immortalis DEUS, (ut ordiar ab initio) invocatione elegantius? quid conceptu altius? quid cale, terra, inferis rei novitate obstupescitibus mirabilius? quid lato Simeone inenndius? quid infantum internecione fœvius, quid DEO moriente horribilius? quid ab Orco redempte gratius? quid spolia referente beatius? quid agente in calo triumphum te canente felicius? Adde alterius libri Musas certatim divina carmina meulantes, adde pictum orbem, adde specum. De partu vere quid ipse loquar? quum ea de re deinceps vel tacendum, vel tuis dumtaxat verbis loquendum sit. Praterco qua oratione heres ille tuus e somno excitus, divinaque adflatus aura DEUM natum adoret. Nec referam e tertio illustrata puerperia, non divorum cantus, non carmina, non pastorum vaticinia, non feliciis fluvii oracula, non urnam, non columba alas argenteas, non denique Protei vasis miracula recensere:

— — — — Non si mihi ferrea centum
Ora sonent, totidemque ærato e gutture linguæ,
Carminis ACTIACI laudes percurrere possem.

pra-

Verum quum tu solum pietate, non humanarum laudum cupiditate accensus, tantum studii, laboris, diligentia ad scribendum contuleris, ea tibi summa laus censeatur qua uno omnium ore predicabitur, tantum esse laudum tuarum cummulum, ut ne ipsi quidem eloquentia, qua mirabiliter excellis, locus ad te laudandum relinquantur. Nam de laboris premio, ad nos, id est mortales, nihil attines cogitare. Quid enim tibi tribuere homines possent, & si omnia simul congererint, quo tamen meritis expleveretur? DEUS ille DEUS, cuius numine adfatus, tam doctum, tam sanctum, tam pium carmen cecinisti, te digno munere remunerabitur. Non quidem Elysiorum aut piarum campis, insulisque fortunatorum, quas Lino, Orpheo, Musao, ceterisque deorum filius sedes astringitas falso statuit, sed calo, digna quidem tantarum vigiliarum mercede. Reliquum est, ut tibi gratias agam, quod Augustini personam inferueris, qua reliquis tam apte, tantaque harmonia coheret, quanta philosophi ajunt in calo sidera. proinde recte ad te pertinet † Homericum illud:

— — — Ο δ' Ὀλβιῷ ὄντινα Μῦσαι
Φιλῶνται γλυκερὴ εἰ ἔσσι σέματ' ῥίη αἰδῶ.

PETRUS GRAVINA.



ON fine providentia deligunt sibi immortales quandoque ex mortalibus nonnullos, quorum opera, ad venerandam divinam dignitatem, decentius utantur. hinc nostra Christiana veritas, tot sanctorum virorum, sanctorumque virginum testimonia, ac ministeria in sui gloriam agnoscit. an fortuito igitur evenisse existimabimus, ut temporibus nostris, nascentis divini cœlestisque operis De Partu Virginis imprimendi, ac promulgandi curam VIRGO ipsa DEIPARA, quasi ex destinatu, primariæ feminæ Cassandræ Marchesæ, nobilitate, facundia, pudicitia insigni demandaverit? qua quidem alumna tantum sibi placet docta Neapolis, ut cum Gratiis Gratiis, cum Musis Musam esse affirmet. Hac itaque veluti quadam honestissima obstetrice curante, divinus hic novi carminis partus veterem nostram salutem, ac lucem, tamquam renascentem nobis expectantibus representavit.

CLE-

† Homericum illud) ἀνθρώποις ἀνθρώποις. quum Hesiodum dicere debuerit: hæc enim leguntur in Hesiodi Theogonia v. 96. quæ ita Latine vertas licet: Ille vero beatus, quæcumque Musa amaret: suavis ei ab ore fluit vox. Male autem pro φιλῶνται, Aegidius Φιλῶνται.



CLEMENTI SEPTIMO

PONTIFICI MAXIMO

ACTIUS SYNCERUS.

MAGNE PARENS, CVSTOSQVE HOMINVM, CVI IVS DATVR VNI
CLAVDERE CAELESTES, ET RESERARE FORES:

OCCVRRENT SI QVA IN NOSTRIS MALE FIRMA LIBELLIS,
DELEAT ERRORES AEQVA LITVRA MEOS.

IMPERIIS, VENERANDE, TVIS SVBMITTIMVS ILLOS:
NAM SINE TE RECTA NON LICET IRE VIA:

IPSE MANV, SACRISQVE POTENS PODALYRIVS HERBIS
VLCERA PAEONIA NOSTRA LEVABIS OPE.

QVIPPE MIHI TOTO NVLLVS TE PRAETER IN ORBE
TRISTE SALVTIFERA LENIET ARTE MALVM.

RARVS HONOS, SVMMO SE PRAESIDE POSSE TVERI;
RARIOR, A SVMMO PRAESIDE POSSE LEGI.



ACTII

ACTII SYNCERI
SANNAZARII

NEAPOLITANI

VIRI PATRICII

DE PARTU

VIRGINIS

LIBRI TRES.



ACTII SYNCERI
 SANNAZARI
 NEAPOLITANI
 DE PARTU
 VIRGINIS
 LIBER PRIMUS.



IRGINEI partus, magnoque æquæva parenti
 Progenies, superas cæli quæ missa per auras
 Antiquam generis labem mortalibus ægris
 Abluit, obstructique viam patefecit olympi,

Sit mihi, Cælicolæ, primus labor: hoc mihi primum 5
 Surgat opus. vos auditas ab origine caussas,
 Et tanti seriem, si fas, evolvite facti.

Nec minus, o Musæ, vatum decus, hic ego vestros
 Optarim fontes, vestras nemora ardua rupes:
 Quandoquidem genus e cælo deducitis: & vos

10

A 2

Vir-

4 DE PARTU VIRG.

Virginitas, sanctæque juvat reverentia famæ.
 Vos igitur, seu cura poli, seu virginis hujus
 Tangit honos, monstrate viam, qua nubila vincam:
 Et mecum immensi portas recludite cæli.
 Magna quidem, magna, Aonides, sed debita posco, 15
 Nec vobis ignota: etenim potuistis & antrum
 Adspicere, & choreas: nec vos orientia cælo
 Signa, nec Eoos reges latuisse putandum est.

Tuque adeo, spes fida hominum, spes fida deorum,
 Alma parens, quam mille acies, quæque ætheris alti 20
 Militia est, totidem currus, tot signa, tubæque,
 Tot litui comitantur, ovantique agmina gyro
 Adglomerant: niveis tibi si solennia templis
 Serra damus: si mansuras tibi ponimus aras
 Exciso in scopulo, fluctus unde aurea canos 25
 Despiciens, celfo se culmine Mergilline
 Adtollit, nautisque procul venientibus offert:
 Si laudes de more tuas, si sacra, diemque,
 Ac cætus late insignes, ritusque dicamus,
 Annua felicitis colimus dum gaudia partus: 30
 Tu vatem ignarumque viæ, infuetumque labori,
 Diva, mone, & pavidis jam læta adlabere cœptis.

Viderat ætherea superûm regnator ab arce,
 Undique collectas vectari in Tartara prædas:
 Tisiphonemque imo conantem cuncta profundo 35
 Vertere, & immanes stimulantem ad dira sorores:
 Nec jam homini prodesse, alto quod semina cælo
 Duceret, aut varios animarum excoluisset ad usus:

Tan-

Tantum letiferæ poterant contagia culpæ!
 Tum pectus pater æterno succensus amore, 40
 Sic secum: *Ecquis erit finis? tantisne parentum*
Prisca luent pœnis feri commissa nepotes?
Ut quos victuros semper, superisque crearam
Pæne pares, tristi patiar succumbere leto,
Informesque domos, obscuraque regna subire? 45
 Non ita: sed divûm potius revocentur ad oras,
 Ut decet, & manuum poscunt opera alta mearum:
 Desertosque foros, vacuique sedilia cæli
 Actutum complere parent: legio unde, nefandis
 Acta odiis, trepidas ruit exturbata per auras. 50
 Quumque caput fuerit, tantorumque una malorum
 Femina principium, lacrimasque, & funera terris
 Intulerit; nunc auxilium ferat ipsa, modumque,
 Qua licet, afflictis imponat femina rebus.
 Hæc ait: & celerem stellata in veste ministrum, 55
 Qui castæ divina ferat mandata puellæ,
 Adloquitur, facie insignem, & fulgentibus alis.
 Te, quem certa vocant magnarum exordia rerum,
 Fide vigil, pars militiæ fortissima nostræ,
 Te decet ire, novumque in sæcula jungere fœdus: 60
 Nunc animum huc adverte: atque hæc sub pectore serva.
 Est urbes Phœnicum inter, lateque fluentem
 Jordanem, regio nostris sat cognita sacris,
 Judæam appellant, armisque, & lege potentem.
 Hic claris exorta atavis, vatumque ducumque 65
 Antiquum genus, & dignis licet aucta hymenæis,

6 DE PARTU VIRG.

Pectoris inlæsum virgo mihi casta pudorem
 Servat adhuc, nullos non servatura per annos:
 (Mirus amor!) seniumque sui venerata mariti
 Exiguus degit thalamis, & paupere tecto, 70
 Digna polo regnare, altoque effulgere divûm
 Concilio, & nostros æternum habitare penates.
 Hanc mihi virginibus jampridem ex omnibus unam
 Delegi, prudensque animo interiore locavi:
 Ut foret, intacta sanctum quæ numen in alvo 75
 Conciperet, ferretque pios sine semine partus.
 Ergo age, nubivagos molire per aera gressus:
 Deveniensque locum, castas hæc jussus ad aures
 Effare: & pulchris cunctantem hortatibus imple:
 Quandoquidem genus e Stygiis mortale tenebris 80
 Eripere est animus, sævosque arcere labores.
 Dixerat. Ille altum Zephyris per inane vocatis
 Carpit iter, scindit nebulas, atque aera tranat
 Ima petens, pronusque leves vix commovet alas.
 Qualis, ubi ex alto notis Mæandria ripis 85
 Prospexit vada, seu placidi stagna ampla Caystri,
 Præcipitem se se candenti corpore cygnus
 Mittit agens, jamque implumis, fegnisque videtur
 Ipse sibi, donec tandem potiatur amatis
 Victor aquis: sic ille auras, nubesque secabat. 90
 Ast ubi palmiferæ tractu stetit altus Idumes,
 Reginam haud humiles volventem pectore curas
 Adspicit: atque illi veteres de more Sibyllæ
 In manibus: tum siqua avo referanda nepotum

Fati-

L I B E R I.

7

Fatidici casto cecinerunt pectore vates. 95
 Ipsam autem securam animi lætamque vidores
 Auctorem sperare suum: namque adfore tempus,
 Quo sacer æthereis delapsus spiritus astris
 Incorrupta placet compleret viscera matris,
 Audierat. Proh quanta alti reverentia cæli 100
 Virgineo in vultu est! oculos dejecta modestos
 Suspirat: matremque Dei venientis adorat:
 Felicemque illam, humana nec lege creatam
 Sæpe vocat: nec dum ipsa suos jam sentit honores:
 Quum subito ex alto juvenis demissus olympo, 105
 Purpureos reteggit vultus: numenque professus
 Incessuque habituque, ingentes explicat alas:
 Ac tectis late insuetum diffundit odorem.
 Mox prior hæc: Oculis salve lux debita nostris,
 Jam pridem notum cælo jubar, optima virgo: 110
 Cui se se tot dona, tot explicuere merenti
 Divitiæ superùm: quidquid rectique, probique
 Æterna de mente fluit: purissima quidquid
 Ad terras summo veniens Sapientia cælo
 Fert secum, & plenis exundans Gratia rivis. 115
 Te genitor stabili firmam sibi lege sacravit,
 Perpetuos genitor cursus qui dirigit astris:
 Mansuramque tuo fixit sub pectore sedem.
 Iccirco cœtus inter veneranda pudicos
 Una es quam latis cæli in regionibus olim 120
 Tot divùm celebrent voces. proh gaudia terris
 Quanta dabis! quantis hominum succurrere votis

Inci-

8 DE PARTU VIRG.

Incipies! Stupuit confestim exterrita virgo:
 Demisitque oculos: totosque expalluit artus.
 Non secus ac conchis si quando intenta legendis 125
 Seu Mycone parva, scopulis seu forte Scriphi
 Nuda pedem virgo, lætæ nova gloria matris,
 Veliferam advertit vicina ad litora puppim
 Adventare, timet: nec jam subducere vestem
 Audet, nec tuto ad socias se reddere cursu: 130
 Sed trepidans silet, obrutuque immobilis hæret.
 Illa Arabum merces, & fortunata Canopi
 Dona ferens, nullis bellum mortalibus infert:
 Sed pelago innocuis circumnitet armamentis.
 Tum rutilus cæli alipotens, cui lactea fandi 135
 Copia, divinique fluunt e pectore rores
 Ambrosiæ, quibus ille acres mulcere procellas
 Possit, & iratos pelago depellere ventos:
 Exue, dia, metus animo: paritura verendum
 Cælitibus numen, sperataque gaudia terris, 140
 Æternamque datura venis per sæcula pacem.
 Hæc ego fiderea missus tibi nuntius arce,
 Sublimis celeres vexit quem penna per auras,
 Vaticinor, non insidias, non necere fraudes
 Edoctus: longe a nostris fraus exsulat oris. 145
 Quippe tui magnum magna incrementa per orbem
 Ipsa olim partus, virgo, sobolisque beatæ
 Adspicies. vincet proavos: proavitaque longo
 Extendet jura imperio: populisque vocatis
 Ad solum, late ingentes moderabitur urbes: 150
 Nec

Nec ſcepri jam finis erit, nec terminus ævi.
 Quin juſtis paullatim animis pulcherrima ſurget
 Relligio. non monſtra piis, ſed numina, templis
 Placabunt caſtæ diris ſine cædibus aræ.

Dixerat. Illa animum ſedato pectore firmans, 155
 Subſtitit, & placido breviter ſic ore locuta eſt:
 Conceptuſne mihi tandem, partuſque futuros,
 Sancte, refers? mene attactus perferre viriles
 Poſſe putas? cui vel nitenti matris ab alvo
 Protinus inconcuſſum, & ineluctabile votum 160
 Virginitas fuit una: nec eſt, cur ſolvere amata
 Jura pudicitia cupiam, aut hæc fœdera rumpam.
 Immo iſtas, quod tu minime jam rere, per aures,
 Excipit interpres, fœcundam ſpiritus alvum
 Inſluet, implebitque potenti viſcera partu, 165
 Flammifero veniens cælo, atque micantibus aſtris.
 At tu virgineum mirata tumefcere ventrem,
 Hærebis pavitans: demum formidine pulſa
 Gaudia ſervati capies inopina pudoris.
 Neve hæc vana putes, dictis aut territa noſtris 170
 Indubites: ſeræ dudum conceſſa ſeneſcæ
 Dona oculos pone ante tuos. nam ſanguine avito
 Juncta tibi mulier, ſterilis licet illa, gravique
 Preſſa ævo, haudquaquam ſperatum hoc tempore pignus
 Fert utero, & felix ſexto ſub menſe laborat. 175
 Uſque adeo magno nil non ſuperabile cælo eſt.

His dictis, regina oculos ad ſidera tollens,
 Cæleſtumque domos ſuperas, atque aurea teſta,

B

Adnuir,

10 DE PARTU VIRG.

Adnuit, & tales emisit pectore voces:
 Jam jam vince, fides; vince, obsequiosa voluntas : 180
 En adsum: accipio venerans tua jussa, tuumque
 Dulce sacrum, pater omnipotens: nec fallere vestrum est,
 Cælicolæ. nosco crines, nosco ora, manusque,
 Verbaque, & aligerum cæli haud variantis alumnum.
 Tantum effata, repente nova micuisse penates 185
 Luce videt: nitor ecce domum complerat: ibi illa,
 Ardentum haud patiens radiorum, ignisque corusci,
 Extimuit magis. At venter (mirabile dictu!
 Non ignota cano) sine vi, sine labe pudoris,
 Arcano intumuit verbo. Vigor actus ab alto 190
 Irradians, Vigor omnipotens, Vigor omnia complens
 Descendit, Deus ille, Deus: totosque per artus
 Dat se se, miscetque utero. quo tacta repente
 Viscera contremuere: silet Natura, pavetque
 Adtonitæ similis: confusaque turbine rerum 195
 Insolito, occultas conatur quærere causas.
 Sed longe vires alias, majoraque sentit
 Numina. succutitur tellus: lævumque sereno
 Intonuit cælo, rerum cui summa potestas,
 Adventum nati genitor testatus: ut omnes 200
 Audirent late populi, quos maximus ambit
 Oceanus, Tethysque, & raucifona Amphitrite.
 Hos inter medios cæli, terræque fragores
 Æquatis properans volucer pulcherrimus alis,
 Omnia dum trepidant, discesserat, altaque nabat 205
 Per loca; quum virgo celsis in nubibus illum

Alter-

Alternantem humeros videt, atque immensa secantem
 Ventorum spatia, & jam versicolore per auras
 Fulgentem pluma, ac cæli convexa petentem.
 Quem demum tali adspectans sermone secuta est: 210
 Magne ales, celsi decus ætheris, invia rerum
 Qui penetras, longeque & nubila linquis, & Euros
 Antevolans; læto seu te felicia tractu
 Sidera, quæque suos voluntur signa per orbis
 Expectant redeuntem; alti seu certa reposcit 215
 Crystalli domus, & vitrei plaga lucida regni:
 Seu propiora vocant supremo tecta tonanti,
 Qua patet in summum regio flammantis olympi,
 Teque amor, & liquidis flagrans alit ignibus aura:
 I precor, i nostrum testis defende pudorem. 220
 Nec plura his. Tum vero aciem deflectit, & omnes,
 Haud mora, sollicito percurrit lumine montes:
 Adgnatamque animo, conceptaque pignora versat,
 Multa putans: serumque uteri miratur honorem.

Interea manes descendit fama sub imos, 225
 Pallentesque domos veris rumoribus implet:
 Optatum adventare diem, quo tristia linquant
 Tartara, & evictis fugiant Acheronta tenebris,
 Immanemque ululatum, & non lætabile murmur
 Tergemini canis: adverso qui carceris antro 230
 Excubat insomnis semper, rictuque trifauci
 Horrendum, stimulante fame, sub nocte profunda
 Personat, & morsu venientes adpetit umbras.
 Tum vero heroes lætati, animæque piorum

12 DE PARTU VIRG.

Ad cælum erectas cœperunt tendere palmas. 235
 Atque hic insignis funda, citharaque decorus,
 Insignis sceptro senior, per opaca locorum
 Dum graditur, nescitque sacros diademate crines:
 Dum legit effœtos Lethæo in gramine flores,
 Qua tacite labuntur aquæ, mutæque volucres 240
 Ducunt per steriles æterna silentia ramos:
 Adtonita subitos concepit mente furores,
 Divinamque animam: & consueto numine plenus,
 Intorquens oculos, venientia fata recenset.
 Nascere, magne puer: nostros quem solvere nexus, 245
 Et tantos genitor voluit perferre labores.
 Magne puer, cui se hæc tandem spolianda reservant
 Regna, tot heu miseris hominum ditata ruinis:
 Nascere, venturum si te mortalibus olim
 Pectore veridico promissimus: igneus ut nos 250
 Viribus adflatos cælestibus ardor agebat
 Insinuans: si sacra peregrinus, & tua late
 Jussa per immensum fama vulgavimus orbem.
 En ridet Pax alma tibi: simul ecce potentes
 Impulsi cælo, divisque auctoribus acti, 255
 Orbe alio properant regès. Salvete, beati
 Æthiopes, hominum sanctum genus, astra secuti:
 Scilicet huc vestris adfertis munera regnis.
 Accipe dona, puer: tuque, o sanctissima mater,
 Sume animos: jam te populique, ducesque frequentant 260
 Litore ab extremo, & odoriferis Nabataïs.
 Ille autem aurata fulgens in veste sacerdos

Jam

Jam canus, jam maturo venerabilis ævo,
 Quid sibi vult? sacras puerum qui sistit ad aras,
 Sic venerans? lætoque inspectans æthera vultu? 265
 Seque dehinc facili clausurum lumina fato,
 Exclamat: quod speratum per sæcula munus,
 Promissamque diu pacem, certamque salutem
 Terrarum, exorta liceat sibi luce tueri
 Optanti, seniumque ideo, Parcasque trahenti. 270
 Sed quid ego heu dira conspersos cæde penates
 Infantum, & subito currentes sanguine rivos
 Adspicio? tristisque meas vagitus ad aures
 Fertur? io scelus est, partus jugulare recentes.
 Crudelis, quid agis? nihil hi meruere: neque illum 275
 Quem petis, insano dabitur tibi perdere ferro.
 Nunc nunc, o matres, scelerata abscedite terra,
 Dum licet, inque sinu pueros abscondite vestros:
 Nam ferus hostis adest. propera jam, regia virgo,
 Inque Parætonias transfer tua pignora terras: 280
 Admonet hoc magnum genitor qui temperat orbem.
 Tuta domus, tutique illic tibi, dia, recessus.
 Verum ubi bis senas hiemes, bis senaque nati
 Solstitia, & tantos superaveris anxia casus;
 Ingentes imo duces de pectore questus, 285
 Aureaque assiduis pulsabis sidera votis.
 Nam puerum, quamvis per compita sæpe vocatum,
 Sæpe expectatum consueta ad gaudia mensæ,
 Perquires nequidquam amens: nec cara petentem
 Oscula, nec sera redeuntem nocte videbis. 290

Tref.

Tresque illum totos mærenti pectore soles,
 Et toridem trepidas somni sine munere noctes
 Omnia lustrantes, questu omnia confundentes
 Flebitis indigno perculsi corda dolore
 Tuque, senexque tuus. quarto sed Lucifer ortu 295
 Purpureos tremulo quum tollet ab æquore vultus,
 Inventum dabit, & quærentibus offeret ultro.
 O quas tunc lacrimas, o quæ tunc oscula, mater,
 Quos dabis amplexus, misto inter gaudia fletu!
 Quum natum ante aras patris, & delubra sedentem, 300
 Mulcentemque senes dictis, animosque trahentem
 Adspicies gavisa, ipso admirante senatu
 Primitias pueri ingentes, nec inane sagacis
 Pectoris indicium, natæque ad grandia mentis.
 Tu vero quid in arma ruis, scelerata juvenus? 305
 Quid galeas, ensesque virum, & fulgentia cerno
 Agmina? scutatasque procul sub nocte cohortes
 Obscura, & crebris radiantes ignibus hastas?
 Totne unum telis petitur caput? heu furor, heu mens
 Cæca hominum, semperque odiis adcincta nefandis! 310
 Jamque oleas, montemque sacrum circumque supraque
 Cinxere, & longa lucum obsedere corona.
 Quo feror? ecce trahunt manibus post terga revinctis
 Infontem: modo quem latas mira illa per urbes
 Edentem, patrisque palam præcepta docentem 315
 Adtoniti stupuere, illum regemque Deumque,
 Humanæque ducem vitæ, fontemque salutis
 Haud veriti populo circum plaudente fateri.

Heu

Heu facinus! mortemne etiam, & crudele minantur
 Supplicium? sævos stringunt in vulnera fasces, 320
 Horrentesque parant paliuro intexere dumos,
 Tormenti genus: & capiti premere inde coronam
 Vulnificam. viden', alternos ut arundinis ictus
 Incutiunt? geminantque truci convicia lingua?
 Parte alia ingentes video de stirpibus imis 325
 Everti palmas, altas ad sidera palmas,
 Infelix opus: unde hominum lux illa, decorque
 Pendeat. ah trepidis diram, & miserabile terris!
 Quum patri æthereo moriens liventia pandet
 Brachia, turpatosque atra de morte capillos, 330
 Oraque, demissosque oculos, frontemque cruore
 Jam madidam, & lato patefactum pectus hiatu.
 At mater, non jam mater, sed flentis, & orbæ
 Infelix simulacrum, ægra, ac sine viribus umbra,
 Ante crucem demissa genas, effusa capillum, 335
 Stat lacrimans, tristisque irrorat pectora fletu.
 Ac; si jam comperta mihi licet ore profari
 Omnia; defessi spectans morientia nati
 Lumina, crudeles terras, crudelia dicit
 Sidera: crudelem se se, quod talia cernat 340
 Vulnera, sæpe vocat: tum luctifono ululatu
 Cuncta replens, singultanti sic incipit ore:
 Incipit, & duro figit simul oscula ligno
 Exclamans: Quis me miseram, quis culmine tanto
 Dejectam, subitis involvit, nate, procellis? 345
 Nate, patris vires, sanguis meus, unde repente

Hæc

Hæc fera tempestas? quis te mihi fluctus ademit?
 Quæ manus indignos fœdavit sanguine vultus?
 Cui tantum in superos licuit? bella impia cælo
 Quis parat? hunc ego te post tot male tuta labores, 350
 Postque tot infelix elapsæ incommoda vitæ
 Adspicio? tune illa tuæ lux unica matris?
 Tune animæ pax, & requies, spesque ultima nostræ
 Sic raperis? sic me solam, exanimemque relinquis?
 O dolor! extincto jam te pro fratre sorores, 355
 Pro natis toties exoravere parentes:
 Ast ego pro nato, pro te dominoque Deoque
 Quem misera exorem? quo tristia pectora vertam?
 Cui querar? o tandem, diræ, me perдите, dextræ:
 Me potius (si qua est pietas) immanibus armis 360
 Obruite: in me omnes effundite pectoris iras:
 Vel tu (si tanti est hominum genus) eripe matrem,
 Quæ rogat, & Stygias tecum duc, nate, sub umbras.
 Ipsa ego te per dura locorum, inamœnaque vivis
 Regna sequar: liceat rumpentem cernere portas. 365
 Æratas: liceat pulchro sudore madentem
 Everforem Erebi materna abstergere dextra.
 Hos illa, & plures fundet de pectore questus.
 Quod scelus Eois ut primum cernet ab undis
 Sol, indignantes retro convertere currus 370
 Optabit: frustra que suis luctatus habenis,
 Quod poterit tandem, auratos ferrugine crines
 Inficiet, mæstamque diu sine lumine frontem
 Ostendet terris; ut qui jam ploret ademtum

Au-

Auctorem, regemque suum. quin ipsa nigranti 375
 Fratris ab ore timens, & tanto concita casu
 Cynthia, cæruleo vultus obnubet amictu,
 Avertetque oculos, lacrimasque effundet inanes.
 At contra horrifono tellus concussa tremore,
 Cum gemitu fremet: & ruptis excita sepulcris 380
 Emitter simulacra: Quid, o, quid abire paratis;
 Illustres animæ? non omnibus hæc data rerum
 Conditio: paucis remeare ad lumina vitæ
 Concessum. sed tempus erit, quum Martia rauco
 Mugitu cælum quatiet tuba: quumque repente 385
 Corpora per terras omnes late omnia surgent.
 Nunc autem sat tartarei si claustra tyranni
 Effringat rex ille: & caligantia pandat
 Atria: diffugiant immisso lumine diræ
 Eumenidum facies jactis in terga colubris. 390
 Quas atro vix in limo Phlegethontis adustum
 Accipiat nemus, & fumanti condat in ulva.
 Tum variæ pestes, & monstra horrentia Ditis
 Ima petant: trepident Briarcia turba, cæstæ,
 Semiferumque genus Centauri, & Gorgones atræ, 395
 Scyllæque, Sphingefque, ardentisque ora Chimæræ,
 Atque Hydræ, atque canes, & terribiles Harpyiæ.
 Ipse catenato fessus per Tartara collo
 Ducetur Pluton: tristi quem murmure circum
 Inferni fractis mærebunt cornibus amnes. 400
 At nos virginea præcincti tempora lauru,
 Signa per extentos cæli victricia campos

18 D E P A R T U V I R G .

Tollemus, lætoque ducem clamore sequemur.
 Victor io, bellator io, tu regna profunda,
 Tu manes, Erebumque, potestatesque coerces 405
 Aerias, letumque tuo sub numine torques.
 Ille alto remone sedens, levibusque quadrigis
 Lora dabit, volucresque reget placido ore jugales,
 Non jam cornipedum ductos de semine equorum,
 Nec qui consuetas carpant præsepibus herbas. 410
 Primus enim valido subnixus eburnea collo
 Fert juga formosi pecoris custodia Taurus:
 Stellatus minio Taurus: cui cornua fronti
 Aurea, & auratis horrent palcaria setis:
 Perque pedes bifidæ radiant nova sidera gemmæ: 415
 Torva Bovi facies; sed qua non altera cælo
 Dignior, imbriferum quæ cornibus inchoet annum,
 Nec quæ tam claris mugitibus alstra laceſſat.
 Et juxta nemorum terror, rexque ipſe ferarum
 Magnanimus nitet ore Leo: quem fuſa per armos 420
 Conveſtit juba: peſtoribus generoſa ſuperbit
 Majeſtas: non jam ut cædes, aut prælia ſævus
 Adpetat (innocuis armantur dentibus ora:
 Grataque tranquillo ridet clementia vultu)
 Sed cælo ut ſpacietur, & alta ad ſidera tendat. 425
 Hos poſt inſequitur pulchros pennata per artus
 Alituum Regina: ſacræ cui vertice plumæ
 Adſurgunt: flavoque caput diademate fulget.
 Ipſa ingens alis, ingentis fulminis inſtar
 Supra hominum teſta, ac montes, ſupraque volucres 430
 Fer-

Fertur: & obstantes cursu petit obvia nubes.

Ultimus humana fociat cervice laborem

Alatus tergo Juvenis: cui lutea lævo

Ex humero chlamys Eois inspersa lapillis

Pendet: eam variant centum longo ordine reges, 435

Antiquum genus, & Solymæ primordia gentis,

Ostro intertexti. veros cognoscere vultus

Est illic: veros montes, & flumina credas:

Et vera extremo Babylon nitet aurea limbo.

Tali fidereas curru subvectus in auras

440

Indutos referens spoliis pallentibus axes,

Perveniet: recto qua panditur orbita tractu

Lactea, & ad fedes ducit candentis olympi.

Illic auratæ muros mirabimur urbis,

Auratæque domos, & gemmea tecta, viasque

445

Stelliferas, vitreosque altis cum montibus amnes.

Atque ibi, seu magni celsum penetrale tonantis,

Sive alios habitare lares, ac tecta minorum

Cælicolûm dabitur, stellas numerare licebit:

Surgentemque diem pariter, pariterque cadentem

450

Sub pedibus spectare, & longos ducere soles:

Longaque venturis protendere nomina sæclis.

Hæc ubi dicta; patres plausu exceperere frequentes

Fatidicum vatem; sublatumque aggere ripæ

Adtollunt humeris, lætumque per avia ducunt.

455

Intremuere Erebi fedes, obscuraque Ditis

Limina. suspirans imo de corde Megæra

Dat gemitum, & torvas spectat sine mente sorores.

20 DE PARTU VIRG. LIB. I.

Tum caudam exululans sub ventre recondidit atram

Cerberus, & fontes latratu terruit umbras:

460

Commotisque niger Cocytus inhorruit antris:

Et vaga Sisyphiis hæserunt saxa lacertis.



ACTII



ACTII SYNCERI
 SANNAZARII
 NEAPOLITANI
 DE PARTU
 VIRGINIS
 LIBER SECUNDUS.



REGINA ut subito imo sub pectore motus
 Sensit, & adflatu divini numinis aucta est:
 Haud mora, digressu volucris suspensa ministri,
 Exsurgit; montesque procul contendit in altos
 Festinans. ea cura animo vel prima recurſat: 5

Matronam defessam ævo, cui nulla fuissent
 Dona uteri (mirum dictu!) jam segnibus annis
 Fœcundam, sextique gravem sub pondere mensis
 Protinus adfari, vocemque audire loquentis,
 Et spectare oculis sterili data pignora matri.
 Ergo adcinctæ viæ, nullos studiosa paratus

10

In-

Induitur, nullo disponit pectora cultu:
 Tantum albo crines injectu vestis inumbrans,
 Qualis stella nitet, tardam quæ circuit Arcton
 Hiberna sub nocte: aut matutina refurgens 15
 Aurora; aut ubi jam Oceano Sol aureus exit.
 Quaque pedes movet, hac casiam terra alma ministrat,
 Pubentesque rosas, nec jam mæstos hyacinthos,
 Narcissumque, crocumque, & quidquid purpureum ver
 Spirat hians, quidquid florum per gramina passim 20
 Subgerit, immiscens varios natura colores.
 Parte alia celeres sistunt vaga flumina cursus:
 Exsultant vallesque cavæ, collesque supini:
 Et circumstantes submittunt culmina pinus:
 Crebraque palmiferis erumpunt germina silvis. 25
 Omnia lætantur. cessant Eurique, Notique:
 Cessat atrox Boreas. tantum per florea rura
 Regna tenent Zephyri, cælumque tepentibus auris
 Mulcent, quaque datur, gradientem voce salutant.
 Ut ventum ad sedes, vultu longæva verendo 30
 Occurrit conjux justæ senis: atque repente
 Plena Deo, subitoque uteri concussa tumultu,
 Excipit amplexu venientem, ac talibus infit:
 O decus, o laudis, mulier, dux prævia nostræ,
 Cælitibus sola humanum quæ digna reperta es 35
 Conciliare genus, cœtusque adtollere ad astra
 Feminæos: gremium cujus divinus obumbrat
 Palmes, inexhaustis terras qui compleat uvis:
 Quis me, quis tanto superûm dignatur honore?

Tune

Tunc procul visura humiles, regina, penates 40
Venisti? tunc illa mei pulcherrima regis
Mater ades? viden', ut nostra puer excitus alvo,
Quum mihi vix primas vocis sonus ambiat aures,
Jam salit, & dominum, ceu præcursurus, adorat?
Felix, virgo, animi, felix, cui tanta mereri 45
Credulitas dedit una: in te nam plena videbis
Omnia quæ magni verax tibi dixit olympi
Aliger, arcano delapsus ab æthere cursu.

Illa sub hæc: Miranda alti quis facta tonantis,
O mater, meritas cælo quæ tollere laudes 50
Vox queat? exsultant dulci mea pectora motu
Auctori tantorum operum: qui me ima tenentem,
Indignamque humilemque suis respexit ab astris.
Munere quo gentes felix ecce una per omnes
Jam dicar: nec vana fides: ingentia quando 55
Ipse mihi ingenti cumulavit munera dextra
Omnipotens, sanctumque ejus per sæcula nomen,
Et quæ per magnas clementia didita terras
Exundat; qua passim omnes sua jussa verentes
Usque fovens, nullo neglectos deferit ævo. 60
Tum fortem exsertans humerum, dextramque coruscam,
Insanos longe fastus, mentesque superbas
Dispulit, afflixitque super: folioque potentes
Deturbans dedit in præceps, & ad ima repressit:
Extollensque humiles, aliena in sede locavit: 65
Pauperiemque, famemque fugans, implevit egenos
Divitiis: vacuos contra, nudosque reliquit,

Qui

24 D E P A R T U V I R G .

Qui nullas opibus metas posuere parandis.
 Postremo sobolem (neque enim dare majus habebat)
 Æternam genitor sobolem, sæclisque priorem 70
 Omnibus, æqualemque sibi, de sanguine fidi
 Suscepit pueri (tantis quod honoribus unum
 Deerat adhuc) non ille animi, morumque suorum
 Oblitus. quippe id meditans promiserat olim
 Sacrificis proavorum atavis, stirpique nepotum. 75
 Hæc virgo. At senior, nullus cui vocis ademtæ
 Usus erat, supplex nunc gressum observat euntis,
 Virgineosque pedes, tactæque dat oscula terræ;
 Nunc lætus tollit duplices ad sidera palmas:
 Quoque potest, solo testatur gaudia nutu: 80
 Ostenditque manu varum tot scripta priorum:
 Quæ quis agente Deo, quondam, dum vita manebat,
 Edidit, & populis liquit celebranda futuris:
 Scilicet effusum tacitis de nubibus imbrem
 Lanigerum in tergus: germenque e stirpe vetustæ 85
 Arboris exsurgens: incombustumque sonoro
 Igne rubum: & priscis stellam de patribus ortam.
 Quæ dum cuncta gravi venturi haud infcia visu
 Percurrit relegens: alto cum corde volutat
 Conceptus virgo insolitos, & ab æthere lapsam 90
 Progeniem, pluvix in morem, quæ vellere molli
 Excepta, haud ullos sonitus, nec murmura reddit.
 Seque rubum, virgamque, alto se denique missam
 Sidus grande mari prorsum agnoscitque, videtque.
 Non tamen ausa loqui, tanto aut se dicere dignam 95
Mu-

Munere: sed tacito affectu tibi, maxime divum,
Grates, rector, agit, mentemque ad sidera tollit.

Et jam Luna cavum ter luce repleverat orbem,
Ter solitas de more intrarat cæca latebras:

Quum virgo in patriam reditum parat, omnia quando 100
Certa videt. subeunt dilectæ grata parentis

Adloquia: adfueræque piis sermonibus ædes:

Quæque salutantis voces ac verba ministri

Audiit, & primos excepit cella volatus:

Cella choris superum lustrata, & cognita celo. 105

Ergo iter inceptum caris digressa propinquis

Adcelerat: relegitque viam per nota locorum.

Nec mora, nec requies usquam: nec lumina flectit,

Cælicolum quamvis sacro circumdata coetu,

Donec ad optatum pervenit sedula limen. 110

Atque ibi, dum consueta suo cum pectore versat

Gaudia, paullatim maturi tempora ventris

Adventare videt. scires jam numen in illa

Grande tegi: nullos adeo sentire dolores

Dat superum genitor, nullaque ex parte gravari. 115

Interea terra parta jam pace, marique

Augustus pater æratis bella impia portis

Clauserat, & validis arctarat vincula catenis:

Dumque suas regnator opes, viresque potentis

Imperii, exhaustasque armis civilibus urbes 120

Nosse cupit; magnum censeri jusserat orbem,

Descrubi populos late, numerumque referri

Cunctorum ad se se capitum, quæ maxima tellus

D

Susti.

26 D E P A R T U V I R G .

Sustinet, & rapido complectitur æquore Nereus.
 Ergo omnes lex una movet. sua nomina mittunt, 125
 Qui montes, Aurora, tuos, regna illa feracis
 Armeniæ, qui convalles, atque alta Niphatæ
 Saxa tenent, longe pictis gens nota pharetris,
 Gens fines lustrare suos non segnis, & arcu,
 Qua vagus Euphrates, qua devius exit Araxes, 130
 Felices tractus, & late munere divûm
 Concessos defendere agros bene olentis amomi.
 Censetur Tauri passim, censetur Amani
 Incola: prædatorque Cilix: & Isaurica quisquis
 Rura domat: quicumque tuas, Pamphylia, silvas: 135
 Quique Lycaoniæ, felicia jugera: quique
 Flaventem curvis Lyciam perrumpit aratris.
 Jam clari bello Leleges, populique propinqui
 Jussa obeunt: gens quæque suo dat nomina ritu.
 Qui Ceramon, bimaremque Gnidon: quique alta tuentur 140
 Mœnia, dispositis ubi circumsepta columnis
 Tollit se nivei moles operosa sepulcri,
 Barbara quam raptò posuit regina marito.
 Et quos Mæandri toties ludente recursum
 Unda rigat, rigat ipse suo mox amne Cayster, 145
 Herbofo niveos dum margine pascit olores.
 Quosque metalliferis veniens Pactolus ab antris
 Circuit: & rutila non parciore Hermus arena.
 Myforum manus omnis: Apollinæque Celænæ;
 Idaque, Rhœtææque arces, celebrataque Musis 150
 Pergama, Sigæumque jugum, Priameia quondam

Re-

Regna armis, ducibusque, ducum nunc nota sepulcris.
 Quæ nauta, angustum dum præterit Hellespontum,
 Ostendens sociis: Hoc, inquit, litore flentes
 Nereides steterant, passis quum mæsta capillis 155
 Ipsa suum de more Thetis clamaret Achillem.
 His & Bithynæ classes, & Pontica late
 Adcedit regio. paret scopulosa Carambis:
 Parendi studio fervet simul alta Sinope:
 Fervet Halys: quique immensis procul amplexibus auctus 160
 Cappadocum medios populos discriminat Iris:
 Thermodoonque: Halibesque: adtritæque saxa Prometheo.
 Præterea qua se Thracum Mavortia tellus
 Pandit, & argenteam Rhodope procurrit in Hæmum:
 Qua Macedum per saxa ruit torrentibus undis 165
 Axius, umbrosæque tegunt Haliacmona ripæ:
 Quaque jacet diris omen Pharsalia bellis,
 Et bis Romana ferales clade Philippi,
 Conveniunt populi certatim, & iussa facessunt.
 Vos etiam vestros his adjunxistis alumnos, 170
 Vicinæ passim vacuis jam mœnibus urbes,
 Antiquæ Grajorum urbes, gens optima morum
 Formatrix, clara ingeniis, & fortibus ausis:
 Seu quæ litoreos tractus, montesque tenetis:
 Seu quæ per medias dispersæ exsurgitis undas. 175
 Tum latus Epiri, qua formidabile nautis
 Adrollunt summo caput Acroceraunia cælo,
 Urget opus. jamque Alcinoi dat regia censum:
 Illyricæque manus: impacatque Liburni:

Litoraue Ionio passim pulsata profundo. 180
 Nec tu, cui late imperium terræque, marisque
 Bellatrix peperit virtus, & Martius ardor,
 Non populos, non ipsa tuas, terra inclyta, gentes
 Describis, terra una armis, & sæta triumphis,
 Una viris longe pollens, atque æmula cælo: 185
 Nubiferæ quam præruptis anfractibus Alpes
 Præcingunt, mediamque pater secat Apenninus,
 Et geminum rapido fluctu circumtonat æquor.
 Describere suos, quamvis non axe sub uno,
 Hinc Rhenus pater indigenas, hinc latior undis 190
 Danubius: qui silvarum per vasta volutus,
 Pascere non populos, non lambere desinit urbes,
 Donec ad optatam rapido venit agmine Peucen.
 Quin & proceras scrutatur Gallia silvas,
 Gallia Cæsareis Latio dignata triumphis: 195
 Quam Rhodanus, quam findit Arar, quam permeat ingens
 Sequana, piscosoque interluit amne Garumna.
 Tum quas piniferis gentes prærupta Pyrene
 Rupibus, Herculeas prospectat ad usque columnas,
 Cogit Anas, cogit ripa formosus utraque 200
 Duria, & albenti Bætis præcinctus oliva,
 Auratamque Tagus volvens sub gurgite arenam,
 Quique suo terras insignit nomine Iberus.
 Parte alia vastas circumvoçat Africa vires:
 Gætuli, Maurique duces rimantur opaci 205
 Atlantis nemora, & dispersa mapalia silvis.
 Scribitur & vacuis ut quisque inventus arenis

Seu pastor, seu subcinctis venator in armis
 Observans sævos latebroſa ad teſqua leones.
 Maſſylûm quicumque domos, quicumque reſpoſtos 210
 Heſperidum lucos, munitaque montibus arva
 Incolit, & ramis nativum decutit aurum:
 Et qui vertentes immania ſaxa juvencos
 Flectit arans; qua deviſtæ Carthaginis arces
 Procubuerunt, jacentque inſauſto in litore turreſ 215
 Everſæ. Quantum illa metus, quantum illa laborum
 Urbs dedit inſultans Latio, & Laurentibus arvis!
 Nunc paſſim vix reliquias, vix nomina ſervans,
 Obruitur propriis non agnoſcenda ruinis.
 Et querimur genus infelix humana labare 220
 Membra ævo: quum regna palam moriantur, & urbes.
 Jamque Macas idem ardor habet: venere volentes
 Barcæi: venere ſuis Naſamones ab arvis:
 Navifragas qui per Syrtes, inſidaque circum
 Litora, mærentum ſpoliis onerantur, & altos 225
 Inſiliunt nudi cumulos exſtantis arenæ,
 Inque ſuas vertunt aliena pericula prædas.
 Poſtremo Phylli, Garamanticaque arva tenentes;
 Quique Cyreneas ſuſpendunt vomere glæbas,
 Laudataſque legunt ſuccis præſtantibus herbas. 230
 Quique Jovis palmeta, Aſbytarumque reſceſſus;
 Marmaricas qui late oras: qui paſcua ſervant
 Ægypti, Meroeſque, ſacer quos Nilus inundat,
 Nilus ab æthereo ducens cunabula cælo.
 Nec minus & caſta ſenior cum virgine cuſtos 235
 Ibat,

30 DE PARTU VIRG.

Ibat, ut in patria nomen de more, genusque
 Ederet, & iussum non segnis penderet aurum.
 Illē domum antiquam, & regnata parentibus arva
 Invisens, secum proavos ex ordine reges,
 Claraque facta ducum, pulchramque ab origine gentem 240
 Mente recensibat tacita: numerumque suorum,
 Quamvis tunc pauper, quamvis incognitus ipsis
 Adgnatis, longe adveniēns explere parabat.
 Jam fines, Galilza, tuos emensus, & imas
 Carmeli valles, quæque altus vertice opacat 245
 Rura Thabor, sparsamque jugis Samaritida terram
 Palmiferis; Solymas a læva liquerat arces:
 Quum simul e tumulo muros, ac testā domorum
 Prospexit, patriæque agnovit mœnia terræ.
 Continuo lacrimis urbem veneratur obortis: 250
 Intenditque manus, & ab imo pectore fatur:
 Bethlemiæ turres, & non obscura meorum
 Regna patrum; magnique olim, salvēte, penates:
 Tuque o terra parens regum, visuraque regem,
 Cui Sol, & gemini famulantur cardinis axes, 255
 Salve iterum. te vana Jovis cunabula Crete
 Horrescet, ponetque suos temeraria fastus:
 Mœnia te Dircæa trement: ipsamque pudebit
 Ortygiam geminos Latonæ extollere partus.
 Parva loquor: prono veniet diademate supplex 260
 Illa potens ærum, terrarumque inclyta Roma:
 Et septemgeminos submittet ad oscula montes.
 Dixit, & extrema movit vestigia voce:

Ma-

Maturatque viam senior : tardumque fatigat
Vectorem : & visas gressum molitur ad oras. 265

Et jam prona dies fluctus urgebat Iberos ,
Purpureas pelago nubes , aurumque relinquens.
Ecce autem magnis plenam conventibus urbem
Protinus , ut venere , extremo e limine portæ
Adspiciunt. mistum confluxerat undique vulgus , 270
Turba ingens. credas longinquo ex æquore vectas
Ad merces properasse : aut devastantibus arva
Hostibus , intutum trepidos fugisse colonos.
Cernere erat perque anfractus , perque arcta viarum
Cuncta repleffe viros , confusoque ordine matres : 275
Permissos pecori agricolas , hos jungere plaustra :
Hos intendere vela : alios discumbere apertis
Porticibus : resono compleri cuncta tumultu :
Accensos variis lucere in partibus ignes.

Quæ pater admirans , tacito dum singula visu 280
Percurrit , circumque domos , & limina lustrat ,
Nec superesse locum tecto videt : ibimus , inquit ,
Quo Deus , & quo sancta vocant oracula patrum.

Est specus haud ingens parvæ sub mœnibus urbis ,
Incertum , manibusne hominum , genione potentis 285
Naturæ formatus , ut hæc spectacula terris
Præberet , tantosque diu servatus in usus ,
Hospitio cælum acciperet : cui plurima dorso
Incumbit rupes pendentibus undique saxis
Aspera : & exesæ cingunt latera ardua cautes : 290
Defunctis operum , domus haud ingrata colonis.

Huc

32 DE PARTU VIRG.

Huc heros tandem superata ambage viarum
 Sic monitus, ducente Deo, cum conjuge sancta
 Devenit, multaque senex se nocte recepit.
 Ac primum siccis ramalibus excitat ignem: 295

Stramineoque toro comitem locat: ægra cubantis
 Membra super vestem involvens: mox adligat ipsos
 Permulcens, jam non duros, jam sponte sequentes
 Quadrupedes: ut forte aderat sænile saligna
 Subfultum crate, & palmarum vimine textum. 300

Nunc age, Castaliis quæ numquam audita sub antris,
 Musarumve choris celebrata, aut cognita Phœbo,
 Expediam: vos secretos per devia calles,
 Cæcicolæ, vos, si merui, monstrate recessus
 Intactos: ventum ad cunas, & gaudia cæli, 305
 Mirandosque ortus, & tecta sonantia sacro
 Vagitu. stat ferre pedem, qua nulla priorum
 Obvia sint oculis vaturn vestigia nostris.

Tempus erat, quo nox tardis invec̃ta quadrigis
 Nondum stelliferi mediam pervenit olympi 310
 Ad metam, & tacito scintillant sidera motu:
 Quum silvæque, urbesque silent: quum fessa labore
 Accipiunt placidos mortalia pectora somnos:
 Non fera, non volucris, non picto corpore serpens
 Dat sonitum. jamque in cineres confederat ignis 315
 Ultimus: & fera perfusus membra quiete
 Scruposo senior caput adclinaverat antro.
 Ecce autem nitor ex alto novus emicat, omnemque
 Exsuperat veniens atræ caliginis umbram:

Audi-

Auditque chori superum, & caelestia curvas 320

Agmina pulsantum citharas, ac voce canentum.

Agnovit sonitum, partusque instare propinquos

Haud dubiis virgo sensit latissima signis.

Protinus erigitur stratis, caeloque nitentes

Adtollit venerans oculos, ac talia fatur: 325

Omnipotens genitor, magno qui sidera nutu,

Aeriosque regis tractus, terrasque, fretumque,

Ecquid adest tempus, quo se sine labe serenam

Efferat in lucem soboles tua? quo mihi tellus

Rideat, & teneris depingat floribus arva? 330

En tibi maturos fructus, en reddimus ingens

Depositum: tu ne qua pio iactura pudori

Obrepat, summo defende, & consule caelo.

Ergo ego te gremio reptantem, & nota petentem

Ubera, care puer, molli studiosa fovebo 335

Amplexu: tu blanda tuæ dabis oscula matri

Adridens: colloque manum, & puerilia nectes

Brachia: & optatam capies per membra quietem.

Sic memorat, fruiturque Deo; comitumque micanti

Agmine, divinisque animum concentibus explet. 340

Atque olli interea revolutò sidere felix

Hora propinquabat. Quis me rapit? accipe vatem,

Diva, tuum: rege, diva, tuum. feror arduus altas

In nubes: video totum descendere caelum

Spectandi excitum studio. da pandere factum 345

Mirum, inditum, insuetum, ingens. absistite, curæ

Degeneres, dum sacra cano. Jam læta laborum,

E

Jam

34 DE PARTU VIRG.

Jam non tacta metu, sæcli regina futuri
 Stabat adhuc, nihil ipsa suo cum corde caducum;
 Nil mortale putans. illam Natusque, Paterque, 350
 Quique prius quam Sol cælo, quam Luna niteret;
 Spiritus obscuras ibat super igneus undas,
 Stant circum, & magnis permulcent pectora curis.
 Præterea redeunt animo quæcumque verendus
 Dixerat interpres: acti sine pondere menses, 355
 Servatusque pudor: clausa quum protinus alvo
 (O noctem superis lætam, & mortalibus ægris!)
 Sicut erat foliis, stipulaque innixa regenti,
 Divinum spectante polo, spectantibus altris,
 Edit onus. Qualis rorem quum vere tepenti 360
 Per tacitum matutinus defudat Eous:
 Et passim teretes lucent per gramina guttæ:
 Terra madet: madet adspersa sub veste viator
 Horridus, & pluviz vim non sensisse cadentis
 Admirans, gelidas udo pede proterit herbas. 365
 Mira fides! puer æthereas jam lucis in auras
 Prodierat: sænoque latus male fultus agresti,
 Impulerat primis resonum vagitibus antrum.
 Alma parens nullos intra præcordia motus,
 Aut incurfantes devexi ponderis ictus 370
 Senferat: hærebant immotis viscera claustris.
 Haud aliter, quam quum purum specularia Solem
 Admittunt: lux ipsa quidem pertransit, & omnes
 Irrumpens laxat tenebras, & discutit umbras:
 Illa manent illæfa, haud ulli pervia vento, 375
 Non

Non hiemi, radiis sed tantum obnoxia Phœbi.

Tunc puerum tepido genitrix involvit amictu,
 Exceptumque sinu, blandeque ad pectora pressum
 Detulit in præsepe. hic illum mitia anhelos
 Ore fovent jumenta. O rerum occulta potestas! 380

Protinus agnoscens dominum procumbit humi bos
 Cernuus: & mora nulla, simul procumbit asellus
 Submittens caput, & trepidanti poplite adorat.
 Fortunati ambo! non vos aut fabula Cretæ

Polluet, antiqui referens mendacia furti, 385
 Sidoniam mare per medium vexisse puellam:

Aut sua dum madidus celebrat portenta Cithæron,
 Infames inter thyasos, vinosaque sacra
 Arguet obsequio senis insudasse profani.
 Solis quippe Deum vobis, & pignora cæli 390
 Nosse datum, solis cunabula tanta tueri.

Ergo dum refugio stabit circumdata fluctu
 Terra parens; dum præcipiti vertigine cælum
 Volvetur; Romana pius dum templa sacerdos
 Rite colet; vestri semper referentur honores: 395
 Semper vestra fides nostris celebrabitur aris.

Quis tibi tunc animus, quæ sancto in corde voluptas,
 O genitrix, quum muta tuis famulantia cunis,
 Ac circum de more sacros referencia ritus
 Adspiceres domino genua inclinare potenti, 400
 Et sua commotum trahere ad spectacula cælum?
 Magne pater, quæ tanta rudes prudentia sensus
 Leniit? informi tantos quis pectore motus

Excivit calor, & pecudum in præcordia venit?
 Ut quem non reges, non accepere tot urbes, 405
 Non populi, quibus una aras, & sacra tueri
 Cura fuit; jam bos torpens, jam segnis afellus
 Auctorem late, possessoremque saluent?

Vocibus interea sensim puerilibus heros
 Excitus, somnum expulerat, noctemque fugarat 410
 Ex oculis: jamque infantem videt, & videt ipsam
 Majorem adspectu, majori & lumine matrem
 Fulgentem, nec quoquam oculos, aut ora moventem,
 Sublimemque solo, superum cingente caterva
 Aligera. qualis, nostrum quum tendit in orbem, 415
 Purpureis rutilat pennis nitidissima Phœnix:
 Quam varie circum volucres comitantur euntem.
 Illa volans, Solem nato provocat auro
 Fulva caput, caudam & roseis interlita punctis
 Cæruleam. stupet ipsa cohors: plausuque sonoro 420
 Per sudum strepit innumeris exercitus alis.
 Miratur lucem insolitam, miratur ovantes
 Cælicolum cantus senior. tum victus, & amens,
 Adtonitusque animi, tantisque ardoribus impar
 Corruit, & geminas vultum demisit in ulnas: 425
 Adfususque diu telluri, immobilis hæsit.
 Hic illum superi juxta videre jacentem,
 Vidit dia parens: nec longum passa seniles
 Obduci tenebris oculos: dat surgere, & ægrum
 Sustentare genu, tremulisque insistere plantis, 430
 Divinosque pati vultus, superique nitorem

Ignis,

Ignis, & æthereas vibrantia lumina flammæ.
 Ille ubi paullatim vires, animumque resumfit;
 Nodoso incumbens baculo, modulantia primum
 Agmina, reginamque deûm de more salutat. 435

Mox ipsum adcedens præsepe, ulvaeque palustri
 Impositum spectans dominum terræque, marisque,
 (O timor, o mentis pietas!) puerilia membra
 Non ausus tractare manu, cunctatur. ibi auram,
 Insperatam auram divino efflantis ab ore 440

Ore trahens, subito correptus numinis haustu,
 Adflatuque Deo, sic tandem voce quæta
 Incipit, & lacrimis oculos subfundit obortis:

Sancte puer, non te Phariis operosa columnis
 Atria, non variata Phrygum velamina textu 445

Excepere (jaces nullo spectabilis auro)
 Angustum sed vix stabulum, male commoda sedes,
 Et fragiles calami, lectæque paludibus herbæ
 Fortuitum dant ecce torum. laqueata tyrannos
 Tecta, & regifico capiant aulae paratu. 450

Te pater æterno superûm ditavit honore
 Illustrans: tibi fiderei domus aurea cæli
 Plaudit, inextinctosque parat Natura triumphos.
 Et tamen hanc sedem reges, hæc undique magni
 Antra petent populi: longe quos cærule Calpe 455

Litore ab occiduo, nigrisque impellet ab Indis
 Sol oriens: quos & Boreas, & fervidus Auster
 Diverso inter se certantes cardine mittent.
 Tu pastor, tu disperfas revocare per agros

MISSUS

MISSUS

38 DE PARTU VIRG. LIB. II.

Missus oves late, pectusque obferre periclis, 460
 Prodigus ah nimium vitæ, per tela, per hostes
 Obscurum nemus irrumpens, rabida ora luporum
 Compescēs, saturumque gregem sub tecta reduces.
 O mihi certa fides superūm, decus addite terris,
 Nate Deo, Deus ipse, æterno e lumine lumen: 465
 Te te ego, te circum genitrix, lætique ministri
 Concinimus, primique tuos celebramus honores,
 Longaque perpetuis indicimus orgia fastis,



ACTII



ACTII SYNCERI
SANNAZARI
NEAPOLITANI
DE PARTU
VIRGINIS
LIBERTERTIUS.



URATUM interea culmen bipatentis olympi
Conscendit genitor, rerum inviolata potestas,
Læta fovens tacito sub pectore: mox jubet
omnes

Ad se se acciri superos: quique atria longe
Observant, quique arcanis penetralibus adstant; 5
Præterea quos Eos Aurora per ortus,
Et quos occiduat propior videt Hesperus oræ.
Namque ferunt olim leges quum conderet, æquas
Rex superum, & valido mundum suspenderet axe,
Diversas statuisset domos, diversaque divis 10

Ho-

42 DE PARTU VIRG.

Hospitia, & dignos meritis tribuisse penates
 Ordine cuique suos. Illi data tecta frequentant:
 Armaque, & æratis adfigunt nomina valvis.
 Haud mora fit. celerant iussi: volat æthere toto
 Cælicolûm glomerata manus: pars igne corusco 15
 Tota rubens, pars stelliferis innexa coronis.
 Ipse sedens, humeris chlamydem fulgentibus aptat
 Ingentem, & cælum pariter, terrasque tegentem.
 Quam quondam, ut perhibent, vigilans noctesque, diesque
 Ipsa suo nevit rerum Natura tonanti: 20
 Adjecitque sacræ decus admirabile telæ,
 Per medium, perque extremas subtegminis oras
 Immortale aurum intexens, grandesque smaragdos.
 Illic nam varia mundum distinxerat arte
 Gnara operum mater, certisque elementa figuris, 25
 Et rerum species, animasque, & quidquid ab alta
 Fundit mente pater. Generis primordia nostri,
 Cernere erat limum informem. jam præpete penna
 Deferri volucres liquidum per inane videres:
 Jam silvis errare feras, pontumque natari 30
 Piscibus, & vero credas spumescere fluctu.
 Hic postquam aligeros gemmata sedilia cœtus
 Accepere; pater solio sic insit ab alto:
 Ætherei procères (neque enim ignoratis & ausus
 Infandos, dirumque acies super astra frementes) 35
 Si mecum juvat, antiquos ab origine motus
 Inspicere, & veterum pariter meminisse laborum:
 Quandoquidem hæc vobis peperit victoria laudem;

Huc

Huc animos, huc pacatas advertite mentes.

Vos, quum omne arderet cælum servilibus armis, 40

Arctoumque furor pertenderet impius axem

Scandere, & in gelidos regnum transferre Triones;

Fida manus mecum mansistis: & ultima tandem

Experti, cælo victricia signa tulistis:

Æternumque alta fixistis in arce trophæum. 45

Quos ego pro meritis insigni munere palmæ

Donavi: regnique in partem, operumque recepi:

Præcipuosque habui, lectosque ad jussa ministros:

Usque adeo fixa antiqui stat gratia facti.

Nec minus & nostras audistis sæpe querelas: 50

Vidistisque graves flammæ pectoris æstus:

Tunc quum prima novas egit dementia gentes

Arboris auricomæ cælestia carpere poma:

Poma gravi feros gustu læsura nepotes.

Munere quin superûm indignas spoliastis, & umbra 55

Sacrorum late nemorum: adfidoque labore

Multastis miseras, vitæ & brevioribus annis.

Quid repetam veteri sumtas de crimine poenas?

Exiliumque informe Erebi, tenebrasque repostas?

Quæ tacito mecum spectastis lumine: & iidem 60

Terrarum sortem mæsti indoluistis acerbam.

Aut etiam ut nostri longo post tempore tandem

Pectoris indomitas clementia vicerit iras?

Visque arcana leves sensum demissa per auras

Fœcundam intactæ complerit virginis alvum? 65

An temere hoc, nullaque actum ratione putatis?

F

Quip-

42 D E P A R T U V I R G.

Quippe ita manfuras decuit me ponere leges:
 Quo terræque, polusque, homines, divique viciffim
 Fœderibus ftarent certis, & pignore tanto
 Servarent memorem cognatæ ftirpis amorem. 70
 Quare agite, & jam nunc humana capeffite fata:
 Ac primum duris parvi fub cautibus antri
 Gramineos luftrate toros: luftrate beatam
 Pauperibus fedem calamis: cunctique recentes
 Submiffi cunas adcedite, dum pia mater 75
 Complexu in molli natum fovet, ubera pernox
 Indulgens teneris pueri rorantia labris:
 Nec procul in ftipula demiffio pectore mutum
 Procumbit pecus: & domini veltigia lambens
 Pervigilat, longos fundit dum tibia cantus. 80
 Hic fauflos ortus pueri, noctemque verendam
 Difcurfu per inane levi, paffimque canoris
 Laudibus excipite, & plaufu celebrate faventes
 Omnia felicem ventura in fæcula pacem,
 Certatimque renafcentis cunabula mundi, 85
 Viétum anguem, viétumque anguis furiale venenum.
 Sic placitum, fic averfos conjungere terris
 Cælicolas: fic ferre homines ad fidera certum eft.
 Hæc ubi dicta; novum fuperis infpirat amorem;
 Quo fubito veteres deponant pectoris iras: 90
 Obliti fcelerum; patrifque exempla fecuti,
 Terrarum flagrent ftudio, & mortalia curent.
 Nec mora: Lætitiâ choreis tum forte vacantem
 Advocat: hæc magni motufque, animofque tonantis

Tem-

Temperat, & vultum discussa nube serenat. 95
 Lætitiâ, quæ cælicolûm per limina semper
 Discursat, raroque imas petit hospita terras:
 Curarumque expers, lacrimasque exosa virago,
 Exsultat, totoque abigit suspiria cælo.
 Ut stetit ante patrem, terrasque adcedere iussa est: 100
 Mobilibus pictas humeris adcommodat alas:
 Lenimenque viæ comites vocat. Illicet adsunt
 Jucundæ visu facies Cantusque, Chorique,
 Gaudiaque, Plaususque, & honestis ignibus ardens
 Rectus Amor: quem nuda Fides, Spesque inscia luctus 105
 Vadentem, mira unanimes pietate sorores
 Observant. sequitur mox inculpata Voluptas,
 Gratiæque, & niveam suadens Concordia pacem.
 Quumque propinquasset portæ quæ maxima cælo
 Dicitur, æternumque micat radiata coruscis 110
 Astrorum signis: quando mortalibus ægris
 Dant nimbos aliæ, & damnant caligine terras:
 Subinctæ occurrunt Horæ properantibus alis:
 Insomnes Horæ: namque his fulgentia divûm
 Limina, & ingentis custodia credita cæli. 115
 Protinus æratos impulsio cardine postes
 Cum sonitu, magnoque polos quassante fragore
 Præpandunt obnixæ humeris. volat illa per auras
 Obscura sub nocte nitens. gratantur eunti
 Sidera: jam festas meditatur Luna choreas. 120
 Exsultant Hyades: gaudet mutata Bootes
 Plaustra auro, totosque auro fulgere juvencos.

44 D E P A R T U V I R G .

Tunc primum visa est, miseri post fata parentis,
 Risisse Erigone, & longum posuisse dolorem:
 Armatoque ensis subducitur Orioni. 125
 Ut vero umbrosis posuit vestigia silvis;
 Culmina conscendit pastorum; atque omnia late
 Perlustrans tacitis oculis loca, concutit alas .
 Adplaudens: pictosque sinus sub nocte coruscans,
 Subrisit lætum, puraque in luce refulsit. 130
 Primi illam sensere canes: sensere jacentes
 Hædorum passim per dura cubilia matres:
 Balatuque ovium valles sonuere propinquæ,
 Saxaque; & adtoniti caput erexere magistri.
 Tunc ait: O parvi vigiles gregis, o bona pubes 135
 Silvarum, superis gratum genus, ite, beati
 Pastores, ite antra novis intendite fertis:
 Reginam ad cunas, positumque in stramine regem
 (Certa fides) alti jam jam moderator olympi
 Cernere dat. properate: novique tepentia lactis 140
 Munera, cumque suo date condita subere mella:
 Infuctum & silvis stipula deducite carmen.
 Nec plura effata, in nubes taciturna recessit:
 Et penitus nigra noctis se condidit umbra.
 Olli inter se se vario sermone volutant, 145
 Quid superùm mandata velint, quas quærere cunas,
 Quos jubeant reges, quæ cingere frondibus antra.
 Continuo variis innectunt tempora ramis:
 Nectitur & lentiscus, opacæque arbutus umbræ,
 Rosque maris, buxusque, & densa comas terebinthus: 150

Cun-

Cunctaque frondenti redimitur turba corona.
 Mox silvam exquirunt omnem; saltusque repositos
 Flammiferis lustrant tædis. ardere putares
 Arva procul, totumque incendi lumine montem.
 Tandem inter dumos fessi, sub rupe cavata 155
 Speluncam adspiciunt; vocemque rudentis aelli
 Auribus acceper. vident ipsumque, bovemque,
 Longævumque senem, stantemque ad lumina matrem
 Insomnem, & pressis refoventem pignus in ulnis.
 Ergo insperatæ gavisi munere sortis, 160
 Ocyus ingentem procero stipite laurum,
 Avulsamque solo palmam ab radicibus imis
 Adtollunt humeris: perque intervalla canentes
 Cum plausu, chorisque, & multifono modulatu
 Vestibuli ante aditum statuunt: omnemque coronant 165
 Fronde locum: grandes oleas, cedrosque comantes
 Adfigunt: longisque advelant limina fertis:
 Et late Idaliam spargunt cum baccare myrtum.
 Quos bonus ex antro dictis adgressus amicis
 Compellat senior: placidaque hæc voce profatur: 170
 Dicite, pastores (neque enim sine numine, credo,
 Tam certum tenuistis iter) cui tanta paratis
 Munera? cui virides ramis frondentibus umbras
 Texitis? anne aliquis superum patre missus ab alto
 Has docuit sedes, locaque hæc adcedere jussit? 175
 Sic memorans, se se lætum venientibus obfert.
 Illi autem: Nova per tenebras, nova lucis imago,
 O genitor, media visa est modo lumina silva

Spar-

46 DE PARTU VIRG.

Spargere, & in nostras diffundere gaudia mentes:
 Sive deus cælo veniens, seu forte deorum 180
 Nuntius, in dubio est: nos vultum, habitumque loquentis
 Vidimus: & motas per noctem audivimus alas.
 Sic fati, jungunt dextras: mox ordine longo
 Antrum introgressi, calathis silvestria plenis
 Dona ferunt: matrem & læto simul ore salutant. 185
 Tum puero adstantes Lycidas, & maximus Ægon,
 Ægon, Gætulis centum cui pascuæ campis,
 Centeni per rura greges Massyla vagantur:
 Ipse caput late, qua Bagrada, qua vagus errat
 Triton, Cinyphiæ qua devolvuntur arenæ, 190
 Ingens agricolis, ingens pastoribus Ægon.
 At Lycidas vix urbe sua, vix colle propinquo
 Cognitus, æquoreas carmen deflexit ad undas:
 Et tamen hi non voce pares, non viribus æquis,
 Inter adorantum choreas, plaususque deorum 195
 Rustica septena modulantur carmina canna:
 Hoc erat, alme puer, patriis quod noster in antris
 Tityrus adtritæ sprexit rude carmen avenæ,
 Et cecinit dignas Romano consule silvas:
 Ultima Cumæi venit jam carminis ætas: 200
 Magna per exactos renovantur sæcula cursus.
 Scilicet hæc virgo est, hæc sunt Saturnia regna:
 Hæc nova progenies cælo descendit ab alto,
 Progenies, per quam toto gens aurea mundo
 Surget, & in mediis palmes florebit aristis. 205
 Qua duce, siqua manent sceleris vestigia nostri,

Irri-

Irrita perpetua solvent formidine terras:

Et vetitum magni pandetur limen olympi:

Occidet & serpens, miseros quæ prima parentes

Elusit, portentificis imbuta venenis.

210

Tunc deum vitam accipies? divisque videbis

Permissos heroas, & ipse videberis illis?

Pacatumque reges patriis virtutibus orbem?

Adspice felici diffusum lumine cælum,

Camposque, fluviosque, ipsasque in montibus herbas.

215

Adspice, venturo latentur ut omnia sæclo.

Ipsæ lacte domum referent distenta capellæ

Ubera: nec magnos metuent armenta leones:

Agnaque per gladios ibit secura nocentes:

Bisque superfusus servabit tincta rubores.

220

Interea tibi, parve puer, munuscula prima

Contingent, hederæque, intermistique corymbi.

Ipsa tibi blandos fundent cunabula flores:

Et duræ quercus sudabunt roscida mella:

Mella dabunt quercus: omnis feret omnia tellus.

225

At postquam firmata virum te fecerit ætas,

Et tua jam totum notescent facta per orbem:

Alter erit tum Tiphys, & altera quæ vehat Argo

Delectos heroas: erunt etiam altera bella:

Atque ingens Stygias ibis prædator ad undas.

230

Incipe, parve puer, risu cognoscere matrem,

Cara Dei soboles, magnum cæli incrementum.

Talia dum referunt pastores; avia longe

Responfant nemora: & voces ad sidera jactant

In-

48 D E P A R T U V I R G.

Intonsi montes: ipsæ per confraga rupes, 235
 Ipsa sonant arbuſta: Deus, Deus ille, Menalca.

Hic subito magnum viſi per inane volatus
 Cæleſtum, curſuſque alacres, alacrefque recurſus:
 Auditæque procul voces, ſonituſque rotarum.
 Scilicet innocuis per ſudum exercitus armis 240

Ibat ovans: diviſæ acies, terna agmina ternis
 Inſtructa ordinibus belli ſimulacra ciebant.
 Ter clypeis jam cedentes invadere nubes
 Adſpiceres: vacuas ter mittere tela per auras:
 Ter clamare ducem: mox diſſita cogere ſigna: 245

Atque unam lætæ faciem præferre phalangis:
 Ruſus & aerios percurrere milite campos;
 Semotoſque alios conſtanti incedere paſſu
 Nubila per, lataſque vias: & jungere nexu
 Brachia, perpetuis quatientes motibus alas, 250

Gèſtanteſque manu noſtræ argumenta ſalutis,
 Spinaſque, clavoſque, horrenti & vimine faſces,
 Hæſuramque haſtam lateri, medicataque felle
 Pocula, ſublimemque crucem, immanemque columnam.
 Ibant, & dulci mulcebant æthera cantu. 255

Innumeras alii laudes, & magna parentis
 Facta canunt: Ut prima novi fundaverit orbis
 Mœnia, telluremque vagis diſcluſerit undis:
 Ut paſſim varios cælo ſuſpenderit ignes,
 Lunamque, ſtellaſque: ut magni lumina Solis, 260
 Jam late extremo tenebris Oriente fugatis,
 Protulerit. Tu belligeras, metuende, cohortes

Deji-

Dejicis, exturbasque polo: tu fulmine quaffas
 Cum duce signa suo, nigroque involvis Averno,
 Cocytumque jubes, tristesque habitare lacunas. 265
 Te gemini cecinere axes, te maxima tellus:
 Victorem cecinit vastis cum fluctibus æquor.
 Nec te hominum fraudes, non avertere nefanda
 Crimina: sed læto spectas mortalia vultu:
 Dignatasque tuo solaris numine terras. 270
 Salve, magne opifex cæli, rex maxime divum,
 Terrarumque, hominumque salus: quem sidera, quem Sol,
 Quem metuunt reges tenebrarum, & Tartarus ingens:
 Cui late humanum servit genus: omnia solus
 Qui regis: omnia amas pariter. tibi nomina mille, 275
 Mille potestatum, regnorum insignia mille.
 Salve, auctor: salve, immensi dominator olympi:
 Et nobis felix, terrisque labantibus adsis.
 Ingeminant plausum nubes: lateque per auras
 Discurfat vox: & cæli convexa resultant. 280
 Herbofo tum forte toro, undisonisque sub antris
 Venturas tacitoolvebat pectore fortes
 Cæruleus rex, humentum generator aquarum
 Jordanes. quem juxta hilari famulantia vultu
 Agmina densentur natæ, pulcherrima Glauce, 285
 Dotoque, Protoque, Galenaque, Lamprothoeque
 Nudæ humeros, nudis discincta veste papillis:
 Callirhoe, Byroque, Pherusaque, Dinameneque,
 Asphaltisque adfusa leves fluitare per undas:
 Ipsaque odoratis perfusa liquoribus Anthis: 290
 G An-

50 D E P A R T U V I R G .

Anthi, qua non ulla novos miscere colores
 Doctior, aut pictis caput exornare coronis.
 Mox Hyale, atque Thoe, & vultu nitidissima Crene,
 Gongisteque, Rhoeque, & candida Limnoria,
 Et Dryope, & virides Botane resoluta capillos. 295
 Ore omnes formosæ, albis in vestibus omnes,
 Omnes puniceis evinctæ crura cothurnis.
 Ipse antro medius, pronaque adclivis in urna
 Fundit aquas. nitet urna novis variata figuris
 Crytallo ex alba, & puro perlucida vitro, 300
 Egregium decus, & superûm mirabile donum.
 Umbrosis hic silva comis, densisque virebat
 Arboribus. cervi passim, capræque fugaces
 Æstivum viridi captabant frigus in umbra.
 In medio, auratis effulgens fluctibus amnis 305
 Errabat campo, & cursu læta arva secabat.
 Hic juvenis fulvis velatus corpora fetis
 Stans celfo in scopulo, regem, dominumque deorum
 Vorticibus rapidis, medioque in fonte lavabat.
 At viridi in ripa lecti de more ministri 310
 Subcincti exspectant: pronisque in flumina palmis
 Protendunt niveas cælestia lintea vestes.
 Ipse pater cælo late manifesta sereno
 Signa dabat, natoque levem per inane columbam
 Insignem radiis mittebat, & igne corusco. 315
 Adonitæ circum venerantur numina Nymphæ:
 Et fluvius refugas ad fontem convocat undas.
 Talia cæлата genitor dum spectat in urna

Fato-

Fatorum ignarus, oculosque ad singula volvitur
 Admirans: videt insolitos erumpere fontes: 320
 Ingentemque undare domum: cavaque antra repleti
 Fluctibus, atque novum latices sumxisse saporem.
 Dumque hæret, pavitatque simul, dum sublevar undis
 Muscosum caput, & taurino cornua vultu:
 Adspicit infueta late florescere ripas, 325
 Claraque per densas discurrere lumina silvas
 Pastorum ludo: & lætos ad sidera cantus,
 Divinasque audit voces, & numina passim
 Advenisse Deum testantia. protinus ambas
 Ad cælum palmas hilares cum voce tetendit: 330
 O maris, o terræ, divûmque, hominumque repertor,
 Quis tua vel magno decreta incognita cælo
 Detulit huc audax, mediisque abscondit in undis?
 Ipse mihi hæc quondam (memini) dum talia mecum
 Sæpe agit, repetitque volens, narrare solebat . 335
 Cæruleus Proteus: mendax si cetera Proteus,
 Non tamen hoc vanas effudit carmine voces:
 Adveniet tibi, Jordanes, properantibus annis,
 Adveniet, mihi crede, inquit: (certissima cælum
 Signa dedit: nec me delusum oracula fallunt) 340
 Qui te olim Nili supra septemplex ortus,
 Supra Indum, & Gangem, fontemque binominis Istrî
 Adtollet fama: qui te Tiberique, Padoque
 Præferet, atque tuos astris æquabit honores.
 Cujus in adventu tristes discedere morbi 345
 Corporibus passim incipient. jam victa repente

Cefsabit, turpes squamas maculasque remitter
 Dira lues: lacerofque elephas effufus in artus,
 Ulcera fanguineo fifter manantia tabo.

Quin & letales (dictu mirabile!) febres 350
 Diffugient jufſæ, poſſeſſæque membra relinquent:

Cedet & infeſtæ violentior ira Dianæ:
 Ira nocens, quæ fulminea velut icſta ruina,
 Corpora cum gemitu ad terram proſternit, & igni
 Interdum, nunc perdere aqua (miſerabile viſu) 355
 Feſtinat. Stygio nimirum armata veneno
 Exſuperat vis, & ſpumas agit ore tumentes.

Nec jam ultra longo vires minuente veterno,
 Tabificus per operta impune vagabitur hydrops
 Exitio obrepens miſerorum: atque omnia late 360
 Viſcera per varios perdet tumefacta dolores.

Non alias vinctæ tam crebra ſilentia linguæ
 Abrumpent: noctem aut toties, tenebrasque priores
 Excutient oculi, qui nunquam ſidera, nunquam
 Ardentem magni viderunt lampada Solis. 365

Multa quidem majora fide, ſed vera, ſed ipſos
 Quæ teneant ſpectantum oculos, poſſum ore referre:
 Sed propero: ventura tamen mirabitur ætas.

Cernere erit, claudos paſſim genua ægra trahentes
 Firmato ſubitos extendere poplite grefſus. 370

Tum nervis labefacta, diuque trementia membra
 (Quis credat, niſi certa meus mihi cantet Apollo?)
 Reſtringi, & validas cum robore ſumere vires.
 Atque alius raptò juſſus conſurgere lecto,

Haud

Haud mora, profiliet: passuque in templa citato 375
 Contendens, onus ipse humeris portabit. ibi ingens
 Clamor, & innumeræ circum donaria voces
 Spectantis populi, & rerum novitate paventis.

Parte alia extinctam penitus, sensuque carentem
 Ad sua jam cernes revocari munera dextram. 380

Nec minus & tacta compesci veste cruorem
 Feminæ: exsanguesque artus, pallentiaque ora.
 Ilicit obstructis calefacta rubescere venis.

Ipas quin etiam Furias sub Tartara pelli,
 Immanes Erebi Furias: tum fessa levare 385
 Pectora, vexatosque malis cruciatibus artus:
 Hinc vacuas late impleri stridoribus auras
 Dirarum frustra clamantum, ac sæva trementum
 Verbera, perque cavas conantum evadere nubes.

Jam deploratis vitam post funera reddi 390
 Corporibus video: jam mœstam incedere pompam:
 Feralemque anteire tubam: mox gaudia matrum
 Insperata, patrumque hilares verso ordine fletus,
 Et circumfusam populis lætantibus urbem.

Huic tu nutantes quoties adfurgere montes, 395
 Et (mirum!) insuetas curvare cacumina silvas
 Adspicies! quoties humenti in gramine ripæ
 Aut solantem æstus, aut lenes pectore somnos
 Carpentem, tenui adsuæscas mulcere susurro!
 Macte tuis merito ripis, macte omnibus undis. 400
 Ad te deposito properabunt numina fastu:
 Nudabuntque sacros artus, & carmina dicent

Ad

Ad numerum: quum tu felix jam flumine sancto
 Auctorem rerum, divumque, hominumque parentem
 (Tantus honos, laus tanta tuo, rex maxime, fonti) 405
 Exutum veste accipies: atque hospite tanto
 Adtonitus, trepidas hortabere voce Napæas:
 Ite citæ, date tura pias adolenda per aras,
 Cæruleæ comites: viridique sedilia musco
 Instruite: & vitreis suspendite ferta columnis: 410
 Purpureas miscete rosas: miscete hyacinthos,
 Liliaque, & pulchro regem conspergite nimbo.
 Tunc nomen late clarum Jordanis ad auras
 Adtollent montes: Jordanen maxima circum
 Æquora, Jordanen silvæque, amnesque sonabunt. 415
 Illa autem humanis quamvis latura ruinis
 Auxilium, finemque dies, gratissima quamvis
 Urbibus adveniat, totumque opranda per orbem:
 Fluminibus tamen, & nostris felicior undis
 (Siqua fides, siqua est veri prudentia Proteo) 420
 Ostendet roseos stellis ridentibus ortus.
 Quandoquidem non divitias, non quæret honores
 Ille patris decus, ac virtus; mortalia postquam
 Membra sibi, & fragiles jam sponte induxerit artus:
 Non sceptrum invadet Cypri: non Caspia regna 425
 Diripiet: non exuviis Babylona superbam
 Eruet: aut alto scandet Capitolia curru,
 Militibus circum, & læto comitante senatu.
 Sed maris undisoni tractus, & litora longe
 Curva secans, media socios sibi quæret in acta: 430

Dis-

Dispersosque maris nautas, nudosque colonos
 Undarum, sinuosa fretis jactare parantes
 Retia, vexatas aut jam reparare sagenas
 Sollicitos, patris ad solium, ac sua recta vocabit.
 Atque ollis jus omne, potestatemque medendi 435
 Adjiciet: pellent morbos, dentesque retundent
 Vipereos: Orcique acies, ac monstra fugabunt.
 Quin & custodes foribus radiantis olympi
 Præficiet. servare aditus, & claustra jubebit
 Aurea: queis non ulla queat vis sæva nocere 440
 Eumenidum, durique umbrarum obsistere postes.
 Tum sedes passim emeritis duodena per astra
 Instituet: distincta suos de more sequetur
 Turba duces. illi leges, & sancta vocatis
 Jura dabunt, plausu sociorum, atque agmine læti. 445
 Felices, qui jam cymba, remisque relictis,
 Alta serenati conscendent culmina cæli.
 Præterea (si certa fides, nec vana futuri
 Gaudia) cognatas etiam spectabimus undas
 Lenæos verti in latices. ea prima deum rex 450
 Arcana, hos primos per signa ostendet honores
 Accepti late imperii. mirabitur auctus
 Lympha suos, jussa insuetum spumare capaces
 Per pateras, largeque novum diffundere nectar,
 Et mensas hilarare, & felices hymenæos. 455
 Nec semel ille altum remis evectus in æquor,
 Quum jam frustrato socios rediisse labore
 Accipiet, præda ingenti ditabit, & udos

Squa-

56 DE PARTU VIRG.

Squamigerûm strata cumulos exponet in alga.
 Iratos etiam fluctus, tumidasque procellas, 460
 Miscentesque imo turbatam gurgite arenam,
 Jamque superjecto merfuras æquore puppim,
 Imperio premet increpitans. cadet arduus undæ
 Impetus: atque audisse minantis jussa putares
 Eurosque, Zephyrosque, & ovantes turbine Coros. 465
 Quid loquar, ut gemino numerosas pisce catervas,
 Munere & exiguo Cereris, miserabile vulgus
 Matres, atque viros pariter per gramina pascet:
 Ut jam bis senis redeant fragmenta canistris?
 Aut intempesta gradiens ut nocte per altum 470
 Libera substrato ponet vestigia ponto:
 Vixque undas sicco tanget pede? scilicet olli
 Adnabunt blandæ Nereïdes. humida passim
 Sternent se freta: tum fundo Neptunus ab imo
 Excitus, agnoscet dominum: positoque tridente 475
 Cum Phorco, Glaucoque, & semifero comitatu
 Profiliet, trepidusque sacris dabit oscula plantis.
 Sed quid ego exili vectus super alta phaselo
 Cuncta sequor memorans? non si Parnassia Musæ
 Antra mihi, sacrosque aditus, atque aurea pandant 480
 Limina, sufficiam. non si mihi ferrea centum
 Ora sonent, centumque ærato e. gutture linguæ
 Vocibus expument agitantem pectora Phæbum;
 Laudatos valcam venturi principis actus
 Enumerare, novoque amplecti singula cantu. 485
 Hæc senior quondam felici pectore Proteus

Vati-

Vaticinans (ut forte meo diverterat antro)
 Præmonuit: nunc eventus stat signa futuri
 Expectare. Nitore roseo sed fulsit ab ortu
 Clarior: & radiis dux prævia matutinis
 Oceani procul extremo se litore tollit

Exoriens Aurora: sinusque induta rubentes,
Ante diem citat auricomos ad frena jugales.
Et jam consuetis tempus me currere ripis
Undantem, magnosque lacus, & prata secantem

Vorticibus. viden', ut nostros agit impetus amnes?
Jordanenque vocat tumidarum murmur aquarum?

Sic fatus, confestim humeris circumdat amictus
Infolitos: quos pulchræ udis nevere sub antris
Naiades, molli ducentes flamina musco; 500

Sidonioque rudes saturantes murice telas,
Aurca consperfo variarunt sidera limbo:
Atque ita se tandem currenti reddidit alveo
Spumeus, & motas adspersine miscuit undas.

Haftenus, o superi, partus tentasse verendos 505
 Sit satis. optatam poscit me dulcis ad umbram
 Paufilypus, poscunt Neptunia litora, & udi
 Tritones, Nereusque senex, Panopeque, Ephyreque,
 Et Melite, quæque in primis mihi grata ministrat
 Otia, Musarumque cavas per saxa latebras, 510

Mergillina: novos fundunt ubi citria flores,
Citria Medorum sacros referentia lucos:
Et mihi non solita nequit de fronde coronam.

F I N I S.

H

ACTII

ACTII SINCERI
 SANNAZARI
 NEAPOLITANI
 DE MORTE
 CHRISTI DOMINI
 AD MORTALES LAMENTATIO.



SI QUANDO magnum mirati surgere Solem
 Oceano, & toto flammis diffundere cælo:
 Certatimque suo terras ambire meatu
 Noctivagam Phœben præcinctam cornibus
 aureis:

Æternosque astrorum ignes, cælique micantes 5
 Scintillare oculos, aliquem dare jura putastis,
 Atque polo regnare hominum, rerumque parentem,
 Cui mare, cui tellus, cui pareat arduus æther,
 Cuncta supercilio qui temperet: hunc simul ægri
 Mortales (si vestra dolor præcordia tangit) 10
 Adspicite immitti trajectum pectora ferro,
 Pectora, sædataeque manus, perfusaeque tabo
 Ora, cruentatumque caput, crinesque revulsos:
 Adspicite, & plenos lacrimarum fundite rivos.
 Heu scelus, heu crudele nefas! jacet altus olympi 15
 Rector: & amisso torpent elementa magistro.

Quin

Quin etiam vacuum adfueto sine pondere cælum
 Nutat, & ipsa suum quærunt folia aurea regem.
 Quem diversa procul sævo cum crimine tellus
 Ignotum populis caput, & miserabile corpus 20
 Sustinet, exsanguesque sinu complectitur artus,
 Et tremefacta, graves testatur murmure questus.
 Testatur Sol ipse suum sub nube dolorem
 Jam latitans, atraque notans ferrugine frontem.
 Tu quoque deformesque genas, pallentiaque ora 25
 Contegis, inferiasque tuo das, Luna, tonanti,
 Auratum flavo tondens de vertice crinem,
 Et lacrimas uda fundens in nocte repentes.
 Nec minus abruptis fama est exisse sepulcris,
 Perque vias errasse novis simulacra figuris: 30
 Excitasque umbras, medias ululasse per urbes
 Sub noctem, & notos questu implevisse penates.
 Quid? non & pelagi rabies adtollere fluctus
 Immanes visa est? montesque evolvere aquarum,
 Dejectura urbes, terrasque haustura profundo? 35
 Quum simul & caput undisonis emerfus ab antris
 Cæruleus Triton rauco super æquora cornu
 Constreperet, nautasque horrenda voce moneret,
 Naturæ cecidisse patrem, regemque, Deumque.
 Hæne manus vasti junxerunt fœdera mundi? 40
 Harum opus est, quodcumque jacet, quodcumque movetur?
 Quidquid ubique parens rerum Natura gubernat,
 Frugiferens tellus, fœtumque animantibus æquor,
 Vitalisque aer, atque ignibus æthra coruscis?

60 L A M E N T A T I O D E

Et nunc (proh facinus, quantum potuere nocentum 45
 Flagitia!) immixtis dant pervia vulnera clavis,
 Liventesque atro fœdant squallore lacertos.
 Heu caput indignum spinis, venerandaque cælo,
 Et toties clara stellarum implexa corona
 Cæsaries: heu pectus hians: convulsaque dira 50
 Barba manu: tunisque artus: & frigida membra.
 Vosne, pedes, cælum premere, & vaga sidera fucti,
 Fulgentesque domos superûm, sublimia tecta,
 Tam sævæ immanes perpeffi cuspidis ictus,
 Et terram, & duras sparsistis sanguine cautes? 55
 Nec trepidat mens cæca hominum? quæ tanta tenaci
 Durities in corde riget? num nigra videtis
 Tartara, tot claris hominum viduata trophæis,
 Desertasque in nocte domos, & tristia regna?
 Felicesque animas lætum Pæana canentes 60
 Pone sequi regem, & cælo infedissereno?
 Quid si non tantos subiisset sponte labores,
 Humanamque sua pensasset morte salutem
 Ille sator rerum, & summi mens certa parentis,
 Qui nutu ingentes mundi moderatur habenas? 65
 Ut tandem intactos picca Phlegethontis ab unda
 Post obitum æternæ donaret munere lucis,
 In partemque suorum operum, regnique vocaret:
 Tantus amor generis servandi, & gloria nostri.
 Quare agite, ex animis, mortales, pellite vestris, 70
 Siquid adhuc manet antiqua de forde relictum:
 Mendacesque deos, & detestanda priorum

Sa-

MORTE CHRISTI. 61

Sacra profanatis tandem detrudite ab aris.
 Imbuat effuso terram nec sanguine taurus:
 Nec miser ille suæ divulsus ab ubere matris 75
 Ignotos agnus balet super hostia cultros.
 Vivat ovis, vivat quidquid sub Sole creatum est.
 Mentem, animumque Deo, non tura, aut exta parate.
 Has illi pecudum fibras, hæc reddite dona.
 Cernitis, ut pronum flectat caput? ut pia pandat 80
 Brachia? & ingratas vocet ad sua vulnera gentes?
 Oblitasque viæ moneat meminisse relictæ,
 Scilicet amplexus non rejecturus amicos?
 At vos obtusas ignari avertitis aures,
 Infelix genus, & sævæ ludibria mortis: 85
 Nec, quanta a tergo jam insistent tormenta, videtis.
 Tempus erit, quum vestra illum commissa notantem,
 Multantemque reos, altaque in nube sedentem
 Adspicietis: & horrentes tremor opprimit artus.
 Nec jam ferre oculos flammarum ardore coruscus, 90
 Aut timidos acie vultus contendere contra
 Audebit quisquam sibi conscius. Ibit in ignes
 Turba nocens: fontesque exsolvet corpore pœnas;
 Pallentesque æternum amnes, vastasque lacunas
 Cocyti colet: & Furias horrescet hiantes: 95
 Atque animum monitis non intendisse pigebit.
 Tunc vos exactæ capient mala tædia vitæ
 Expertes cæli, atque auræ sub nocte profunda:
 Inque caput trifidos nequidquam optabitis ignes;
 Et frustra erectas tolletis ad æthera palmas, 100
 Quos

62 LAM. DE MOR. CHRISTI.

Quos superùm cœtus, & fortunata piorum
 Agmina vix lacrimis poterunt spectare retentis,
 Invidiæ stimulus, Dirisque ultricibus actos.
 Ergo vitales, miseri, dum carpitis auras,
 Dum compos mens ipsa sui est, dum certa facultas, 105
 Dum ratio, tempusque sinunt: simul ite frequentes:
 Ite pii, veniam factis exposcite vestris:
 Ite animos purgate: Orcique inhibete rapinas:
 Et tandem patrio mentem convertite cælo.
 Sic rex ille hominum vacui spoliator Averni, 110
 Oblitus scelerum, cognatæ stirpis amore,
 Promissique memor, mentes intrabit amicas,
 Vestraque posthabitis recolet præcordia templis.
 Postque tot exhaustos vitæque, obitusque labores,
 Illo quo pluvias, quo pellit nubila, vultu 115
 Ablutos labe excipiet, lætusque reponet
 Sidereos inter procures, sanctumque senatum,
 Sub pedibusque dabit stellantia cernere claustra.

F I N I S.



ACTII

ACTII SYNCERI
SANNAZARII
NEAPOLITANI
VIRI PATRICII
E C L O G Æ.



ACTII SYNCERI
SANNAZARI

NEAPOLITANI
ECLŌGA PRIMA,
PHYLLIS.
LYCIDAS, MYCON.

Lyc.



IRABAR, vicina, Mycon, per litora nuper
Dum vagor, exspectoque leves ad pabula
thynnos,
Quid tantum infuetus streperet mihi cor-
vus, & udæ

Per scopulos passim fulicæ, perque antra repostæ
Tristia flebilibus complerent saxa querelis:

5

Quum jam nec curvus resiliret ab æquore delphin,
Nec solitos de more choros induceret undis.
Ecce dies aderat, caram qua Phyllida terræ
Condidimus, tumultoque pias deslevimus umbras

I

Ah

Ah miseri: & posthac nec tristes linquimus auras: 10
Nec dubitat sævus solatia ferre Pylemon.

Myc. Scilicet id fuerat, tota quod nocte vaganti
Huc illuc, dum Pausilypi latus omne pererro,
Piscolamque lego celeri Nesida phaselo;
Nescio quid queruli gement lacrimabile mergi. 15
Phyllis ad inferias, Phyllis, si credimus, illos
Ad gemitum, o Lycida, tumulique ad sacra vocabat.

Lyc. Eheu, care Mycon, qualis spectacula pompæ,
(Nunc recolo) quas ipse manus, quæve ora notavi
His oculis! his, inquam, oculis quæ funera vidi 20
Infelix! nec me tandem dolor improbus egit
In scopulos, in saxa, rogove absumsit eodem
Ignea vis, vel saltem aliquis deus æquore merisit.

Myc. O Lycida, Lycida; nonne hoc felicius illi
Evenisse putas, quam si fumosa Lycotæ 25
Antra, vel hirsuti tegetem subiisset Amyntæ?
Et nunc heu viles hamo sibi quæreret escas:
Aut tenui laceras farciret vimine nassas.
Sed tu, siquid habes veteres quod lugeat ignes,
Quod manes, cineresque diu testetur amatos; 30
Incipe: quandoquidem molles tibi litus arenas
Sternit: & infani posuerunt murmura fluctus.

Lyc. Immo hæc, quæ cineri nuper properata parabam
Carmina, ab extremo quum jam cava litora portu
Prospicerem, & nivei venerarer saxa sepulcri; 35
Incipiam. tu coniferas ad busta cupressus
Sparge manu: & viridi tumulum superintege myrto.

Myc.

Myc. En tibi cærulei muscum æquoris, en tibi conchas

Purpureas, nec non toto quæsitâ profundo,

Et vix ex imis evulsâ coralia saxi 40

Adferimus. tu solennes nunc incipe cantus:

Incipe, dum ad Solem Bajanus retia Milcon

Explicat, & madidos componit in orbe rudentes.

Lyc. Quos mihi nunc, divæ, scopulos, quæ panditis antra,

Nereides? quas tu secreti litoris herbas, 45

Glaucæ pater, quæ monstriferis mihi gramina succis

Ostendes nunc, Glaucæ? quibus tellure relicta,

Ah miser, & liquidi factus novus incola ponti,

Te sequar in medios mutato corpore fluctus,

Et feriam bifida spumantia marmora cauda. 50

Nam quid ego heu solis vitam sine Phyllide terris

Exoptem miser? aut quidnam rapta mihi luce

Dulce putem? quidve hic sperem? quid jam morer ultra

Infelix? an ut hac vili projectus in alga,

Arentes tantum frutices, desertaque cernam 55

Litora, & ingrato jactem mea verba sepulcro?

Scilicet hos thalamos, hos felices hymenæos

Concelebrem? sic speratæ mihi gaudia tædæ

Dat Venus? ambiguos sic dat Lucina timores?

Quis mihi, quis te te rapuit, dulcissima Phylli? 60

Phylli, meæ quondam requies, spesque unica vitæ,

Nunc dolor, æternusque imo sub pectore luctus,

Non licuit tecum optatos conjungere somnos,

Dulcia nec primæ decerpere dona juventæ,

Aut simul extremos vitam producere in annos. 65

Nunc te (quis credat?) lapis hic habet: & mihi nusquam es,
 Nusquam terrarum, Phyllis: sed fabula, & umbræ
 Frustrantur miseras per dira infomnia noctes.
 Me miserum: qua te tandem regione requiram?
 Quave sequar? per te quondam mihi terra placebat, 70
 Et populi, lætæque suis cum mœnibus urbes:
 Nunc juvat immensi fines lustrare profundi,
 Perque procellosas errare licentius undas
 Tritonum immixtum turbis, scopulosaque cete
 Inter, & informes horrenti corpore phocas, 75
 Quo nunquam terras videam. Jam jam illa tot annis
 Culta mihi tellus, populique, urbesque, valete:
 Litora cara, valete: vale simul, optima Phylli.
 Nos tibi, nos liquidis septem pro fluctibus aras
 Ponemus: septemque tibi de more quotannis 80
 Monstra maris magni vitulos mactabimus hirtos:
 Et tibi septenis pendebunt ostrea fertis,
 Ostrea muricibus variata, albisque lapillis.
 Hic tibi Nisæ, & flavos resoluta capillos
 Cymodoce, mitisque pia cum matre Palæmon, 85
 Et Panope, & Siculi custos Galatea profundi
 Solennes nectent choreas, & carmina dicent:
 Quæ Proteus quondam divino pectore vates
 Edocuit, magni quum funera fleret Achillis:
 Et Thetidis luctus consolaretur amarus. 90
 At tu, sive altum felix colis æthera, seu jam
 Elysios inter manes, cœtusque verendos
 Lethæos sequeris per stagna liquentia pisces;

Seu

Seu legis æternos formoso pollice flores,
Narcissumque, crocumque, & vivaces amarantos; 95

Et violis teneras misces pallentibus algas,
Adspice nos, mitisque veni. tu numen aquarum
Semper eris, semper lætum piscantibus omen.
Ut Nymphis, Nereoque, ut flavicomæ Amphitrite,
Sic tibi victrices fundent libamina cymbæ. 100

Interea tumulto supremum hoc accipe carmen,
Carmen, quod, tenui dum nectit arundine linum,
Piscator legat: & scopulo suspiret ab alto:
IN. GREMIO. PHYLLIS RECVBAT. SIRENIS. AMATAE
CONSVRGIS. GEMINO. FELIX. SEBETHE. SEPVLCHRO 105

Myr. Dulce sonant, Lycida, tua carmina: nec mihi malim
Halcyonum lamenta, aut udo in gramine ripæ
Propter aquam dulces cynorum audire querelas.

Sed tu: sic faciles vicina Megaria semper
Sufficiat conchas: sic proxima Mergilline 110
Ostrea, saxosæque ferat tibi rupis echinos:

Quandoquidem nox obscuras jam distulit umbras,
Necdum permensus cælum Sol: incipe rursus,
Atque itera mihi carmen. habent iterata leporem.

Lyc. Ne miserum ne coge, Mycon. sat lumina, sat jam 115

Exhaustæ maduere genæ. dolor (adspice) siccas
Obduxit fauces: quatit & singultibus imum
Pectus: anhelantemque animam vox ægra relinquit.

Et tamen hæc alias tibi nos, & plura canemus,
Fortasse & meliora, aderit si Musa canenti. 120

Quin & veliferis olim hæc spectanda carinis,

Seu

Seu Prochytae, seu Miseni sub rupe patenti
 Inscribam: grandaeque notas ferrugine ducam:
 Præteriens quas nauta mari percurrat ab alto:
 Et dicat: Lycidas, Lycidas hæc carmina fecit. 125
 Sed quoniam focii passim per litus ovariantes
 Exspectant, poscuntque tuas ad retia vires;
 Eja age jam surgamus. ego hæc ad busta sedebo,
 Tu socios invise: escas nam quærere tempus:
 Et tibi nunc vacuæ fluitant sine pondere nassæ. 130

E C L O G A S E C U N D A ,

G A L A T E A .

FORTE Lycon vacuo fessus confederat antro
 Piscator, qua se scopuli de vertice, lato
 Ostentat pelago pulcherrima Mergilline.
 Dumque alii notosque sinus, piscosaque circum
 Æquora collustrant flammis, aut linea longe 5
 Retia, captivosque trahunt ad litora pisces;
 Ipse per obscuram meditatur carmina noctem.
 Immitis Galatea: nihil te munera tandem,
 Nil nostræ movere preces? verba irrita ventis
 Fudimus; & vanas scopulis impegimus undas. 10
 Adspice, cuncta silent, orcas & maxima cere
 Somnus habet, tacitæ recubant per litora phocæ:
 Non Zephyri strepit aura: sopor suus humida mulcet
 Æquora: sopito connivent sidera cælo.
 Solus ego (hei misero) dum tristi pectore questus 15
 Nocte

Nocte itero, somnum tota de mente fugavi:
 Nec tamen ulla meæ tangit te cura salutis.
 At non Praxinoe me quondam, non Polybotæ
 Filia despexit, non divitis uxor Amyntæ,
 Quamvis culta sinu, quamvis foret alba papillis. 20
 Quin etiam Ænaria, si quidquam credis, ab alta
 Sæpe vocor. solet ipsa meas laudare Camœnas
 In primis formosa Hyale: cui sanguis Iberis
 Clarus avis: cui tot terræ, tot litora parent:
 Quæque vel in mediis Neptunum torreat undis. 25
 Sed mihi quid profunt hæc omnia, si tibi tantum
 (Quis credat, Galatea?) tibi si denique tantum
 Displiceo? si tu nostram, crudelis, avenam
 Sola fugis? sola & nostros contemnis amores?
 Ostrea Miseni pendentibus eruta faxis 30
 Mille tibi misi: totidem sub gurgite vasto
 Pausilypus, totidem vitreis Euploea sub undis
 Servat adhuc. plures Nefis mihi servat echinos,
 Quos nec vere novo foliis lentiscus amaris
 Inficit, aut vacuæ tenuant dispendia Lunæ. 35
 Præterea mihi sub pelago manus apta legendis
 Muricibus: didici Tyrios cognoscere succos,
 Quoque modo plena durent conchylia testa.
 Quid refugis? tingenda tibi jam lana paratur,
 Qua niteas, superesque alias, Galatea, puellas; 40
 Lana maris spumis quæ mollior. hanc mihi pastor
 Ipse olim, dedit hanc pastor Melissæus, ab alta
 Quum me forte senex audisset rupe canentem:

Et

Et dixit: Puer, ista tuæ sint præmia Musæ,
 Quandoquidem nostra cecinisti primus in acta. 45
 Ex illo in calathis servavi, ut mittere possem.
 Sed tu, ne qua mihi superet spes, ne qua futuri
 Conditio, Galatea, manum mihi dura negasti.
 Hoc est, hoc, miserum quod perdidit. ite, Camœnæ,
 Ite procul: sprevit nostras Galatea querelas. 50
 Scilicet, exiguæ videor quod navita cymbæ,
 Quodque leves hamos, nodosaque retia tracto,
 Despicias. an patrio non hoc quoque litore Glaucus
 Fecerat? æquoræ Glaucus scrutator arenæ,
 Et nunc ille quidem tumidarum numen aquarum. 55
 Sed nec, quæ nimium vel me sic falsa fatigat,
 Fabula te moveat Lydæ. licet illa puellis
 Jactet, nescio quas mihi se misisse corollas;
 Non me Lyda tamen, non impulit, æquora testor,
 Nereidasque omnes. si fallo, naufragus illas 60
 Experiar, falsosque bibam sub gurgite fluctus.
 Heu quid agam? externas trans pontum quærere terras
 Jampridem est animus: quo numquam navita, numquam
 Piscator veniat. fors illic nostra licebit
 Fata queri. Boreæ extremo damnata sub axe 65
 Stagna petam; & rigidis numquam non cana pruinis?
 An Libyæ rapidas, Austrique tepentis arenas,
 Et videam nigros populos, Solemque propinquum?
 Quid loquor infelix? an non per saxa, per ignes,
 Quo me cumque pedes ducent, mens ægra sequetur? 70
 Vitantur venti: pluviae vitantur, & æstus:

Non

Non vitatur Amor. mecum tumuletur oportet.
 Jam saxo me me ex illo demittere in undas
 Præcipitem jubet ipse furor. Vos o mihi, Nymphæ,
 Vos, maris undisoni Nymphæ, præstare cadenti 75
 Non duros obitus, sævasque extinguere flammæ.

Scilicet hæc olim, ventens seu litore curvo
 Cajetæ, seu Cumarum navalibus altis,
 Dum loca transibat, raucus de puppe magister
 Hortatus socios, Dextrum descedite, dicit, 80
 In latus, o focii: dextras descedite in undas:
 Vitemus scopulos infames morte Lyconis.

Talia nequidquam furdas jactabat ad auras
 Infelix piscator, & irrita vota fovebat:
 Quum tandem extremo veniens effulsit ab ortu 85
 Lucifer, & roseo perfudit lumine pontum.

E C L O G A T E R T I A,

M O P S U S.

CELADON, MOPSUS, CHROMIS, IOLAS.

Cel. **D**ic mihi (nam Baulis, verum si rettulit Ægon,
 Bis fenos vos, Mopse, dies tenuere procellæ)
 Quid tu, quid Chromis interea, quid vester Iolas?
 Dum Notus insultat pelago, dum murmurat unda,
 Ecquid desertis vacui lusistis in antris? 5
Mop. Quid nostræ facerent ingrata per otia Musæ,
 O Celadon? neque tum conchas impune licebat

K

Per

Per scopulos; non oſtipèdes tentare paguros:

Jam fragilem in ſicco munibant ſaxa phaſelum:

Raraque per longos pendebant retia remos. 10

Ante pedes ciſſæque leves, hamique jacebant:

Et calami, naſſæque, & viminei labyrinthi.

Tum Chromis Inarimen ſpectans, His, inquit, ab oris

(Ah dirum exſilium.) noſtræ ſolvere carinæ:

Quum regem poſt bella ſuum comitata juventus 15

Ignotis pelagi vitam committeret undis.

Quæ tamen, ut fama eſt, Ligurum per ſaxa, per altas

Stœchadas emicuit: Rhodanique inveſta per amnem

(Nam, bene ſi memini, Rhodanum referebât Amilcon)

Oceani madidas vidit reſluentis arenas, 20

Et quæ cæruleos procul adſpicit ora Britannos;

Qui, niſi vana ferunt, quoties maris unda reſedit,

Indigenæ captant nudos per litora piſces.

Ne, Chromi, ne luſtus renova, reſpondit Iolas:

Sat tuus hæc nobis Lucrini nuper ad undam 25

Narravit Lycabas: Solem ſe ſcilicet illic

Trans fluctus, trans & nubes vidiffe cadentem

Haud aliter, quam ſi noſtris e montibus illum

Cajetæ adſpiceret longe poſt litora ferri,

Et ſtrepitum ſenſiſſe ruentis ab æthere curruſ. 30

Præterea mores populorum, urbeſque, locoſque

Expoſuit, quernaſque domos, & lignea teſta.

Addidit & varias, heu barbara nomina, gentes:

Bellovacos, Morinoſque: &, quos quis dicere poſſit?

Tarbellos: latiſ errare & flumina campiſ. 35

Ne-

- Nescio quem Ligerim tectis se inpassse carinis.
 Sed mea nunc aliæ poscunt sibi pectora curæ.
 Tu modo, si quid habes (& te quoque Chloridis ardor
 Excruciat) scopulo hoc mecum meditare vicissim.
 Audiet, & gracilem percurrent Mopsus avenam, 40
 Sic illi: ast ego nil contra, sed quæ mihi collo
 Garrula pendebat, manibus tunc sumta cicuta est.
 Scilicet alternos conabar arundine versus
 Excipere. alternis nam dicere uterque parabat.
 Nec mora, jam Chromis hos, hos & referebat Iolas. 45
Cbr. Nereïdes, pelagi sacrum genus, aut mihi, vestris
 Munera ferte vadis, duram queis Chlorida placem:
 Aut, si numeribus flecti nequit, æquore toto
 Quærite, quæ nostrum sanet medicîna furorem.
Iol. Sirenes, mea cura, audite hæc ultima vota. 50
 Aut revocet jam Nisa suum, nec spernat Iolam,
 Aut videat morientem. hæc saxa impulsâ marinis
 Fluctibus, hæc misero vilis dabit algæ sepulcrum.
Cbr. Qualis tranquillo quæ labitur æquore cymba,
 Quum Zephyris summæ crispantur leniter undæ, 55
 Tuta volat, luditque hilaris per transtra juvenus;
 Talis vita mihi, mea dum me Chloris amabat.
Iol. Adspicis, iratæ feriant ut saxa procellæ:
 Ut validis imæ Coris turbentur arenæ.
 Jam scopulis furit unda, tremit jam terra tumultu.. 60
 Fallor, an hæc ipsa est Nisæ indignantis imago?
Cbr. O Proteu, pastor liquidi maris, o pater, o rex,
 (Quandoquidem insanos odistis numina fastus)

Quære Pitheculas tu, cui licet: atque superbæ
Dic Hyale, salsum te pascere monstra per æquor. 65

Iol. Ille habet, ille meos scopulus mihi servat amores,
Qui propior terræ est. illum pete, Glauce, natatu: .
Neve manus duri contemnat Nisa mariti,
Dic te squamigeras traxisse ad litora prædas.

Cbr. Est Veneri Cypros gratissima, Creta Tonanti, 70
Junonique Samos, Vulcano maxima Lemnos:
Ænariæ portus Hyale dum pulchra tenebit,
Nec Samos Ænariam vincet, nec maxima Lemnos.

Iol. Gradivus Rhodopen, & Mercurius Cyllenen,
Ortygiam Phœbe, Tritonia jactat Hymetton: 75
Nisa colit Prochyten: Prochytes si comoda norint,
Ortygiam Phœbe, Tritonia linquet Hymetton.

Cbr. Hic specus, hic rupes, texendisq; optima nassis
Vimina sunt, junci, densæque per avia myrtus:
Si mihi nunc Pholoe, vel tantum Chloris adesset, 80
Quam bene pugnaces possem contemnere ventos!

Iol. Nulla mihi sine te ridet loca, displicet æquor,
Sordet terra, leves odi cum retibus hamos.
At si aderis tu, Nisa, placebunt omnia: lætus
Tunc ego vel Libycis degam piscator arenis. 85

Cbr. Dat rhombos Sinuessæ, Dicarchi litora pagtos,
Herculeæ nullum rupes, synodontas Amalphis:
Parthênopæ teneris scætet ambitiosa puellis:
Quis mihi nunc alias scrutari suadeat algas?

Iol. In fluviis mugil versatur, sargus in herbis, 90
Polypus in scopulis, mediis melanurus in undis:

Ante

E C L O G A IV. 77

Ante tuas, mea Nisā, fores ego semper obero:

Quæ mihi det tales jucundior insula portus?

Mop. Hactenus, o Celadon, resonis sub rupibus illos

Inter se vario memini contendere cantu, 95

Horrida ventosi ridentes murmura ponti.

Qui tamen & laudes, & munera digna tulere

Carminibus, sed quæ nequeat contemhere Triton;

Hic, quam Circejo nudus sub gurgite cepi,

Nativis concham maculis, & murice pictam: 100

Ille recurvato nodosa coralia trunco.

FERDINANDO FEDERICI

REGIS F. ARAGONIO, CALABRIÆ DUCI

E C L O G A Q U A R T A,

P R O T E U S.

NUNC primum notas velis majoribus undas
Currimus, o Nymphæ Craterides: ordine quando

Suadet amor, caræ primos Telluris honores

Dicere; cæruleæ magni Crateris alumnae,

Telluris primos caræ dicamus honores, 5

Dum radiis fervens medium Sol excoquit æquor.

Tu vero, patriæ juvenis decus, editæ cælo,

Spes generis tanti: seu te nimboſa Pyrene

Pro dulci Latio, pro nostris detinet arvis:

Seu vagus objecto munimine claudit Iberus: 10

Rum-

Rumpe moras: nec te latis Hispania regnis
 Adliat, stirpisve tuæ primordia, & ille
 Gentis honos: licet effuso Tagus impleat auro,
 Et pater Oceanus spumanti perluat unda.

Nam mihi nam tempus veniet, quum reddita sceptrâ 15
 Parthenopes, fractosque tua sub cuspide reges
 Ipse canam: nunc litoream ne despice Musam;
 Quam tibi post silvas, post horrida lustra Lycæi,
 Siquid id est, falsas deduxi primus ad undas,
 Ausus inexperta tentare pericula cymba. 20

Quæ vada non norunt, quis nescit Protea portus?
 Illum olim veteris pascentem ad saxa Minervæ,
 Mulcentemque suas divino carmine phocas,
 E puppi sensere Melanthius, & Phradamius,
 Ut forte a Capreis obscura nocte redibant; 25
 Sensere & vario delphinis ludere cursu,
 Tritonumque choris longe freta pulsa sonare;
 Ipse autem haudquaquam mortali digna referri
 Verba sono vacuas lætus cantabat ad auras:
 Terrigena ut quondam matris de ventre Typhæus 30
 Exsiliens, infanda deos ad bella vocasset:
 Ut fratrum primus, Furiis, & hiantibus hydri
 Instructus, densas ductaverit ipse catervas:
 Ut nisu ingenti partes de monte revulsas
 Ænariam, Prochytenque altis immiserit astris; 35
 Ac totum subito cælum tremefecerit ictu:
 Tum pater haud segni molitus fulmina dextra
 Immanes acies dejecerit, atque trophæum

Jusserit ardentē testari sulfure Bajas,
Quod gens victa illis lavisset vulnera lymphis. 40

Hinc magni Alcide tauros, stratumque profundum
Aggeribus memorat, ductamque per oppida pompam.

His veteres addit Cumas, loca cognita Phœbo,
Vatis & horrendæ lucos, Triviæque recessus,
Cimmeriūmque domos, & opaca in vallibus antra. 45

Te quoque formosæ captum Nefidos amore,
Pausilypē, irato compellat ab æquorē questu.

Ah miser, ah male caute, tuæ quid fata puellæ
Adceleras? cupit in medios evadere fluctus
Infelix: cupit infuetum finire dolorem. 50

At tibi nec curæ est, quod eam Neptunia monstra
Circumstent, mare nec rapido quod sorbeat æstu.

Ah miser, ah male caute, ultra quid brachia tendis?
Siste gradum. riger illa jugis adsueta nivosis

Venatrix: quam mille feræ timuere sequentem 55
Per saltus. vos hanc, Panope, vos, candida Drymo,

Cymothoeque, Rhoeque, Pherusaque, Dinameneque,
Accipite, & vestris sociam lustrate choreis.

Tum canit antiquas sedes, opulentaque regna
Auricomæ Sirenis, & altum in monte sepulcrum, 60

Sacraque, Chalcidicosque deos, magnisque per æquor
Auspiciis vectas hæc ipsa ad litora classes.

Tum liquidos fontes subter cava mœnia ducit,
Adtollitque arces, & culmina montibus æquat

Tectorum: vastas protendit in æquora moles, 65
Euplœamque: procul trepidis dat cernere nautis,

Atque

Atque Pharon jungit scopulos, præruptaque saxa
Teleboſum, Sarnique amnes, & pinguia culta.

Tum canit, ut Corydona ſacro Meliſæus in antro
Viderit, & calamos labris admoverit audax,
Formoſum quibus ille olim cantarat Alexin,
Dixerat & Muſam Damonis, & Alpheſibœi.
Queis fretus, dictante dea, tot ſidera nobis
Prodiderit, tantas cæli patefecerit oras.

70

Quid referam aut Stabias, aut quæ tenuiſſe canoris
Virginibus fama eſt abeuntes ſaxa carinas?
Aut ut terrifici ſonitus, ignemque Veſevi,
Et deſolatas paſſim deſſeverit urbes?

75

Poſtremo reges, regumque ex ordine pugnas
Enumerat: bellique artes, & præmia narrat.
Addit triſtia fata: & te, quem luget ademptum
Italia infelix (ſive id gravis ira deorum,
Seu fors dura tulit) trans altas evehit Alpes.
Mox agit Oceani prope litora: denique ſiſtit
Spumantem ad Ligerim, parvaque includit in urna.

80

85

Heu ſortem miſerandam, heu pectora cæca futuri.
Hæccine te ſeſſum tellus extrema manebat
Hoſpitiis, poſt tot terræque, mariſque labores?
Pone tamen gemitus: nec te monumenta parentum,
Aut moveant ſperata tuis tibi funera regnis:
Grata quies patriæ: ſed & omnis terra ſepulcrum.

90

Hæc ille, & quæ vix audita prioribus annis
Heroum longæva queat meminiffe vetuſtas,
Commemorat. ſocio reſpondent æquora plauſu:

Luna

Luna suam donec paullatim fundere lucem 95
 Cœpit, & ad vitreas redierunt numina sedes.

CASSANDRÆ MARCHESIÆ,

MULIERI PRÆSTANTISSIMÆ

ECLOGA QUINTA,

HERPYLIS PHARMACEUTRIA.

DORYLAS, THELGON.

SED jam vulgatos & nos referamus amores:
 Quos pariter grata scopuli pendentis in umbra
 Hinc Dorylas, hinc Teleboi maris adcola Thelgon
 Certantes docuere. quibus cava litora, & ipse
 Æquoreus Platamon, sacrumque Serapidis antrum 5
 Cum fonte, & Nymphis adfultavere marinis.

Tu mihi, seu doctas percurris Palladis artes,
 Mæoniæque aurum, & subtegmina vincis Arachnes;
 Seu Dryadum choreis, cœtuque immista Dianæ
 Haud minor incedis; pictaque adcincta pharetra 10
 Venatu Prochyten, maternæque regna fatigas;
 Sive Dicarchæis qua molibus adiilit æquor,
 Ludentes spectas Nereïdas: en age nostros,
 (Siquis honos pelagi) Cassandra, en adspice lusus.
 Non ingrata cano, penitusque injussa. neque umquam 15
 Arguerint ventura meis te sæcula chartis
 Præteritam. faveat modo non invitus Apollo,

L Et

Et quæ me facili vexere per æquora remo
Pierides: queis longa dies, & nomina curæ.

Interea Dorylan juvet hic audire canentem. 20

Dor. Seberhi ad liquidas descenderat Herpylis undas,
Herpylis Euboïdum non ultima: quam pater Alcon
Erudiit, Musis & Phæbo cognitus Alcon.

Venerat & focii partem subitura laboris
Unanimis foror, & calathum de more ferebat. 25

Ipsa comas effusa, pedemque exuta sinistrum
Cum phyltris longum submurmurat: atque ita fatur:

Pone aram, & vivos hauri de flumine rores,
Canaque vicino decerpe absinthia campo.
Illum illum magicis conabor adurere sacris, 30
Qui miseram tota spoliata mente reliquit.

Volvite præcipitem jam nunc, mea licia, rhombum.
Rhombus ad Hæmonias revocetur aheneus artes:
Sistere qui pluvias, qui pellere nubila cælo,
Qui potis est trepidos undis abducere pisces. 35

Volvite præcipitem, mea licia, volvite rhombum.
Alga tibi hæc primum tumidi purgamina ponti
Spargitur, & rapidis absumitur arida flammis:
Sic mihi sic, Mæon, uraris ad usque medullas.

Volvite præcipitem jam nunc, mea licia, rhombum. 40
Ter muscum, Clearista, ter hunc sine forcipe cancerum
Ure simul, Cumque his, dic, viscera Mæonis uro.

Volvite præcipitem, mea licia, volvite rhombum.
Spongia nunc lacrimis perfunditur. heus bona magno
Spongia nata mari, lacrimas bibe sedula nostras. 45

Utque

Utque rapis sitiens illas, sic Mæonis omnem
Mæonis ingrati rapias de pectore sensum.

Volvite præcipitem jam nunc, mea licia, rhombum.
Ut pumex pinguescit, ut æquoris unda quiescit,
Quæ ventis agitata, huc illuc concita fertur. 50
Sed quid ego heu tristi pectus concussa dolore
Imprecet, & vanis jactem convicia ventis?
Mæon tot mihi damna, ego Mæoni verba rependam?

Volvite præcipitem, mea licia, volvite rhombum.
Huc huc, qui rigida meditaris vulnera cauda, 55
Sæve trigon, & tu, proprium cui sistere naves
Veliferas, echeneis, adeste: & Mæonis acres
Tu retinere pedes, tu figere corda labora.

Volvite præcipitem jam nunc, mea licia, rhombum.
Tunde jecur, spumamque simul torpedinis atræ. 60
Hæc ego cras illi letalia pocula mittam:
Ebibat, & subito pallentes torpeat artus.

Volvite præcipitem, mea licia, volvite rhombum.
Scinde manu leporem: leporis penetrabile virus.
Nascitur Eois hic fluctibus: adtulit Ægle, 65
Docta Ægle, jussitque inimicum tangere limen.
Curre age, tange simul, simul obline. cras mihi pœnas
Perfidus ille dabit: gemet ipso in limine Mæon.

Sistite præcipitem jam nunc, mea licia, rhombum.
Contere & Halcyonis nidum mihi. pellere ventos 70
Dicitur, & sævas pelagi mulcere procellas.
Forſitan hic nostros sedabit pectoris æstus.

Sistite præcipitem, jam sistite, licia, rhombum.

Haſtenus ille. quid huic ſubjunxerit ordine Thelgon;
Accipe. non omnes unus dolor angit amantes. 75

Thel. Rupe ſub hac mecum ſedit Galatea. videbam
Et Capreas, & quæ Sirenum nomina ſervant
Rura procul. veteres alia de parte ruinas
Herculis, ambuſta ſignabat ab arce Veſevus.

Exſere cæruleos, Triton, de gurgite vultus. 80
Ipſe meas, Triton, Nereo deferre querelas,
Ipſe potes curva reſonans ſuper æquora concha
Et ſcopulis narrare, & fluctivagis balænis.

Exſere cæruleos, Triton pater, exſere vultus.
Hic primos mihi congreſſus dedit illa roganti: 85
Hic niveam formoſa manum porrexit, & (cheu
Quid recole?) tacitos in me deſixit ocellos.

Exſere cæruleos, Triton, de gurgite vultus.
Huc ades, o mea cura. quid o quid lenta moraris?
Ipſe ego te propter, ſocios, cymbamque reliqui. 90

Exſere cæruleos, Triton pater, exſere vultus.
Hic tibi conſuetas formoſior explicat umbras
Populus. amplector ſæpe hanc, atque oſcula figo
Corticibus: ſæpe ipſa pedum veſtigia quæro:
Et ſiquid manibus tetiſti, floribus orno. 95

Exſere cæruleos, Triton, de gurgite vultus.
Quem mihi nunc præfers? ſi te juga frondea, ſi te
Arbuta, paſcentesque juvant per rura capellæ:
Nos quoque non grâciles nunc primum jungere avenas
Diſcimus. inciſas implent mea carmina ſagos; 100
Et mea Mænaliis pendet jam fiſtula ſilvis.

Exſe-

Exfere cæruleos, Triton pater, exfere vultus.
 Sin magis adrident hæc litora, fin magis alti
 Divitiæ pelagi; fparfos quis cogere pifces
 Doctior, aut rigidum dextra jactare tridentem? 105

Exfere cæruleos, Triton, de gurgite vultus.
 Non ego delphinis, te judice, non ego thynnīs
 Æquore vel medio dubitem certare natando.
 Quid tibi me jactem? cui vix numerare vel hamos
 Nunc vacat, aut reſtes, onerataque retia plumbo, 110
 Et Sinueſſano textas de vimine naſſas.

Exfere cæruleos, Triton pater, exfere vultus.
 Me Ligurum duræ rupes, me Gallica norunt
 Litora: piſcantem pariter me Varus, & ingens
 Senſit Arar, ſenſere maris fera monſtra Britanni. 115

Obrue cæruleos, Triton, ſub gurgite vultus.
 Et poſt hæc heu, dura, fugis. non te mihi tellus
 Extera, non venti rapuere. ſed accipe munus,
 Accipe. non ultra tecum, Galatea, ſedentem
 Adſpicias. I, læta novas meditare choreas. 120

Obrue cæruleos, Triton pater, obrue vultus.



TRA-

TRAJANO CABANILIO,

TROJÆ, AC MONTELLÆ

DOMINO,

SALICES.

SI VACAT, & blandos etiamnum ventilat ignes
 Quæ dea cærulea vehitur super æquora concha,
 Turrigeramque Paphon, ditemque Amathunta tuetur;
 Accipe flumineas properatum carmen ad undas,
 O mihi non dubia Cabanili cognite fama, 5
 Sed longe varios rerum spectate per usus.
 Nam tibi me doctæ sic devinxere sorores,
 Sic mea felici permulcent pectora cura;
 Ut vix ulla queam melioris tempora vitæ
 Te sine, vix placidos per noctem ducere somnos. 10
 En agedum, Trajane, tuis hæc prævia iussis
 Tractanti, jam jamque animo majora paranti
 Da veniam, & tenues ne dedignare Camænas.
 Forte inter virides, si vera est fama, genistas,
 Capripedes Satyri, passimque agrestia Panes 15
 Numina cum Faunis, & montivagis Silvanis,
 Exercet dum Sol raucas per rura cicadas,
 Vitabant æstus, qua pinguis culta vadofus
 Irrigat, & placido cursu petit æquora Sarnus.

Gra-

Grata quies nemorum manantibus undique rivis, 20
 Et Zephyris densas inter crepitantibus alnos.
 Dumque leves aptant calamos, dum sibila pressis
 Explorant digitis, tenuique foramina cera
 Obducunt, vario modulantes carmina cantu;
 Auricomæ viridi speculantur ab ilice Nymphæ 25
 Dulcia clarifonis solventes ora cachinnis:
 Sed prope ferre pedem metuunt. nam sæpe labores
 Audierant, Pencî, tuos, & qualibus olim
 Infelix cheu virgo Nonacria fatis,
 Infelix virgo (quid enim non illa moveret?) 30
 Pana metu fugiens e vertice Cylleneo,
 Pana deum Arcadiæ, quamvis pulcherrima, quamvis
 Dianæ sacros inter lectissima cœtus,
 Nodosa tenerum mutarit arundine pectus.
 Quas simul ac nemorum petulans, effrenaque pubes 35
 Semiferi videre per herbida prata vagantes:
 Occultamque imis flammam traxere medullis;
 Sic timidas blandis hortantur vocibus ultro:
 Huc huc, o teneræ, placidissima turba, puellæ:
 Quid procul adstatis? potius succedite ripæ, 40
 Et viridi in prato molles de more choreas
 Ducite: quandoquidem calamos inflammas inertes:
 Et frustra ad furdas jactamus carmina silvas.
 Illæ nil contra: celeri sed nuda parabant
 Crura fugæ, tutosque agitabant mente receptus, 45
 Si qua forte viam per saxa irrumpere, & altis
 Evalisse jugis deus, aut sua fata dedissent.

Tum

Tum juvenes, Procul o, clamant, procul iste, puellæ,
 Sit timor: ignavas animo depellite curas:
 Nullæ hic insidiæ, nullæ per aperta latebræ: 50
 Cuncta patent: nullas abscondunt hæc loca fraudes.
 Nos quoque non Lernæ monstros, non igne Chimeræ,
 Scyllæisve lupis geniti, aut latrante Charybdi,
 Qui vestra immani laceremus viscera morfu:
 Sed divûm genus, & qui semper rupibus altis 55
 Vobiscum crebris venatibus insultemus.
 His dictis permulsi animi, securaque tristem
 Corda metum ejiciunt: gressuque per uda citato
 Prata, deis tandem cupidis, ripæque propinquant.
 Tum manibus simul implicitis per gramina festas 60
 Exercent choreas; aliosque, aliosque reflexus
 Inter se lætæ repetunt: nunc corpora librant
 In saltus: nunc molle latus, nunc candida jactant
 Brachia: & alterna quatiunt vestigia planta.
 Hic Satyri, quamquam voces audire canentum 65
 Crudeles, quamquam niveas spectare papillas
 Exsultant, oculisque bibunt sitientibus ignem;
 Tanta tamen sævi gliscit vis effera morbi
 Pectoribus, præcepisq; amor, & malefana libido;
 Ut calamis sensim ejectis, ruptoque repente 70
 Fœdere, surgentes ab humo, vento ocyus omnes
 Exsiliant: spretaque desim pietate, fideque,
 Ah pavidas Nymphas, subitoque horrore rigentes
 Invadant avidi, sævorum more luporum,
 Qui lætas mediis proturbant lusibus agnas, 75
 Obliv-

Oblitasque sui passim rapiuntque, trahuntque,
 Dum viridi in campo cursant, aut valle sub alta,
 Et custos ignarus abest, & amica canum vis.
 Sic illi. at miseræ discisso pectore Nymphæ
 Frondiferam mœstis silvam clamoribus implent: 80
 Atque huc, atque illuc fugiunt. non saxa, neque altis
 Tuta putant loca fenta rubis. hinc ardua montis
 Prærupti juga, diffusos hinc stagna per agros
 Adtonitæ circumspiciunt. via nulla salutis:
 Et jam spes prærepta fugæ: tum denique ad undas 85
 Consistunt trepidæ, flavosque a vertice crines
 Cum lacrimis, gemituque, & flebilibus lamentis
 Abscindunt, Sarnumque vocant, liquidasque sorores:
 Dumque vocant, fundo properat chorus omnis ab imo
 Naiadum: properat vitreæ rex cærulæ undæ 90
 Sarnus, inexhaustumque vadis ciet agmen aquarum
 Rauca sonans. sed quid Sarnusve, aut illa natantum
 Agmina Naiadum possint, ubi ferrea contra
 Stant fata, & duro leges adamante rigescunt?
 Ergo defectæ cura, auxilioque deorum, 95
 Ac cælum pariter Nymphæ, lucemque perosæ,
 Unum illud, rebus tandem quod restat in arctis,
 Finem optant. jamque in fluvium se mergere adortæ,
 Membra reclinabant, & aquas pronò ore petebant:
 Quum subito obriguere pedes: lateque per imos 100
 Exspatiata unguis radix, fugientia tardat,
 Adfigitque solo vestigia. tum vagus ipsis.
 Spiritus emoritur venis: indignaque pallor

90 S A L I C E S.

Occupat ora: tegit trepidantia pectora cortex.
 Nec mora: pro digitis ramos exire videres,
 Auratasque comas glauca canescere fronde:
 Et jam vitalis nusquam calor: ipsaque cedunt
 Viscera paullatim venienti frigida ligno.
 Sed quamvis totos duratæ corporis artus,
 Caudicibusque latus, virgultisque undique septæ,
 Ac penitus Salices; sensus tamen unicus illis,
 Silvicolas vitare deos; & margine ripæ
 Hærentes, medio procumbere fluminis alveo.

105

110

F I N I S.



FRAG.

F R A G M E N T U M

E J U S D E M A U C T O R I S.

O PTATOS jam, Euploëa, mihi circumspice portus,
 Quo liceat trepidas piscanti includere prædas,
 Et Zephyris relevare graves spirantibus æstus;
 Siqua movet cupidam velocis gratia cymbæ.
 Tuque ades, o nostri merces non parva laboris, 5
 Quem Phœbus mihi, quem doctæ, mea turba, puellæ
 Conciliant; dumque ipse ratem de litore pello,
 Da vela insinuans, pelagoque excurrere patenti,
 Pars animæ, Pudrice, meæ. te nam sua Nereus
 Per vada, te medio Doris vocat æmula fluctu, 10
 Dum late horrifonum campus strepit omnis aquarum.
 Lucrinæ ad Veneris templum convenerat omnis
 Ænariæ, Prochytaque manus: Zephyræus opaca
 Scilicet Ænaria, Prochyta venit Euthycus alta,
 Insignes ambo calamis, & versibus ambo, 15
 Aptus uterque fretis, piscatibus aptus uterque;
 Ille hamos versare, hic retia solvere in æquor.
 Tum prior hæc Zephyræus: Adeste o litore ab omni,
 Piscatorum artes; liquidas exquirite sedes;
 Vertite Tritonum latebras; penetrate recessus 20
 Nereïdum: numquam nostros sedabitis ignes:
 Numquam me Pholoe, numquam me Chloris amabit.
 Ede tuos mecum tandem, cava buccina, cantus.

92 FRAGMENTUM.

Testis Cymothoe, testis mihi candida Clotho,
 Optavi quoties mediis in fluctibus ægram 25
 Projicere hanc animam; quoties ego gurgite in alto
 Occurri monstros immanibus, horrida cete
 Ut saltem miseros lacerarent dentibus artus.
 Ede tuos tandem mecum, cava buccina, cantus.
 Omnia tentavi, terras, mare, nubila, cælum, 30
 Ventorumque domos, & tempora quattuor anni;
 Omnia sed nocuere simul. vos ite, puellæ,
 Ite, deæ pelagi, furiis arcessite nostris
 Nunc alios fuccos, aliasque Melampodis herbas.
 Ede tuos tandem mecum, cava buccina, cantus. 35
 Non magicos versus, ignotaque nomina rerum,
 Dissimilesque deos, Erebumque, Chaosque refugi.
 Ipsos quin etiam filo convolvere rhombos
 Edidici, partesque meas de litore echinos,
 De scopulis muscum, de fluctibus hausimus undam. 40
 Ede tuos tandem mecum, cava buccina, cantus.



ACTII

ACTII SYNCERI
SANNAZARII

NEAPOLITANI

VIRI PATRICII

ELEGIARUM

LIBRI TRES.

THE HISTORY OF
THE AMERICAN
REPUBLICS
FROM THE
FIRST SETTLEMENTS
TO THE PRESENT
TIME



ACTII SYNCERI
SANNAZARI
NEAPOLITANI
ELEGIARUM
LIBER I.

ELEGIA PRIMA,
AD LUCIUM CRASSUM.



TEOECUNDA tenent saxosi rura Petrini,
 Rura olim proavis facta superba meis.
 Et Sinuessanas spectas, mea gaudia, Nymphas,
 Quique novo semper sulfure fumat ager.
 Et modo miraris veteres in litore portus; 5
 Nunc Liris gelida qua fluit amnis aqua.
 Cunctaque felici figis vestigia cura,
 Observas Latiae dum monumenta viae.
 At mihi paganae dictant silvestria Musae
 Carmina, quae tenui gutture cantat Amor.

10
Fida-

Fidaque secretis respondet silva querelis:
 Et percussa meis vocibus antra sonant.
 Nec tantum populos, nec tantum horrescimus urbes,
 Quantum non iustæ sævitiam dominæ.
 Hoc vitæ genus, hoc studium mihi fata ministrant: 15
 Hinc opto cineres nomen habere meos.
 Me probet umbrosis pastorum turba sub antris,
 Dum rogat agrestem lacte repente Palem.
 Me rudis indocta moduletur arundine Thyrsis;
 Et tam constanti laudet amassæ fide. 20
 Inde super tumulumque meum, manesque sepultos
 Tityrus ex hedera ferta virente ferat.
 Hic mihi saltabit Corydon, & pulcher Alexis:
 Damœtas flores sparget utraque manu:
 Fluminibusque sacris umbras inducet Iolas, 25
 Dum coget saturas Alphefibæus oves.
 Non mihi Mœoniden, Luci, non cura Maronem
 Vincere: si fiam notus amore, sat est.
 Quid feret Æacides nobis, quid cautus Ulysses?
 Quid pius Æneas, Ascaniusve puer? 30
 Ista canant alii, quorum stipata triumphis
 Musa vagum e tumulis nomen in astra ferat.
 At mihi te te avidis liceat vincere lacertis;
 Osculaque optata fumere longa mora.
 Et liceat posita mirari membra lucerna; 35
 Noctis & insolitas nectere blanditias:
 Atque manus, atque ora tuis componere in ulnis;
 Teque meo lassam sæpe fovere sinu.

Sed

Sed quid ego, hei misero, ventosus inania fingo
 Somnia; quæ forsân non feret ulla dies? 40
 Felix, qui potuit duram exorare puellam;
 Et capere optati gaudia conjugii.
 Ille dies noctesque suos decantat amores;
 Et recolit Veneris dulcia furta suæ.
 Ille etiam liquido perfusus odore capillos, 45
 Exercet tenerum nocte juvante latus:
 Inque sinu dominæ primos reminiscitur ignes;
 Quos leviter pennis aureus afflat Amor.
 Nec cupit, Æthiopum quæ canent vellera silvis;
 Nec, quæ Sidonio lana cruore rubet. 50
 Solus habet, fuscis quidquid portatur ab Indis:
 Solus habet ripas, aurifer Herme, tuas;
 Et quascumque metit segetes fragrantibus arvis
 Medus, & assiduo Sole perustus Arabs.
 Non auro, aut gemmis miseri torquemur amantes: 55
 Qui dominam poterit flectere, dives erit.
 Dives ero ante alios, si te, mea vita, volentem
 Sustineam ignota pauper, & exsul humo.
 Nam quid rubra juvant fulgentibus æquora conchis?
 Aut quæ multa niger rura Sabæus arat? 60
 Quidve torus prodest, pluma spectandus, & ostro;
 Si non est gremio cara puella meo?
 Si trahere infelix inter suspiria noctem
 Cogor; & æternos esse, negare, deos?
 Num me neglectis devovit saga sepulcris? 65
 Num rumpunt somnos carmen, & herba meos?

N

Car-

Carmen inaccessa traducit ab ilice glandes:
 Carmen nocturnæ suppressit ora canis.
 Carmen & informi pallentem sanguine Solem
 Inficit; & Lunæ sistit euntis equos. 70
 Quid queror infelix? utinam mihi sola nocerent
 Carmina; nec nostro pectore inesset Amor.
 Ille vel Æææ superat cantamina Circes:
 Ille vel Hæmoniis nata venena jugis.
 Parce, puer: non vana queror: tu vulnere nostro 75
 Crescis; & exultas, sæve, cruore meo.
 Quod si te nostræ ceperunt tædia vitæ;
 Ne cesset, quæso, funeris atra dies.

ELEGIA SECUNDA,

AD JOANNEM PARDUM HISPANUM.

PARDE, decus patriæ, spes maxima, Parde, tuorum,
 Atque idem Hispani gloria rara soli:
 Quem juvat immensi caussas exquirere mundi,
 Primaque constanti corpora juncta fide:
 An magnum æterno volvatur numine cælum: 5
 An propria hoc ingens mole laboret opus:
 Cur falsi fluctus: cur ignibus æstuet Ætna:
 Cur vomat epotas vasta Charybdis aquas:
 Unde nitor stellis: cur nox majorve, minorve:
 Cur non ipsa suo lumine Luna micet. 10
 Felix, cælestes cui fas nunc scandere sedes:
 In quæis post obitum fata manere sinant.

At

At nos per silvas, & sordida rura, capellas

Verſamus: quando Phyllis amare jubet.

Et teneris noſtros ulmis incidimus ignes;

15

Quos legat errantum cœtus Hamadryadum.

Et nunc capreſcos, & nunc venamur onagros:

Interdum ſævas fallimus arte feras.

Sæpe juvat pictas viſco captare volucres:

Nec Satyris ipſo cedimus aucupio.

20

Quod mihi ſi liceat tenui revocare cicuta

Trinacrii niveas upilionis oves;

Rura colam ſemper: populi valeatis, & urbes:

Rura dabunt oculis grata theatra meis.

Illic gramineas, paſtorum bella, palæſtras

25

Adſpiciam, & celeri præmia parta pede.

Nec me pœniteat ſudibus certare columnis;

Aut armare cavis pectora corticibus.

Pugnabunt tauri, pugnabunt cornibus hirci:

Victores molli cęſpite ferta ferent.

30

Plenaque pellitus luſtrabit ovilia paſtor:

Ponet & agricolis ruſtica liba deis.

Stabunt capripedes abiegno robore Fauni:

Stabit & indocta falce dolata Pales.

Quorum ſolennes ictus cadet agnus ad aras;

35

Ictus, ut innumeras expiet agnus oves.

Tum milium, & niveo ſtatuet fumantia lacte

Pocula; votivas concipietque preces:

Et ter tranſiliet flammanes potus ariſtas,

Ter quoque non tardo ruſtica turba pede.

40

N 2

Dii

Dii facite, inter oves, interque armenta canendo

Deficiam; & silvis me premat atra dies:

Ut me non docta deplorat pastor avena:

Utque sub umbrosa contumuler platano:

Ossaque pascentes venerentur nostra capellæ:

45

Nec procul a tumulto candida balet ovis.

Exsultent alii Panchæo munere manes;

Et quærant Pariis marmora cæsa jugis.

* Mi fat crit, veteres recolat si Phyllis amores;

Conferat & vernas ante sepulcra rosas.

50

ELEGIA TERTIA,

A D A M I C A M,

NULLA meos poterit mulier prævertere sensus;
Ipſa licet cælum linquat, & astra Venus.

Tu puero teneris ignis mihi primus ab annis:

Ultima tu tremulo flamma futura ſeni.

Jam ſanxere ſemel nos inter ſœdera divi,

5

Œœdera ad extremos non ſolvenda rogos:

Ut, ſi noſtra tuo ſuperelſet funere vita;

(Dii tamen in ventos omen abire ſinant)

Ipſe ego compoſito venerarer operta ſepulcro

Oſſa, ſerens mœſta tura, merumque manu.

10

Umbrarumque ſacer cuſtos, tumulique ſacerdos

Conciperem querula triſtia verba lyra.

Nec me complexa quiſquam divelleret urna;

Quin cineri moriens oſcula ſumma darem.

At

At si, quod potius cupio, tibi fata dedissent, 15
Lumina formosa condere nostra manu:
Tunc, mihi quum caros vultus spectare liceret;
Atque anima tecum jam fugiente loqui;
Ipsa meos tumulo manes laniata vocares;
Inque tuo legeres ossa minuta sinu: 20
Flebilis & longos scindens ad busta capillos,
Clamares nomen jam moritura meum.
Tum cineri, & mutæ persolvens iusta favillæ,
Mista dares rutilis lilia cana rosis.
Illic mœsta dies, illic consumere noctes 25
Optares; nec te vinceret alter amor:
Sed memor usque viri, canis veneranda capillis,
Adferres tremula munera cara manu.
O mihi, dum tales tumulo reddantur honores,
Tam lentam Lachesis scindat avara colum. 30
Non, ut nostra novos Arabum bibat urna liquores;
Ustus & Assyrio spiret odore cinis:
Aut ut clara mei notescat fama sepulcri;
Altaque marmoreus sidera tangat apex:
Sed magis ut liceat longas audire querelas; 35
Et gerere e lacrimis ferta rigata tuis.
Tunc ego Lethææ spatiaturs in aggere ripæ;
Qua nitet obtuso lumine falsa dies;
Quaque levis casæ nemus, ambrosiæque virentis,
Et fortunatos abluit unda greges; 40
Dulcia præteritæ repetens infomnia vitæ,
Ostendam Elysiis tot mea dona choris.

Feli-

Felicesque animas inter felicior ipse

Excipiam plausus lata per arva novos.

Atque aliquis comitum, lætusque, hilarisque recentes 45

Sparget humi flores; & mihi ferta feret.

Nec contentus eo, fidos extollet amores;

Narrabitque aliis de pietate tua.

Sed quoniam teneræ vernant nunc læta juventæ

Tempora; & amplexus jungere fata sinunt; 50

Dulcia lascivo jungamus gaudia lecto;

Jam properat mortis panda senectæ comes.

Jam properant rugæque graves, & serior ætas:

Nec dabitur molli ludere posse toro.

Interea cupidis nectamus colla lacertis: 55

Ultima jam solvet, quum volet, hora duos.

Dii facite, hæc longos maneat spes certa per annos.

Candidus & pennis omina firmet Amor.



ELEGIA QUARTA,

AD LUCINAM, PARTURIENTE

CORNELIA PICCOLOMINEA.

ANTONII GARLONII

ALLIFARUM DOMINI CONJUGE.

AFFER opem teneræ tandem, Lucina, puellæ:
 Auxilio, digna est, quam tueare tuo.
 Te vocat; & madidis solam suspirat ocellis;
 Et roseo tacitas fundit ab ore preces.
 Illa quidem insueto languet male firma dolore, 5
 Vixque potest longæ tot mala ferre moræ.
 At tu, diva, veni, tecumque unguenta repostæ
 Pyxidis, & si qua est, quæ juvet, herba, feras.
 Sic flentis miseros juvenis compescere questus,
 Sic una poteris forte levare duos. 10
 Lucis adest dea magna: metum jam comprime, Garlon:
 Non frustra est lacrimis illa vocata tuis.
 Da costum, myrrhamque focis, quæque orbe remoto
 Cinnama per rubras navita vectat aquas.
 Ipse deam venerare, sacras projectus ad aras; 15
 Et Genio annosum sæpe refunde merum.
 Sed trepidi cessere metus, cessere querelæ.
 Jam parit adventu tacta puella deæ:
 Jam puerum est enixa: vides, ut lumine matrem
 Exprimat? en, tenero quantus in ore decor! 20
 Salve,

Salve, parve puer, cui jam felicia rident
 Sæcula; cui pharetram sponte remittit Amor.
 Nam sive auratis humeros armare sagittis,
 Seu juvet accensas sollicitare faces;
 Seu potius jactare leves pueriliter alas, 25
 Et dare neglectas post tua terga comas;
 Quis te non Paphii eductum vallibus, aut quis
 Idaliæ puerum non putet esse deæ?
 Vive, precor, blandumque oculis ridere parenti
 Adfuesce; & dulces disce movere jocos. 30

ELEGIA QUINTA,

AD JULIUM SENENSEM, EXSULEM.

QUUM mihi languentes dolor oppugnaret ocellos;
 Cogerer & tristi solvere verba sono;
 Ingratos inter gemitus, mœstasque querelas
 Allata est manibus litera missa tuis.
 Inspeci, agnovique tuas, mea numina, Musas, 5
 Pieriosque haustus, Castaliumque decus.
 Poscis, ut iratum placent mea carmina Phœbum;
 Et flectant duras ad tua vota deas.
 Non hoc ingenium, non hæc facundia nostra est:
 I, precor, atque alio flumine pelle sitim. 10
 Ille mihi faciles jampridem denegat aures;
 Et vetat argutæ tangere fila lyræ.
 Nec mihi jam solito latices de fonte ministrat,
 Nec docet optatos Calliopea choros.

Quid

Quid petis extinctam dilapso a torre favillam?

15

Quid miser a nostro vulnere quæris opem?

Jam tibi felici decurrunt carmina vena;

Et rapit ad patrium te tua Musa decus.

Ipsa mihi visa est, te lamentante, Thalia

Ingemere, & tristi Delius ore queri:

20

Qualis Strymonias olim quum fleret ad undas

Orpheus indignis vocibus Eurydicen:

Qui cantu Ismarii gelidis in rupibus Hæmi

Adtonuit quercus, adtonuitque feras:

Saxaque Bistonis deduxit montibus; & te

25

Currentem adstrictis, Hebre, repressit aquis,

Scilicet egregios semper Fortuna poetas

Tanget, & ancipiti deprimet usque rota?

Neve sit extremos tantum submotus ad axes

Ille, Tomitana qui jacet exsul humo;

30

Te quoque nunc rigidi premit inclementia fati

Longius & patria cogit abesse domo.

Sed nisi per magnos quæraturn fama labores;

Omnis in ardentes est abitura rogos.

Sic pius Æneas, sic stirps Laertis Ulysses

35

Majus post cineres emergere decus.

Sic quoque sublatis Tirynthius undique monstis

Visit ab OEtæa regna paterna pyra.

Et te, crede mihi, tot sæva incommoda passum

Virtus sublimi ducet in astra via.

40

ELEGIA SEXTA,

IN FUNERE SARRI BRANCATII

LUCRETIA UXOR.

ERGO importunæ ruperunt flamina Parcæ,
 Stamina lanifica tam bene ducta colo?
 Ergo ego, quæ fueram tali modo nupta marito,
 Frigida nunc tristi conqueror in thalamo?
 Quique his dignus erat vitam exhalasse labellis, 5
 Occidit externis advena litoribus?
 Felices nimium, fortunatæque sorores,
 Quæ datis æternis tura Sabæa focis.
 O utinam numquam amplexus, numquam oscula nossem:
 Essem pars vestri nempe ego parva chori. 10
 Care vir, audaci nimium confise juventæ,
 Et nimium lacrimis umbra gemenda meis:
 Quis te tam densos immittere corpus in hostes
 Jussit? an ad pugnam non satis unus erat?
 Me miseram, non ulla tuæ te cura puellæ, 15
 Non subiit mœstæ certa ruina domus.
 Tu mihi per sanctos solitus jurare hymenæos,
 Per non lædendi fœdera conjugii;
 Te non immemorem caræ fore conjugis umquam;
 Et si Lethæus tingeret ora liquor. 20
 Quin ipsa admonui, ne sic violentus in arma
 Irrueres: cheu quo, violente, ruis?

Quo

Quo raperis? quo jam nostri tibi cura recessit?

An potes uxoris non meminisse tuæ?

Vix equidem credo; quamvis heu credere cogar; 25

Tam cito pectoribus me cecidisse tuis.

Sed cecidi; sic fors tulit impia; nullaque pro me

Vota salutare demeruerunt deos.

Hæc tora sic conjux, sic conjux flevit Achillem;

Sic misera extinctum Laodamia virum. 30

Nunc mea virginitas, quando inlibata remansit,

Servetur cineri non violanda tuo.

E L E G I A S E P T I M A ,

A D D I V U M J A C O B U M P I C E N U M .

SANCTE senex, quem nec sceleris contagia nostri,

Nec pessum vitiis sæcla dedere suis;

Æquasti magnos qui paupertate triumphos,

Tantus amor nivæ simplicitatis erat.

Silva tibi sedes, viridique e cespite lectus: 5

Explebant mensas amnis, & herba tuas.

Talis erat priscis victus mortalibus olim.

Sed priscis tantum vivere cura fuit.

At te diversos naturæ expendere casus

Juvat, & instantes divum aperire metus: 10

Submotumque oculis animo percurrere cælum:

Quasque tenes sedes, mente adiisse prius.

Noscere præterea cunctarum exordia rerum:

Quod vix humanæ conditionis erat.

- Magnum opus! ut prima surgentis origine mundi, 15
 Omnia sint senis edita luciferis:
 Utque pater sancta demum cessare quiete
 Perfecto artifices jusserit orbe manus.
 His addis cultusque pios, ritusque verendos,
 Cunctaque legifero tradita sacra duci: 20
 Quæque suis castæ sæclis cecinere Sibyllæ:
 Quæque sacer vatum spiritus ore refert:
 Sidereos partus, demissaque pignora cælo,
 Atque inopes cunas, stramineumque torum:
 Speratumque diu terris, cæloque probatum 25
 Verum hominem, verum mente, animoque Deum.
 Hinc & supplicium infandum, atque obprobria mortis,
 Claraque de Stygia ducta trophæa domo:
 Denique, ut ad patrem, populo spectante suorum,
 Cesserit; igniferis præsideatque locis: 30
 Quantaque nos maneant promissæ gaudia vitæ:
 Quantaque venturæ gloria lucis erit.
 Miremur, tibi si placidi penetrale tonantis,
 Et patet immensi regia clara poli;
 Quum tantum his superas meritis sit scandere in arces, 35
 Qua plaga securum lactea monstrat iter?
 Scilicet inde datur terras spectare jacentes,
 Et circumfusi brachia curva maris;
 Solis & ardentes radios, Lunæque recursus:
 Qualiter & pacta stent elementa fide: 40
 Nec minus æternis niteant ut sidera flammis:
 Et peragant varias noxque, diesque vices.

Felix,

Felix, qui nostras potuisti linquere curas;
 Et procul humanas despicere illecebras.
 Felices, qui te colles videre loquentem; 45
 Quæque tibi gratos præbuit herba toros:
 Quæque arbor, rupeſve ſacra te fovit in umbra:
 Et quæ nunc manes continet urna tuos.
 Nam licet incultis fuerit tibi vita ſub antris;
 Nunc pedibus data ſunt aſtra terenda tuis. 50
 Attamen o dic, ſancte pater, dic, addite cælo
 Gloria, dic, patriæ fama, decuſque tuæ:
 Ecquid te ſolitis mulcet ſapientia chartis,
 Mollis ubi Elyſium concitat aura nemus?
 An juvat aurata meditantem carmina canna, 55
 Neſcere purpurea tempora cana roſa?
 An mage virgineis ſedet invigilare choreis:
 Quum deceat cælo, quidquid in orbe libet?
 An potius toto ſuperſum ſpectante ſenatu,
 Diluis æthereo crimina noſtra foro? 60
 Denique quidquid agis, nitidi novus incola cæli,
 Pectoribus noſtris non leve numen eris.

ELEGIA OCTAVA,

AD PETRUM DE ROCCAFORTI,

MAXIMUM REGIS GALLIARUM CANCELLARIUM.

QUOD pectus tibi forte, quod ardua pectoris arx eſt;
 Quod forti dignum pectore nomen habes: Quod

Quod leges sua jura tenent te vindice; quodque
 Omnia virtuti pervia facta tuæ;
 Autumni sedem, chelasque Astræa reliqui; 5
 Advenique tuos, noster alumne, lares.
 In cunis ego te, si nescis, sedula fovi.
 Reptasti gremio sarcina grata meo.
 Ipsa tuos finxi mores, animumque, manusque:
 Ingeniumque sagax, judiciumque dedi. 10
 Hinc nostri cultusque frequens, optandaque rerum
 Cognitio, hinc fidei nomina tanta tuæ.
 Ad te igitur duplices subnixo poplite palmas
 Insuetis tendo sollicitata malis:
 Ne patiare, meas Latio languescere vires. 15
 Pendet ab auxilio spes mea tota tuo.
 Deprimor audaces inter derisa ministros:
 Nec fas ingenuum tollere ad astra caput.
 Quodque diu partum est virtute, & fortibus armis
 Imperium, fœdæ servit avaritiæ. 20
 Nec mirum, vestro tantum quum distet ab orbe,
 Terraque censura sit procul illa tua.
 Quis credat? tectis cives pelluntur avitis;
 Adrogat injustas dum sibi fiscus opes;
 Fiscus opes miserorum. hoc est, heu, parcere victis? 25
 Hoc est Aufonio reddere jura solo?
 Cogitur infelix alienas ire per oras
 Nobilitas, patriis exspoliata bonis:
 Culpaturque fides domino servata priori,
 Et maris, & terræ non labefacta minis. 30

Sci-

Scilicet est crimen duram contemnere mortem:

Scilicet est reges crimen amare suos.

O bene fortunæ memores, quicumque superbas

Gentibus a victis abstinuere manus.

Nam quamvis sævos illeçtet præda tyrannos;

35

Magnanimos reges gloria sola juvat.

Delentur nullos hominum benefacta per annos;

Quaque licet faciunt nos ratione deos.

At si quis feræ spernit præconia famæ,

Quercubus alpinis adnumerare potes.

40

Ergo tu, regem cui fas lenire potentem,

Da desideriis vela secunda meis.

Effice, Justitiæ soliti reddantur honores:

Dignus es, altricem qui tueare tuam:

Sed soror ut nostros æquet Clementia fasces:

45

Qua sine, dura nimis, difficilisque vocer.

O decus, o lapsi spes constantissima sæcli;

O vir fortuna fortior ipse tua.

Sic tibi contingat Solyma de gente triumphum,

Captaque per nostros signa videre duces.

50

Sic Rhodanum Nilo spectes dare jura subactis:

Perque Araris ripas plurima laurus eat.

Hoc ego te, mecum hoc Phæbus, doctæque sorores,

Hoc pietas, hoc jus, nobilitasque rogant.

ELEGIA NONA,

DE STUDIIS SUIS, ET LIBRIS

JOVIANI PONTANI.

QUⁱ primus patrios potuit liquisse penates,
 Et maris, & longæ tædia ferre viæ;
 Quem non mœsta domus, quem non revocare parentes,
 Non potuit fufis blanda puella comis;
 Impius, & scopulis, & duro robore natus, 5
 Atque inter tigrès editus ille fuit.
 Non mihi circumstat solidum præcordia ferrum:
 Nec riget in nostro pectore dura silex:
 Ut possim dulcesque lares, limenque puellæ
 Linquere; & ignoto quærere in orbe domum. 10
 Sed Phœbi sacros cogor lustrare recessus,
 Vocalemque undam, Thespiadumque choros:
 Ut fugiam nigras supremo in funere flammæ;
 Et volitem populi docta per ora mei:
 Meque inter claros adtollat fama poetas; 15
 Nec rapiat nomen nigra favilla meum:
 Et nostro celebrata superbiat umbra sepulcro;
 Spernat & e Pariis marmora cæsa jugis:
 Non tamen ut magni tumulum tentare Maronis
 Audeat; aut tantum speret habere decus. 20
 Sed quis tam niveis vellat mea colla lacertis?
 Quis vetet optato membra fovere sinu?

An

An tanti fuerit sacro Parnassus hiatu,
 Perque suas passim templa habitata deas;
 Ut tibi sit nitidos lacrimis corrumpere ocellos, 25
 Discessumque fleas, cara puella, meum?
 Ah pereat, quicumque leves sectatur honores;
 Et sequitur famæ nomina vana suæ.
 Tecum ego nocturnis dubitem cessare choreis?
 Tecum ego conspersa gaudia inire rosa? 30
 Deductumque levi crinem perfundere amomo?
 Et noctem insolitis ducere blanditiis?
 Scilicet & Turcas Pontanus in æquora classes,
 Alfonso & fortes ducat in arma manus.
 Qui nunc nascentis canit incunabula mundi, 35
 Aureaque ætherea sidera fixa domo:
 Utque imbres, lapidesque pluant, ut nubibus ignes
 Exsiliant; falsas ut mare volvat aquas:
 Hesperidumque hortos, excussaue poma draconi,
 Rusticaque ad primos munera missa toros; 40
 Delicias, Lepidina, tuas, resonansque vicissim
 Pastorum argutis carmen arundinibus:
 Qualiter & fulvis radiet Sertorius armis;
 Et Pompejanus prælia tentet eques:
 Audeat arguto neu quis contendere versu, 45
 Ille vel æterno digna Marone sonat.
 Te pater irriguis audit Sebethus in antris,
 Jurgia ad ingratas dum jacies ipse fores.
 Inde vocas sacrum festas Hymenæon ad aras,
 Optati referens fœdera conjugii: 50
 P Utque

Utque tuis primum surgens complexibus uxor,
 Visa sit crepta virginitate queri.
 Felix, qui fidos expertus conjugis ignes,
 Vidisti sobolis pignora certa tuæ:
 Næniolasque rudes ceciniſti, & blanda parentis 55
 Oscula, & ad cunas murmura nata ſuas.
 Felix, excultum torſit quæ Fannia vatem;
 Quæque illi regnum Cinnama ſubripuit.
 Quamvis diſſidii leges patiantur amaras,
 Spectabunt cineres nomen habere ſuos. 60
 Eridani poſt hæc ſed te quis credat ad amnem
 Populea canas fronde ligaffe comas?
 Et Stellam ceciniſſe, atque impendiſſe querelas;
 Spectandos quum jam vix daret illa pedes:
 Bajanoſque ſinus, myrtetaque cognita Nymphis, 65
 Clauſaque ſulfureis antra recurva jugis:
 Tum ſuperſtum laudem, mutiſque incifa ſepulcris
 Nomina, collapſos & reparare rogos:
 Denique Pindaricoſque modos, reſonantia plectra,
 Et Methymnææ fila novaffe lyræ: 70
 Quum tamen interea motus, atque agmina regum poſſit
 Bellaque Campanæ diſcutis hiſtoriæ.
 Quin & jucundo diſtringis ſæcula morſu,
 Dum vaſer in Stygio diſputat amne Charon.
 Varroniſque tui, Nigidique exempla ſecutus, 75
 Grammaticæ hauſt ſpretas incipis ire vias.
 Carminis hinc numeros noſtris depromis ab auſis,
 Dignatus pueri verba referre ſenex.

Quid

Quid loquar, ut sacros Mariani exhauriat amnes
 Ægidius, verum dum canit ore Deum? 80
 Aut aptat ingratos taxet sub imagine mores
 Qui super infusas spernit Atellus aquas?
 Te juvenesque, senesque colunt præcepta ferentem,
 Parthenope spreto quæ Cicerone legit:
 Ex adytis quidquid divum sapientia pandit; 85
 Et, Stagira, tui dogmata firma senis:
 Quid deceat fortemque virum; quæ principis artes;
 Largificas præstet quæ dare dona manus:
 Parendi leges quæ sint, legesque loquendi:
 Edat ut argutos lingua diserta sales; 90
 Quid fortuna homini, quid det prudentia: quantum
 Immanes animos incitus ardor agat:
 Magnanimique viri quæ sint ad singula partes,
 Sive colat pacem, seu fera bella gerat.
 Nec fugis astrorum caussas aperire latentes, 95
 Et Ptolemæi fata reposta poli:
 Salve, sancte senex, vatum quem rite parentem
 Præfecit terris Delius Ausoniis.
 Non te Lethææ carpent obliviam ripæ;
 Nec totum in cineres vertet avara dies. 100
 Nec tibi plebejo ponetur in aggere bustum.
 Niliacas dabitur vincere Pyramidas.
 Quid tibi victrices exspectas, Umbria, palmas?
 Mœnibus has patriæ rettulit ille meæ,
 Ille suis longum studiis, & laude fruatur; 105
 Me juvet in dominæ consenuisse sinu.

AD JOANNEM SANGRIUM,

PATRICIUM NEAPOLITANUM,

DE SUO IMMATURO OBITU.

SIME sævus Amor patriis pateretur in oris
Vivere, vel saltem matre vidente mori;

Ut, quæ vix uno nunc sunt ingesta libello,

Essent illa suis continuata locis:

Forfitan immites potuisssem temnere *Parcas*;

Ductaque de pulla tristia pensa colo:

Nec me plebejo ferret *Libitina* sepulcro;

Aut raperet nomen nigra favilla meum.

Nunc cogor dulcesque lacus, & amœna vireta,

Pieridumque sacros destituisse choros:

Nec pote, quæ primis effudit *Musa* sub annis,

Emendaturo subdere iudicio.

Sic heu, sic teneræ fulcis refecantur aristæ:

Implumes nido sic rapiuntur aves.

Proh superi, tenues ibit *Syncerus* in auras?

Nec poterit nigri vincere fata rogi?

At tu, quandoquidem *Nemesis* jubet, optime *Sangri*;

Nec fas est homini vincere posse deam:

Accipe concussæ tabulas, atque arma carinæ;

Naufragique mei collige reliquias:

Erran-

Errantesque cie quocumque in litore manes;
Taliaque in tumulo carmina cæde meo:

ACTIVS. HIC. IACEO. SPES. MECVM. EXSTINCTA. QUIESCIT
SOLVS. DE. NOSTRO. FVNERE. RESTAT. AMOR

ELEGIA UNDECIMA,
IN MALEDICOS DETRACTORES.

QUID ruis in sacros, temeraria turba, poetas?
Sævaque mordaci prælia dente moves?
Desine sacrilega convicia fundere lingua;
Desine; pro populo stat deus ipse suo.
Quis novus in furias armât dolor? ite, profani, 5
Ite, nec immeritas conscelerate deas.
An monet hoc Stygiis immerfus Scuccha lacunis;
Dum flens Eumenidum verbera torta timet?
Illum olim tinctæ juverunt felle sagittæ:
Nunc miserum facti pœnitet usque fui. 10
Parcite tam cari manes violare parentis,
Per stupra, & talos, per cyathosque rogo.
Ars sua quemque juvet: non vos Heliconæ fubire,
Non fas virginei polluere amnis aquam.
Scilicet hanc sumto Joviani Musa corthurno 15
Hauriat; & magno digna Marone sonet.
Cui comes intactæ lustrans sacraria silvæ
Altilius, docto pectore carmen hiet.
Nec minus & Musæ repetens monumenta jocosæ
Compater, argutos ingerat ore sales. 20
Ely-

Elysiusque hedera comtus florente capillos,
 Rara, sed Aoniis concinat apta choris.
 Extendatque armis titulos Aquivivus avitos;
 Et doceat nostras cernere castra deas.
 Ipse suæ referat Cabanilius ardua Trojæ 25
 Mœnia, & antiquos, Appula regna, lares.
 Quique velut tenera surgit novus arbore ramus
 Corvinus, quavis aure probanda canat.
 Et qui Pieriis resonat non ultimus antris
 Albinus, referat principis acta sui. 30
 Tu quoque, quid cessas doctis deslere querelis
 Excidium patriæ, culte Marulle, tuæ?
 Quique tot egregias animas, tot clara virorum
 Ingenia enixu format, alitque suo;
 Nectat honorata Majus sua dicta corona; 35
 Tamque pias ferulas regia sceptrâ vocet.
 Quin & rite suos Genio Chariteus honores
 Præbeat, & festas concinat ante dapès.
 Ælius at blandæ fretus dulcedine linguae,
 Facunda totos conterat arte dies. 40
 Nec te jam pudeat venturo ostendere sæclo
 Eloquii vires, Scala diserte, tui.
 Certent Socraticis Zenonis scripta libellis;
 Cujus apis vernos intulit ore favos.
 At tu Castaliis non inficiande choreis, 45
 Castalidos, Carbo, nunc cane regna tuæ.
 Te quoque, quem gemina mulcet sapientia lingua,
 Parde, juvet studiis invigilare tuis.
 Atque

Atque alii, quorum doctas it fama per aures,
 Extremo properent vincere fata die. 50
 Nos quoque, si magnus non averfatur Apollo,
 Cantemus Nymphas, capripedesque deos.
 Nam bene Thespiacas, livor licet audiat, undas
 Novimus; & dextro pressimus antra pede.
 At vos incautis fociis aconita parate; 55
 Et furtis miseris exstimulate domos:
 Oedipodisque modo, thalamos fœdate paternos;
 Si modo dat certum vulgus habere patrem:
 Nocturnisque dolis agitate, & cædibus urbem;
 Perque fora infestam reddite, perque vias. 60
 Hæc studia, has artes primis didicistis ab annis,
 Non Aganippæ tangere fila lyræ.
 Nam neque Calliope vobis, nec dexter Apollo
 Permissi sanctos exhibuere lacus:
 Dira sed Alecto gemina comitata sorore 65
 Pocula cœnoso de Phlegethonte tulit.
 Nimirum hinc nigro mores, & carmina tabo
 Pallent; & fœdo livor in ore sedet.
 Fallor, an hos nobis mihi gravis Ætna Cyclopas:
 Mitis, & hanc sentis tu quoque, terra, luem? 70
 Heu, mea Parthenope, quæ te contagia lædunt?
 Talia tu numquam gignere monstra soles.
 Dii patrii, quorum monitis huc advena classis
 Appulit, Euboïcas constituitque domos:
 Litoribus talem nostris avertite pestem; 75
 Mœnia felici si posuistis ave.

Vof-

Vosque, umbræ infontes, quas jam letale venenum

Ante diem Stygias ire coegit aquas;

Ultrices huc ferte faces; fumoque sequaci.

Auctores vestræ sollicitate necis.

80

Et vos, o vatū certissima numina, Musæ,

Numina carminibus non violanda meis,

Parcite, si vestras nunc primum læsumus aures:

Iusta laceffita sumus arma manu.



ACTII



ACTII SYNCERI
SANNAZARI
NEAPOLITANI
ELEGIARUM
LIBER II.

ELEGIA PRIMA,
AD ALFONSUM, FERDINANDI
FIL. ARAGONIUM, SICILIAE REGEM.



LFONSE, invicto laus accessure parenti,
Hesperios inter non leve nomen avos:
Quid me laudatos Parnassi mittis ad amnes?
Obruitur largo flumine nostra sitis. (5
Gloria Virgilio est, currus, atque arma referre:

Nasonis medio fata in amore mori.
Battiaden docti sectatur Musa Propertius:
Flaccus Pindaricos dividit aure modos.
Passeris exsequias fracto canit ore Catullus.
Tu Nemesim laudas, culte Tibulle, tuam.

Q

10
Omnia

Omnia non uno defudant effeda campo:
 Noster in exiguo tramite currit equus .
 Si me Castalia docuisset Phœbus in umbra;
 Oraque Gorgonea nostra rigasset aqua;
 Meque vel Æschyleo donasset Musa cothurno; 15
 Et foret in nostro grandior ore sonus:
 Non ego Phasiacæ canerem certamina pubis;
 Æquora non prima sollicitata rate;
 Non conjuratos subvertere Pergama reges ,
 Non Trojæ profugos post duo lustra deos; 20
 Thebanasve acies , fratrumque immitia bella,
 Sævaque discordi funera rapta pyra;
 Teque, tuosque meo celebrarem carmine: nec me
 Pignore tam grato dulce gravaret onus.
 Nam canerem victosque duces, Hispanaque regna, 25
 Horridaque a proavis bella peracta tuis;
 Demissumque genus antiqua ab origine regum;
 Quantaque magnanimi gesta feruntur avi,
 Dum Libyæ tractus, veteres Carthaginis arces,
 Lotophagûm dites & populatur agros; 30
 Reginæ accitu mox Itala regna secutus ,
 Chalcidicasque arces, Parthenopenque subit.
 Sed quoniam instabiles animos muliebria versant
 Pectora; suspectos deserit ille lares;
 Ac patriæ petit arva suæ, nec longa moratus 35
 Ultiores rursus ducit in arma deos;
 Obsessamque intrat Nymphis comitantibus urbem,
 Qua per operta vagus labitur antra liquor.

Aurca

Aurea quin illo dicunt sub rege fuisse
 Sæcula. felices, qui meruere frui! 40
 Quid patris invictas acies, quid concita dicam
 Classica per campos, Daunia terra, tuos:
 Disiectosque duces, populataque castra, neque ullis
 Clara magis regum prælia temporibus?
 O mihi supremos si Parca indulerit annos; 45
 Quanta canam! quantus vox mea plausus erit!
 Tunc ego Mæonios ausim perrumpere fontes,
 Sævaque terribili bella tonare tuba.
 Utque alios fileam; tua fortia facta referrem;
 Proverherentque animos tot monumenta meos: 50
 Ut puer extremas regni percurreris oras,
 Lustratis referens præmia litoribus:
 Et male pacatos sedaveris ante tumultus,
 Quam patriis hostes finibus expuleris.
 Primus honos, forti defensos milite Locros 55
 Servasse, & muros, urbs Melibœa, tuos.
 Nec non Marte pari summas Caulonis in arces
 Venisse, inque suo templa sacrata iugo;
 Templa deæ, vastis late quæ præsidet undis,
 Una Jovis conjux fida, sororque Jovis. 60
 Testis Chæris erit, testes Sybaritides undæ,
 Oraque quæ fluctus prospicit Ionios.
 Adde, quod Etruscos oppleveris agmine campos;
 Et tibi captivis fluxerit Arnus aquis:
 Totque pharetratas, Turcarum corpora, turmas 65
 Aufoniis dederis manibus inferias.

Gratia diis Italis; prærupta Ceraunia, & arces
 Buthroti, nostras pertinuere minas:
 Captivumque ducem, fractosque adspeximus arcus,
 Detulit huc domita quos tua classis aqua. 70
 Hinc Ligurum furias, compressaque jurgia ferro,
 Gallicaque in partes oppida versa duas.
 Ipse ego quæ vidi, referam: scit Tuscula tellus,
 Quæque cadit summo lymphæ Aniena iugo.
 Nam duce te, Latios ferro dum subruis agros, 75
 Tempora militiæ prima fuere meæ.
 Bis Nomentanas, bis magni Tiburis arces
 Vidimus ad nostros projicere arma pedes:
 Quum jam sit media trepidatum pæne Subura;
 Et Capitolino vota parata Jovi. 80
 Nec semel, ut fatear, Collinæ ad limina portæ
 Fregimus, armatos reppulimusque duces.
 Parce tamen, veneranda parens, si iusta secutus
 Signa sub Alfonso: rex erat ille meus.
 Lanuvium infelix, fatis contraria nostris 85
 Terra; potes certas tu variasse vices.
 Nam quod ad hostiles flexit Victoria partes;
 Fortunæ magis hoc, quam fuit artis opus.
 Ille sed Eridani ripas non fractus in altis
 Contendens, caræ regna fororis adit: 90
 Metatusque locum castris, Insubria passim
 Fudit, & Euganeis agmina missa jugis.
 Dicite Io, populi: turmas spectastis ovantes;
 Et per victrices sædera iuncta manus.

Ipse

Ipse quoque haud sileat quos cedere Farfarius hostes 95

Risit, & exutum vertere terga ducem.

Heus ubi nunc, Roberte, tuæ vocesque, minæque,

Campani peteres quum tibi jura soli?

Jam nostros reges, jam sternere cuncta parabas:

Nunc fuga degeneres arguit ecce metus. 100

Hortarisque tuos dimittere signa maniplos,

Heu pudor! & longæ præmia militiæ.

Hos tamen ille pius, quamvis diversa secutos,

Alfonfus miti fovit, & auxit ope.

Macte animo custos hominum, macte optime regum, 105

Aufoniæ tu Sol, tu pater unus ades.

Quid memorem pacisq; artes, bellicæ labores,

Perpetuumque animi tempus in omne decus?

Sed me formosæ deterrent iussa puellæ,

Ne possim tantis invigilare choris: 110

Et vetat asper Amor dulces contemnere curas:

Cogit & inviso subdere colla iugo.

Nec profunt lacrimæ, nec verba precantia mortem:

Ille suas in me concutit usque faces.

Quare si nostri veniet tibi nuntia leti 115

Fama; triumphales jam prope siste rotas:

Atque hæc ad cineres mœrens effare sepultos:

Sævitia dominæ rapte poeta, jaces.

ELEGIA SECUNDA,

IN FESTO DIE DIVI

NAZARII MARTYRIS,

QUI POETÆ NATALIS EST.

ECCE mihi totum lux expectata per annum
 Jam redit; Aoniæ, festa novate, deæ.
 Hæc me vitales genitum produxit in auras;
 Jussit & erectum tollere ad æstra caput.
 Nunc mihi purpureis aram cumulate hyacinthis:
 Cingite & intexta limina nostra rosa.
 Sic etenim coluisse decet Geniumque, Lareſque:
 Ferte coronato tura, merumque foco.
 Tuque, apio innexos dudum acceptura poetas,
 Splendida, solennes instrue, mensa, dapes:
 Hic mihi puniceo Pontani Musa cothurno
 Incipiet posito carmen hiare mero:
 Naturæque vias, tenerique exordia mundi
 Proferet; & certa cuncta obitura die.
 Crassus at ætérno frondis redimtus honore,
 Solvat Pieriis ora rigata modis:
 Et mihi Linternumque vetus, placidumque Petrinum,
 Ostendatque atavi regna opulenta mei:
 Regna male ad seros heu perventura nepotes;
 Dum versat varias Sors inimica vices.

Altiliusque novos superis laturus honores,
 Pindarica feriat carmina docta lyra.
 Sfortiadum mox dicat, Aragoniosque hymenæos:
 Jure quibus cantus æquet, Homere, tuos.
 Nec gemat exilium Spartani Musa Marulli, 25
 Ventura ad nostras ingeniosa dapes:
 Verba sed antiqui reddat, numerosque Lucreti;
 Dum magnis divos laudibus accumulât.
 Adde tuos, Puderice, sales; adde inclyta patris
 Eloquia; adde animo tot bona parta tuo. 30
 Jamque Panhormitæ lusus, & scripta recense,
 Et Jovianæ tempora amicitia.
 Hos inter meritis rediens Aquivivus ab armis,
 Prodat honoratæ præmia militiæ:
 Atque chori princeps docti argumenta Plutarchi, 35
 Cumque suis referat dogmata principiis.
 Ipse autem haud dubitet Cabanilius acta referre
 Vel sua, vel magno juncta parentis avo.
 Nec Phœbo minus ipse suo, quam Marte probatus,
 Phocaïco pexas tingat in amne comas. 40
 Tu quoque, quem juvenem veneror, dulcissime Garlon,
 Incipe jam docta plectra movere manu:
 Alliasque tuas mihi concine, dum vaga Lunam
 Sidera per tacitum nocte sequuntur iter.
 Talibus auspiciis geniales ducere cœnas, 45
 Thespiadumque modis concelebrare juvat.

ELEGIA TERTIA,

CALENDIS JANUARIIS,

A. D. F U S C U M.

EXORITUR lux alma; caput Sol detegit aureum;
Qui toties nostros exhilaravit avos.

Exoritur: redit ecce anni melioris origo.

Quisquis ades, sancta concipe voce preces.

Cingantur de more sacris fastigia templis,

5

Quæ vaga Seberhi Nais ab amne legit.

Ipse sui Janus præpandat limina templi:

Cui geminum liquido stillet odore caput.

Illius & castas fument pia tura per aras:

Atque focus supra stet, videaturque suos:

10

Nuntiet & tibi, Fusce, novos virtutis honores.

Jam reor hæc animum vota fovere tuum.

Nec magis optaris, quas Lydius amnis arenas,

Quas volvit flavi lympha superba Tagi.

Nec magis uberibus quidquid sibi colligit arvis

15

Medus, & assiduo Sole perustus Arabs.

Iusta precor: Latiis utinam discedat ab oris

Hostis, & indecori victus oberret equo.

Victus Hydruntinas cogatur linquere terras;

Et plangat nostram sanguinolentus humum.

20

Hæc veniet lux, Fusce, tuis lætissima votis;

Quum Pax optatas ducet in urbe moras.

E L F.

ELEGIA QUARTA,

IN MORUM CANDIDAM.

NUNC, Erato, virides capiti subnecte corymbos;
Profer & auratæ fila canora lyræ.

Arboris umbriferæ casus referamus acerbos.

Non erat hæc nostro fabula nota solo.

Audiat, & molli cantantes protegat umbra.

Ipfa, * * * * *

Olim Bajanis fuerat pulcherrima sulvis

Nalas, errantes figere docta feras.

Quam liquidus clausis Lucrinus sæpe sub antris

Optravit lateri jungere posse suo.

Nec semel illius pharetram laudavit, & arcum

Pastorum incultis fistula carminibus.

Testes Cymææ, testes Linternides undæ,

Sanctæque Gauranæ numina Hamadryades,

Illam Silvanos, Panasque odisse bicornes,

Et quoscumque colit silva, nemusque deos.

Sed quid fata parant? solitis Morinna redibat

Montibus: hoc illi nomen, & omen erat:

Quum subita cælum texit caliginè nimbus;

Et multa canam grandine fecit humum.

Illa hiemem fugiens, diversa per arva cucurrit,

Tecta caput fertis, grandine tecta caput.

Vallis erat prope sulfureos male pervia montes,

Candida quam Grajo nomine signat humus.

R

Hanc

- Hanc super excisis pendebat cautibus antrum, 25
 Agricolum hirsutis nota domus gregibus.
 Pugnantes huc forte coegerat impiger hircos
 Semideusque caper, semicaperque deus.
 Quem procul ut vidit Nymphe, sic pectore toto
 Insequitur; tales & jact ore sonos: 30
 Quo properas, ah dura, measque ingrata querelas
 Despicis? aspectus ne fuge, Nympha, meos.
 Mecum capreolos; mecum venabere damas.
 Parebit jussis hoc pecus omne tuis.
 Nil est, quod fugias; mihi, crede, recentia semper 35
 Pocula de niveo fagina lacte madent.
 Semper picta rosas, semper contexta ligustris
 De nostro poteris munera ferre sinu.
 Dixit. at illa volans celeres prævertitur auras,
 Imbre nihil motos impediende gradus. 40
 Jamque petens tristisque lacus, sterilemque paludem,
 Conspicitque arbutis non minus arva novis,
 Adspicit exesi longe sub faucibus antri
 Obscurum cæco pulvere noctis iter.
 Huc, tamquam in latebras, se conjicit. haud minus ille 45
 Insequitur prædæ tractus amore suæ.
 Jamque patens cælum rursus, Solemque videbat;
 Liquerat & montem post sua terga cavum:
 Dextra pontus erat, præruptaque saxa sinistra:
 Et jam defessam jamque premebat amans. 50
 Protinus exclamans, Fer opem mihi, Delia, dixit:
 Oraque supremo diriguere sono.

Attu-

Attulit auxilium Nymphæ dea; seque vocanti

Præbuit: illa cadens sponte recumbit humi:

Fitque arbor subito: Morum dixere priores; 55

Et de Morinna nil nisi nomen habet.

Pes in radicem, in frondes ivere capilli;

Et quæ nunc cortex, cærulea vestis erat.

Brachia sunt rami; sed quæ nitidissima poma,

Quas male vitasti, Nympha, fuere nives. 60

Flevit Misænus, mutatam flevit Avernus;

Fontibus & calidis ingemuere deæ.

Quin etiam flevit suis Sebethides antris

Najades, & passis Parthenopea comis.

Sed tamen ante alios lacrimas in stipite fudit 65

Faunus; & hæc tristes addit ad inferias:

Inter silvicolas o non ignota sorores,

Nunc Morus, duris candida corticibus,

Vive diu; & nostros semper tege fronde capillos; 70

Cedat ut ipsa tuis pinus acuta comis.

Tu numquam miseræ maculabere sanguine Thisbes;

Immemor heu fati ne videare tui.

Tu, nec fata negant, niveis uberrima pomis,

His olim stabis frondea limitibus:

Et circum puerique canent, facilesque puellæ: 75

Ducentes festos ad tua sacra choros.

Hæcenus insigni cecinit testudine Musa;

Aoniasque volans læta revisit aquas.

ELEGIA QUINTA,

A D B A C C H U M.

BACCHE bimarere, ades: sic sint tibi nexa corymbis
 Cornua; sic nitidis pendeat uva comis:
 Seu te nunc Thebæ, seu te nunc Ismarus horrens,
 Sive habet umbræ Naxos amica jugis.
 Huc, pater, huc propera frondenti candide thyrsò;
 Huc potius gressus dirige, Bacche, tuos.
 Sed pallam jam pone gravem, pictosque cothurnos;
 Et musso teneros tu quoque tinge pedes:
 Tecum etiam Dryadesque deæ, Satyrique bicornes
 Adfint; & calamos, concavaque æra sonent;
 Raucaque subductis percurrant tympana palmis.
 Bassaridum fulis turba verenda comis.
 Quas male festinans Silenus pone sequatur;
 Et procul ut maneant, subsideantque, roget.
 Tum secum auriti fatum deploret aselli,
 Incedet ferula dum titubante senex.
 At deus hortorum, cui vertice fixa rubenti
 Canna tremit, sævas falce repellat aves.
 In medio crater celato maximus auro
 Spumet inexhaustum, Lesbica dona, merum:
 Et circum de more, tuas cava tibia laudes
 Intonet, appositas concelebretrque dapés.
 Ipse ego perque vias urbis, perque omnia passim
 Compita, perpetuo sacra colenda feram.

Ipse

Ipse gigantæo referam memorata triumpho 25
 Nomina, & evantes, orgia læta, choros.
 Nec sileam fuscas acies, Gangetica regna,
 Gestaque odoratis prælia litoribus.
 Mox thalamos, Ariadna, tuos, tædæque jugales,
 Quæque nitet medio fixa corona polo. 30
 Jamque pios ritus, indictaque sacra frequentans,
 Instituum virgas fronde virente tegi:
 Incedamque tuas vates tam magnus ad aras,
 Quam nec Virgilius, quam nec Homerus erat.
 Tu mihi, sancte pater, mordaces exime curas: 35
 Nubilaque annofo pectora solve mero.
 Tu mihi securos adige in præcordia somnos:
 Adflatuque juva lumina fessa tuo.
 Scimus enim, quantos incunte ætate labores
 Pertuleris, quantos fulminis igne metus. 40
 Infelix Semele, quid munera poscis amantem,
 Quæ tibi, quæ nato sunt nocitura tuo?
 Posce Jovem, quæ digna tuis sint præmia votis,
 Posce: feres votis præmia digna tuis.
 Non tibi silvicolûm proles de plebe deorum, 45
 Sed cui sint Phœbus, Mercuriusque pares;
 Sed quam Saturnus non dedignetur ab alto
 Noscere; quam læto Juppiter ore prober.
 Salve, cara patri soboles, mitissime divûm:
 Salve, hominum requies, lætitiæque parens: 50
 Et faciles, si justa peto, mihi prospice Musas:
 Et me pacato numine dexter adi.

ELEGIA SEXTA,

AD LUDOVICUM MONTALTIIUM

SYRACUSANUM, CAROLI CÆS.

SCRINII MAGISTRUM.

MONS ALTUS nomen clarum tibi, five nivosis
 Nascenti dederit fertilis Ætna jugis;
 Seu lustrata vagis Nebrodis saxa Napæis,
 Sive Dionæo numine clarus Eryx:
 Seu quod Olympiaco reptaris vertice; teque 5
 Pertulerit placido blanda Arethusa sinu;
 Nobile frondoso defluxit nomen Olympo,
 Elei referens sacra vetusta Jovis.
 Seu mage quod celsas puer exsuperaveris Alpes;
 Dum patet in laudes Belgica terra tuas: 10
 Oceanique petis non explorata Britanni
 Murmura; neç canæ Tethyos antra times:
 Exhaustos præferret ut illa ætate labores,
 Aeria nomen venit ab Alpe tibi.
 Quidquid id est, quicumque hujus tibi nominis auctor 15
 Mons, & inaccessi verticis asperitas;
 Non mores, non facta, sed altæ mentis acumen
 Vidit, & ingenii prævia signa tui.
 Nam licet ipse animo nubes, & sidera vincas;
 Cunctaque sint sensu pæne minora tuo; 20
 Non

Non te per duros aditus, rupeſve fragoſas,
 Sed per floriferum vallis adimus iter;
 Vallis, perpetuo quam veſtit gramine rivus,
 Et quam vicini litoris aura fovet.
 Hoc eſt, hoc, mihi crede, deos æquare merendo:
 Hoc eſt æterni ſceptra tenere Jovis.
 Cætera mortales inter peritura labores
 Deſere, & hoc unum vita ſequatur opus.

25

E L E G I A S E P T I M A,

A D J U N I A N U M M A J U M

P R Æ C E P T O R E M.

DUM tibi Bajanæ ſpectantur ab æquore Nymphæ,
 Stagnaſque vicinis hospita litoribus;
 Qua vetus Herculeos perduxit ſemita tauros,
 Longius excluſo concita clauſtra mari;
 Quaque jacet Baulos inter lucumque Sibyllæ,
 Et Prochyta rectum per juga tendit iter:
 Nos hic, ut noſti, duræ parere puellæ
 Cogimur, & triſtes ducere in urbe moras.
 Nec tamen aut ſtudiis animum intendiſſe ſeveris,
 Aut prodeſt ſanctas excoluiſſe deas.
 Quumque tot unanimes dederint mihi fata ſodales,
 Auxilium, nemo eſt, qui mihi rite ferat.
 Inſtat ſævus Amor, reſicitque in cote ſagittas;
 Nec patitur preſſo colla movere iugo.

5

10

Et

- Et licet affiduis tabescant pectora curis; 15
 Quærimus, unde queant tanta venire mala.
 Atque utinam tristes Lachesis mihi finiat annos;
 Claudat & ætatis tempora dura meæ:
 Aut aliquis, sævi quæ sit medicina furoris,
 Non vanus nostra cantet in aure deus. 20
 Sed jam laurigeris cessant oracula Delphis:
 Mutaque Cumææ virginis antra silent.
 Nec Pan Mænalia reddit responsa sub umbra:
 Nocte licet pastor viscera libet ovis.
 Nec mihi Chaonias spes est audire columbas: 25
 Cornigerumque pudet fata referre Jovem.
 Oblitasque loqui jampridem Græcia quercus
 Mirata est posito conticuisse deo.
 At tibi venturos, Mæi, prædicere casus
 Fas est, & mites consuluisse deos. 30
 Nec tantum aut aræ fumos, aut nuntia sentis
 Fulgura, sed Stygiis somnia missa locis;
 Somnia, quæ miseram perturbant sæpe quietem;
 Dum mens incertis pendet imaginibus.
 O quoties per te vanum posuisse timorem 35
 Me memini, & lætos continuasse dies!
 O quoties, trepidus quum non spernenda putarem,
 In nostrum cavi damna futura caput!
 Sæpe, meæ tibi quum narrassem visa puellæ;
 Dixisti, certos haud procul esse metus. 40
 Sæpe illam madidos lustrare in flumine crines
 Jussisti, & misto solvere farra sale.

Quod

Quod si olim terris talem te fata dedissent,
 Sprevisset Tuscos Martia Roma viros.
 Nam te quis melius calidas deprendere fibras,
 Consulere aerias aut potuisset aves?
 Illa triumphatum regeret nunc legibus orbem;
 Nec foret in cineres obruta pæne suos.
 Nec fera vidisset Cannensis, funera pugnae;
 Aut aquilas Parthos tam male ferre duces.
 Scipiadam patriis habitarent sedibus umbræ:
 Tanta nec Hispanum conderet ossa solum.
 Te duce, veridicæ patuissent scripta Sibyllæ;
 Non intellecto quæ nocuere deo.
 Fortunate deum interpres, quem sidera norunt,
 Cui superum mentes explicuisse licet.
 Non te letali tetigit puer improbus arcu:
 Quamvis & dominos implicet ille deos.
 Nec tibi securos rumpunt suspiria somnos:
 Fallaces Veneris despicias insidias.
 At nos incertis cæci jactamur in undis:
 Ducimus & nullo tempora consilio.
 Et quisquam mihi nunc longos optaverit annos,
 Quum videat vitæ tædiâ tanta meæ?
 Non me Sisyphio superent impulsa labore
 Saxa; nec infernis dolia adacta vadis.
 Et Tityi rostro cedit mihi vultur obunco,
 Pomaque Lethæis risa sub arboribus.
 Vos igitur, qui me victum jam fletis, amici,
 Sic mea compositis cædite busta notis:

S

ACTIVS.

ACTIVS. HIC. SITVS. EST. CINERES. GAUDETE. SEPVLTI

JAM. VAGA. POST. OBITVS. VMBRA. DOLORE. VACAT

ELEGIA OCTAVA.

IN DOMINÆ NATALEM, AD JUNONEM.

JUNONI fer sacra, novas lege, Musa, coronas:
 Natalis dominæ jam mihi festus adest.
 Ipsa sed in primis solennes induc cultus:
 Et mihi purpurea tempora cinge rosa.
 Utque aliquid gratas divæ meditemur ad aras,
 Adfer inauratæ garrula plectra lyræ.
 Tu quoque, vita, tuos auro subnecte capillos:
 Plurimaque in niveo pectore gemma micet.
 Hæc mihi te, mea lux, feros promisit in annos,
 Hæc mihi te certam jussit habere dies.
 Quanta mihi hac primum fulserunt gaudia luce!
 Quantus in hoc uno tempore venit honos!
 O mihi Erythræis merito signanda lapillis:
 O mihi delicias inter habenda meas.
 Quisquis ades, bona verba, & lætos edite cantus;
 Libaque de Siculo dulcia melle date.
 Alba mihi vestis nullo violata veneno
 Adsit; & in geminos defluat apta pedes.
 Ante aram viridi texant umbracula quercu
 Formosis Dryades, rustica turba, comis.
 Phœbus odorata circum tegat atria lauro:
 At myrto duplices tu, Cytherea, fores.

Ipsa

Ipſa Arabum merces Niſeia turba miniſtret:

Lenæuſque ſerat Naxia vina pater.

Omnia ſint lætis operata ex ordine ſactis: 25

Et cælum niveis conſtrepat alitibus.

Magna parens Juno, centum comitata miniſtris,

Huc ades; & votis annue, diva, meis.

Vos quoque, per vacuum quæ luditis æra, Nymphæ,

Cingite felici nubila ſumma choro. 30

Scilicet eventus hæc ſint bona ſigna futuri:

Hæc eadem plenæ nuntia lætitiæ.

Ipſe ego veſtra ſequar jucundo gaudia plauſu;

Et peragam varios ore, manuque modos:

Quin etiam ſertis, & ture calentibus aris, 35

Excipiam ſancta numina veſtra die.

At tu, Natalis, nullos non fauſte per annos,

Semper honorata luce ſerenus eas.

Quodque opto, innumeras (ſiquid prece poſſe putamur)

Cumææ vincas vatis olympiadas. 40

ELEGIA NONA,

AD RUINAS CUMARUM,

URBIS VETUSTISSIMÆ.

Hic, ubi Cumææ ſurgebant inclyta famæ

Mœnia, Tyrrheni gloria prima maris;

Longinquis quo ſæpe hoſpes properabat ab oris,

Viſurus tripodas, Delie magne, tuos;

S i

Et

Et vagus antiquos intrabat navita portus, 3

Quærens Dedaliæ conscia signa fugæ:

(Credere quis quondam potuit, dum fata manebant?)

Nunc silva agrestes occulit alta feras.

Atque ubi fatidicæ latuere arcana Sibyllæ,

Nunc claudit faturas vespere pastor oves. 10

Quæque prius sanctos cogeat curia patres,

Serpentum facta est, alituumque domus.

Plenaque tot passim generosis atria ceris,

Ipsa sua tandem subruta mole jacent.

Calcanturque olim sacris onerata trophæis, 15

Limina: distractos & tegit herba deos.

Tot decora, artificumque manus, tot nota sepulcra,

Totque pios cineres una rûina premit.

Et jam intra solasque domos, disjectaque passim

Culmina fetigeros advena figit apros. 20

Nec tamen hoc Grajis cecinit deus ipse carinis:

Prævia nec lato missa columba mari.

Et querimur, cito si nostræ data tempora vitæ

Diffugiunt? urbes mors violenta rapit.

Atque utinam mea me fallant oracula vatem: 25

Vanus & a longa posteritate ferar.

Nec tu semper eris, quæ septem amplecteris arces;

Nec tu, quæ mediis æmula surgis aquis.

Et te (quis putet hoc?)ATRIX mea, durus arator 30

Vertet; & Urbs, dicer, hæc quoque clara fuit.

Fata trahunt homines: satis urgentibus, urbes,

Et quodcumque vides, auferet ipsa dies.

ELEGIA DECIMA,

M A L A P U N I C A.

QUID, miser, externas perquiris, navita, gentes?
 Et tam longinquo gurgite quæris opes?
 Nec te ventorumque minas, pelagique procellas,
 Non piget ignotæ damna subire viæ?
 Adspice, quam tenui velemus cortice gemmas. 5
 Jam tibi, quidquid habent litora rubra, damus.
 Seu vis purpureos roseo fulgore hyacinthos:
 Infensam Baccho sive amethyston amas:
 Ardentes seu quæ torres imitantur, & ignes:
 Seu mage diluto lumine chrysolithos. 10
 Sed rude divitiarum extollit vulgus inanes:
 Nec meminit, quantis sit caput inde malis.
 Divitiarum fera bella viris, letumque tulerunt.
 Nam prius æterna pace vigebar humus.
 Divitiis natoque pater, natusque parente 15
 Cæditur, & caro fratre verenda soror.
 Nec tantum sævæ tractant aconita noværæ:
 Sed jugulat partus mater avara suos.
 Adde, quod & gemmæ solo fulgore probantur;
 Adscitusque illis quæritur arte decor. 20
 At nobis natura oculos tardare tuentes,
 Et dedit, arenti pellere ab ore sitim.
 Nec nostræ populos armant in proelia gemmæ;
 Nec suadent magnos clam violare deos.

FINIS

Sed

142 ELEGIARUM LIBER II.

Sed semper placidis visunt convivia mensis: 25
 Stant ubi jucundo pocula plena mero.
 Illic nos teneræ vir porrigit ipse puellæ,
 Porrigit & cupido fida puella viro.
 Pacis opus sumus, & pacati munus amoris;
 Quod capit a Satyro Nais amata suo. 30
 Nec temere; infernis quum nos libasset in hortis,
 Noluit ad matrem nata redire suam.
 Nos quoque, dum Libycos errat Pomona per agros,
 Obstupuit pleno fracta rubere sinu:
 Ac rarum mirata decus, mirata liquorem, 35
 In sua de patrio transtulit arva solo.
 Ergo Puniceæ laus hæc, & gloria silvæ,
 Vincere gemmiferi lucida dona maris;
 Pallentique graves depellere corpore morbos;
 Ægraque Pæoniis ora levare modis: 40
 Quod nec Erythræi præstabant litora ponti,
 Non opibus pollens Indica terra suis.
 Tu vero, duplici fulgent cui tempora lauro,
 Militiæ, & sacri dux, Aquivive, chori;
 Accipe nos, laudum contentus luce tuarum: 45
 Muneraque invisæ despice luxuriæ:
 Et seu carminibus, seu delassaberis armis;
 Diluat exundans hæc tibi gemma sitim.



ACTII SYNCERI
SANNAZARII
NEAPOLITANI
ELEGIARUM
LIBER III.

ELEGIA PRIMA,
AD FEDERICUM, FERDINANDI
FIL. ARAGONIUM, SICILIAE REGEM.



Rgo ego fallaci tantum servire puellæ
Natus, & adverso semper amore queri?
Nec me Pieria spectabit Phœbus in umbra
Inter certantes carmina ferre choros?
Qua densos Helicon saltus, collesque virentes
Pandit; & Aonidum perluit antra liquor;
Dispositæque jugis intexunt ferta puellæ;
Pendentesque sonant per cava saxa lyræ.
Jam libet intactis haurire e fontibus undam;
Et lustrare sacrum, qua via nulla, nemus.

10

Ardua

Ardua sunt tentanda: novas en, carmina, vires

Sumite: per durum Gloria anhelat iter.

Nunc opus est alia crinem compefcere fronde:

Nil mihi cum fertis, Bacche jocose, tuis.

Ipse audax virides Parnassi in vertice lauros

Decerpam, aut silvis, Pinde canore, tuis.

Ipse lyram nullo percussam pollicis ictu

Suspendam ex humeris, præmia rara, meis.

Non ego nunc molles meditor lascivus amores:

Nec jacio ad furdas carmina blanda fores.

Major ad heroes me sublevat aura cothurnos:

Major & in nostro personat ore deus.

Lætus ades, Federice: tuas ex ordine laudes

Exsequar: auspiciis fama petenda tuis.

Nam quamquam antiquis regum bene fulta triumphis

Stat domus; & tantis se tibi jactat avis:

Majorum tua non titulis innixa recumbit

Gloria, nec priscais gestit imaginibus:

Sed certat magnos virtus anteire parentes,

Æternum & vera laude parare decus.

Nec tua facta olim titulo breve marmor habebit.

Immensum magni carminis illud opus.

Seu te quis teneris puerum miratus ab annis,

Ætatis referat tempora prima tuæ:

Seu casus rerum varios, durosque labores,

Exhausta & sævo prælia Marte canat.

Egressum vix dum cunis Æneia nutrix

Sensit, & adventu mota repente tuo est:

Ter-

Terque deos venerata, caput ter sustulit urna;
 Et tandem Phrygio lingua voluta sono est: 40
 En iterum, Sol magne, meæ post diruta Trojæ
 Pergama, post Latios spes mihi surgit avos.
 Hac ætate vagi quondam per prata Scamandri,
 Ænean vidi ludere sæpe meum.
 Nec tu major eras, quum jam post fata Creusæ 45
 Reptares gremio, pulcher Iule, meo;
 Certaresque jocis curas mihi demere aniles,
 Deducens blandas nostra per ora manus.
 His tamen auspiciis Albanæ ad sidera tures
 Crevere, & rerum maxima Roma caput. 50
 Hinc Decios, Fabiosque, hinc pectora dura Catones
 Vidimus, & fasces, Brute severe, tuos.
 Vidimus & ductos non uno ex hoste triumphos,
 Ausaque Julæis stemmata Cæsaribus.
 Ingredere o, felixque tibi pede nostra secundo 55
 Mœnia; propensos & venerare deos.
 Ingredere; Antiphatæ pollens tibi regia servit,
 Et Læstrygonio limina tuta metu.
 Sit Jove Creta potens; sint clari ab Apolline Delphi;
 Laudet Amyclæos Tænaris ora duces: 60
 Alciden, Bacchumque ferant ad sidera Thebæ:
 Terra rudimentis nostra beata tuis.
 Nam te, dum rapidos arcet de finibus hostes;
 Ardua magnanimus misit in arma pater.
 Auspice te, nostræ nullis incurisibus arces, 65
 Succumbent nullis litora nostra minis.

T

Sed

Sed bene habet; cessere metus, cessere pericla:

Barbarus hostiles ad sua vertit equos.

Jam juga, jam lati respirant undique campi:

Nec tuba veliferas concitat ulla rates.

70

Tu tamen ad patrios revocabere victor honores;

Maternosque sinus, Parthenopenque petes.

Mox Salentinis ibis metator in agros,

Qua fecat Oebalia culta Galeus aqua.

Sed quo, livor edax, non irruis? ecce repente

75

Fata jubent longas te procul ire vias;

Romanumque patrem, sacrasque invisere sedes,

In primis magnos promeruisse deos.

Tum pontes, arcusque ducum, delubra, viasque,

Cumque suis cernes structa theatra foris.

80

Interea Vaticanas numerare per ædes

Tot signa artificum, tot monumenta licet.

Mox Vejós, veteresque Umbros, fortesque Sabinos

Transgresso, Hadriacum stat superare latus,

Æmiliæque domos, Apenninumque nivalem,

85

Et Phaetonteo proxima regna Pado.

Quis sumtus, Leonora, tuos, quis publica dicat

Munera, Atestinis edita principibus?

Jam veteres superas, dives Ferraria, ludos,

Aurea dum celeri præmia ponis equo;

90

Effigiesque deum, spectandaque signa per aras

Exstruis, & variis pegmata celsa locis.

Quis rursus Venetæ miracula proferat urbis?

Una instar magni quæ simul orbis habet.

Una

Una Italûm regina, altæ pulcherrima Romæ 95
 Æmula, quæ terris, quæ dominaris aquis :
 Tu tibi vel reges cives facis. o decus, o lux
 Ausoniæ; per quam libera turba fumus :
 Per quam barbaries nobis non imperat; & Sol
 Exoriens nostro clarius orbe micat. 100
 Proxima sunt, Gonsaga, tuæ spectacula terræ,
 Donaque per magnos ante parata duces.
 Mantua queis, largoque exultat Mincius ore,
 Ausus spumiferum tollere ad astra caput.
 Mincius æterni sacrum geniale Maronis; 105
 Cui cedit flavo lucidus amne Meles.
 Hinc populos, Ticine, tuos spectare licebit,
 Dictaque lanigeræ mœnia pelle suis,
 Taurinosque, altasque Alpes, Pœninaque castra,
 Et Rhodanum, & ripas, magne Lemanne, tuas. 110
 Inde per immensum lati spatia bere campi;
 Ostendit sacrum mons ubi Jura nemus.
 Et veteres felix custodit Claudius arces,
 Claudius æternæ conciliator opis.
 Hic formidatas acies, ipsumque videbis 115
 Elatum longa prosperitate ducem.
 Finitimis dum bella parat, tibi que arma, virosque
 Commendans, magni jus dabit imperii;
 Nimirum ingeniumque sagax miratus, & artes,
 Quæque dabis mentis plurima signa tuæ. 120
 Quapropter mediis generum te deligit armis,
 Pollicitus natæ spemque, torumque suæ.

Ac velut Oenomai currus, astumque secutus,
 Eludet pacti fœdera conjugii.
 Sed male ut Oenomao currus cessere, dolique; 125
 Perfidiaë pœnas sic ferus iste luet.
 Ter victus, ter jam castris exutus ab hoste,
 Postremo miseram corruet ante diem.
 Nam dejectus equo, fossaque inventus in alta,
 Obscœnam turpi sanguine tinget humum. 130
 Nec jam erit, extremos funus qui curet ad ignes;
 Non lapis, incisis qui tegat ossa notis.
 Tu celsus, tu sublimis, tu victor honorem
 Accipies, tibi quem Gallia tota dabit;
 Bisque tuis referet superatos Lingonas armis, 135
 Ductaque bis pulsos signa per Helvetios:
 Præterea quantum populorum Mosa coerces;
 Quantum cærulea Rhenus inundat aqua.
 Atque erit is nostræ gentis vigor, omnia credi
 Ut possint iusto succubuisse metu. 140
 Hic ego te, laudesque tuas, fortissime Juli,
 Non sileam, & valida prælia gesta manu.
 Quem titulis Aquiviva domus prælustribus ornat;
 Mortalesque inter, semideosque locat.
 Et jam militiæ moles tibi creditur omnis; 145
 Omnia sub leges allicis ipse tuas.
 At te patrato, juvenum pulcherrime, bello
 Tempus erat patriis dona tulisse deis;
 Mendacisque simul fastus, odiumque tyranni
 Cum prope defenso deseruisse solo. 150
 Eja

Eja age rumpe moras, invisaque castra relinque;
 Fidaque magnanimi limina regis adi.
 Cui vel ad Oceani fines tot litora parent;
 Juraque dant sceptri Celtica regna sui.
 Hic tibi felices tædas, certosque hymenæos 155
 Expediet, tutas & simul addet opes.
 Testis erit Liger, Arvernus qui fusus ab antris
 Libera devexum per loca findit iter.
 Interea patrem, Campanaque tecta revise,
 Debitaque auspiciis, hei mihi, regna tuis; 160
 Debita, sed fatis cito jam cessura malignis;
 Evertet tantas quum ferus hostis opes.
 Dii maris Etrusci, per quos Tiberinus, & Arnus,
 Macraque cæruleis jungitur altus aquis;
 Dum redit in patriam juvenis, tot honoribus auctus, 165
 Candida felici solvite vela Noto.
 Vosque, citæ puppes, jussu properate per æquor:
 Fata dabunt istas sæpe iterare vias:
 Nec semel hos tractus, Ligurumque videbitis oras,
 Aut Vari infaustum fluminis hospitium; 170
 Vallatosque sinus scopulis, Toroentia claustra,
 Et sparsas mediis Stœchadas æquoribus.
 Denique Phocaïcosque sinus, Marioque refossum
 Litus, & antiquæ mœnia Massiliæ.
 Donec fatales Turonum accedere muros 175
 Permittant vestro fata sinistra duci.
 Ah Liger, ah nimium lacrimis urgende meorum,
 Qualia spectabis flumine busta tuo!

Busta,

Busta, quibus magni ponant diademiata reges;
 Grataque solenni flore parentet humus. 180
 Atque aliquis Latio veniens novus hospes ab orbe,
 Portet honoratas munus ad inferias;
 Et dicat: Federice, tuorum hic meta laborum
 Hæsit. habet nostros hæc brevis urna deos.

ELEGIA SECUNDA,

QUOD PUERITIAM EGERIT IN PICENTINIS,

AD CASSANDRAM MARCHESIAM.

EST Picentinos inter pulcherrima montes
 Vallis: habet patrios hic pia turba deos.
 Quam super hinc cælo surgens Cerretia rupes
 Pendet: at huic nomen cerrea silva dedit.
 Parte alia sacræ respondent saxa Tebennæ; 5
 Quique rigens Merulæ nomine gaudet apex.
 Et circum nigra late nemus accubat umbra,
 Plurima qua riguis effluit unda jugis,
 Semiferi, si vera canunt, domus horrida Fauni;
 Convestant avidæ quo sua lustra feræ. 10
 Accipit hic tergo formosum bucula taurum:
 Accipit immundum sima capella marem.
 Mille tori Dryadum, Satyrorum mille recessus,
 Antraque silvicolæ grata latebra deæ.
 Vivula nomen aquæ, tenuique Subuncula rivo, 15
 Et quæ de gelida grandine dicta sonat.

Huc

Huc mea me primis genitrix dum gestat ab annis,
 Deducens caro nupta novella patri;
 Adtulit indigenis secum sua munera divis,
 In primis docto florea ferta gregi. 10
 Grex erat Aonidum cœtu comitata fororum
 Ipsa sui princeps Calliopea chori.
 Delius argutis carmen partitus alumnis,
 Flecebat faciles ad sua plectra manus.
 Atque hic me sacro perlustrare liquore; 25
 Cura quibus nostræ prima salutis erat.
 Tum lotum media puerum statuere chorea,
 Et circumfusus obstrepere fonis.
 Denique præcinctumque hederis, & virgine lauru,
 Ad citharam dulces edocuere modos. 30
 Tantus erat lætis avium concentus in agris,
 Ut posses ipsos dicere adesse deos.
 Venerat omne genus pecudum, genus omne ferarum,
 Atque illa festum luce habuere diem.
 Tunc ego pastorum numero, silvestria primum 35
 Tentavi calamis sibila disparibus.
 Deductumque levi carmen modulatus in umbra,
 Innumeros pavi lata per arva greges.
 Androgeumque, Opicumque, & rustica sacra secutus,
 Commovi lacrimis mox pia saxa meis, 40
 Dum tumulum caræ, dum festinata parentis
 Fata cano, gemitus dum, Melissæ, tuos.
 Ac tacitas per operta vias rimatus, & antra
 Inspecto, & variis flumina nata locis.

Mox

Mox majora vocant me numina: scilicet alti 45
 Incessere animum sacra verenda Dei;
 Sacra Dei regisque hominum, dominique deorum,
 Primævum sanctæ relligionis opus;
 Nuntius æthereis ut venerit aliger astris,
 Dona ferens castæ virginis in gremium. 50
 Quid referam causasque ovium, lususque canentum
 Pastorum, & reges, Arfacis ora, tuos?
 Nec minus hæc inter piscandi concitus egit
 Ardor in æquoreos mittere lina sinus;
 Fallacesque cibos, vacuis includere nassis; 55
 Atque hamo undivagos sollicitare greges.
 Quandoquidem falsas descendi ego primus ad undas,
 Ausus inexpertis reddere verba sonis.
 Quid referam mollesque Elegos, miserabile carmen,
 Et superis laudes non sine ture datas? 60
 Quæque aliis lusi numeris, dum seria tracto,
 Dum spargo varios per mea dicta sales.
 Multaque præterea, dilectæ grata puellæ,
 Adscisco antiquis rursus Etrusca modis.
 Ut sileam nunc impensos tot regibus annos; 65
 Tot data belligeræ tempora militiæ:
 Et sileam vexata malis mea corpora morbis,
 Vixque Machaonia restituenda manu.
 Adde graves populique fugas, procerumque ruinas,
 Inflicta & miseris urbibus exilia. 70
 Ipse per infestos tecum, Federice, labores
 Multa adii terra, multa pericla mari.

Tu-

Tuscorumque vadis, Ligurumque exercitus undis;
 Postremo litus Massiliense subii.
 Jam Rhodanum, Volcasque feros, Vocontiaque arva 75
 Legimus, & fines, Belgica terra, tuos.
 Bisque pruinosas cursu superavimus Alpes:
 Bis metas magni vidimus Oceani.
 Atque hic te tandem deslevimus, optime regum;
 Quantum Hecube natos fleverat ipsa suos; 80
 Quantum discissis fratres Cassandra capillis,
 Andromacheque sui dum legit ossa viri.
 O fatum infelix! o fors male fida! quid illic
 Egimus? o tristi versa carina loco!
 Quum nullum interea frugis genus imbre, vel æstu 85
 Redderet ingenio Musa vocata meo.
 Et jam miramur, longo si pressa labore
 Amisit vires parvula vena suas?
 Ipse desim simul, atque hominum celebrator Homerus
 Deficeret, nedum segnis, inersque lyra. 90
 Deficeret pater ipse, & carminis auctor Apollo;
 Pegasidum sacras qui tenet unus aquas.
 Ergo, tanta meæ quum sint dispendia vitæ
 Facta; potes nostram quisque dolere vicem;
 Quod non ingenio, quod non profecimus arte; 95
 Quod mea sit longo mens prope victa situ:
 Quod mala subrepens imos, ceu pestis, in artus
 Irruerit, fracto corpore, segnities;
 Nec pote jam lapsæ studium revocare juventæ;
 Ingenii quum sit tanta ruina mei. 100

Tu saltem, bona posteritas, ignosce dolori;
 Qui facit, ut spreto sit mea fama loco:
 Musarum spolierque bonis, & nomine claro
 Vatis; & hæc ultro credar habere mala.
 Prosit, amicitiae sanctum per sæcula nomen 105
 Servasse, & firmam regibus usque fidem.
 Vosque vel ignavo, vel tardo parcite, amici,
 Cui natura suas dura negarit opes;
 Dum tamen ambitione mala, atque libidine turpi,
 Et caream invisæ crimine avaritiæ. 110
 Tu quoque vel fessæ testis, Cassandra, senectæ,
 Quam manet arbitrium funeris omne mei;
 Compositos tumulo cineres, atque ossa piato:
 Neu pigeat vati solvere iusta tuo.
 Parce tamen, scisso seu me, mea vita, capillo; 115
 Sive: sed heu prohibet dicere plura dolor.

ELEGIA TERTIA,

DE OS NEMORUM INVOCAT

IN EXSTRUENDA DOMO.

DI nemorum, salvete: ego vos de rupe propinqua,
 De summis patriæ mœnibus adspicio:
 Adspicio, venerorque. cavæ, mihi plaudite, valles;
 Garrula vicinis perstrepat aura jugis.
 Vos quoque perque focos felicia dicite, cives,
 Verba, per intactas flore decente vias. 5

Victi-

Victima solennes eat inspectanda per aras,
 Turbaque Palladia fronde revincta comas.
 Mosque ut ab antiquæ repetatur origine Romæ,
 Exterior forda cum bove taurus aret. 10
 Ac prius infosso tectum quam cingere sulco
 Incipimus, justos ture plate deos.
 Nulla per obductum decurrant nubila cælum:
 Candidaque augustum concinat omen avis.
 Exsurgat paries, ventos qui pellat, & imbres; 15
 Qui multa circum luce serenus eat.
 Adsit dispositis series concinna columnis;
 Quæque ornet medias crebra fenestra fores.
 Ipse biceps primo custos in limine Janus
 Occurrat lætis obviis hospitibus. 20
 Protinus a dextra sacræ, mea turba, sorores
 Cingant virgineis atria prima choris.
 A læva nitidis stratum Pythona sagittis
 Miretur posita Cynthius ipse lyra.
 Ædibus in mediis parvi sinus amphitheatri 25
 Visendas regum præbeat historias.
 Ac primum triplici se se defendat ab hoste
 Fernandus rapido jam metuendus equo.
 Alfonsusque pharetratas, dira agmina, gentes
 Cogat Hydruntinis cedere litoribus. 30
 Tum juvenis rex ipse, & regum insignibus auctus
 Alpinos adigat linquere castra duces.
 Postremo Federicus, avito lætus honore,
 Dalmaticas grandi classe refringat opes.

156 ELEGIARUM LIB. III.

Infestofque deos, metuendaque jura minatus, 35
 Indicat nato bella gerenda suo.
 Hic bene conveniens membris variantibus ordo
 Adspiciat celebres e regione situs.
 Exhedræ, xyftique, tablinum, hypocausta, diætæ,
 Et quæ privatis ufibus apta velim. 40
 Atque aliæ Occafus, aliæ vertantur in Ortus,
 Quæque habeant Borean, quæque inhibere Notum,
 Jungantur longis quadrata, obliqua rotundis:
 Et capiat ftructos plurima cella toros.
 O studiis placitura meis, o mille per artes 45
 Otia Picriis noſtra juvanda modis!
 Hic ego tranquillo tranſmittam tempora curſu;
 Dum veniat fatiſ mitior hora meis.
 Viximus ærumnas inter, lacrimoſaque regum
 Funera: nunc patria jam licet urbe frui: 50
 Ut quod tot curæ, tot detraxere labores,
 Reſtituat vati Parthenopea ſuo.

F I N I S.



ACTII

ACTII SYNCERI
SANNAZARII
NEAPOLITANI
VIRI PATRICII
EPIGRAMMATON
LIBRI TRES.

NOTARIAL STATEMENT
JANUARY 1914



ACTII SYNCERI
SANNAZARII
NEAPOLITANI
EPIGRAMMATON
LIBER I.

I.

AD FEDERICUM REGEM.



CRIBENDI studium mihi tu, Federice, dedisti,
Ingenium ad laudes dum trahis omne tuas.
Ecce, suburbanum rus, & nova prædia donas;
Fecisti vatem, nunc facis agricolam.

II.

AD VILLAM MERGILLINAM.

RUPIS o sacrae, pelagique custos,
Villa Nympharum domus, & propinquæ
Doridos, regum decus una quondam,
Deliciæque;
Nunc meis tantum requies Camœnis;
Urbis invisas quotiès querelas,

§

Et

160 EPIGRAMMATON

- Et parum fidos popularis auræ
 Linquimus æstus:
 Tu mihi solos nemorum recessus
 Das, & hærentes per opaca laurus 10
 Saxa: tu fontes, Aganippidumque
 Antra recludis.
 Nam simul tete repeto; tuasque
 Sedulus mecum veneror Napæas:
 Colle, Mergillina, tuo repente 15
 Pegasis unda
 Effluit, de qua chorus ipse Phœbi,
 Et chori Phæbus pater, atque princeps,
 Nititur plures mihi jam canenti
 Ducere rivos. 20
 Ergo tu nobis Helicon, & udæ
 Phocidos saltus, hederisque opacum
 Thespiæ rupis nemus, & canoro
 Vertice Pindus.
 I, puer, blandi comitem laboris 25
 Affer e prima citharam columna;
 Affer & flores; procul omnis a me
 Cura recedat.
 Principis nostri decus, atque laudes
 Fama, per latas spatiosa terras, 30
 Evehat, qua Sol oriens, cadensque
 Frena retorquet;
 Quaque non notos populos, & urbes
 Damnat æternis Helice pruinis;

Qua-

Quaque ferventis cumulos arenæ 35

Diffipat Auster.

Ille crescentes veneratus annos

Vatis, antiquum referentis ortum

Stirpis, & clarum genus, & potentum

Nomen avorum; 40

Contulit larga numerosa dextra

Dona; & ignavæ stimulos juventæ

Addidit, silvas, & amica Musis

Otia præbens.

III.

CALENDÆ MAJÆ.

MAJUS adest; da ferta, puer: sic sancta vetustas
Instituit; præsci sic docuere patres.

Junge hederam violis; myrtum subtexe ligustris;

Alba verecundis lilia pinget rosas.

Fundat inexhaustos mihi decolor Indus odores: 5

Et fluat Assyrio sparsa liquore coma.

Grandia fumoso spument crystallæ Lyæo:

Et bibat, in calices lapsa corona meos.

Post obitum non ulla mihi carchesia ponet

Æacus. infernis non viret uva jugis. 10

Heu vanum mortale genus, quid gaudia differ?

Falle diem: mediis mors venit atra jocis.

IV.

IN TUMULUM LADISLAI REGIS.

MIRARIS niveis pendentia saxa columnis;
Hospes, & hunc, acri qui sedet altus equo?

X

Quid

162: EPIGRAMMATON

Quid si animos, roburque ducis, præclaraque nosſes
 Pectora, & invictas dura per arma manus?
 Hic Capitolinis dejecit ſedibus hoſtem:
 Biſque triumphata victor ab urbe redit:
 Italiamque omnem bello concuſſit, & armis:
 Intulit Etruſco ſigna tremenda mari:
 Neve foret Latio tantum diademate felix,
 Ante ſuos vidit Gallica ſceptra pedes:
 Quumque rebellantem preſſiſſet pontibus Arnum;
 Mors vetuit ſextam claudere olympiadem.
 I nunc, regna para, ſauſtusque adtolle ſuperbos:
 Mors etiam magnos obruit atra deos.

V.

AD FEDERICUM REGEM.

CLAUSA, quod effoſſis erumpunt oſſa ſepulcris,
 Et referant veteres putria ſaxa rogos;
 Nimirum tanto cupiunt ſub principe manes.
 Vivere; & ad nutus umbra vocata venit.
 Utque decet, longo manſuras tempore ſedes
 Spondent, & regnis otia læta tuis.
 Quæque diu ambiguis tecum Fortuna vagata eſt
 Paſſibus, hic certa ſtat bene nixa rota.
 Sume animos, Federice: tuis hic meta periclis
 Hæret: habent manes, & pia buſta fidem.

V.I.

AD NINAM.

SEXCENTAS, Nina, da, precor, roganti
 Sed tantum mihi baſiationes:

Non

Non quas dent bene filiae parenti,

Nec quas dent bene fratribus sorores:

Sed quas nupta rogata det marito,

Et quas det juveni puella caro.

Juvat me mora longa basiorum,

Ne me tam cito deserat voluptas.

Nolo marmora muta, nolo pictos

Dearum, Nina, basiare vultus:

Sed totam cupio tenere linguam,

Insertam humidulis meis labellis;

Hanc & sugere; morsiculasque

Molles adjicere; & columbularum

In morem, teneros inire lusus,

Ac blandum simul excitare murmur.

Hæc sunt suavia dulciora melle

Hyblæo, & Siculæ liquore canna.

Hæc sola ambrosiæque, nectarisque

Succos fundere, sola habere possunt.

Quæ si contigerint mihi; tuisque

Admovere sinas manum papillis;

Quis tunc divitias, quis aurum, & omnes

Assis me putet æstimare reges?

Jam non maluerim mihi beatas

Auroræ, Venerisque habere noctes:

Non Hebes thalamos beatiores:

Non, si deserat hæc suum maritum:

Non, si me roget usquequaque: non, si

Æternam mihi spondeat juventam.

VII.

DE NATALI ALTILII VATIS.

MUSARUM lux alma, meus cui tura quotannis,
 Cui rite Altilius fundit in igne merum;
 Accipe servatos hiberno frigore flores;
 Quæque madent Siculis annua liba favis.
 Quandoquidem magnum Latio; rarumque dedisti 5
 Pignus, & Aoniis non leve nomen aquis.
 At tu, sic tristes numquam experiare tenebras;
 Sic Phœbi nitido semper honore nices;
 Fausta, precor, longos tamen expectata per annos,
 Altilioque tuo concolor usque redi. 10

VIII.

AD FEDERICUM REGEM.

HIBERNAS tibi pampineis cum vitibus uvas
 Mittimus, o regni gloria, honosque tui.
 Præla vacant; riget omnis ager; spumantia tandem
 Musta silent; mensis est tamen uva tuis.
 Jam pater Autumnus vernantia lilia mittet; 5
 Talia si medio frigore Bruma dedit.

IX.

DE EXPEDITIONE ALFONSI REGIS.

VENTUROS olim Romana ad mœnia Turcas
 Dixerunt vates; credite, vera canunt.
 Scilicet Alfonsum Turcas in bella trahentem
 Expectas fatis anxia Roma tuis.
 Pone metum, vincet; sed te meliora manebunt. 5
 Imperia; Alfonso principe major eris.

X.

X.

IN TUMULUM LAURÆ PUELLÆ.

ET lacrimas etiam superi tibi, Laura, dedissent :
 Fas etiam superos si lacrimare foret.
 Quod potuit tamen, auratas puer ille sagittas
 Fregit, & extinctas mœsta Erycina faces.
 Sed quamvis homines tangant tua fata, deosque : 5
 Nulli flebilior, quam mihi, vita, jaces.
 Felices animæ, quibus is comes ipsa per umbras;
 Et datur Elysium sic habitare nemus.

XI.

DE PARTU NISAEÆ, CHARITEI CONIUGIS.

DUM parit, & longas iterat Nisæa querelas;
 Scinditur incerta seditione polus.
 Pierides puerum, Charites optare puellam:
 His Venus, ast illis docta Minerva favet.
 Adstat amans Veneri Mavors, Phœbusque Minervæ; 5
 Magnanimusque æqua Juppiter aure sedet:
 Quum subito aurato surgit puer improbus arcu;
 Et cælum notis territat omne minis.
 Adfensere metu superi. pater ipse deorum
 Risit; & Aonias iussit abire deas. 10
 Exsultat palmas Venus; & nascente puella
 Augentur Charites, Cypria turba, deæ.

XII.

AD FEDERICUM REGEM.

EDICTO nuper quum tu, rex magne, caveres,
 Audaci ne quis stringeret arma manu
 De-

Deposuisse tuum vel primus diceris ensen,

Et monstrasse palam primus inermis latus.

Quid majus populisve tuis, Federice, vel urbi

Accidere huic nostræ per tua dona potest?

Post domitos hostes, inter tot commoda pacis,

Contigit exemplis vivere posse tuis.

Publica nimirum res tunc sibi constat, & æquum

Imperium, quum rex, quod jubet, ipse facit.

XIII.

DE EMENDATIONE CATULLI AD JOVIANUM.

DOCTUS ab Elysia redeat si valle Catullus;

Ingratosque trahat Lesbica sola choros:

Non tam mendosi mœrebit damna libelli,

Gestiet officio quam, Joviane, tuo.

Ille tibi amplexus, atque oscula grata referret;

Mallet & hos numeros, quam meminisse suos.

XIV.

DE CÆSARE BORGIA.

QUI modo prostratos jactarat cornibus urfos,

In latebras taurus concitus ecce fugit.

Nec latebras putat esse satis sibi: Tibride toto

Cingitur, & notis vix bene fudit aquis.

Terruerat montes mugitibus: obvia nunc est,

Et facilis cuivis præda sine arte capi.

Sed tamen id magnum; nuper potuisse vel urfos

Sternere; nunc omnes posse timere feras.

Ne tibi, Roma, novæ desint spectacula pompæ;

Amphitheatrales reddit arena jocos.

XV.

XV.

AD EUMDEM, DUM AB URSINIS

P R E M E R E T U R.

O TAURE, præsens qui fugis periculum:
 (Nam te nec odio, tædiove tam bonas
 Sprevisse silvas, tam bonos putem lacus)
 Dic, quis propinqua nubibus tibi juga
 Molestus invidet? juga illa jam tuis 5
 Sudata cornibus, tuisque præliis
 Devicta? quis saltus, & amnium uberes
 Curfus, torosque marginum virentium?
 Quis uda rivis prata? quis recondita
 Nemora? quis umbras sibilantium arborum 10
 Male advocatus abstulit tibi deus?
 Non amplius videbis, ah miser, miser,
 Amata regna; non videbis amplius
 Tuos amores; non licebit, heu, tibi
 Posthac cubanti sub genistulis tuis, 15
 Mollive fulto niveum amaraco latus,
 Audire voces ruminantium gregum;
 Meridianum non inire somnulum.
 Quæ nunc adibis tesqua? quæ petes loca,
 Miselle taure? quas subibis ilices? 20
 Ubi myricæ? ubi virentis arbuti
 Jucunda sedes? ubi salicæ, & omnibus
 Eheu juvenca præferenda pascuis?
 Juvenca, solos quæ relicta ad aggeres
 Padi sonantis, heu malum fororibus 25
 Omen,

Omen, dolentes inter orba populos
 Te te requirit, te reflagitans suum,
 Implet querelis nemus; & usque mugiens
 Modo huc, modo illuc furit, amore perditæ:
 Omnia peragrat arva; lustrat omnia; 30
 Num qua bifulcæ signa cernat ungulæ:
 Quærit per alta montium cacumina;
 Quærit per ima vallium cubilia,
 Memor locorum, non tamen sui memor:
 Te mane primo, te rubente vespéro 35
 Luget: nec illam Luna quum recurreret
 Cælo, nec atræ noctis alma sidera
 Videre dormientem. abire flumina,
 Abire Solem, abire cernit omnia;
 At ipsa mœstam sola non abit domum, 40
 Humi recumbens, strata sub nudo æthere.
 Hanc & puellæ nemorum, & ipse corniger
 Silvanus adspicit; hanc bubulcus intuens,
 Miser bubulcus, nec juvare eam valens,
 Tantum, quod unicum in malis refugium habet, 45
 Suspirat, ingemit, deum invocat fidem,
 Iratus urfis, quod coegerint procul
 Abire silvis albulum juveniculum,
 Et tam venustam clamitare buculam.

XVI.

INGEMMAM SUAM.

HÆc, mihi quæ roseos jussit sordere hyacinthos,
 Et nitet articulis unica gemma meis;

Cujus

Cujus in exiguo ductor stat Troicus orbe,
 Anchisesque senex, Ascaniusque puer:
 Quis credat? veteres inter neglecta ruinas, 5
 Et vili latuit semisepulta solo.
 Tu tamen obrueras; nec te, Sinuessæ, pudebat
 Hoc decus heu terris occuluisse tuis.
 Scilicet Ænean natumque, patremque gerentem,
 Ignibus ereptos obrueresque deos? 10
 Parcere debueras, cui jam pia flamma pepercit;
 Nec te tam turpi dedecorare nota.
 Et dubitem Belgasque feros, rigidosque Britannos
 Hac comite, ignotos & penetrare sinus?
 Hæc est Iliacos pietas spectata per ignes; 15
 Quum verita est profugos lædere flamma deos.

XVII.

DE VENERE, ET MARTE.

DUM Venus armatum complectitur obvia Martem;
 Distrinxit teneram fibula adunca manum.
 Sensit, & ante Jovem ridens ait æmula Pallas:
 Bella iterum gessit cum Diomede soror.

XVIII.

DE ENDYMIONE, ET LUNA.

SPREVERAT hirsutas pascentem Pana capellas
 Candida nocturnis quæ dea fertur equis.
 At postquam niveæ conspexit munera lanæ,
 Posthabuit notas Endymionis oves.
 Qui simul ac tristes somno inclinarat ocellos; 5
 Mors hæc, mors, inquit, non mihi somnus erit.

Y

XIX.

XIX.

DE FERDINANDO JUNIORE.

CORNIGER æsculea Faunus recubabat in umbra;
 Quum prope latrantes sensit adesse canes.
 Mox juvenem superis similem, divinaque tela
 Conspiciens, trepido sic movet ora sono:
 Seu Mars, sive alto Phœbus descendis olympo;
 Jam jam linquo omnes te veniente feras.

XX.

DE POGGIO FLORENTINO, HISTORICO.

DUM patriam laudat, damnat dum Poggius hostem,
 Nec malus est civis, nec bonus historicus.

XXI.

DE BARTH. PLATINA.

INGENIA, & mores, vitasque, obitusque notasse
 Pontificum, argutæ lex fuit historiæ.
 Tu tamen hinc lautæ tractas pulmenta culinæ:
 Hoc, Platina, est, ipsos pascere Pontifices.

XXII.

DE DIANA, ET FERDIN. II.

ERRABAT Diana suis immixta puellis;
 Quum procul ecce mei conspicit ora ducis;
 Atque ait: Huc, Nymphæ, concedite; namque propinquat,
 Qui regat in sævas certius arma feras.

XXIII.

DE MANE, ET VESPERE.

SOL jubet exorïens, Faunos, Dryadasque puellas
 Quærere, & herbofo ducere monte choros.

De-

Declivis, vitreas suadet descendere ad undas,

Doridaque, & lufus, o Galatea, tuos.

Causa patet: quia, sublimes quàm tendit in arces, 5

Nos quoque per saltus, & juga summa rapit.

Quum vero Hesperios petit imæ Thetyos amnes,

Exemplo ad fontes nos vocat ipse suo.

Hinc adeo natura hominum loca mane requirit

Ardua; cæruleis vespere gaudet aquis. 10

XXIV.

DE VULTURNO, ET PUERO REGIO.

MIRAMUR tacitis Vulturum currere lymphis,

Et tardos dura compede ferre pedes.

At magis occulto mirabimur urier igni,

Et puerum tota nocte vocare suum.

Tunc etiam, formose puer, vaga flumina torques? 5

An fuerit reges perdomuisse parum?

Quinetiam combure deos, dominoque deorum

Arma move; & pulso da Ganymede merum.

XXV.

I N Q U I N T I U M.

CLARA tibi videor scripsisse Epigrammata, Quinti.

Sunt, fateor; medio scripsimus illa die.

Tu latebras obscurus amas; quia lumine nullo,

Atque intempesta scribere nocte soles.

XXVI.

DE MERCURIO, ET AMORE.

DUM comes aligero Cyllenius iret Amori

Aliger, incauto subripuit faculas.

Depresso tum fure, manum referebat ad arcum;

Sed non inventa ruit Amor pharetra.

XXVII.

IN TUMULUM HANNIBALIS.

HANNIBAL huc victas secum Carthaginis arces

Transtulit; hæc ambos terra Libyssa tegit.

XXVIII.

DE VENERE, ET JUNONE.

CONFIDIT nimium jaculo dum pulcher Adonis;

Inguina setosus candida rupit aper.

Accurrit miseranda Venus. tum nupta tonantis;

Quid gemit hæc? nullo Mars meus ictus apro est.

XXIX.

IN FABIANUM.

ESSE tibi sapiens, & vir, Fabiane, videris:

At mihi nec sapiens, nec, Fabiane, vir es.

XXX.

DE PRÆTORE PRÆSIDE DESIDE.

AIT nefastas esse nundinas prætor;

Fari recusat: quid nefastius dicas?

XXXI.

ATRAMENTUM SCRIPTORIUM.

FERRUM putre sita spumanti fervet aceto,

Mandet ut æternis scripta voluminibus.

Scilicet hoc illud, vatium volitare per ora,

Hoc est, Pyramidas vincere, Nile, tuas.

Infelix fatum! fanies rubiginis ergo

Eripit inviso nomina nostra rogo?

XXXII.

XXXII.

A D F E D E R I C U M R E G E M.

NE tibi non aliquid Jani misisse Calendis
 Arguar, aut lætam non celebraſſe diem:
 Mittimus hibernis ſervatas menſibus uvas;
 Inſuper & fauſtas addimus ore preces;
 Ut tibi qui nitido cum Sole renaſcitur annus,
 Felici redeat candidus uſque pede.

XXXIII.

I N M A N C I N U M.

QUæ ferro fratres, ſtupro, Mancine, ſorores
 Fas violare putat; quid putat eſſe neſas?

XXXIV.

T U M U L U S M A X I M I L L Æ.

Hic hic ſiſte, precor, gradum, viator.
 Hoc ſub marmore Maximilla clauſa eſt:
 Quacum frigiduli jacent Amores,
 Et Luſus, Venereſque, Gratiaque.
 Hanc illi miſeræ ſevera Clotho
 Pro dolci thalamo domum paravit.
 Has matri dedit, has patri querelas
 Pro plaufu, choreiſque nuptiarum.
 Quid firmum tibi, quid putes, viator,
 Manſurum inviolabile, aut perenne?
 Si quæ deliciæ juvenculorum,
 Et decus fuerat puellularum,
 Nunc eheu jacet ecce Maximilla,

Luſtus

Luſtus perpetuus juvenulorum,
Æternæ & lacrimæ puellularum.

15

XXXV.

DE MIRABILI URBE VENETIIS.

VIDERAT HADRIACIS VENETAM NEPTUNUS IN UNDIS
STARE URBEM, ET TOTO PONERE JURA MARI:
NUNC MIHI TARPEJAS QUANTUMVIS, JUPPITER, ARGES
OBJICE, ET ILLA TUI MOENIA MARTIS, AIT.
SI PELAGO TIBRIM PRÆFERS, URBEM ADSPICE UTRAMQUE:
ILLAM HOMINES DICES, HANC POSUISSE DEOS.

5

XXXVI.

DE ALFONSO DUCE CALABRIÆ.

ALFONSUS magnum dum trajicit Apenninum,
Caſtraque non ſolita primus in Alpe locat:
Armorum ſonitus, galeæſque, ærataque tela
Silvarum dominæ pertinuere deæ.
Nec minus occultas Satyri petiere latebras,
Affueti imbelles ante videre feras:
Spectaruntque procul celfa de rupe ſilentes;
Agmina dum, & magnos cogeret ille duces.
Atque aliquis ſigna adſpiciens, miratur, & inquit:
Imperium vobis urbis, & orbis erit.

5

10

XXXVII.

DE INNOCENTIO VIII. PONTIFICE MAX.

INNOCUO priſcos æquum eſt debere Quirites:
Progenie exhaustam reſtituit patriam.

XXXVIII.

XXXVIII.

A D V E N E R E M.

QUID mihi te facilem blandis promittis ocellis,
 Si miserum sic post uris, acerba Venus?
 Non decet hoc superos. aut te mihi fronte serena
 Concilia, aut torvo lumine bella move.

XXXIX.

D E G A L L A.

OMNES, quos scripsi, versus vult Galla videre:
 Mittam ego, pro libris si mihi labra dabit.

XL.

D E V E T U S T I N O.

EMIT sepulcro prædium Vetusstinus,
 Sed quod futuros non sequatur heredes;

Iratus æque mortuisque, vivisque.

Scribique curat grandibus notis, demens,

VIGINTI. IN. AGRO. IN. FRONTE. TER. PEDES. OCTO

5

Habitat sub urbe scandulis tribus tectus;

Ne pensione degravetur, aut sumtu.

Dormit grabato, quo nec ipse jam vellet

Dormire cimex, nec lacerta, nec sorex.

Cœnat per hortos alliumque, cæpasque,

10

Et falgamorum jure lividos caules:

Vel, siquid optat unctius sibi poni,

Piscatur ipsis in paludibus ranas:

Aut e cloaca colligit meraş sordes,

Putrem palumbum, mortuumve caponem.

15

Et doliorum turbidam bibit facem,

Tam-

Tamquam Falernum consulare, vel Chium,
Opimianæ quod refuderint cellæ.

Nec jam profectis hoc, sed Idibus tantum
Sacrisque potat ferculis Calendarum. 20

Et mane veste currit anxius rapta
Ad architectos, marmorumque sectores,
Ut de sepulcro conferat novas lites.

Quos jam misellos pessimis modis mulctat;
Ducit, reducit, diltrahit, rapit, vexat, 25

Per angiportus, viculosque, clivosque,
Et per ruinas urbis, & per anfractus:
Monstrat theatra, porticusque priscorum,
Arcusque claris principum sacros armis;
Hinc & deorum templa, & obrutas thermas, 30

Et quidquid altis fornicum subest clivis:
Nec jam favissas linquit, & nigros manes.

Demum trecentis quum laboribus fractos,
Et æstuentes pariter, & fame siccos
Vix officinæ post meridiem reddit 35

Jam feriatæ, vectibusque adhuc clausæ;
Culpat coronas, zophorumque permutat:
Spiras reformat, & scapos columnarum:
Et nunc Etruscas, nunc Corinthias mavult:

Nunc Doricarum laudat ordinem tantum; 40
Guttas, triglyphos, tænias, toros, plinthos.

Quid cum columnis nunc tibi, Vetustine,
Aut cum voluta, Ionicisve pulvinis?

Dormi, miselle; sat diu laborasti:

Cœnare fessos & aliquando permitte. 45
 Aut, si sepulcri cura te coquit tanta,
 Cadaver istud vel Gemoniis conde.

XLI.

IN TUMULUM NEÆRÆ.

QUÆ voces? Charitum. quæ circum pompa? Neæræ.
 Unde odor hic? cineri tura ministrat Amor.
 Unde pyra? ex pharetra. quinam struxere? Lepores.
 Ast hæc illacrimans quæ legit ossa? Venus.
 Fortunate lapis, tumuloque beatiôr omni! 5
 Tu tegis in terris siquid honoris erat.

XLII.

DE HYBLA.

HYBLA, mei quondam dulcissima cura Marulli;
 Hybla, suburbano nuper humata solo:
 Accipe quæ multo promuntur verba dolore:
 Accipe de lacrimis humida ferta meis.
 Te rosa, te violæ, te mollis amaracus ornet: 5
 Te pia suspenso pondere velet humus.
 Et tibi, quod raræ possunt sperare puellæ,
 Contingant vatis carmina docta tui.

XLIII.

DE AUFIDIO.

DUM caput Aufidio tractat chirurgus, & ipsum
 Altius exquirat, quo videat cerebrum;
 Ingemit Aufidius: Quid me, chirurgus, fatigas?
 Quum subii rixam, non habui cerebrum.

XLIV.

A D A L F O N S U M.

QUⁱ prius Herculeæ fenfit leo vulnera clavæ,
 Hic, Alfonſe, tuos corrueſt ante pedes.
 Quæque viret noſtras quercus paſſura ſecures,
 Deſeret immundos fulmine taſta ſues.

Viſta dabit Bellona manus: Pax arva reviſet:

Claudentur diræ Marte ſedente fores.

Tunc pia Parthenope lætos tibi ducet honores.

Per foræ, per vicos otia vulgus aget.

Sebethoſque pater fluviis metuendus Etruſcis,

Aurea cæruleum tollet ad aſtra caput.

XLV.

I N L Y D A M.

QU^{um} dixi medio tibi macram algere ſub æſtu,
 Non dixi fluvium, Lyda: quid ergo? cutem.

XLVI.

I N O L L U M.

OMNIA facturum te dicis, nil facis, Olle.
 Nil mirum: levius dicere, quam facere eſt.

XLVII.

A D R U F U M.

TAMQUAM priſca mihi, ſaxoque inventa vetuſto,
 Diſticha, Ruſe, ſoles ſæpe referre tua.

Stultum adeo me, Ruſe, putas? ego tam mala credam

Carmina Romano marmore poſſe legi?

Archemoro longos adſingis Neſtoris annos.

Andromaches puerum Laomedonta vocas.

De-

Desine mentiri Pyliam, Phrygiamque senectam.

Sint vetera hæc aliis, mi nova semper erunt.

XLVIII.

DE CYPARISSO PUERO.

FLEBAT adhuc mœrens cervo Cyparissus adempto,
Quum sua conspexit cortice membra tegi.

Delius exclamat: Quid nostro, silva, dolore

Crescis? tu Daphnen, tu Cyparission habes.

XLIX.

DE HARMOSYNE.

HARMOSYNNEN quisquis seu vir, seu femina vidit,
Deperit: anne oculos Actius unus habet?

L.

DE JUCUNDO ARCHITECTO.

JUCUNDUS geminos fecit tibi, Sequana, pontes:
Jure tuum potes hunc dicere Pontificem.

LI.

DE ÆNEA, ET DIDONE.

IMMEMOR ah miseræ cur enssem linquis Elisæ,
Nate dea? profugas non gravat ille rates.

Anne parum fuerat causam dare mortis acerbæ,

Ni ferrum fugiens tu quoque triste dares?

Tolle, precor, tumidas tecum hoc, jam tolle per undas. 5

Discessu, satis est, si perit illa tuo.

LII.

IN CÆCILIANUM.

SI tibi per genium fas est jurare Minervæ,
Per Veneris flavas, Cæciliane, comas;

Nec jubar excipitur Solis, nec cornua Phœbes ,

Nec Capitolini crura, caputque patris:

Cur mihi tu ventrem, cur intestina deorum,

5

Hispana tactus relligione, sonas?

Non pudet heu cælum rebus sœdare pudendis?

An credis magnos hæc quoque habere deos?

LIII.

AD MARINUM CARACCIOLUM.

O DULCE, ac lepidum, Marine, factum,

Dignum perpetuo joco, atque risu,

Dignum versiculis, facetiisque,

Necnon & salibus, Marine, nostris !

Ille maximus urbis imperator

5

Cæsar Borgia, Borgia ille Cæsar,

Cæsar patris ocellus, & sororis,

Fratrum blanditiæ, quies, voluptas,

Montis pupulus ille Vaticanæ,

Ille inquam dominæ urbis inquinator

10

Cæsar Borgia, Borgia ille Cæsar,

Mœchus ille sororis, atque adulter,

Fratrum perniciës, lues, sepulcrum,

Montis bellua tætra Vaticanæ;

Quingentas modo qui voravit urbes

15

Imbutus scelere, & malis rapinis,

Urbes sub ducibus suis quietas,

Quascumque aut Latium ferax virorum,

Aut Campania pinguis, aut per alta

Divisi juga continent Sabini;

20

Hisq̃ue

Hisq̃ue ingessit Ariminum, Pisaurum,
 Urbinum, Populoniumq̃ue magnam,
 Camertes pariter, Forumq̃ue Livî,
 Corneliq̃ue Forum, Faventiamq̃ue,
 Et quantum Æmiliæ est, Etruriæq̃ue,
 Quantum circuitu hinc & inde longo
 Neptuni lavat æstuantis unda.

25

At nunc quis neget esse opus deorum?
 Dum vecors animi impotente morbo,
 Quærit plura, nec est potis misellus
 Explere ingluviem periculosam;
 Ecce ecce evomit. o Jovem facetum!
 O pulchram Nemefim! o venusta fata!
 Verum scilicet id, Marine, verum est,
 Quod dici solet, en fides probat nunc;
 Fortunam si avide vorare pergas,
 Eamdem male concoquas, necesse est.
 Ut jure evomere hunc putemus ipsum,
 Qui tantum miser hausit oppidorum.

30

35

Ast id omne, quod hausit, oppidorum,
 Quod quinque assiduis voravit annis,
 Imbutus scelere, & malis rapinis,
 Scis quot evomuit diebus? uno.
 O lucem niveam! o Jovem facetum!
 O pulchram Nemefim! o venusta fata!
 O dulce, ac lepidum, Marine, factum!

45

LIV.

DE CÆSARE BORGIA.

AUT nihil, aut Cæsar vult dici Borgia: quid ni?
Quum simul & Cæsar possit, & esse nihil.

LV.

A D E U M D E M.

OMNIA vincebas: sperabas omnia, Cæsar.
Omnia deficient: incipis esse nihil.

LVI.

D I E S G E N I A L I S.

AURELI, perfunde meis unguenta capillis,
Tu super & vernas sparge, Nearchæ, rosas.

Sed prius æstivum ramis defendite solem;

Et viridi mollem sternite fronde torum.

Non plumæ, non picta juvant me stragula, nec quæ 5

Pavonis vario sponda colore nitet.

Larga coronata disponite pocula mensa,

Setino & gelidas adfociate nives:

Certatimque leves potanti inducite somnos.

Sic juvat ætatis ducere fila meæ. 10

An scimus miseri, quid lux ventura minetur?

Vivamus: mortem fallere nemo potest.

LVII.

A D A M I C A M.

DA mihi tu, mea lux, tot basia rapta petenti,
Quot dederat vati Lesbia blanda suo.

Sed quid pauca peto, petiit si pauca Catullus

Basia? pauca quidem, si numerentur, erunt.

Da

Da mihi, quot cælum stellas, quot litus arenas, 5
 Silvaeque quot frondes, gramina campus habet;
 Aere quot volucres, quot sunt & in æquore pisces;
 Quot nova Cecropiæ mella tuentur apes.
 Hæc mihi si dederis, spernam mensasque deorum,
 Et Ganymedea pocula sumta manu. 10

LVIII.

A D B A S S U M D E P H Y L L I D E .

QUUM de cathedra, Basse, surgeret nuper
 Mammosa Phyllis; tunica mollis, ut sæpe
 His accidit qui obefulas habent clunes;
 Intravit illuc unde prodeunt auræ
 Quæ de Sabæis messibus nihil spirant: 5
 Quod ut animadvertit dicaculus quidam;
 Urbaniozem ut se faceret, ait ridens:
 Heus Phylli, quisnam mordicus tenet vestem?
 Vorabit hanc, ni præcaves. Ad hunc Phyllis,
 Immo, inquit, ut scias, sibi labra abstergit: 10
 Accede, pupe, basiare te nam vult.

LIX.

A D V E S B I A M .

ADSPICE, quam variis distringar, Vesbia, curis.
 Uror, & heu nostro manat ab igne liquor.
 Sum Nilus, sumque Ætna simul: restinguite flammam,
 O lacrimæ, lacrimas ebibe, flamma, meas.

LX.

A D Æ G L E N.

SI tibi sum Phœbus, si sum tibi Juppiter, Ægle:
Cur tu non Daphne sis mihi, non Danae?

LXI.

A D P U L I C I A N U M.

A It nescio quis Pulicianus,
Ni pulex mage sit vocandus hic, qui
Unus grammaticus, sed his minutis
Vel longe inferior, minutiorque est;
Divinum sibi ~~passerem~~ Catulli
Haudquaquam bene passerem sonare;
Nec jam id esse quod autument legentes,
Sed quod versiculis parum pudicis
Ludens innuat ipse Martialis:
Da mi basia, sed Catulliana:
Quæ si tot fuerint, quot ille dixit,
Donabo tibi passerem Catulli:
Ut sit, quod puero poeta possit
Post longas dare basiationes,
Quod salvo nequeat pudore dici.
Proh dii, quam vafer es, Puliciane;
Solutus qui bene calleas poetas!
Nimirum, & quod ab omnibus probetur,
Mutandum quoque suspicaris illud
Quod nunc illepidumque, & infacetum
Mendosis Epigrammaton libellis
Insulse legit imperita turba:

5

10

15

20

Sic

Sic forsan tener ausus est Catallus

Magno mittere passerem Maroni:

Quum sit simpliciusque, rectiusque,

Mitti, dicere, mentulam Maroni.

Sed quid vos, Aganippides puellæ,

Ridetis? meus hic Pulicianus

Tam bellum sibi passerem Catulli

Intra viscera habere concupiscit.

LXII.

D E E O D E M.

VANAS gigantum iras, & impetus graves

Miratur aliquis audiens mortalium;

Aufumque cælo vincula inferre irrita

Sævum Typhoea, quum jugosum Pelion

Adderet Olympo, matre nec Terra satum

Agnosceret se se; impium donec pater

Iratus ardenti igne sustulit caput;

Ut par erat: nam quis petat sanus deos?

At nunc quis hoc, quis hoc ferat mortalium?

Iners, pusillus, unus heu pulex ciet

Turmas, cohortes, copias, manipulos

Muscarum; & altos scandere adparat toros

Heroum, opacis qui sub umbris arborum

Strati, ac perenni flore subsultj caput,

Ducunt quietem perpetem, æternam, optimam;

Nec nostra curant dicta, vel facta amplius,

Ut qui beatos incolant tuti locos;

Et nomen alta in arce sacrarint suum,

A a

Functi

Functi periclis, & malis laboribus;
 Cunctasque Fortunæ improbæ caleant minas, 20
 Ne dum pusilli pulicis morsus leves.
 At tu, moleste, amare, vesâne, impie
 Pulex, inepti concitator agminis,
 Quo proripis te? quo vocas muscarias
 Istas phalanges? quo volatiles globos 25
 Impellis audax? i procul, miser, miser,
 I, criminose, maximam in malam crucem.
 Haud fas quietas nânum sedes desin
 Muscas subire, pulicumque copias.
 Nil hic negotii vel tibi, vel pessimis 30
 Tuis manipulis: quid moraris, impie?
 Abi profundam in noctem, & ultimum Chaos.
 Speranda certe gloria hic nulla est tibi.
 Quos dii probavere semel, hos semper probant.

LXIII.

ACTÆON MARMOREUS.

VIDERAT Idæo nudas in vertice divas
 Phryx Paris, & dixit: Vincis utramque, Venus.
 At si, Gargaphiis quam nos male vidimus undis,
 Vidisset, poterat dicere: Cede, Venus.

LXIV.

ORPHEO RESPICIENTI.

HOC fuit, infelix, & adhuc heu respicis, Orpheu,
 Quod te, quod miseram perdidit Eurydicen.

LXV.

LXV.

E C H O L O Q U I T U R.

VIDI, arsi, flevi, tristemque (heu fata!) repulsam
Spreta tuli: sum nunc vox, sonus, aura, nihil.

LXVI.

E - A D E M J O C A T U R.

QUUM facie caream, quæris, cur dicar imago:
Quum tua verba sequar, dic, ubi lingua mea est?

LXVII.

I N M A L U M L I B R U M.

SI sapias, hospes, abi; miserum neu tange libellum.

Non hic Mæoniden, Virgiliumve leges:

Sed fœdas Bavii chartas, & olentia Mævi

Carmina, Romani dedecus eloquii.

Quid dubitas sacros incendia pœscere lucos;

Abnuersit liquidas si dare Phœbus aquas?

5





ACTII SYNCERI
SANNAZARI
NEAPOLITANI
EPIGRAMMATON
LIBER II.

I.

LAUDAT FEDERICUM REGEM.



Uum vehor picta vacuus phaselo;
Et modo septos jaculis echinos,
Nunc bene hærentes scopulis laboro
Velleré conchas:

Tange vocales, studiosa, chordas,

5

Musa; & auratum moderare plectrum:

Pauca de multis referamus acta

Regis amati:

Qualis herbofo spatiosa campo

Virgo, jam matris decus, & voluptas,

10

Nectit e solis violis coronam,

Cætera linquens.

HIC

S. L. A.

Hic

- Hic ubi veras imitata turres
 Tot simul pinnis, niveisque tectis,
 Rupe Mergillina sedens, propinquum
 Spectat in æquor,
 Adsit ex imo Galatea fundo,
 Nil timens sævos Polyphemi amores;
 Nec mihi durum resuens canenti
 Obstrepat unda.
 Sit licet magnus, trepidasque turmas
 Fregerit primis Federicus ausis;
 Quum puer celsas penetravit Alpes,
 Saxaque Rheni;
 Texerit latis pelagus carinis,
 Dalmatùm diçes populatus urbes:
 Senferit presso prope fulminantem
 Ore Timavus:
 Cinxerit sacra meritum coròna
 Et caput; Gallos quoniam feroces
 Contudit: totas revocarit Orci ex
 Faucibus urbes:
 Nil tamen majus, nihil egit umquam
 Fortius, quam quod titubante regno,
 Quum sibi sceptrum, & diadema posset
 Sumere tutus;
 Conjugem caram, propriosque natos
 Liquit, & fidas lacrimas clientum,
 Fratris heu pulsam sobolem secutus
 Per mare vastum.

Ergo

Ergo nunc illi moderator alti
 Ætheris; cui sunt pia facta curæ;
 Regium frontis decus, & negatos
 Addit honores.
 O Fides, rarum, placidumque numen;
 O mihi nullis reticenda sacris;
 Te te ego æternum prece, victimisque
 Pronus adorem.

II.

DE ANDREA MATTHÆO AQUIVIVO.

CERNIS, ut exsulter patriis Aquivivus in armis,
 Duraque spumanti frena relaxet equo?
 Quis mites illum Permessi hausisse liquores
 Credat, & imbelles excoluisse lyras?
 Confurgunt niveæ fulgenti in casside cristæ:
 At clypeus torvo Gorgonis ore tumet.
 Macte animo, rigidum Musas qui stringere ferrum,
 Qui Martem doctos cogis amare choros.
 Hæc ducis est virtus, non uni insultere palmæ;
 Sed nomen factis quærere, & ingeniis.

III.

IN BUBONEM.

NAM quis te, inepte bubo, tam stolidus furor
 Adegit importunum inire prælium,
 Isto indecenti rostro, & alis luridis?
 Quid bellicosa volucris, insulse, asperos
 Laccassis ungues? define, miser, dum licet;

Ne

Ne dormientis excites somnium tuo
 Cum maximo, ut par est, malo, ac clade ultima.
 Sed pervenire vis in ora vulgi; & hac
 Via cupis, scelestè, fieri notior?
 Non assequere; nec profecto tam bono
 Fruere fato. An hoc pudendo sanguine
 Se tingat aquila, fulminum & cæli immemor?
 Ponenda honestæ mortis hæc spes est tibi.

IV.

A D M A T H O N E M.

UT mandem victura meis tua nomina chartis,
 Dicis amicitiam te, Matho, velle meam.
 Et tibi semper in ore duces, quos Grajus Homerus;
 Quos noster Latia vexit in astra tuba.
 Dumque ego sum tanti te iudice; venit ab horto
 Cum donis olivæ bisse, semelve tuus:
 Scilicet æterni pretium mihi grande daturus
 Nominis, & fidæ pignus amicitiae.
 O Matho, quam felix & amico, & vate reperto es!
 Quam felix horto, muneribusque tuis!
 Si quod diis genitis vix tot peperere labores,
 Id tibi lactuæ, prototomique dabunt.

V.

D E P A T R I A H O M E R I.

SMYRNA, Rhodos, Colophon, Salamin, Ios, Argos, Athenæ,
 Cedite jam: cælum patria Mæonidæ est.

VI.

VI.

DE LUNA, ET PANE.

EFFUDIT longas Tegea in rupe querelas
 Pan captus forma, candida Luna, tua.
 Quumque levi calamos cera conjungeret, addit:
 Prædata es sensus tu quoque, canna, meos.

VII.

IN TUMULUM AMARANTHÆ.

Hic Amarantha jacet; quæ, si fas vera fateri,
 Aut Veneri similis, vel Venus ipsa fuit.

VIII.

AD FERRANDUM REGEM.

EX ferro nomen tibi sit licet, aurea condis
 Sæcula; nam sub te principe nemo metit.

IX.

DE SUMMONTII PIETATE.

EXCITAT obstrictas tumulis Summontius umbras;
 Impleat ut sanctæ munus amicitia
 Utque prius vivos, sic & post fata sodales
 Observat; tristes & sedet ante rogos
 Nec tantum violas cineri, ac bene olentia ponit
 Serta; sed & lacrimis irrigat ossa piis.
 Parva loquor: cultis reparat monumenta libellis;
 Quum possint longam saxa timere diem.
 At tu, vivaci quæ fulcis nomina fama,
 Poscenti gratas, Musa, repende vices:
 Ut quoniam dulces optat sic vivere, amicos;
 Vivat, & in libris sit sacer ille meis.

X.

X.

DE VENERE, ET DIANA.

INCULTAM adspiciens silvis Cytherea Dianam,
Risit, &, An tendes retia semper? ait.
Cui dea casta: Feris cur non ego retia tendam;
Tendere si potuit vir tuus illa tibi?

XI.

A D Æ G L E N.

ABSENTEM quæris, præsentem despicias, Ægle.
Non redamas; sed me vis in amore mori.

XII.

DE VENERE, ET PRIAPO.

TRACTABAT clypeum Marti placitura Dione:
Sævaque feminea sumferat arma manu.
Pone, dea, exclamat petulanti voce Priapus,
Pone; decent istas hæc magis arma manus.

XIII.

I N G E L L I A M.

QUEM tu nunc patrum, nunc patrem, Gellia, dicis,
Hic tibi nec patruus, Gellia, nec pater est.

XIV.

I N F L A C C U M.

NON largitur opes, & vult Epigrammata Flaccus.
Jure suo hæc poscit; vult sibi verba dari.

XV.

DE PETO COMPATRE.

PETUS deliciæ tuæ, Dione;
Uni cui Charitum sales beatos,

B b

Cui

- Cui fontes dederas facetiarum,
 Ac rifus fimul eleganter omnes;
 Petus mortuus est tuus, Dione, 5
 Petus Compater ufque ad astra notus.
 Qui puro niveæ colore mentis
 Vincebat nitidiffimos olores.
 Cui de lacteolis tuis papillis,
 Donarunt violas Jocusque, Amorque, 10
 Donavit teneram Thalia myrtum:
 Mox promens citharam decentiorem,
 Versus addidit eruditiores.
 O sævæ nimium, malæque Parcæ,
 Vestros non potuit tenere fufos 15
 Petus; qui rapidas domare tigres,
 Qui duras potuit movere quercus,
 Vestras non potuit colos morari.
 Sic, sic occidis heu, mifelle Pete:
 Nec te Pierides tuæ, nec ipfa 20
 Quæ te per Paphon, & Gnidon virentem,
 Per colles Amathuntios vocavit,
 Fatis eripuerè tam malignis.
 At non unanimes tui fodales,
 Quos tu pectore tam pio colebas, 25
 Quos triftes obitu tuo relinquis,
 Hoc duro tibi defuere cafu.
 Quin me trans Ligerim, ferosque Celtas,
 Lufrantem Morinùm pigras paludes,
 Dum quæro Oceani ultimos recessus; 30

Veris

Veris nuntius obruit querelis.

Ergo quid tibi tam vagus viator,
Cui nec pulchra Neapolis, nec alti
Colles Pausilypi, nec ipse adesset
Sebethos pater, aut pater Vesevus;
Inferre exsequiarum, amice, possem?

35

Rupem, quam vagus hinc, & inde Nereus
Alternata veniens retundit unda,
Accessi; & procul angulo in supremo
Stans, supra pelagi alluentis æstus,
Manes terque quaterque convocavi.
Hic fudi lacrimas amariores:

40

Hic vici gemitus vel unus omnes,
Omnes & simul omnium querelas.

Mox quamvis cineri tuo decentem

45

Pontanus tumulum pararit, ac te
Cognatas veneretur inter umbras;
Quamvis & diuturnius sepulcrum,
Quod nec sæcula vincere ipsa possint,
Divinis paret excitare chartis:

50

Nostrum non tibi quaecumque munus
Inter frigora, solitudinesque

Cessavit; nec honore te supremo

Fraudavi miser: hoc scit ipsa Tethys;

Scit late Oceani unda Gallicani.

55

Stant aræ tibi, stat videnda nautis

Terreni tumuli pusilla moles;

Et buxus super, & dicata quercus.

B b 2

Nam

196 EPIGRAMMATON

Nam myrtum regio illa non habebat.

Quæ jussit pietas sacrare, ut esset

Naturæ tibi terminus sepulcrum.

60

XVI.

IGNES NOCTURNI ROMÆ.

ADSPICIS, ut picti vultus imitetur olympi,

Certet & astriferos vincere Roma polos.

Scilicet hos, Auguste, tibi largitur honores;

Ne cupias magni tecta videre Jovis.

Alta coronatæ jactant incendia turres:

Et Vaticano fulmina monte tonant.

Dumque palam tantos cupit ostentare paratus

Urbs nimium in laudes ambitiosa suas:

Vivant astra, inquit, summo contenta tonante;

Parcat Augusto dummodo Roma suo.

5

10

XVII.

DE TYRANNIS, ET BRUTO.

QUUM tot Tarquinius passim confurgere cernas;

Miraris, Brutum cur ferat Italia?

XVIII.

INTUMULUM PUERI.

NATE, patris, matrisque amor, & suprema voluptas,

Accipe, quæ nobis te dare par fuerat.

Busta cheu, tristesque notas damus; invida quando

Mors immaturo funere te rapuit.

XIX.

XIX.

DE HERCULE, ET GANYMEDE.

PALLUIT Alcides teneri Ganymedis amore:
 Et vetus amissi cesserat ardor Hylæ.
 Quid linquet nobis puer hic? ait uxor: honores
 Eripuit quondam, nunc rapit ecce virum.

XX.

IN UFENTEM CRAPULATOREM.

NON futuit, non pædicat, non irrumat Ufens:
 Ista olim: quid nunc? aut vomit, aut comedit.

XXI.

IN DEGENERANTEM.

NOMEN avi, non facta refers: dicéris ab illo
 Alter; sed juvenis tu, precor, ille senex.

XXII.

DE JOVE, ET CUPIDINE.

DE Veneris nato quæsta est Dictynna tonanti,
 Quod nimis ille puer promptus ad arma foret.
 Tum pater accito ostendens grave fulmen Amori,
 Hoc tibi, sæve puer, spicula franget, ait.
 Cui lascivus Amor motis hæc reddidit alis:
 Quid si iterum posito fulmine cynus eris?

XXIII.

IN RICCIUM.

AEGROTAT sedis vitio, & male Riccius audit.
 Quid, si esset surdis Riccius auriculis?

XXIV.

XXIV.

DE DANAË, ET JOVE.

FORMOSAM Danaën munibat ahenæ curris:
Et satis hoc, vahus credidit esse pater.

Indoluit, teneræ miseratus fata puellæ

Juppiter, & subito factus amator, ait:

Ergo arcere potes natam divisque, virisque:

At si non arces imbris, imber ero.

5

XXV.

DE LUCIO GRAMMATISTA.

NOCTES, & noctes iterat dum Lucius, illi
Perpetuam noctem præbuit altus Arar.

XXVI.

DE VULCANO, ET VENERE.

HORRIDA cælicolis narrabat prælia Mavors,
Sævæque terribili capta trophæa manu:

Quod Venus audiret, doluit Vulcanus: &, Heus tu,

Inquit, an expectas, ut mea vincla canat?

XXVII.

DE SEIPSO.

MIRARIS, liquidum cur non dissolvor in amnem,
Quum numquam sictas cogar habere genas.

Miror ego, in tenuës potius non esse favillas,

Affidue carpanit quum mea corda faces.

Scilicet ut misero possim superesse dolori,

Sic lacrimis flammæ temperat acer Amor.

5

XXVIII.

XXVIII.

DE HERCULE, ET JOVE.

PENDEBAT Phrygii Tirynthius ore ministri;
 Delicias magno dum facit ille Jovi.
 Tum pater, haud equidem favi, fortissime, dixit,
 Formosum rapuit quum tibi Naïs Hylan.

XXIX.

DE VENERE, ET SOLE.

INDUERAT thoraca humeris, galeamque decoro
 Aptarat capiti, Marte iubente, Venus.
 Nil opus his, Sol, diva, inquit: sumenda fuerunt,
 Quum vos ferratæ circumîere plagæ.

XXX.

CATONIS TUMULUS.

Hic, ubi Libertas, magni & jacet umbra Catonis,
 Quam melius poterant Cæsaris ossa regi!

XXXI.

DE VENETORUM SIGNIS.

ROMANAS Aquilæ postquam liquere cohortes;
 Magnanimus turmas ducit in arma Leo.

XXXII.

DE ANDREA MATTHÆO AQUIVIVO,

DUCE HADRIÆ.

MOESTA Bituntinæ duxerunt otia Nymphæ,
 Nec Faunis solitos exhibuere choros.
 Scilicet optato quidquid sine principe cernunt,
 Ingratum est; tantus principis urget amor.

Nec

200 EPIGRAMMATON

Nec satis est, positis arcum sprevisse sagittis, 5
 Questibus & totos continuasse dies:
 Ast etiam nostris faciunt convicia terris:
 Et nos Sirenas, Lotophagosque vocant.
 Vera loquor: divæ, veniam date vera loquenti:
 Non amor hic certe, sed magis invidia est. 10

XXXIII.

DE THELESINÆ CRINIBUS.

DUM nectit flavos auro Thelesina capillos,
 Contraxit radios Phæbus, & erubuit.
 Mox hæc ad superos: En auro jungitur aurum:
 Hoc est mortales, hoc superare deos.

XXXIV.

IN GALEATIUM CARACCIOLUM.

HIPPOLYTEN, Leden, Thelesinam diligis unus:
 Dic mihi, quid tota restat in urbe boni?

XXXV.

IN THEATRUM CAMPANUM.

DICITE, semidei, silvarum numina, Panes,
 Et si qua adventu es Nympha fugata meo:
 Cui licuit tantas faxorum evertere moles,
 Quas jam disiectas vix nemora alta tegunt?
 Hisne olim fucta est cuneis Campana juvenus 5
 Amphitheatrales læta videre jocos?
 Nunc ubi tot plaususque hominum, vocesque canoræ,
 Tot risus, tot jam gaudia, tot facies?
 Scilicet, heu fati leges! rapit omnia tempus;
 Et quæ sustulerat, deprimit ipsa dies. 10

XXXVI.

XXXVI.

DE FONTE MERGILLINES.

EST mihi rivo vitreus perenni
 Fons, arenosum prope litus; unde
 Sæpe discedens sibi nauta rores
 Haurit amicos.
 Unicus nostris scatet ille ripis, 5
 Montis immenso sitiente tractu,
 Vitiſer qua Pauſilypus vadofum ex-
 currit in æquor.
 Hunc ego vitta redimitus alba,
 Flore, & æſtivis veneror coronis; 10
 Quum timent amnes, & hiulca ſævum
 Arva Leonem.
 Antequam feſtæ redeant Calendæ
 Fortis Auguſti, ſuperantque patri
 Quattuor; luces; mihi tempus omni 15
 Dulcius ævo.
 Bis mihi ſanctum, mihi bis vocandum,
 Bis celebrandum potiore cultu,
 Duplici voto, geminaque ſemper
 Turis accerra. 20
 Namque ab extremo properans Eoo,
 Hac die primum mihi vagienti
 Phœbus illuxit, pariterque dias
 Haufimus auras.
 Hac & inſigni peragenda ritu 25
 Sacra ſolennes, veniunt ad aras

C c

Na-

Nazarî, unde omnes tituli, meæque
 Nomina gentis;
 Nazarî vastas cohibentis undas
 Æquoris, sævosque domantis ætus, 30
 Quidquid & vani truculenta iussit
 Ira Neronis.
 O decus cæli, simul & tuorum,
 Rite quem parva veneramur æde;
 Cui frequentandas populis futuris 35
 Ponimus aras:
 Si mihi primos generis parentes,
 Si mihi lucem pariter dedisti:
 Huc age; & fontem tibi dedicatum
 Sæpe revise. 40

XXXVII.

D I V O N A Z A R I O.

NATALI quod, divè, tuo lucem editus hausi;
 Quod tua nascenti lux mihi prima fuit:
 Adius hoc riguo parvum cum fonte sacellum
 Dedico; tu nutu fac rata vota tuo:
 Ut quæ Sextiles lux venerit ante Calendas 5
 Quarta, sit hic generi bis celebranda meo;
 Et quod solennes revocat tua festa per aras,
 Et quod natalem contigit esse meum.

XXXVIII.

DE LAURO, AD NERITINORUM DUCEM.

ILLA desum lætis olim gestata triumphis,
 Claraque Phœbææ laurus honore comæ,

Jam-

Jampridem male culta, novos emittere ramos,
 Jampridem baccas edere desierat.
 Nunc lacrimis adjuta tuis revirescit; & omne 5
 Frondiferum spirans implet odore nemus.
 Sed nec eam lacrimæ tantum juvere perennes,
 Quantum mansuro carmine quod colitur.
 Hoc debent, Aquivive, duces tibi, debet & ipse
 Phœbus; nam per te laurea silva viret. 10

XXXIX.

IN TUMULUM COTTÆ VERONENSIS.

SPERABAS tibi, docta, novum, Verona, Catullum:
 Experta es duros bis viduatâ deos.
 Nulla animum posthac res erigat: optima quando
 Prima rapit celeri Parca inimica manu.
 Quæ tamen ut vidit morientis frigida Cottæ 5
 Ora, suum falsa est crimen, & erubuit.

XL.

IN PICENTEM MEDICUM.

QUOD noctu latras, quod fellas olfacis unus;
 Da veniam, Picens, hoc canis est vitium.
 Sed quia tu Cynicus vis dici, & clinicus idem;
 Esse idem poteris merdicus, & medicus.

XLI.

DE FERDINANDO JUNIORE.

SI merita audieris Ferrandi, Nestora credas:
 Si numeres annos, dixeris Antilochum.

XLII.

I N Q U E M D A M.

NE valeam, Superi, bene si facere hic pote, quem fors
 Exsilio, & vinclis vexit ad imperium.
 Et peream, ni cuncta evertere jam volet hic, qui
 Nil meminit præter vincula, & exsiliium.

XLIII.

TUMULUS, IN QUO FLORATUR
 FILIUS UNICUS.

CUR heu Lætitiâ falso dixere parentes,
 Tristitiâ qui me dicere debuerant?
 Natus erat miseræ lux unica matris, ocellus
 Unicus; hunc Lachesis noxia subripuit.
 I nunc, vel Nioben confer mihi; cuius habet fors
 Hoc melius, fieri saxeâ quod potuit.

XLIV.

I N P I C T U R A M.

ANNA parens, cui cælestem sperare nepotem
 Contigit, intactæ virginis, Anna, parens:
 Ut tandem te te meliori in sede locares,
 Credibile est artes edidicisse novas.
 Scilicet obscenæ semper convicia turbæ,
 Et scelera antiqui perpetiar domini?
 Vix hæc; & medicas invadis protinus artes;
 Nec mora, jam cæcis lumina restituis.
 Accurrunt ægri; complentur compita rhedis;
 Occupat angustas sedula turba vias.

Ecce

10

Ecce in quo picta es, paries exscinditur; & te

Accipit hospitio nata benigna pio.

Nimirum sapias, Anna; hoc contulit ipsa senectus:

Haud aliter poteras hac caruisse domo.

XLV.

DE JUNONE, ET GANYMEDE.

JUSSERAT Iliacum mensis additare ministrum

Juppiter: at conjux, Quis mihi miscet, ait?

Ille verecundis libat crystalla labellis:

Cui dea: Amatori da, puer, ista tuo.

XLVI.

IN CATONIS LAUDEM.

QUÆ tegit extinctum cum Libertate Catonem;

Insultat tumulis, Cæsar, arena tuis.

XLVII.

DE HOMERO IN LATINUM VERSO.

QUID septem de vate sacro contenditis urbes?

Ecce potest civem dicere Roma suum.

At vos aut nostrum, si fas, auferte Maronem;

Aut alium vobis quærite Mæoniden.

XLVIII.

IN TUMULUM ASSANII.

TU, qui disiectos artus, inhumataque furtim

Assanii occulto membra refers tumulo;

Macte animi pietate, tamen nihil irrita busti

Gloria tam claros adferet ad cineres:

Quandoquidem voluit potius sic sparsa jacere,

Quam cadere ad tristes nobilis umbra rogos.

Nunc

Nunc late exigui fines egressa sepulcri,
 Eoum fama verberat Oceanum.
 Contempsit dulcemque animam, floremque iuventæ;
 Sanguine ut agnato dedecus elueret. 10
 Quumque hausit sævi stricto latus ense tyranni;
 Laudem obitu statuit quærere, non tumultum.
 Quodque magis mirere; hilaris, ridensque cruentos
 Carnificis cultros cernere sustinuit.
 Dissimulet patriam; taceat nomenque, genusque: 15
 Qui facit hoc, dicit se Lacedæmonium.

XLIX.

IN TUMULUM CAUDOLÆ.

HEU quæ te rigidi rapuit vis effera fati;
 Quis matri miseræ tot peperit lacrimas,
 Flos veterum, Caudola, virum? tibi mœsta sepulcrum
 Illa dedit, tristes Actius hos titulos;
 Hos titulos; qui te nigras descendere ad umbras, 5
 Obduci Stygia non patiantur aqua.
 Tempora miretur quivis sua: talis Achilles,
 Talis, quum caderet, Martius Hector erat.
 I, precor, i nullos non durature per annos,
 Nestoreos qui jam vivere dignus eras. 10

L.

DE JOVE, ET AMORE.

JUPPITER infractos jactat dum sæpe gigantes;
 Et sibi servati dat decus omne poli:
 Sic est, inquit Amor; namque hoc mugire solebas
 Tunc quoque, quum torva fronte juvenus eras.

LI.

H Y M N U S A D D. N A Z A R I U M.

NAZARI, heu quis me tibi ad hanc supremi
Litoris ripam, quis ad hos putasset
Tethyos fluctus, quis ad has daturum
Tura paludes?

Post tot emensos pelago labores, 5
Tot pererratos populos, sub ipso
Fine terrarum datur ecce amicum
Cernere numen.

Ergo in extremis, pater alme, terris
Barbaræ norunt tua sacra gentes, 10
Qua latus dextrum Liger æstuosis
Objicit undis.

Jamque & Aulercos genus acre, & ipsos
Cernis ad te Lexovios citato
Effedo, & picta volitare flavos 15
Puppe Britannos.

O mihi semper geniale cæli
Sidus, o famæ decus omne nostræ,
Auctor o idem mihi gentis, & spi-
rabilis auræ. 20

Se tibi debet proavorum origo, &
Sanguinis si sunt decora ulla nostri:
Debet & præsens genus, & futurum,
Debet & hæc lux

Sacra; quæ magnum mihi prima Solem 25
Obtulit nascenti, & inane aperti

Aeris,

Aeris, pulchrosque micantis æthræ

Tot simul ignes!

Hinc tuis per me dare grata templis

Munera, hinc natalitias coronas

Annuis suevit sociare fertis,

Dum fuit hæc fors.

Nunc in ignotis vagor ecce campis,

Regis heu cari exilium secutus;

Dum fides, & fas, & amor, piusque

Me rapit ardor.

I, puer, buxum nemore e propinquo

Collige, & siquas tibi litus offert

Quercuum frondes: celebrare moestum

Sic juvat annum.

O, ubi dulces patriæ recessus

Abluis, Sebethe, loca illa myrto

Consita; o, qui Paulilypi virentes.

Det mihi citros,

Qua tuum lambens maris unda fontem

Margines parvi minuit facelli,

Nostrium opus; quo se recreet quotannis

Læta juvenus.

Quæ tibi sacris operata arenis,

Frondebis remos, celeresque cymbas

Ornat; & forsan mea nunc, ut olim,

Dona requirit.

Heu, pater, cur heu mihi ad institutos

Non licet jam jam properare cursus?

Cur

Cur vetor templis, & adesse ludis 55

Rite dicatis?

Sit fatis ventos tolerasse, & imbres,

Ac minas fatorum, hominumque fraudes:

Da, pater, tecto salientem avito

Cernere fumum. 60

LII.

DE AMORE FUGITIVO.

QUÆRITAT huc illuc raptum sibi Cypria natum:

Ille sed ad nostri pectoris ima latet.

Me miserum, quid agam? durus puer; aspera mater;

Et magnum in me jus altera, & alter habent.

Si celem; video; quantus deus; ossa peruret; 5

Sin prodam; merito durior hostis erit.

Adde, quod hæc non est, quæ natum ad flagra reposcat,

Sed quæ de nostro bella cruore velit.

Ergo istic, fugitive, late; sed paucius ure:

Haud alio poteris tutior esse loco. 10

LIII.

DE CAMILLA SCALAMPA MEDIOLANENSI.

FUMANTEM ambustis olim Phaetonta quadrigis

Excepit rapidis fluctibus Eridanus.

Ecce recens, Ticine, tibi de Sole trophæum

Ergit auratis culta Camilla comis.

Nam deus ille tuis ausus concurrere ripis, 5

Majoris numen sensit adesse deæ.

O fatum fluviorum! ergo nova fabula vestris

Semper erunt Nymphis aut pater, aut Phaeton.

D d

LIV.

LIV.

DE VIOLANTE GRAPPINA,

FEMINA PRÆCLARISS.

DIALOGUS VENERIS, ET AMORIS.

VEN. **U**NDE mihi has violas affers, puer? Am. accipe, mater;
Quando aliud calida de nive nil potuit.

VEN. De nive tu calida violas? Am. perstrinxit ocellos
Candor; & ecce, nivem quod puto, pectus erat.

VEN. Mira refers: sed tela ubi sunt illa aurea? Am. habebam 5
Quum legerem violas; nunc Violantis habet.

L V.

DE MORINNA.

SIT spectanda comis, sit pulchro corpore tota;
Sit Venus, & blandas spiret ab ore rosas:

Aoniaeque deas, ipsam quoque Pallada vincat

Ingenio; & dulci pectore mella fluant: 10

Dum tamen ire mihi noctes Morinna quietas, 5

Et sinat arbitrii libera jura mei.

Arsimus, & primos miseri deflevimus ignes:

Hoc satis: extremo turpe in amore mori.

LVI.

AD ANIMUM SUUM.

ARSISTI; & miseras consumpsit flamma medullas;
Aridaque in cineres ossa abiere leves:

Flevisti; roremque oculi fudere perennem;

Sebethus lacrimis crevit & ipse tuis;

Ardendi, flendique igitur quæ tanta cupido est? 5

O anime, exsequias discere timere tuas;

Neve

Neve iterum tua damna, iterum tua funera quæras:
Sirenum scopulos præteriisse juvet.

LVII.

DE CASSANDRA MARCHESIA.

DESINE formosæ dotes numerare puellæ;
Desine jam extinctas sollicitare faces.

Nam dum sæpe comas, frontemque, humerosque, manusque
Commemoras; proprios exstruis ipse rogos.
Dumque oculis Cassandra, animo Cassandra recurſat; 5
Cassandra heu mentis jus habet omne tuæ;
Blandus Amor tacitis subrepsit in ossa venenis.
Sic sibi vel fatum quilibet esse potest.

LVIII.

HYMNUS DIVO GAUDIOSO.

GAUDETE, cœtus virginum,
Plenas habentes lampadas:

Sponsus sacras ad nuptias
Venit repente: surgite.

Venit serenus Lucifer, 5
Nocturna pellens sidera:
Optata lux solennibus
Adest dicata gaudiis;

Lux clara, qua fugans nigram
Mundi fator caliginem, 10
Vestri latere gloriam
Patris diu non passus est;

Qua Gaudioſi ſegmina,
Tot inreperſa ſæculis

Suis videnda civibus 15
 Dives retextit urnula.
 O ter beate & amplius,
 Lapis pusille, qui tuo
 Tanti verendum præsulis
 Sinu recondis pulverem! 20
 Præsul sed o beatior,
 Claræ decus Neapolis,
 Tuæ benignus patriæ
 Fer, Gaudiose, gaudia.
 Adsit fides, & veritas; 25
 Adsit probata castitas:
 Morbos, famem, pericula
 Tuis repelle mœnibus.
 Ergo tibi sit gloria;
 Inseparata Trinitas, 30
 Verbum, Paterque, & Spiritus,
 Qui condidistis omnia.

LIX.

DE EODEM AD VESPERAS.

AUDIAT surgens pariter, cadensque
 Sol tuas laudes, meritosque honores,
 Urbis o nostræ columen, tuæque
 Gloria gentis.
 Audiat cælum, mare, terra, & aer, 5
 Annuos ritus tibi dum novamus,
 Dum damus flammis adolenda sacris
 Tura per aras.

Huc

- Huc ades festa redimite fronde,
 Cælitum plausus, choreasque linquens; 10
 Et tuam sedem, tua, Gaudiose,
 Ossa revise;
 Ossa, quæ longa tumuli sub umbra
 Abdita, ignaras latuere gentes;
 Nocte mox pulsa redeunt apertas 15
 Lucis in auras.
 Hic dies nobis celebrer, precamur,
 Lætior semper redeat, nec ullos
 Hostium motus ferat, aut maligni
 Sideris æstus. 20
 Da tuis longam, venerande, pacem
 Civibus, da perpetuos honores,
 Da bonam mentem, superique plenos
 Luminis haustus.
 Justa poscentes animos benignus 25
 Adjuva; injustos moderare sensus.
 Sentiant per te patuisse castis
 Æthera votis.
 Laus tibi, cæli pater, atque princeps,
 Omnium rector simul & creator; 30
 Quem fides veri studiosa Trinum
 Credit, & Unum.

LX.

A D D I V U M N A Z A R I U M.

DIVE, cui vasti metuenda ponti
 Vis, & iratæ famulantur undæ;

Quem

- Quem per & spumas gradientem, & æstus
 Nauta vocavit,
 Ah miser pœnas pelago daturus, 5
 Quum niger circumstreperet procellis
 Auster, & turbata minax feriret
 Sidera fluctus:
 Te, mihi sanctum, patriumque numen,
 Te canam, gentis column Latinæ, 10
 Auream prolem patris Africani,
 Perpetuæque
 Matris heu vulnus grave, dum relictis
 Tibridis ripis, Italoque cælo,
 Sponte trans Rhætos iter, & nivosas 15
 Arripis Alpes;
 Lacte depulsus velut ille, primi
 Quem rapit cursus generosus ardor,
 Pullus, & matrem fugit, & rapaces
 Transilit amnes. 20
 Mox & ad Rhenum, horribilesque tendis
 Troverûm gentes animosus hospes,
 Morte festinans capere invidendæ
 Præmia palmæ.
 Hic, ubi e caræ gremio parentis, 25
 Jam necis magnæ comitem futurum,
 Excipis Celsum, pater, & salubri
 Perluis unda.
 Perluis totas, mora nulla, & urbes:
 Undique exhaustis properatur agris: 30

Bar-

Barbaros gaudent Druidæ sacrorum

Ponere ritus.

Nazarî nomen, meritique famam

Audiit, siquem Liger in remotis

Occulit ripis, refugove inundat

Sequana cursu.

35

Te neque injusti rabies Neronis,

Impios jam jam minitantis ignes,

Non per exsertos Anolinus urgens

Terruit enses.

40

Jam voluptatum, gelidæque victor

Mortis, & lapsi reparator orbis

Diceris, milesque peræque Iberis

Notus, & Indis.

Ergo speratum, genitor, triumphum,

Et parum factis meruisse cælum est:

Aureum vultu jubar, & coruscus

Fundis honores.

45

Salve io, magni nova lux olympi,

Cui per extentas operosa terras

Templa tot surgunt, calidisque fumant

Ignibus aræ.

50

Nos tibi hac grata scopulorum in umbra

Rite parvis ædiculam columnis

Ponimus; nos perpetuo sacramus

Munere fontem.

55

Accipe æstivam, nova festa, citrum, &

Virgines lauros, gracilesque myrtos,

Quos-

Quosque Mergillina tulit propinquo.

Litore odores. 60

O mihi longos liceat per annos

Hic sacra, & festos renovare ludos,

Et tuum castis sine fraude votis

Poscere numen.

LXI.

DE FERDINANDO HAVALO,
PISCARIÆ PRINCIPE.

ADMOVEANT iterum cælo si castra gigantes

Hoc duce, quo Ligurum gloria fracta jacet:

Cum Marte Enceladus, cum Phœbo signa Typhoeus

Conferet, ipse Havalus cum Jove bella geret.

LXII.

IN NOLA MURBEM.

INFENSUM Musis nomen, male grata perenti

Virgilio optatam Nola negavit aquam.

Noluit hæc eadem Joviano rustica vati

Hospitium parvæ contribuisse moræ:

Iccirco nimirum hoc dicta es nomine, Nola, 5

Nolueris magnis quod placuisse viris.

At tibi pro scelere hoc cœnosa fusa per agros

Exhaustit populos Styx violenta tuos.

Jamque quid, o nullis abolenda infamia sæclis;

Imprecer? & cælum desit, & unda tibi. 10

LXIII.

LXIII.

I N L Y G D A M U M.

QUÆRIS, Lygdame, musca cur voceris?
 Nam musca es, mihi crede, tam molesta;
 Quam nec sunt culices, gravesque fuci,
 Quam nec vermiculique, cimicesque.
 Unum te tamen arceat necesse est,
 Turdellæ auxilium cacantis, ut te
 Non muscaria, milvique caudæ,
 Non alæ accipitrum potentiorum
 Avertant, abigantque sævientem.



E c

ACTII



ACTII SYNCERI
 SANNAZARI
 NEAPOLITANI
 EPIGRAMMATON
 LIBER III.

I.

MARIÆ GARLONIÆ GRAPPINÆ.



RORAGO formosæ arboris

Formosa virgo, quæ vagos

Inter orta Cupidines,

Veris lilia vincis,

Rosasque molles, & croci

5

Pulchre rubentis igneum

Florem, & uvidulas comas

Halantis hyacinthi:

Redisti avitos ad lares,

Felicem ocellulis tuis

10

Redditura Neapolim,

Caro adnixa marito:

Re-

- Redisti ad optatos choros
 Æqualium; & probos sinus
 Matris, ac bene cognitum
 Fratris dulcis amorem. 15
- Quis o, quis hunc albo mihi
 Signet diem lapillulo?
 Quis Sabæa calentibus
 Addat munera flammis? 20
- Vocanda Musarum cohors.
 Huc huc, benigna; & abditam
 Barbiton cape, myrteis
 Frontem vincta coronis, 25
- Thalia: quid dignum tuo
 Promis favore? quid bonæ
 Voce, vel fidibus student
 Respondere forores?
- Sed esse quid lætum, deæ,
 Hic absque amoribus potest? 30
 Non movet Chione suis,
 Non me Lyda papillis.
- Procul faceffant hinc malæ,
 Sæcli pudor, libidines.
 Mi fat est, minuat graves 35
 Si Garlonia curas.
- Juventa, cur me tam cito
 Ludendo inepta deferis?
 Hæc erat facies novis
 Non fraudanda libellis. 40

II.

AD CASSANDRAM.

QUARTA Charis, decima es mihi Piëris, altera Cypris,
Cassandra una choris addita diva tribus.

III.

SE FIDEM SERVATURUM.

SI post fata novos animas errare per artus,
Vera docent Samii dogmata nota senis;
Nec pote mens eadem mutari, seu ferus altis

Erret aper silvis, seu vaga cantet avis:

Ipse ego (mens quoniam est uni servire puellæ)

5

Exfurgam mœstis turtur ab exsequiis.

IV.

AD FEDERICUM.

LITIBUS abstinui semper; mihi testis Apollo est,
Et Musæ, & studiis otia grata meis.

Nunc me nescio quis per tristitia jurgia versat

Scotius, & rauci cogit ad arma fori.

Es fateor magnus pulsus, rex inclyte, Gallis:

5

Pelle etiam Scotos, & mihi major eris.

V.

AD EUNUM.

QUIDQUID erat tripodum Cumis, Delphisque, petisti,
Discere fortunam dum cupis, Eune, tuam.

At deus: Exstabis supra regesque; ducesque:

Veridico tandem rettulit ore tibi.

Tu tamen hinc vanos sumsisisti, Græcule, fastus:

5

Jam magni dominus, jam pater, orbis eras.

Ecce

Ecce crucem ascendis. non te deus, Eune, fefellit:

Omnia sunt crepidis inferiora tuis.

VI.

AD PORCIAM BRANCIAM,
ET ISABELLAM SOROREM.

PORCIA, & Isabella, venustæ pignora matris,

Dicite, quis vestras non amet illecebras?

Tu quoque dic, tali quum sis dignissima partu,

Quis, Leonora, tuo nolit ab igne mori?

Natarum illecebris, matris simul ignibus uri

5

Qui cupit, is mortis flagrat amore suæ.

Vita, vale: in lucro est periisse: sed hoc reliquum, Mors,

Quod finis, est ipsis vix satis exsequiis.

VII.

*In nonnullis Editionibus hoc Epigramma occurrit, quod fortasse
ab ACTIO reiectum, extra cæterorum
numerus vagari cæpit.*

QUUM A PATRIA DISCEDERET.

PARTHENOPE mihi culta, vale, blandissima Siren:

Atque horti valeant, Hesperidesque tuæ.

Mergillina, vale, nostri memor: & mea flentis

Serta cape, heu domini munera avara tui.

Maternæ salvet umbra: salvet, paternæ:

5

Accipite & vestris turea dona focis.

Neve nega optatos, virgo Sebethias, amnes:

Absentique tuas det mihi somnus aquas.

Det fesso æstivas umbras sopor: & levis aura,

Fluminaque ipsa suo lene sonent strepitu.

10

Exsi-

Exilium nam sponte sequor. Fors ipsa favebit:

Fortibus hæc solita est sæpe & adesse viris.

Et mihi sunt comites Musæ: sunt numina vatum:

Et mens læta suis gaudet ab auspiciis.

Blanditurque animi constans sententia: quamvis

15

Exilii meritum sit fatis ipsa fides.

Actii Synceri Sannazarii Carminum Finis.



ILLUSTRIUM POETARUM
CARMINA
AD SANNAZARIUM,
ET DE SANNAZARIO.

† JOANNIS PARDI Responsio ad Elegiam II. Libri I.
Sannazarii, quæ incipit: *Parde decus patriæ.* pag. 88.

ACCI, cui simplex peperit facundia nomen
SYNCERI, & vitæ candida simplicitas:
Si pecus exiguum nobis, si commodus esset,
Qui pecus, & dominum pascere posset, ager;
Ipse quoque in silvis non dedignarer opacis
Vivere, quas magni diique deæque colant.
Ruris deliciis fruerer, rurisque labores
Exciperem, fessis sæpius agricolis.
Hic ego longa meæ cupissem stamina vitæ
Deduci, hic atram rumpere fila diem.
Par igitur nobis studium, disparque facultas;
Hinc sequimur vitæ munera disparia.
Ergo prædiolis tu, qui potes, utere avitis,
Pinguis & Siculis pasce pecus gregibus:
Mi quia nulla soli natalis cura relicta est,
Cura sit externi fidereique soli.

† HIERONYMUS CARBO ACTIO SYNCERO.

QUUM tibi cælesti faveat de virgine natus,
Mystica cui vatium sacra canenda dedit:
Quumque ingens nova Musa decus, laudemque paravit,
Innectens capiti Delphica ferta tuo:
Famaque quum volitet circum plaudentibus alis,
Gestiat & sacra limina adisse domus,
Quid cessas, SYNCERE, fores referare, deamque
Excipere, & docto continuasse sinu?
Illa tibi referet, quanto expectata triumpho
Carmina, & ingenii sint monumenta tui.

Sur-

*Surge igitur, vivensque piæ cape præmia curæ.
Post cineres sera est gloria, serus bonos.*

CLEMENTI VII. PONTIFICI MAXIMO

† ANTONIUS DONATUS Andreæ Matthæi filius
AQUIVIVUS Joviæ Comes.

EN tibi, summe pater, sacros referentia partus
ACTIUS Aonidum munera rara dicat.
*Quæ non furta Jovis, vane aut mendacia Græcæ,
Aut ortam ex undis commemorant Venerem:
Sed puerum cæli dominum, regemque, Deumque,
Quem peperit salva virginitate parens.
Fama canit soli vultus licuisse per artem
Lysippo regis reddere posse sui:
Hec igitur si cura fuit mortalibus, ut se
Præclaro vellent fingier artifice,
Te merito CHRISTI laudes, pater alme, juvabit
ACTIACO scribi carmine, non alio.*

† JO. JOVIANUS PONTANUS de Hortis Hesperidum
libro II. ubi agit de Limonibus, & earum cultu.

QUalem prærupti sub vertice montis, adeso
Litore, secessu in molli, sub riupe cavata,
Et Baccho felix, felix Amathuside myrto,
Froncenti & lauro Neptunia Mergilline
Læta colit: non æstus eam, non frigora tentant;
Non rivi crepitantis opem, non fictilis urnæ
Exoptat sitiens, large quam Thespias unda,
ACTIAQUE Aoniis irrorent dolia lymphis.
Ab fatum crudele hominum, & fors irrida votis!
Ignotos nunc per populos, per Gallica regna
Horrentem ad Rheni ripam, atque ad Norica saxa
Exsulat, Oceanique vada ad squallentia tabo
Navisfragum, extremos queritur SYNCERUS ad Anglos.
Interea sitiunt Citri, ac Limonide in umbra

Tor-

CARMINA IN SANNAZ. 225

*Torpet humus. decor ille borti fragrantis, & aurea
Pleiadum intereunt mala, ac sine bonore relictum
Litus, & errantem dominum lacrimantur arena.
At Nympha e scopulis, summiq; cacumine saxi
Incusatque deos, cælumque & sidera damnat:
Et saxa, & miserae responsant antra puellæ.*

† GABRIELIS ALTILII ad ACTIUM SYNCERUM, & M. Antonium fratres Epistolam Consolatoriam in matris funere quære infra in Carminibus ejusdem Altilii.

C H A R I T E I.

HOS libros Juvenalis, atque Persu
SYNCERUS Cbariteio sodali
Misit ACTIUS, optimus poëta.
Ille maximus omnium poeta
Quos arguta Neapolis creavit:
Quem SANNAZARIUM autumat vetustas:
Mi dono dedit aureos libellos,
Ornatos minioque purpuraque.
Quare vos agite, o bonæ Camœnæ,
Meo nomine gratias amico;
Virgo cui faveat parens tonantis:
Titboni ut superet perennis ævum,
Suis perpetuo & bonis fruatur.

JOANNIS PIERII VALERIANI.

O Faustos bodie meos ocellos,
Quæis tantum licuit videre pulchri!
Ut nunc subsiliuntque gestiuntque!
Ut cordi, utque animo, intimæ ut medulle
Spargunt illecebras petulciores!
Quæis demum licuit videre amatam
Illam illam faciem optimi poetæ
ACTII, qui Italicum melos polivit,
ACTII, qui columen cbelys Latine;

F f

Qui

*Quis summum decus Attici est leporis.
O faustos hodie meos ocellos!*

† Ejusdem. ex Elegia ad ACTIUM SYNCERUM de
Amantium Metamorphosi.

TU vero, nostri lux o clarissima sæcli,
Qui pessum ævi hujus non sinis ire decus,
Dum canis humana divinum in virgine sætum,
Divinos partus, progeniemque novam:
Dum rapidum mediis ignem expiscaris in undis,
Sive tibi Chloris, seu Galatea placet:
Quo modulante novem gaudent premere ora sorores,
In numeros Italus, sive Latinus eas.
Cur, ACTI SYNCERE, meum misereris amoris,
Quo sine dein nobis nulla futura salus? &c.

BASILII ZANCHII. ex Elegia in Lycinnam, ad ACTIUM
SYNCERUM SANNAZARIUM. pag. 188. Carm. ed. Basil.

ACTI, plectra movet cui lenia pulcher Apollo;
Gratia cui dulci semper in ore sedet:
Te viridis Sebetus habet, te florea Tempe
Cantantem faciles inter Hamadryadas:
Nunc molles Elegos, nunc culta Epigrammata pangis;
Nunc etiam magno digna Marone sonas.
Nec pudet Arcadia carmen duxisse cicuta;
Querere nec densas Phyllida per salices:
Nec manibus tepidi tractare coagula lactis,
Nec calathos lentis texere viminibus.
Et tua litoreæ respondent carmina Nymphae,
Saltat & ad numeros Natca turba tuos.
Quidquid agis (nam te nunquam cessare putandum est,
Tradere nec molli pectora desidiæ)
Nemo est, crede mihi, te fortunatior uno,
Nec cui tot dederint numina delicias. &c.

Ejus-

† Ejusdem Nænia in ACTIUM SYNCERUM
SANNAZARIUM, ibid. pag. 159.

SUCCESSOR jam, Phœbe, tibi vaga cornua Phœbe
Junxerat, & puri fulgebant ætheris ignes:
Et faciem Terræ nigrantibus borrida pennis
Texerat, & somnos fessis mortalibus alma
Nox tulerat: quum me placidus sopor occupat alta
Pausilypi sub rupe, novi qua lumina Solis
Prospicit, & placido jactantes retia ponto.
Quam subter jacet apricis circumdata campi
Planicies: hic aura levis per florea Tempe
Ludit, & afflata fleuntur leniter herbe.
In medio dulci crepitantes murmure rivi
Subsiliunt, circumque viret densissima silva,
Ipsa suis manibus rerum Natura creatrix
Quam sevit: non ulla comis decussit bonorem
Ventorum vis seva: riget non illa pruinis,
Non nivibus solita est canis albescere silva,
Nec gemit, aut raptis nemus omne immurmurat umbris;
Æterno sed vere tepet letissima tellus.
Hic dens non una sedens philomela sub umbris,
Nunc summo pendet ramo, nunc carmina mille
Concinit, & pennas radius expandere gestit.
Nunc querulos inter nidos confusa volucrum
Turba canit, cantuque diem letata salutat.
Ecce autem, dum membra rigat languentia somnus,
Extollens sese tota mestissimus unda
Sebethus, viridi limo vorantia tectus
Corpora, muscosoque comas velatus amictu
Astitit, & mediis clarum sese obtulit umbris,
Talia vociferans: Quis te, SYNCERE, deorum
Abstulit, & nostris invidit, candide, terris?
Hoc erat, hoc latices quod jam mirabar amarus,
Quod prærupta procul fumabant summa Vesuvi.
Tu vero quid membra foves? age lumina solve
In fletum: lacrimisque diu testatus ademptum,
Et tumultum statue, & tumulto solennia mitte.

Confestim excussus somno ter pectora planxi,
 Ter gemitu implevi tristis nemora omnia circum:
 Et tandem in fletum lacrimantia lumina solvi.
 Tu mecum o, quæ saxa colis, quæ funera cantas
 Conjugis amissi, tristes meditare querelas,
 Alcyone. vos o pietis Acheloides alis,
 Antiqua Tellure satæ, coniungite luctus.
 Tuque adeo, quondam felix, cantataque Musis,
 Partbenope, mecum inferias, & funera vati
 Redde: iterum crines, iterum discissa papillas,
 Post magni occasum, supremæque fata Maronis.
 Quis nunc te nobis, qui nunc, SYNCERE, deorum
 Abstulit, & nostris invidit, candide, terris?
 Nimirum paullo ante feri data signa doloris:
 Nec mens læva fuit. caput aureis occuluit Sol
 Nube cava: septemque dies, septem æthera noctes
 Vidimus in liquidos totum dissolvere imbres:
 Et mœrens canum excussit caput Apenninus,
 Et castella humeris tremuere hærentia duris.
 Nec tamen infletum linquam te, nobilis ACTI:
 Accipe, terra, meas lacrimas: vos flebile carmen
 Ingeminate pius commote questibus auræ.
 Te mecum e vitreis Lucrinæ Naidæ antris,
 Te flebit conjuncta meis Euphræa querelis,
 Inarime, Prochyteque fero circumdata ponto,
 Nesus, & assiduo pulsata Megulia fluctu:
 Te placidus Limon, te felix palmite Gaurus,
 Teleboûmque domus, dilectæque litora Baje,
 Teque Dicarchæi portus, te proxima Cyme,
 Enariæque lacus celebres, & Vesoia rura,
 Te referent veteris resonantia saxa Minervæ.
 Te Stabiæ, te terrigenum perfusa cruore
 Terra gemet: funusque tuum, laudesque sonabunt
 Arva tibi dilecta, Ceres, tibi cognita, Bacche.
 Vos patrii mecum, vos suspirabitis amnes,
 Flebitis & virides toto cum flumine ripæ.
 Vos mecum rigidi montes, vos invia lustra,
 Vos gelida valles discetis flere, meique

Te-

Testes vos eritis circum nemora alta doloris:
 Testis erit, quæ sola gementibus ingemit Echo:
 Testis erit, qui cuncta videt, qui luce recludit.
 Præterea Serri in ripis viridantibus alti
 Nulla erit e duro quæ non in cortice signet
 Populus ab æstium, & semper lacrimabile carmen.
 Quis nunc te nobis rapuit, SYNCERE, deorum?
 En tibi Parthenope tumultum æstissima mater
 Construit, & Pario decorat tua funera saxo,
 Atque sepulcrales longinqua in secula pompas.
 Has lacrimas, vultusque a vertice Mergillina
 Cesariem, & violam, & candentia lilia fundit.
 Has nassas, hæc lina tibi, SYNCERE, sepulto
 Piscator dicat: & soli cantare periti
 Arcades bos calamos, & pastoralia ferta
 Apportant: tu dona libens, tu vota benignus
 Suscipe, & o tantos præsens solare dolores.
 Parva loquor: te Nereidum, te docta fororum
 Musarum venerata cohors, te mater Amorum
 Flëbilibus modulata modis, tibi funera solvit,
 Et tumultu lacrimas oculis turgentibus addit,
 Et tumultu densas inducit sedula lauros:
 Et Paphia vestit myrto, & pallente corymbo:
 Tuum vivax apium, & Milesia vellera donat,
 Purpureasque rosas, & purpureos amaranthos
 Spargit, & ammineo redolentia mella Lyæo:
 Æternoque tuum designat carmine bustum.
 Nereidum, Pontique decus, SYNCERE, sepulcrum
 Hoc posuere tibi formosa Doride natæ.
 Musarum, Phæbique decus, SYNCERE, sepulcrum
 Hoc posuere tibi pulchra Pimpleide natæ.
 Idaliæ, natique decus, SYNCERE, sepulcrum
 Hoc posuit tibi mæsta Jovis pulcherrima proles.
 I felix: jam te Elysium, ter magna, recessus,
 Umbra, manent, manet umbra tui divina Maronis:
 Innumerique alii, quæis vel tua cognita virtus,
 Vel qui felices tecum vixere per annos.
 I felix animi, fortunatusque laborum.

Jam

230 ILLUSTRIMUM POETAR.

*Jamque vale, vale o vates: vos saxa valete.
Terra, tibi violæ sunt o, sit perpetuum ver,
Quæ cineres vatis servas felicit, & ossa:
Et Zephyri molle inspicient tibi semper amomum.*

Ejusdem. Tumulus ACTII SYNCERI
SANNAZARII. *ibid.* pag. 226.

HAs nassas, hæc lina tibi, SYNCERE, sepulto
Piscator tenui dedicat arte Mycon.
Hos calamos, myrtumque tibi, viridemque coronam
Arcadia pastor ponit ab arte Lycon.
Has lacrimas, vulsamque a vertice Mergillina
Cæsariem, & violas spargit, & ammineum.
Parthenope patria ipsa tibi de marmore bustum
Condit, & extentis funera temporibus.
Quid moror? æterni te suspicit umbra Maronis,
Et sibi vicinum donat habere locum.

PETRI BEMBI.

DA sacro cineri flores: hic ille Maroni
SYNCERUS Musa proximus, ut tumulo.

PETRI GRAVINÆ.

Qui divina legis SYNCERI carmina vatis,
Magnaue Virginei sacra Puerperii:
Non hæc humano credas procedere sensu;
Auctori mentem movit, & ora Deus.
Hunc sibi delegit, quo non cælestia quisquam
Grandius, aut pleno cultius ore sonet.

ANTONII TIBALDEI.

Virginis intactæ Partum, Partumque videbis
ACTIA quem docto pectore Musa dedit.
Admirandi ambo: humanæ fuit ille saluti
Utilis, humanis hic fuit ingenii.

Ni-

CARMINA IN SANNAZ. 231

† NICOLAI ARCHII Comitis. ex Elegia ad
Alexandrum Thienum.

IPsē ego Parthenopen visam studiosus amœnam,
Claraque SYNCERO litora culta seni.
Illic est animus vos exercere, Camœnæ,
Magnus ubi cecinit pascua Vergilius.
Hic ego te, SYNCERE, sequar: SYNCERE, tuo mi
E sacro fas sit fonte levare sitim.
Tu canis Arcadici pastor pineta Lyœi:
Sebethi propter flumina pascis oves.
Et canis obscura cantantem nocte Lyconem:
Formosæ defles Phyllidis interitum.
Proteaque intacto mulcentem carmine pbocas:
Vertis & in Salices pectora Naiadum.
Virginis & celebras Partum graviore cotburno
Andini æquiparans carmina Vergili.
Felices silvæ, quæ te sensere canentem,
Quæ audivere tuos æquora pulsa sonos!
Seu te Pausilypus, seu candida Mergilline,
Seu retinent caræ litora Parthenopes:
Ipse sequar, modo tu non dedignere sequentem,
Nec timeam iratum te duce adire fretum.
Quod si contingat, dominæ spernentur amores,
Et regum summæ despicientur opes.

M. ANTONII FLAMINII.

QUantum Virgilio debebit silva Maroni,
Et pastor, donec Musa Maronis erit;
Tantum pæne tibi debent piscator, & acta,
Acti, divino proxime Virgilio.

Ejusdem. Carminum Libro II. Elegia de se
proficiscente Neapolim. edit. Com. pag. 65.

PAusilypi colles, & candida Mergillina,
Et myrteta sacris consuta litoribus,
Si mihi post tantos terræque marisque labores
Contigerit vestre limina adire DEÆ,

Li

*Limina, quæ vates specula fundavit in alta
 ACTIUS Eois clarus, & Hesperius,
 His ego pileolum figam, & calcaria, & ense,
 Et quæcumque vagus arma viator habet.*

† Ejusdem ex Carmine XLIII. Lib. V. ad Marium
 Galcotam, edit. Cominianæ pag. 142.

TU ne, docte Mari, tuo sodali
*Potes consulere, ut suas ineptas
 Nugas edat, & ora per virorum
 Vagari sinat? ACTIO ne vestro
 Me contendere vis? ego, inquam, amice,
 Postquam is carmina tam venusta, tamque
 Polita edidit, audeam libellos
 Meos edere? nonne, quæso, id esset
 Olori obstrepere anserem? &c.*

† PETRI ANGELII BARGEI
 Cynegeticon lib. IV.

*..... Quique Aoniis gratissimus antris
 Maxima virginæ celebrat miracula partus;
 Tum * Musas summis e verticibus Parnassi
 Voce vocans trahit æquoreas ad litoris undas.*

† BERARDINI ROTÆ de Mergillina
 SYNCERI SANNAZARII.

QUI venis Aonio quæsitum vertice Musas,
*Quære alio; hinc abeunt, hospitium iis aliud.
 Mergillina tenet felici litore: tu si
 Quæris eas, montem desere, litus adi.*

† Cujusdam de SANNAZARIO.

SMYRNAM olim decimum pressisti, Cinna, sub annum:
Hic gessit Partum bis duo lustra suum.

Jo.

* Qui duo postremi versus ex Areoslo desumpti videntur. vid. pag. 234. hujus volum.

CARMINA IN SANNAZ. 233

JO. MATTHÆI TOSCANI.

PLurima molitus præclara, per omnia summum,
 Quod dare vel poterant singula, nomen habet.
 Martis opus, dignum testatur sanguine equestri:
 Exsilio in regem est certa probata fides.
 Sic illum piscator amat, sic æta remugit,
 Ut pecoris custos, silvaque Virgilium.
 Jam sacra quid vatum pepererunt pectora **CHRISTO**,
 Virgineis quod se Partibus equiparet?
 Sed nova Menalias quod ducis ad antra Camænas,
 Et calami Tuscos edidicere modos,
 Hoc proprium, **SYNCERE**, tuum est: hoc *Itala tellus*
 Ante *Syracusæ carmina vatis amat*.
 Tu belli, tu pacis bonos: tibi denique lingua
 Et renovata vetus debet, & aucta recens.

**GEORGII FABRICII. Ex Itinere Neapolitano
 ad Casparem Nævium.**

- - - - - deinde cavatum
*Pausilypi in tenebris, & iniquo lumine montem
 Egressi, albensis templa ardua Mergillina
 Ad mare conspicimus, cycno fundata sonoro:
 Cujus vox ultra Gangem audita, Tagumque,
 Dulcibus implevit vasium concentibus orbem.
 Nec poterant magnis alia ossibus ossa Maronis
 Conjungi melius, quam quæ sunt juncta. &c.*

† **GERMANI AUDBERTI** in Parthenope pag. 7.

SYNCERUSQUE ingens æterno carmine panxit
 Virgineos partus; & piscatoria lina
 Lufit, amata sedens ad litora Mergillines.

† **NICOLAI HEINSII** Dan. Fil. in Elegia cui titulus
Pausilypus, ad Casparem Kinfchotium.

Forsitan hac olim requieverit **ACTIUS** umbra,
ACTIUS *Aufonie fama superba lyæ.*

G g

Illum

*Illum Aganippeæ raptum juga Mergilline,
 Et vidua Siren fletse putatur aqua.
 Tu quoque mutasti veterem, Philomela, querelam;
 Justior hinc lacrimis & pia causa tuis.
 Non facit invidiam dolor hic tibi, Tereos uxor.
 Quam bona nunc mater, quam bona nupta fores!
 Tunc eadem, æternum tun' fletsti hic ante Maronem,
 Daulias, ab mœstis ingeniosa modis?
 Tun' tantum, infelix, speraras ferre dolorem?
 Quid tibi tunc animi, quid tibi mentis erat,
 Quum gemitus Phœbea pios ad busta trahentem
 Percussa funestis silva secuta sonis?
 Audit, & admonito geminantur vulnera luctu.
 Flebilius certe, quam modo, visa queri est.
 Perge queri, miseranda, queri sine fine memento
 SINCERUMQUE tuum, Virgiliumque tuum.
 At mihi sit sanctas venerari cominus urnas,
 Aonium Tempe Partbenopea nemus.*

LODOVICO ARIOSTO nel Canto XLVI. del suo
 Furioso alla Stanza 17.

*Veggio i sublimi, e sopr'umani ingegni
 Di sangue, e d'amor giunti, il Pico, e il Pio.
 Colui che con lor viene, e da' più degni
 Ha tanto onor, mai più non conobbi io.
 Ma se me ne fur dati veri segni,
 E l'uom che di veder tanto desio,
 GIACOCO SANNAZAR, ch'a le Camene
 Lasciar fa i monti, ed abitar l'arene.*

INDEX RERUM

MEMORABILIMUM

QUÆ IN

SANNAZARII POEMATIS

CONTINENTUR.

A

- A** Cæron marmoreus. pag 156
 Aegidius Viterbiensis, S. R. E. Cardinalis. 155
 Aelius, Franciscus, poeta. 118
 Albinus, Matthæus, poeta. 118
 Alfonso I. Aragonæ, Regis Neapolitani, gesta. 112. 113
 Alfonso II. Aragonens, Ferdinandi filius, Dux Calabriae laudatus. 113. 124. 174. 178. Turcas Hydruntina regione expulit. 155. 164. Siciliæ Rex. 121
 Altillus, Gabriel, nobilis poeta. 127. 127. ejus natalis. 164
 Amaranthus tumulus. 193
 Angelorum exercitus descriptio. 48
 Angelus affatur Mariam Virginem. 7
 D. Annæ pictura. 104
 Apostolorum electio. 55
 Aquivivus, Andreas Marthæus, Dux Hadriae miles & poeta laudatus. 118. 127. 142. 190. 199
 Aquivivus, Bellisarius, Neritiorum Dux. 102
 Aquivivus, Julius, Dux fortissimus. 148
 Arcadia Sannazarii. 151
 Asianus tyrannicida; fortasse Hieronymus Oligatus, quem vide infra littera O 105
 Astræa alloquitur Petrum de Roccaforti, eique se in tutelam tradit. 109
 Asramenrum scriptorium. 172
 Augustus Cæsar universum orbem cæseri juber. 25

B

- Bacchus. 138
 Baptismus CHRISTI. 10
 Bertheemiticus specus describitur. 11

- Bonifacia, Carmosina vide Harmofyne.
 Bos & Afellus adorant puerum IESUM. 35
 Brancatius, Sarrus, miles fortissimus, in proelio extinctus. 106
 Brancius, Porcia, & Isabella, sorores formosæ. 121
 Brutus novus. 196. v. Oligatus, Hieronymus.

C

- Cabanillus, Trajanus, Trojæ ac Muntellæ Dominus. 86. amicus Sannazarii. 86. poeta. 118 laudatus. 127
 Cæsar Borgia, Dux Valentinus, ab Urfini pressus. 166. notatus. 180. 181. 182
 Cæsar, Aenem nutritis, propopæja, & de Federico Rege vaticinium. 144
 Calendæ Januariæ. 128
 Calendæ Majæ. 161
 Canticum D. Mariæ virginis. 23
 Caracclolus, Galeatius. 100
 Caracclolus, Marinus, poete amicus. 110
 Carbo, Hieronymus, Neapolitanus, poeta. 118
 Carthaginis ruina. 19
 Cassandra Marchesia, mulier præstantissima. 81. laudata. 21. 250. 211. 220
 Caronis tumulus. 199. 205
 Catulli passer. 184
 Cæcillus a Pontano emendatus. 166
 Caudolæ, viri fortissimi, tumulus. 106
 D. Celsus, comes D. Nazarii. 123
 Chariteus, poeta. 118. Charitel conjux, Nisæna. 165
 Chlamydis descriptio, qua DEUM Parrem indutum fingit poeta. 40
 D. Claudii mens. 127
 Comparatio radiorum Solis per vitæram transfusa. G g 1 eun-

236 INDEX RERUM

contum, cum Virginis partu. **14**
 Computat, Prætor, five Petrus, poeta lepidissimus. **118**. ejus mors deflata. **193**
 Conceptio VERBI Divini in utero B. Virginis. **10**
 Concio DEI Patriæ ad superos. **41**
 Corvinus, poeta junior. **118**
 Cottæ Joannis, poetæ Veronenſis, tumulus. **123**
 Craſſus, Lucius, vir doctus, & antiquitatis studiosus; cui Sannazarus multum debebat. **95**. poeta. **116**
 Cumarum ruinæ. **112**
 Cycnus cum Angelo comparatur. **6**

D

Davidæ regis vaticinium de CHRISTO, apud inferos. **12**
 Deambulatio matutina, & vespertina. **170**
 Descriptio populi Bethleem confluentis. **13**.
 Tauri, Leonis, Aquilæ. Hominis; quibus scriptores gestorum CHRISTI significantur. **12**, **19**. virginis infularis, navia adventum formidantis. **8**
 Dica Genialis. **182**
 Domus Sannazaril. **154**
 Druidæ, Gallorum sacerdotes. **187**

E

Echo. **182**
 Elisabetha Mariam alloquitur. **13**
 Elyſius Calentius, poeta. **118**

F

Federicus Aragonens, Ferdinandi filius, Neapolis Rex, Sannazaril patronus. **143**.
163, **164**. **171**. **210**. mortuus est in Gallia ad Ligerim. **10**. **149**. ejus gesta, & laudes. **143**. **181**. ejus edictum. **165**. foga in ulteriorem Galliam. **74**. liberalitas. **159**
 Ferdinandus Aragonens, Alfonsi Magni filius, Rex Neapolitana. **155**
 Ferdinandus junior, Aragonens, Alfonsi II. filius, Rex Neapolitanus, laudatus. **101**.
 notatus. **192**. Ferdinandi junioris venatio. **170**
 Ferdinandus Aragonens, Federici Regis Neapolitani filius, Dux Calabria, in Hispania exsol. **72**
 Ferdinandus Havalus, Pſiscaræ princeps, vir fortissimus. **116**

Ferraria laudata. **146**
 Filius unici tumulus. **104**
 Fuscus, Thomas, nostri poetæ amicus. **118**

G

Gallia extremæ contra Britanniam sitæ descriptio. **74**
 Garlonius, Antonius, Allifarum dominus. **103**.
 laudatus. **127**
 D. Gaudiosi laudes. **111**. **122**
 Gemma Sannazaril. **168**
 Gesta, & cruciatus CHRISTI **13**. a versu **254**. ad **453**.
 Gigantomachia. **28**. **185**
 Grappina Garlonia Maria, puella formosa. **118**
 Grappina, Violantis, mulier præclarissima. **110**

H

Hannibalis tumulus. **172**
 Harmofyne, i.e. Carmofina Bonifacia, puella pulcherrima, a Sannazario dilecta. **179**
 Herpyllia pharmaceutræ veneficia. **15**.
 Homeri patria. **191**
 Homerus in Latinum versus. **105**
 Horæ, cell janitricæ. **45**
 Hyale, fortasse Joanna Aragonæ, nupta Ferdinando II. Regi Neapolitano, Alfonsi filio. **21**
 Hyblæ puellæ, a Marullo dilectæ, tumulus. **177**
 Hydruntinam regionem Turcæ occupant. **128**
 Hymnus Angelorum in DEUM. **48**

I

D. Jacobi Piceni laudes. **107**
 Ignes nocturni Romæ. **126**
 Innocentius VIII. Pont. Max. laudatus. **174**
 D. Joannes exulcat in utero matris. **23**
 Jordanis oratio ad DEUM. **51**
 Jordanis uris descriptio. **50**
 Josephæ, & Maria virgo parent Augusti iustis. **20**
 Josephus adorat atque affatur puerum JE. SUM. **12**. Pastorem alloquitur. **47**. ejus verba ad urbem Bethleem. **30**
 Italæ laudes, & descriptio. **22**
 Iucundus, Joannes, Veronenſis, architectus. **129**
 Iudicium extremum. **61**

Iu-

MEMORABILIU. 237

Julius Senensis, exsul. 104
Juno invocata, in amicis natali. 118

L

Ladital, Regis Neapolitani, tumulus. 161
Lætitia cælestis descriptio. 426 Lætitia pastores afficit. 44
LAMENTATIO DE MORTE CHRISTI. 13
Lauræ puellæ tumulus. 165
Leonora, princeps Ferrariensis. 166
Lucina invocata, in partu Cornelie Piccolomineæ. 203
Lucius grammaticus, fortasse Joannes Scopus, col Samuazarius fuit infensus. 123
Lucretia, uxor Satri Brancatii. 106
Lucretium imitatus est Marullus. 127

M

Majus, Junianus, nobilis ludimagister. 118
Mannaril præceptor. 237
Mala Puotica laudata. 121
Manena landara. 127
Marchesia Cassandra. vide Cassandra.
MARIA Virgo Angelo respondet. 20 DEI mandatis obtemperat, per Angelum sibi allatis. 2. proficiscitur ad visendam Elisabetham. 22. in patriam redit. 25. generis humani Servatorem parit. 34. ejus jam jam paritum ad DEUM oratio. 13
Marianus, præceptor Aegidii Viterbiensis. 225
Marialis quid senserit de Carullis passere. 124
Marollus, Tarchaniota Michael, Sparranus, poeta nobilis. 218. 117. Hyblæ amator. 122
Mausoleum in Caria. 126
Maximillus tumulus. 123
Mergilline, nostri poetæ villa. 4. 77. 20. 159. 159. Mergillines fons. 203
Metempsychosis, Pythagoræ dogma. 210
Miracula CHRISTI. 58
Montaltus, Ludovicus, Syracusanus, Caroli Cæsaris scribi magister, laudatus. 234
Morbi comitalis descriptio. 52
Mori candidæ fabula. 122
Morianna, mulier formosa. 210
Morianna Nympha. 129

N

D. Nazarii Martyris festus dies, nostri poetæ natalis. 126. 201
D. Nazarii gesta, & laudes. 202. 207. 213

D. Nazarii facellum, a nostro poeta exstru-
tum. 102 127
Nemæ tumulus. 172
Nefis a Pausilypo amata. 22
Nisam. Charitel conjugis, partus. 163
Nola urbs teprehensia, quod hospitium Pon-
tano negaverit. 216
Nymphæ in Salices mutantur. 12
Nympharum Jordanidom descriptio. 42

O

Oligatus, Hieronymus Mediolanensis, alter
interfectorum Galeatii Sfortie Ducis Me-
diolani anno 1476. non obscure signifi-
catur. 226
Oraculorum defectio. 116
Orpheï respicientis statua. 126

P

Panhormitæ, Antonii, lusus. 227
Pardus, Joannes, Hispanus, Philosophus no-
bilibis. 28. laudatus. 118
Pastores proficiscuntur ad visendum puerum
JESUM. 41. Josepho respondent. ibid.
JESUM adorant, & ad ejus cunas can-
tant. 46
Pausilypus Nefidem amat. 22
Pausilypus mons, vitifer. 202
Petrinum. 22. 216
Phoenix descriptus, & cum B. Virgine com-
paratus. 16
Phyllidis mors, & sepultura. 65
Piccolomineæ, Cornelia, Anrouil Garlonii
conjug. 103
Picens medius. 203
Picentini montes. 150
Platina, Bartholomæus, notatus. 170
Poetarum reprehenses confutati. 117
Poggias Florentinus, notatus. 170
Politianus. vide infra Pallianus.
Pontanus, Joannes Jovianus, a Nolanis exclu-
sus. 216. Catullum emendavit. 166. lau-
datus. 117. 126. Mellisai nomine gavissus
est. 20. Pontani pieras in Perrum Com-
patrem. 225. ejus scripta enumerantur
& laudantur. 113
Populorum Augusti imperio subjectionum enu-
meratio. 25. 26. 32. 28. 28
Prodigia quæ CHRISTI mortem conse-
cuta sunt. 19
Proetus. 28. Protei vaticinium. 58
Pudicus, Franciscus, amicus nostri poetæ
inter

238 INDEX RERUM MEMOR.

Inter primos. 92. laudatus.	127	Superstitionis veteris everio.	80
Puer regius formosissimus.	171	Syrinx Nympha in arundinem mutata.	87
Pueri tumulus.	196		
Pulicianus, Angelus, joci mordacibus Imme- rito notatus.	134. 185		

R

Riccius, Bartholomæus, notatus.	197	Templum Divæ Mariæ Virgini a nostro poe- ta dicatum.	4
de Roccaforti, Petrus, maximus regis Gal- liarum Cancellarius.	109	Thestrum Campanum.	200
Roris marutini descriptio, ejusdemque cum divino Virginis partu comparatio.	34	Thelesinus crines.	ibid.
		Tityri, seu Virgilii vaticinium ex Ecloga IV.	46

S

Sangrius, Joannes, Patricius Neapolitanus.	126	Vaticinia Prophetarum de CHRISTO, & Maria Virgine.	20
SANNAZARIUS, Jacobus, litium in- solens. 120. militavit duce Alfonso II. Aragoneo. 124. sponte in exilium abiit, Federicum Regem secutus, 121. SAN- NAZARII pueritia in Picentinis exa- cta. 150. ærummæ. 152. itinera. 153. mores. 154. scripta enumerata.	153	Venetie laudare.	146. 174
Sarnus fluvius.	89	Venatorum signa.	199
Scala, Bartholomæus, vir disertus.	118	Vesuvius, mons ignem eructans.	80
Scalampa, Camilla, Mediolanensis.	109	Verustini cujusdam infania in extruendo si- bi sepulcro.	175
Scuccha larro.	117	Urnæ Jordanis descriptio.	10
Silentii nocturni descriptio.	32	Uvæ hibernæ dono missæ a Sannazasio Regi Federico.	164. 171
Summonsius, Petrus, Historicus, laudatus.	192	Vulturnus fluvius.	172

Z

Zacharias maritus Elisabethæ.	14
Zeno, Rutilius, Episcopus Sancti Marci, vir doctus & elegans.	118

F I N I S.



G A B R I E L I S
A L T I L I I.

S A N N A Z A R I I S O D A L I S,
E P I T H A L A M I U M

In Nuptias JOANNIS GALEATII SPORTIÆ,
Ducis Mediolanensis, & ISABELLÆ
ARAGONIÆ, ALFONSI II. Regis
Neapolitani filiæ.

*Adjecta sunt in hac Editione, reliqua ejusdem Auctoris
Carmina, quæ inveniri potuerunt.*



Selecta Doctorum Virorum
 DE GABRIELE
 ALTILIO
 EJVSQUE SCRIPTIS
 TESTIMONIA.

Paulus Jovius in Elogiis Virorum Literis illustrium.

GABRIEL ALTILIUS † in Lucania natus, junioris Ferdinandi regis præceptor, usque adeo molliter, ac admirande in Elegis, & Heroico carmine excelluit, sicuti ex Epithalamio Isabellæ Aragoniæ perspici potest, ut Pontani atque Actii testimonio, antiquis vatibus æquaretur. Is virtutis merito (1), Policaltri (ea urbs olim Buxentum fuit) Antistes factus, a Musis per quas profecerat, celeriter impudenterque discessit, magno hercle ingrati animi piaculo, nisi ad spem non injustæ veniæ ob id culpa tegeretur, quod ad sacras literas nequaquam ordinis oblitus tempestive confugisset. Mortuus est in sacrata sacerdotii sede, sexaginta annis major (2), tulitque Pontani † pietate, supremi officii nobile carmen, quod pro titulo urnæ marmoreæ incideretur.

*Lilius Gregorius Gyraldus Dialogo I. de Poetis
 suorum temporum pag. 21. edit. Florent.*

Ex eadem (Pontani) Academia fuit GABRIEL ALTILIUS, cujus licet pauca legerim, in Nuptiali tamen Carmine
 H h in

† Sunt nihilominus qui Mantuanum fuisse scribant. Vide infra Basilii Zanchii, & Hieronymi Amathel carmina. (1) A SIXTO IV. anno MCCCCCLXXI. XIV. Kal. Octobr. (2) Anno Salutis MCCCCLXXXIV. *Ughellus in Episcopis Polistrinensibus Ital. Sac. Vol. 7.* † Jo. Jovianus Pontanus ALTILII meminit etiam Tom. II. Oper. pag. 104. & 177. & seqq.

in Isabellam Aragoniam regis filiam, miram habet & singularem quum eruditionem tum facundiam: affectatior tamen in quibusdam videtur. Pontificia hic dignitate apud Policastrenses ornatus decessit.

*Julius Cæsar Scaliger Poetices Libro VI.
qui & Hypercriticus.*

GABRIEL ALTILIUS Epithalamium cecinit longe optimum.

Jo. Matthæus Toscanus Pepli Italiæ Lib. III. pag. 63.

ALTILIUM Lucania genitum eadem tempestate Neapolis suspexit, qua Pontanum, & Sannazarium pari poetices studio florentes. Ex ejus poematis Epithalamium me legisse memini, & pauca quædam Epigrammata, quæ satis cum in poetis excelluisse declarant.

† *Abbas Ferdinandus Ugbellus Italiæ Sacræ Tomo VII. columna 564. noviss. editionis. in Episcopis Policastrensisibus.*

XIX.

GABRIEL ALTILIUS (1) Lucanus, Latinæ linguæ peritissimus, lepidusque poeta, in regia aula summæ existimationis, junioris Ferdinandi regis Neapolitani præceptor, a Sixto IV. fuit adlectus Episcopus anno 1471. xiv. Kal. Octobris. Heroico carmine excelluit, ut Pontani, atque Actii testimonio, antiquis vatibus exæquaretur. Factus Antistes, ut Jovius refert in Elogiis, a Musis, per quas profecerat, celeriter decessit, & ad sacras litteras Præsule dignas confugit. Magnopere celebratur, teste Jacobo Gaddio in libro eruditissimo de Scriptoribus non Ecclesiasticis, ALTILII Epithalamium Isabellæ Aragoniæ, in quo miram habet ac singularem quum eruditionem, tum facundiam, teste Gyraldo, qui subdit, Affectatior tamen in quibusdam. Idem Epithalamium longe optimum appellat Scaliger, qui tamen authorem carpit ut nimium

(1) De eo Toppius in Bibl. Neapolitana pag. 202. & Nicodemus in Addit. pag. 81 *Mondifius.*

um atque verbosum. Illud alia comitantur Epithalamia, quæ generatim tangit Possevinus in lib. 28. Bibliothecæ Selectæ, ubi memorat non paucos poetas egregios. Mortuus est in sacrata sacerdotii sede sexaginta annis major, Salutis vero 1484. Tulit Pontani pietate supremi officii nobile carmen, quod pro titulo urnæ marmoreæ incideretur;

ET. TIBI. DANT. TYMVLOS MVSAE. MERITVMQVE. SEPVLCRVM
 ET. TIBI. DAT. TITVLOS. QVAE. TIBI. CVLTA. CHARIS
 ALTILI. O. VENERANDE. IACES. HIC. HAC. IACET. VRNA
 PONTIFICALE. DECVS. PONTIFICALIS. HONOS
 ERGO. AGITE. O. NYMPHAE. SEBETHIDES. ERGO. AGE. VIRGO
 PARTHENOPE. AD. TYMVLVM. SPARGITE. VERIS. OPES
 SPARGE. TVOS. FLORES. FLORVM. FOECVND. PATVLCI
 ET. TV. SPARGE. TVAS. ANTINIANA. ROSAS
 ALTILIO. REQVIEM. DIC. O. CHAR. DIC. AGE. CLIO
 LVCEAT. ALTILIO. LVX. SINE. FINE. MEO
 QVISQVIS. ADEST. PIA. VERBA. SONET. MADEATQVE. SEPVLCRVM
 DE. LACRIMIS. MADEAT. PIERI. RORE. TVO

At de iis carminibus hoc iudicium protulit Gaddius: Ex-
 stinctum ornavit carmine, quod pro titulo urnæ marmoreæ
 incideretur, sane ingenioso, & nobili, sed parum gravi,
 minusque congruo Pontifici sacro, cujus Pontificalem hono-
 rem, & decus attollere dum vult, elevare videtur levitate.
 Peramœna, & nimis tenera, *lacrimarum, rosarum, florum,*
Nympharum, Pieridis, Charitis vocabula. Quæ nomina mol-
 lior, & amœnitates ethnicas redolens Pontanus, ad satieta-
 tem suis in Tumulis repetit, nulla fere distinctione persona-
 rum.

† *Janus Broukhusius in notis ad Sannazarii*
Eleg. XI. Lib. I. v. 17.

GABRIEL ALTILIUS, Lucanus, junioris Ferdinandi regis
 præceptor fuit, postea Episcopus Policastrensis (Buxentum
 eam urbem vocant antiqui) vir omnium ejus sæculi erudito-
H h 2 rum

rum iudicio & modestissimus, & doctissimus. plurima ejus atque honorificentissima mentio est in scriptis Pontani, (qui & librum de Magnificentia ei dedicavit) apud nostrum Syncerum, Basilium Zanchium, Alexandrum ab Alexandro, Paulum Jovium, Lilius Gregorium Gyraldum, &c. Exstat illius Epithalamium Isabellæ Aragoniæ cantatum, quod multis laudibus effert ipse Cæsar Scaliger, haud mitis alioqui iudex. legitur id tomo primo Poetarum Itolorum. neque ego memini ullum alium ALTILII carmen typis editum vidisse, præter unam (1) Elegiam: unde colligo non parvam ejus versuum jacturam factam fuisse. Auctor enim est Paullus Jovius, ALTILIUM usque adeo molliter, ac admirande in Elegis, & Heroico carmine excelluisse, ut Pontani, atque Aëtii testimonio antiquis vatibus æquaretur. neque multum ab illo ablit Lilius Gyraldus. Ubi autem Elegi isti? de Odis ALTILII audi nostrum lib.2. Eleg.2.

ALTILIUSQUE novos superis laturus honores

Pindarica feriat carmina docta lyra.

Ubi vero & Odæ? hoc damnum ut aliquo modo refarcia-
tur, rem me non ingratam facturum confido Musicarum lau-
titiarum studiosis, si versus quosdam ALTILII (2) publicave-
ro hinc illinc e dispersis schedis collectos, inque unum qua-
si fascem coegero. Sunt autem: In Christum sepultum: *Te
ne ego* &c. Ejusdem. *Hanc faciem* &c. *Junius ut primum* &c.
Sive furor &c.

G A-

(1) Scilicet Epistolam Consolatoriam ad Adlum Syncerum, & M. Antonium fratres in matris funere, quam Broukhufus collocavit inter Sannazarii Testimonia; ut nos, meliore consilio, in hac secunda nostra Editione ad ipsius ALTILII Carmina rejecimus. (2) Si Broukhufus evolvisset editionem Oporinianam Carminum Basilii Zanchii, hæc eadem ALTILII poemata in calce illius voluminis collecta conspexisset.



G A B R I E L I S A L T I L I I EPITHALAMIUM

*In Nuptias Joannis Galeatii Sfortiæ, Ducis Mediolanensis,
& Isabelle Aragoniæ, Alfonsi II. Regis
Neapolitani filię.*

I.

PURPUREOS jam læta sinus Tithonia conjux
Extulerat, roseoque diem patefecerat ortu,
Cæruleum tremulo percurrrens lumine pontum;
Qui cupido sua vota viro, desponsaque dudum
Connubia, optatosque toros, & gaudia ferret : 5
Quum dulces patris amplexus, quum mœnia caræ
Parthenopes, notasque excedens linqueret arces
SFORTIADÆ juveni donanda ARAGONIA virgo .
Ipse levi pater advolitans per cærulea curru
Neptunus, late undisonum substraverat æquor, 10
Infidique minas pelagi: nec gratior undis
Temperies, cælove quies demissa sereno
Adfuit, aut alias spirarunt lenius auræ.
Hic studiis, varioque adfensu lecta juvenus,

Fron-

Fronde nova redimita comas, myrtoque virenti, 15
 Dum fremit, & validos certatim adnixa lacertos
 Remigio expediunt alacres, transtrisque locati
 Exsultant, lætoque sonant cava litora plausu;
 Dum patrio flet nata sinu; dum neptis avito
 In gremio, fratrumque piis complexibus hæret, 20
 Et longum inter se cara cervice morantur:
 At gemitu simul urbs omnis simul ægra supremo
 Digressu, desiderio intabescit ituræ;
 Litoreque effusi toto atque e mœnibus altis
 Prospectant, mixtæque viris longo ordine matres, 25
 Et lacrimis incedentem, votisque sequuntur;
 Felicesque vias abeunti, aurasque precantur.
 Parte alia, qua perspicuo delabitur alveo
 Irriguis Sebethus aquis, & gurgite leni
 Prata fecat, liquidisque terit sola roscida lymphis, 30
 Tercentum diversa locis se turba ferebant,
 Virginei cœtus Nymphæ, Campana propinquis
 Quas tulit ora jugis, quas dulcibus educat antris;
 Centum Pausilypi, centum de vertice Gauri,
 Et totidem calidis e litoribus Bajarum: 35
 Quæque etiam Lirim, lentisciferique recessus
 Linterni, Bacchæa tenent quæ rura Vesuvi,
 Conveniunt: nec Vulturni, Sarnive puellæ
 Non adsunt, non æquoreæ Nesidos alumnæ.
 Quas inter mediæ magna cingente corona 40
 Bis senæ superant forma præstante sorores,
 Aurea Sebethi soboles, quas cærule mater

Par-

E P I T H A L A M I U M. 247

Parthenope una sciens Musarum, & docta canendi
 Parthenope primis teneras formavit ab annis,
 Imbuerat cantuque novo numerisque modisque. 45
 Pars vitta, pars cæruleis implexa hyacinthis;
 Illæ apio, hæ narcisso, aliæ immortali amarantho.
 Perpetuos namque hos ipsæ sibi ludicra flores
 Semper alunt, viridem semper de rore nitorem.
 Ergo inter se se manibus per mutua junctis, 50
 Compositisque leves quatientes motibus artus
 In numerum glomerantur: ibi variante reflexu
 Nunc pedibus choreas, nunc carmina plaudere cantu,
 Carmina quæ curvis in vallibus assultabant,
 Incepere, omnis Hymenæo ut ripa sonaret. 55

Magnorum tædas superûm, noctesque jugales,
 Et cæli veneranda canunt connubia Musæ:
 Nos thalamos, ISABELLA, tuos, tua gaudia, conjux
 SFORTIADE, tenerosque choris cantamus amores,
 Sanctaque jura tori: Musarum nec pudet illos, 60
 Nec te, Naiadum, virgo, aut te carminis, heros,
 Pœniteat nostri. dilectæ fontibus & nos
 Pegaseis: præbet Sebethus pocula nobis,
 Sebethus liquidos fontes, & mollia Tempe.

Dicite Hymen, Hymenæe Hymen ter dicite, Nymphæ. 65
 Tuque novas visure faces, age, Lucifer, alnum
 Pande jubar, roseumque oriens caput exsere tandem:
 Expectate redi, nec amantum vota moratus,
 Coge tuis agedum flammis concedere noctem
 Actutum; tibi si cupidi sua vota mariti 70

Con-

Concipiunt, tardusque redis si semper eisdem:
 Si tacita quem mente diu optavere puellæ,
 Primaque jucundæ voverunt tempora noctis,
 Exortum timide nutanti corde paveſcunt.

Dicite Hymen, Hymenæe Hymen ter dicite, Nymphæ. 75
 Fortunate gener! tibi lux, tibi pulcher Eous
 Deferit Oceanum: tibi candidus explicat ignes,
 Candidaque ora refert: fauſto tibi ſidere portat
 Conjugium, dulceſque toros, lætoſque hymenæos.
 Dexter enim e cælo dexter Jovis adſtitit ales 80
 Naſcenti, eripuitque novum ter plauſibus omen
 Advolitans, dextrumque aſſulgens riſit olympus.
 Heſperia in magna multis e millibus uni
 Virgineos junctura ſinus ARAGONIA virgo
 Adveniat, ſocioſque toros paret aurea conjux. 85

Dicite Hymen, Hymenæe Hymen ter dicite, Nymphæ.
 Fortunate gener! magnus tibi proſocer Atlas,
 Quoſque tibi a prima percenſet origine Iberus,
 Adveniant reges ſoceri diis æqua propago:
 Hos tibi per titulos atque hæc per nomina felix 90
 Adveniet, felix eadem ſub ſtragula conjux,
 Sidonio tecum excipiat quam lectus in oſtro
 Languidulos tenero ſociantem pectore ſomnos:
 Maternum ſeri numerent genus unde nepotes,
 Seque olim magnis jaſtent a regibus ortos. 95

Dicite Hymen, Hymenæe Hymen ter dicite, Nymphæ.
 Illa tibi amplexuſque feret noctemque beatam,
 Implebitque tuos nivea cervice lacertos:

Qua-

E P I T H A L A M I U M. 249

Qualem nulla tulit priscis heroibus ætas,
 Ipsa nec Eurotæ viderunt flumina Nympham, 100
 Taygeti aut juga virgineis lustrata choreis,
 Nec nostri videre chori: quibus addita, qualis
 Aurora exoriens stellis nitet alma fugatis,
 Purpureumve solet bruma cedente novum ver,
 Candida se talem nobis ISABELLA ferebat. 105

Dicite Hymen, Hymenæe Hymen ter dicite, Nymphæ:
 Illam dia parens dum nixibus edit in auras,
 Ambrosio exceptam gremio Venus aurea fovit,
 Et formam, formæque decus decori addit honorem.
 Ac Primas, tibi, virgo, aliis cedentibus, inquit, 110
 Prima feres, Veneri tantum collata secundas.

Dicite Hymen, Hymenæe Hymen ter dicite, Nymphæ:
 Admovit quoque blanda manus Saturnia Juno,
 Permulcensque artus, Scepbris haud, inquit, avitis
 Sceptra minora geres; Latias regina per urbes 115
 Incedes, populisque potens & divite regno.
 Magna Jovis conjux magni tibi conjugis omen
 Præcinit, hæcque suis oppignerat oscula dictis:
 Osculaque in teneris sonuerunt pressa labellis.

Dicite Hymen, Hymenæe Hymen ter dicite, Nymphæ. 120
 Nec Pallas non læta suos impertit honores
 Nascenti: primos eadem ad cunabula cantus
 Concinuit, suavitque leves tibi carmine somnos:
 Atque Animum tibi, virgo, inquit, moresque verendos
 Trado diva, mares sensus, & vincere sexum 125
 Pallas; acum doctasque manus tibi cedit Arachne:

Cedam victa libens dea. dixit: ibi aurea totis
 Fluxerunt cunis flavæ instrumenta Minervæ
 Et radius pectenque & inaurati calathifci.

Dicite Hymen, Hymenæe Hymen ter dicite, Nymphæ. 130
 Se Junone Samos, jactant se Pallade Athenæ:
 Te Cyprus, Cytherea, colunt juga Cynthia Phœben:
 At, virgo, non una tuo de nomine tellus
 Clarefcit; se noſtra tuis natalibus ornat
 Parthenope, propriamque vocat Sebethos alumnam; 135
 Claraque mox iſtis Inſubris terra feretur
 Connubiis; flavuſque comas Ticinus, & ingens
 Eridanus, pronoque ruens celer Abdua curſu
 Attollent caput, & tanto ſe nomine cælo
 Equantes, celſis elati cornibus ibunt. 140

Dicite Hymen, Hymenæe Hymen ter dicite, Nymphæ.
 Maternam inviſens Delon Latonia virgo
 Lætatur dulcique ſolo, & natalibus arvis:
 Lætatur ſuperas repetens Proſerpina ſedes,
 Myſtica maternæ quum ſacra reviſit Eleuſis: 145
 Tu quoque SFORTIACOS, virgo, acceſſura penates,
 Cognatas i læta domos, genus inclyta mater
 Unde ferens, tanto talem te diva parenti
 Progenuit: quod deinde tuis felicibus auctum
 Connubiis, duplici confirmes addita vincolo, 150
 Ipſa viri fratrisque tui conjuxque fororque.

Dicite Hymen, Hymenæe Hymen ter dicite, Nymphæ.
 Tales rite toros, taleſque iniere hymenæos,
 Saturno quos Rhea potens enixa marito,

Quum

Quum primos illi thalamos Thaumantias Iris 155

Instrueret, variis spectanda coloribus Iris,

Ambrosiæque manus succo perfusa nitentes;

Adstarentque suis incinctæ vestibus Horæ:

Quum passim cæli per limina læta frequentes

Cælicolæ obstreperent, ac toto reddita olympos 160

Frater io, Conjux & io, vox una sonaret.

Dicite Hymen, Hymenæe Hymen ter dicite, Nymphæ.

O patriæ, o sæcli decus, heroina; jugales

Jam te sub leges vocat & sua jura maritus.

At nos æquales, quibus idem ad flumina cursus 165

Et certamen idem florum, studiumque decentes

Instaurare choros, nostri jam ad munera luci

Mane revertemur; jam te sine munera nobis

Illa quidem placitura minus. namque, alta relictæ

Per nemora ut querulis vitulæ mugitibus instant, 170

Et gemitu matrem implorant, quæ montibus altis

Erravit, viridi aut convalle obliqua refedit

Mollia prata secuta, novos aut forte hymenæos;

Cara, tui sic nos memores abitura relinquis

Æternum, dulcisque animis hærebis imago: 175

Te nostri recinent lusus, te nostra sonabunt

Carmina, te thyasi, primæ tibi munera nostra

Pendebunt suave halantes de more corollæ:

Prima tibi unguenta, & patrios fundemus odores

Umbrosam sub loton: opaco vertice lotos 180

Sebethi patris ad ripas spectanda virebit.

Quodque oculo properante aliquis properante carina

Præteriens legat, hoc signabit litera carmen,
 Grandior incisum teneris quod præferat arbos
 Cortitibus: COLE. ME. ISABELLAE. EGO. REGIA. LOTOS 185
 Hæc ita nos: at tu divis egressa secundis,
 Ibis in amplexus cari exoptata mariti,
 Qui robusta tuo circumdet brachia collo,
 Virgineaque sinum zona mox solvere pergat,
 Fœcundam exercens optata prole juventam. 190
 Inde suos mox jam matri missura nepotes
 In gremium, formosa decor queis matris ab ore
 Misceat ora, maremque ferant a patre vigorem.

Dicite Hymen, Hymenæ Hymen ter dicite, Nymphæ.
 Sed te jam placidis spirantes flatibus auræ 195
 Pacatumque vocat nautis properantibus æquor;
 Increpat & summa rector de puppe morantem.
 Ingredere, optatasque vias pede suscipe læto:
 Oscula germanūque pios age deferere fletus.
 Te quoque lacrimulas, virgo, jam mittere tempus. 200
 Abstergent tibi singultus mox gaudia tantos,
 Gaudia, quæ lacrimis aliter testere profusus.

Dicite Hymen, Hymenæ Hymen ter dicite, Nymphæ.
 Jam dextro classē tetigit pede: jam procul alta
 Conspicitur virgo in puppi, lætique recepta 205
 Clamorem tollunt nautæ; jam vincula solvunt,
 Jam pontem, funemque legunt: cavaque æra corusco
 Igne tonant, crebrisque laceffunt ictibus auras,
 Ac validis displosa sonoribus æra complent,
 Egressæ bona signa rati, & solventibus omen. 210

Ta-

Talis ad Hæmonium frenato pisce maritum
 Vesta Thetis, levis aut sedit quum Cypria concha.

Dicite Hymen, Hymenæ Hymen ter dicite, Nymphæ.
 Provehitur sed jam pelago ratis, atque remis
 Litora deseruit: dubios jam lintea visus 215
 Paullatim, flentesque oculos sublata relinquunt.
 Nos quoque vox, nos ipsa animi mens deserit omnis;
 Infractique labant gelido sub pectore sensus.
 Quod superest, votis te, virgo, & mente sequemur.
 Ergo seu patrio digressam litore, curvo 220
 Excipiet Cajeta sinu, seu te Anxuris arces;
 Circeosque lacus juxta, & Tiberina legentem
 Ostia, nec fidum nautis mare, remige dextro
 Flecentem facili adnitens transmiserit aura
 Puppis, & Herculeos inviserit hospita portus: 225
 Sive Argoa tuis spumescant æquora remis,
 Qua patet effossis fecundior Ilva metallis,
 Et vastos pelagi in fluctus Populonia mater
 Prospektat, summoque attollitur ardua saxo:
 Seu tua Neleæ remorentur lintea Pisæ; 230
 Rorantesque imo tollens de gurgite vultus
 Labentem niveæ præter vada cærule Lunæ
 Adspiciat procul, & Nymphis stipatus adoret
 Macra suis adstans ripis pater: ad sua tandem
 Litora delatam regnis Ligur ora maritis 235
 Accipiat, prima & puppim veneretur herilem;
 Dum sacros Erycis portus, tutosque recessus
 Ipsa suis nanthem excipiens Venus alma lacertis,

In-

Invehat, optatifque adsignet denique terris:
 Nereïdes tibi, Nereïdes Tyrrhena propago 240
 Numina Nefæe, Melitæaque, Cymodocceque,
 Glauceque, Spioque, Janiraque, pulchraque Doto,
 Amphinomeque, Opifque, Pherusaque, Dexameneque,
 Atque Halye, atque Thoe, & flavo crine Amathusa,
 Maternumque Thetis nunc primum oblita dolorem, 245
 Adfiftant, fternantque viam, & comitentur euntem,
 Certatimque tuæ præludat turba carinæ.
 Jam votis nos te, virgo, jam mente fequemur.
 Mox ubi jam pelagi tantum & permenfa viarum,
 Contigeris cupidas dilecti conjugis ulnas, 250
 Grataque follicitos tandem nox junget amantes;
 Æternos vobis Cypris dea, Cypris amores,
 Concordefque animos, & mutua vincula neftat:
 Vincula quæ feræ maneat ad fata fenectæ.
 Fœcundet Latona torum, Latona perenni 255
 Prole domum, Latona genus per fœcla propaget.
 Juppiter ingentes det opes, det Juppiter annos,
 Regnaque, fortunamque domus fine fine manentem.
 Dicite Hymen, iterate Hymen Hymenæe, puellæ.
 Dulcis Hymen Hymenæe Hymen, ades, o Hymenæe. 260

II.

† IN CHRISTUM SEPULTUM.

TE ne ego, magne Pater, te ne, alti rector olympi,
 Te ne ego sic lacerum indignos crudeliter artus,
 Sic positum aspicio? quem non vasti atria cæli,
 Non mundus capit; tegit heu brevis urna sepultum.
 Nec miseri assiduos lacrimarum fundimus amnes?
 Tanta nec æterno dessemus funera luctu?
 At tellus tremefacta, latensque in nubibus aer,
 Cunctaque turbatis sterunt elementa figuris:
 Flevit Sol nigra tingens ferrugine cælum,
 Ipsaque lugubri crines velavit amictu,
 Auctorem miserata suum, mœrissima Phœbe,
 Atque averſa novus stupefecit sidera mundus.
 Heu dolor, heu pietas! heu quæ manus impia tantum
 Ausa nefas? neque enim diris illa excidit ausis.
 An ne parum fuerat, patrium modo relinquere cælum,
 Nec dedignatum miseræ commercia terræ?
 Quodque Deum *jungens* homini (mirabile dictu!)
 Induere humanos non fastidiveris artus?
 Tristia quin diræ passus ludibria gentis,
 Ferre necem, & nostro voluisti occumbere leto.
 Sic quondam caræ divulsus ab ubere matris,
 Mitis ubi exstructas agnus mactatur ad aras,
 Nostra luis commissa, tuo nos sanguine servas,
 Dulciaque æternæ das noscere præmia vitæ.
 Quo jam, summe Pater, (nam supra quicquid, & infra est,
 Te venerata tuos observant omnia nutus)

Da

Da, seu te infirmæ tangunt contagia partis,
 Terra, Prometheumque lutum, primordia nostra;
 Seu dolor, & falsæ spes non indebita menti,
 Nec tua difficilis nostræ clementia culpæ; 30
 Ut qui mœsta pii repetentes orgia sacri
 Annua solenni colimus mysteria luctu,
 Per te pacatæ defunctis munere vitæ,
 Supremus tenues quum spiritus ibit in auras,
 Elysii læta arva poli, sedesque beatæ, 35
 Pollicitique tui pateant non irrita dona.

III.

† AD ACTIUM SYNCERUM, ET M. ANTONIUM

Fratres Epistola Consolatoria

IN MATRIS FUNERE.

UNANIMI fratres, rapta qui matre doletis,
 Et desiderio fletis uterque pio:
 Desinite ah lacrimis tam sanctos lædere manes;
 Vos vetat Elysiis illa recepta choris.
 Illic optatis longum complexibus hærens 5
 Jucundo fruitur conjugis ore sui:
 Felicesque animas inter, cœtusque verendos,
 Narrat natorum de pietate parens:
 Scilicet his ut spem viduæ solata juventæ
 Deserti tulerit frigida regna tori: 10
 Addit & obsequia, & dulces cum pondere mores,
 Jam tum quum patrias ferret uterque vices.
 Quum simul & Nymphas, Satyrorum & cantat amores:
 Estque in SYNCERI carmine tota sui.

Quod

Quod subito cantu turba excipiente deorum, 15
 Hinc illinc variis plausibus arva sonant.
 Massiliam chorus omnis, & ætheriæ convalles,
 Massiliam totis reddit & aura locis.
 Illa autem æternos caro cum conjuge gressus
 Jungit, & Elysium sic terit alta nemus. 20
 Quo jam pro lacrimis Panchæos urite odores,
 Orphææque move tu fidis alter opus:
 Non quibus infernas ille exoraverit umbras,
 Flebilibus supplex ausus adire modis:
 Sed quibus & divûm laudes, ipsosque canendo 25
 Heroas cælo, sideribusque locat.
 Has mitti jubet inferias, hæc funera mater:
 Ipsa sibi has lacrimas, hæc sibi busta rogat.

IV.

† PUELLAM FORMOSAM DESCRIBIT.

HANC faciem, & nivæ tam rarum frontis honorem,
 Hicve rosis hæc quis lilia miscet? Amor.
 Quis gemina aut illic succendit sidera? quisve
 Arcum illic, illic spicula condit? Amor.
 Rubra quis in teneris polit hæc corallia labris? 5
 Aut hoc intus ebur finxit ab arte? Venus.
 Quis decus effingit morum? quis verba loquenti?
 Clamve decor qui te subsequitur? Charites.
 Quis formam sine labe dedit? digitosque manusque?
 Quis format nullo crimine membra? Venus. 10
 Quis mihi perpetuos hos nutrit in ossibus ignes?
 Frons, oculi, facies, verba, labella, decor.

K k

V.

V.

† DE JUNIO PUERO.

JUNIVS ut primum materna est editus alvo,
Miratæ puerum circuire dez.

Dum certant, optatque suum dum quælibet: inter
Certantes rapuit Cypria basiolum,

Atque ait: Hæc nostrum defendant pignora. at illi
Pressa rubet tenui nunc quoque mala nota.

VI.

† IN JUVENEM AUDACEM.

SIVE furor, seu sit ratio, contemnere vitam,
Alterius vitam perdere dum properas:

Inde mones, juvenum confidentissime, quam sit
Et fragile, & fallax, & breve vita bonum.

Gabrielis Altilii Carminum Finis.



ILLU.

ILLUSTRIUM POETARUM
C A R M I N A
DE GABRIELE ALTILIO.

JACOBI SANNAZARII de Natali ALTILII Vatis.

MU^sarum lux alma, meus cui tura quotannis,
Cui rite ALTILIUS fundit in igne merum:
Accipe servatos biberno frigore flores;
Queque madent Siculis annua liba favis.
Quandoquidem magnum Latio, rarumque dedisti
Pignus, & Aoniis non leve nomen aquis.
At tu, sic tristes numquam experiare tenebras;
Sic Phœbi nitido semper bonore mices:
Faus^ta, precor, longos tamen expectata per annos,
ALTILIOQUE tuo concolor usque redi.

Idem Elegia XI. Libri I. v. 17.

CUI (Pontano) comes intactæ lustrans sacraria silvæ
ALTILIUS, docto pectore carmen biat.

Idem Elegia II. Libri II. v. 21.

AL^TILIUSQUE novos superis laturus bonores,
Pindarica feriat carmina docta lyra.
S^FORCIADUM mox dicat, ARAGONIOSQUE Hymenæos,
Jure quibus cantus æquet, Homere, tuos,

JOANNIS JOVIANI PONTANI.

COMITIS ALTILIUS placet puellis,
Incomitæ ALTILIO placent puellæ.
Iratam quia fecerit Dionem
Cano candidior puella cycno,
Quam totis Amor insidens medullis
Fulgentis pueri ufferat calore.
Oblatum sibi dum suaviari,
Dum levi cupit hinc, & inde collo,

K k 2

Utra-

Utraque & simul implicare palma,
 Hic trux ALTILIUS reflectit ora,
 Et dextra cupidus manus repellit,
 Ac verbis ferus, improbus minatur.
 Tunc illa in miseros abit dolores,
 Et largus abit imber ex ocellis,
 Torpent pectora, mensque, corculumque,
 Semi & mortua lectulo recumbit,
 Ultricem in puerum imprecata diuam.
 Incomitæ ALTILIO hinc placent puellæ.

† BASILII ZANCHII in GABRIELEM ALTILIUM.
 Poemat. Lib. vi. pag. 185.

Qualis, Hyland Myforum agris dum quæreret amens
 Alcides, ripa concidit Ascanii:
 Talis ego, amissam dum per juga longa Lycinnam
 Persequor, & nullo devia trita pede,
 Procubui berboſo viridantis margine ripe,
 In mare qua liquidis Albula rumpit aquis.
 Hic me jucundo devictum lumina ſomno,
 Pieridum dulcis per loca raptat amor.
 Errabam, molli qua ſe demittere circo
 Incipit arguto Caſtalis unda pede:
 Inde pios ſupero lucos, viridemque Heliconæ,
 Hic ubi ſortitæ rura beata deæ.
 Lauricomi circum colles, & amœna vireta,
 Et vaga odoratum perſtrepit aura nemus.
 Telluris gremium non uno nomine flores,
 Non uno pingit miſta colore roſa.
 Hos ſuper argento, & tenui magis ſplendida viro
 Irrigat Aoniis lympha profuſa jugis.
 Alta latebroſo dependent pumice tellæ,
 Veſtibulum molli fronde regente vires.
 Intus nativo conſtructa ſediſa ſaxo,
 Et ſtrepitans murmur lene ſonantis aquæ.
 Hic mihi Pieria viſus recubare ſub umbra
 Pythius, & circum Theſſia turba deæ:

Quæſ

Queis subter fusos cervix argentea crines
 Accipit, & fusos aurea sarta premunt.
 Illis Assyrio vestis fucata veneno
 Ardet, & ex humeris parte ab utraque fluit.
 Hæc modo vocales percussit pectine chordas,
 Hæc similes chordis nectere docta modos.
 Hæc modo pallentes violas, modo lucida texit
 Lilia, virgatis quæ gerat in calatbis.
 Hanc tenet hospitii late frondentibus arbor,
 Hæc lavat integris pectora fluminibus.
 Pars etiam implexis per mutua vincula palmis,
 Exercent faciles ad nova plectra choros.
 Has inter junctis spatiantur passibus ambo,
 Calliope, & magni nominis ALTILIUS:
 ALTILIUS, quo non Phœbo jucundior alter:
 ALTILIUS sacro lotus in amne pater.
 Huic modo prima chori citharam suspendit eburnam,
 Addit & Orpheæ fila canora lyre:
 Queis thalamos, ISABELLA, tuos, ARAGONIA virgo,
 Pindarico resonet queis gravis ore deos.
 Melpomene insignem victricis fronde coronam
 Nunc parat, & verna lutea sarta rosa:
 Nunc plectro insignit letum, testudine & aurea,
 Ut referat dulci dulcia furta sono.
 Ille canit: Mea vita, Lami loca nota relinque,
 Quintia, Parthenopes dulcia tecta pete.
 Dum modo sim tecum, mea lux, non regna, nec aurum,
 Non Arabum optarim ditia rura mihi.
 Sat mihi sit cara mentem saturare figura,
 Pascere & optatis lumina sideribus.
 Tu tantum ambrosius intendas vincla capillis,
 Vincla vel eterno non solvenda Jovi.
 His addit dominam insignem de cæde ferarum,
 Munera Dianæ digna referre tholo.
 Dum canit, Aoniæ respondent carmina valles,
 Et nemora intonsis spissa cacuminibus.
 O nimium felix tanto scriptore puella,
 Felix, quam longum charta loquetur anus!

Nota

*Nota colorati discent tua nomina Seres,
 Quæque jacet nimio terra perusta gelu.
 Jam niveos illi iungebat sedula cycnos,
 Et dabat adducta lora regenda manu:
 Quum mihi jucundus defluxit corpore somnus,
 Lucifer & roscio fulsit ab Oceano.*

Ejusdem.

MINCIADÉ in ripa veteris prope mœnia Mantus
 Errat, & in Tusco concinit umbra lacu.
 Dum canit, argutos cantus imitatur oloris,
 Dulcius extremum dum canit ante diem.
 Scilicet ALTILII post funera dulcis imago
 Nunc repetit patriæ limina cara suæ:
 Nunc tumulum invisit magni prope busta Maronis,
 Sebetibus placidis qua fluit amnis aquis.
 Talis Persephone, talis Ledaë propago
 Alternis superas itque reditque vias.

HIERONYMI AMALTHÆI. Pag. 293. Carm. Basilii Zanchij
 edit. Basileensis Oporini an. 1555. vocatur *Incerti Auctoris*.

PROTULIT ALTILIUM, quæ protulit ora Maronem:
 Protulit una duos, abstulit una duos.
 Felicem eventum fortita est utraque tellus,
 Altera per cunas, altera per tumulos.

JOANNIS MATTHÆI TOSCANI.

CArminis arguti, dulces qui spiret amores,
 ALTILIO palmam detulit ipsa Venus.
 Sic decuit vatem quem culta Neapolis inter
 Perpetui voluit vivere veris opes.
 Unde suas læto distinxit flore Camœnas,
 Struxit & Aonijs condita mella favis:
 Enthea quos Phœbi libabit turba liquores,
 Citria dum & gignet Parthenopea rosas.

HO.

H O N O R A T I
F A S C I T E L L I

I S E R N I E N S I S

C A R M I N A

E L E G A N T I S S I M A ,

In hac nova Editione, insigniter aucta.



THE
AMERICAN
SOCIETY
OF
MUSICIANS
AND
COMPOSERS

Selecta Doctorum Virorum
 DE HONORATO
 FASCITELLO
 EJUSQUE SCRIPTIS
 TESTIMONIA.

*Abbas Ferdinandus Ugbellus Italiae Sacrae Tomo Nono
 in Episcopis Insulanensibus.*

HONORATUS FASCITELLUS Ifernienſis, nobili familia
 natus anno 1502. patre Marco viro clar. matre Margarita
 Caracciola; puer anno 17. monachus Caſinenſis Cœnobii fa-
 ctus (1), vir evaſit in Græcis, humanis, diviniſque literis ver-
 ſatiſſimus, & poeta inſignis, cujus etiam poemata lepidiſſima
 leguntur apud Jovium in Elogiis, ſuntque impreſſa quoque
 in Deliciis Poetarum Italorum. Laudatur a Bembo, Joanne
 Caſa, Flaminio, ab amico noſtro erudito Jo. Baptiſta Mari
 Canonico S. Angeli in foro Piſcium in notis ad librum Petri
 Diaconi Caſinenſis de Viris Illuſtribus Caſinenſibus, quem pu-
 blici juris fecit Romæ anno 1655. aliisſque doctiſſimis viris;
 quumque ob egregias virtutes, JULII III. PONTIFICIS no-
 tus, & familiaris eſſet, Inſulana inſula condecoratus eſt die
 30. Januarii 1551. præceptor datus Innocentio Montio Car-
 dinali in Pontificis familiam adoptato. Interfuit Concilio Tri-
 dentino. Romæ obiit menſe Martio 1564. quum jam antea
 Episcopatu ſe abſolviſſet. (2) Inſigne edidit opus de factis
 Alphonſi Marchionis Vaſti heroico carmine, cujus cum laude
 meminit Scipio Capicius de Principiis Rerum *in calce Lib. II.*

L I

Pc

(1) Sub Vincentio Neapolitano. (2) Scripſit quamplurima opera, quæ temporum ca-
 lamitate ad manus noſtras non devenerunt. Floruit temporibus Caroli V. & Maximi-
 liani Imperatorum. *Placidus Diaconus Caſinenſis in Supplemento ad Librum Petri Diaconi de
 Viris Illuſtribus Caſinenſibus.*

*Petrus Victorius Epistolarum Lib. II. Epistola
ad FASCITELLUM.*

Accepi (a Simone Portio) te ab JULIO III. PONT. MAX. Episcopum esse creatum, quum paucis antea mensibus vel diebus potius te usus esset, atque instituendo, ingenuaque omni disciplina expoliendo Cardinali suo destinasset: eo autem nuntio maxime lætatus sum, & tui ipsius causa, quem semper amavi, & propter admirabiles virtutes tuas, merito suspexi, & aliorum etiam, qui idem vitæ iter ingressi, atque in doctrinæ studiis diu versati, sperare possunt, præmium aliquod aliquando fore suis laboribus; cui rei si operam darent opulenti viri, & in maximis dignitatibus constituti, vehementer inflammarentur animi reliquorum ad optimas artes colendas, & in antiquum gradum honoris restituendas, unde importunitate barbarorum, calamitateque superiorum temporum indignissime dejectæ fuerant: nam, quin hoc perfici posset, dubitare non debemus, quum hac ætate magna illis accessio facta sit, sponte ad hoc conspirantibus ingeniosis viris, potius quam iusta ulla mercede tantæ suæ industriæ invitatis. &c.

Q. Marius Corradus Libro XIII. de Lingua Latina.

Luferunt alia doctissimi viri, Pontanus, Castilio, Varchius, Jo. Baptista Arcucius, Cotta, Naugerius, Fracastorius, Amaltheus, Marullus, Gambara, FASCITELLUS; quorum tamen scriptis non minus, quam Virgilii, Horatii, aliorumque veterum, posteritas omnis adjuvabitur.

Jo. Matthæus Toscanus Pepli Italie lib. III. pag. 78.

FASCITELLUM protulit Neapolis, Cardinali FARNESIO ob ingenii elegantiam carum: a quo & Episcopatu honestatus est. Purissima ejus & dulcissima poemata, quotquot in manus nostras venerunt, typis exaranda curavimus primo volumine Carminum Illustrium Poetarum Italarum. Multo tamen majorem carminum numerum, nondum luce donatum

tum, poetices studiosi desiderant: quæ aliquando proditura (1)
non desperamus.

† *Jannus Bronkhufius ad illa Tibulli*
Eleg. I. lib. I. Exiguo luceat
igne focus.

Quæ perpulchre est imitatus HONORATUS FASCITEL-
LUS, Episcopus Insulanus, vir multis nominibus laudatissi-
mus;

<i>At dies brevioribus</i>	<i>Tum foco filia integra</i>
<i>Rapta cum spatiiis ruit,</i>	<i>Advoluta hilarat domum:</i>
<i>Brumaque extulit horridum</i>	<i>Nos pigris utraque & utraque</i>
<i>Verticem gelide nivis</i>	<i>Cruraque, & latera indidem</i>
<i>Imbriumque potentem,</i>	<i>Ustulamus ad ignem.</i>

tum quæ inibi sunt plura, eruditæ venustatis plenissima.

† *Idem ibid. ad illa Eleg. I. lib. II.*
Fulvis circumdatus alis Somnus.

Pulchre HONORATUS FASCITELLUS, poeta purus ac ni-
tidus, cujus ego plura exstare Carmina (2) magno emerim:

Usque dum veniens genis
Conniventibus, & pede
Debili Sopor, unus ut
Quisquis eat cubitum monet
Ofcitante labello.

L 1 2

pul-

- (1) Nobis potissimum id contigit, ut primi omnium (nisi valde fallimur) plura, & ea
quidem graviora, FASCITELLI carmina, fide atque oblivione pene sepulta, in lu-
cem proferremus. Quanti enim fieri debet a justis rerum aestimatoribus Poema nobile
de gestis ALPONSII, Marchionis Vastii, eorum egregii operis meminerunt Scipio
Capiccius, & Ferdinandus Ughellus; quos testes locupletes in hac causa excitavi-
mus. Id tamen ante nostram ætatem typis descriptum nunquam fuit, quod sciamus.
- (2) Utinam Bronkhufius adhuc superesset! magnam scilicet animo læticiam caperet legen-
dis quamplurimis FASCITELLI versibus, huc alteri editioni nostræ adjunctis; quæ
erat in eum poetam voluntate. Hos tamen insigni Viri celeberrimi APOSTOLI ZAN-
NI liberalitati omnino deberet, qui ex illo suo copiosissimo bonorum librorum the-
sauri depromtos, nobis edendos benigne concessit.

pulchre, inquam, Somnum pede debilem fecit. Rationem nos docet Pausanias Eliacis prioribus, sive lib. V. &c.

† *Idem ad illum Propertii versum Eleg. I. lib. III.*
Ad tua rorantes carmina flexit equos.

Perquam venusta tralatione ii pisces nostro equi dicuntur. Et secutus est HONORATUS FASCITELLUS, nobilis superiorum temporum poeta, ad homines transferens:

*Regem magna virum proceraque colla duorum
Sublimem junctis sustulerant manibus.
Hi currus illis, hæ sunt in honore quadrigæ:
Non aliis prisco more vebuntur equis.*

Respexit autem is ad locum Plinii Minoris Panegyri. Nam priores invehi & importari solebant, non dico quadrijugo curru & albetibus equis, sed humeris hominum.





HONORATI FASCITELLI ISERNIENSIS CARMINA.

I.

† A L F O N S U S .

(*E Codice chartaceo in folio, ut vocant, Viri Celeberr. APOSTOLI
ZENI; in quo nonnullorum poemata Latina & Etrusca, item
alia soluta oratione scripta continentur; pag. 24.
Huic Codici nota numeri I. apposita est.*)



UMQUAM non Musis, numquam non vatibus æque
Gesta deûm curæ, curæ sunt gesta virorum.
At vos, Pegasides, vos æquius inclyta semper
Facta patris decet, & divûm cecinisse trophæa;

Qualia Phlegræos dudum bellata per agros 5
Stans vestrum medius, quondam cantabat Apollo;
Ætnamque, Prochytenque, & olentes sulphure Bajas:
Quandoquidem divas æquum est meminisse deorum.
Nos contra melius, nobiscum carpere fuetos,
Quicquid id est tandem cæli & spirabilis auræ, 10

No-

Nostrates canimus, vestrisque æquare paramus.
 Sic ego * id meditor totum vulganda per orbem,
 Quæ mihi post paullo Parcæ dicenda reservant:
 Scilicet ut tenui jam pendeat Africa filo,
 Jam trepidet, miserisque modis turbata laboret; 15
 Nec quid agat, norit; vel quo se exterrita vertat.
 Ipse sibi mediis Triton diffidit arenis;
 Ipse tremit vacuis Nasamon prædator in arvis;
 Et celeri Garamas cursu delatus ad Indos,
 Avia jam noti superat cunabula Nili. 20
 Per nemora ad latebras, & inhospita tenditur antra;
 Nec tamen aut silvæ miseris, aut ullâ putantur
 Tesqua fatis. Passim pallorque, pavorque vagantes
 Occupat; & vario miscentur cuncta tumultu.
 Tantum aspectantes Asiam, Turcamque tyrannum, 25
 Ore fremunt omnes. Tum, spes ubi nulla salutis,
 Id sibi præsidii solum superesse fateri.
 Jamque cient magnis clamoribus. Huccine rerum
 Deventum est Libyæ? vix est mihi credere dignum.
 Sed tamen hæc etiam, Libye, te fata manebant. 30
 Ah misera, ah male sana, ducesque oblita priores,
 Nec tibi jam constans, nec habens cui perdita fidas!
 Tu Lybie? tunc illa tuis armisque virisque
 Terra potens, Latii quæ nominis æmula semper,
 Sola parem terris animo aspernata Quirinum, 35
 Aurea sublimi feriebas sidera dextra?
 Nunc Asiam imbellem spectas, Parthumque fugacem;
 Nunc externa petis Tyræ solatia genti.

Hcu

Heu quantum meritis minor, & virtute parentum!
 Nequicquam tamen, infelix, hæc ipsa fatigas 40
 Auxilia, & turpi talem te fœdere firmas.
 Nam sua stant Asiæ quoque funera; nec procul ardent;
 Et junctæ casu longe majore ruetis.
 Anne parum vobis Europæ cognita virtus?
 Vos armis Europa petit, belloque lacessit, 45
 Italiæ auspiciis, ducibusque innixa Latinis.
 Jamque parat Siculi præter vada currere ponti;
 Jam Ligurum obsedit salebroso in litore portus
 Magnanimûm instructis heroum exercitus alis;
 Adcincti bello juvenes, Romana propago; 50
 Spirantes patriæ meritos virtutis honores.
 Quos inter medius gradiens ALFONSUS, & ipse
 Scipiadas nobis referat qui solus utrosque,
 Sceptra manu gestans, AVALUMQUE insignia regum,
 Terribilem cristis galeam quatit acer equinis, 55
 Qualis Parthenopes nuper sub montibus idem
 Gallorum magna debebat strage cohortes.
 Tempore quo mihi LAUTRECCUM Ligur AURIA Belgam,
 Ignavosque duces infaustaue castra perosus,
 Vertit iter, ferisque suis sibi conscius annis, 60
 Hic demum tuta classem statione recepit.
 I cava nunc Cetara, & Amalphides ite puellæ,
 Incusate deos, & Tusci numina ponti,
 Candida marmoreis plangentes pectora palmis.
 Hæc quoque Parcarumolvebant flamina fusi, 65
 AURIA uti, fato victorque & victus eodem,

Jun-

Jungeret ALFONSO sese, juvenemque secutus
 Jam senior, bello tumidos, præstaret, ut ille
 Tum certe Gallos nostris averteret oris:
 Mox vero magnis Libyamque Asiamque catenis 70
 Implicet, & pedibus calcandas Cæsaris
 Nec mihi se Rhenus jactet conjunctus Ibero:
 Dum fletit, hostilesque minas interrita vidit
 Parthenope, ALFONSI dextra stetit. AURIA magno
 AURIA dein AVALO junctus, terraque marique 75
 Ilicet ostendit, quid pubes Itala posset,
 Discordes animo pergat si ponere motus;
 Sponte nec ipsa sua caput offerat obvia leto,
 Dum studiis diversa ruit; dum turbine cæco
 Acta, odiis, grata & rerum novitate tenetur. 80
 Atque utinam quorum manibus victoria parta est,
 Iidem virtutis quæssissent præmia soli,
 Et bene pro meritis laudum quoque dona tulissent.
 Nunc eadem infontes pariter fontesque procella
 Perculit, & cunctos uno simul obruit æstu: 85
 Dum sibi quisque putat nil non impune licere;
 Et rapit; & læti quantum quis possidet agri,
 Tanti agitur reus, & patriis procul exulat oris.
 Heu fortem miserandam, & nostris debita seclis
 Fata deûm! si fata deûm tam dira putandum. 90
 Sic o sic tandem patriis viduata colonis,
 Una viris florens, opibusque, & fortibus ausis,
 Una domus genitrixque deûm, sobolesque deorum
 ITALIA infelix, Septem-jam tota-trioni

Occi-

Occidis; &, curru celsâ ad Capitolia victos 95
 Ducere gratantum longo quos ordine fueras,
 Nunc dominos perfers: nec te juga barbara tangunt?
 Sic nos (heu miseri!) quæ digna indigna relatu
 Pertulimus? quæ non mala vidimus? O ubi tellus
 Ultima, & æternis nunquam non cana pruinis, 100
 Aut solis rapido semper damnata sub axe?

Sed lacrimis modus esto. Meus, meus ecce propinquit
 Quadrijugo inuestus Campana per oppida curru
 ALFONSUS, pacemque ferat, finemque malorum
 Qui statuat; curasque jubens procul esse sequaces, 105
 Æterna inducat miserarum oblivia rerum.
 Victor io trahit ecce tot inclytâ regna, tot urbes
 Captivas; montesque novos ostentat; & arces
 Montibus, & rapido fluviorum vortice tutas
 Victor agit, clari secum monumenta triumphi: 110
 Innumeras Italo prostratas Marte phalangas;
 Æthiopum Meroen, & Bactra extrema, Dahasque,
 Quosque habet infelix felices Mecha Sabæos,
 Quique bibunt Indum, & centumgemina oppida Cari;
 Atque alios, aliosque omnes, quos maximus ambit 115
 Orbis, & Oceano complectitur Amphitrite.
 Vestes cuique suæ, nec lingua alienior armis.
 Hic illum, ille alium miratur: at omnibus omnis
 Præcipua Othomani cura est, Asiæque jacentis
 Arma procul, capitisque immensa volumina sacri 120
 Prospicere; humanasque vices variantia fata,
 Aureaque Eoi miserari vincula regis.

M m

Tu

Tu vero Pœnos & classem discere, & ecquis
 Sub pedibus frendat Libyci novus Annibal æstus,
 Ænea cui barba est, ferroque incincta nitenti 125
 Dextra rapax, regnumque dolis & cæde paratum.
 Ipsi non audent dejecta cacumina montes
 Tollere; non oculos, infractis cornibus, amnes.
 Caucasus Atlantem miratus, & arida menta,
 Ingentesque artus, concretaque terga pruinis, 130
 Cælum ubi sit, quærit: versoque ad gaudia fletu,
 Irridere senem, percontarique videtur,
 Ecquis in Herculei defudet mole laboris.
 Ille supercilium tollens, cervice reflexa,
 Suspicit ALFONSUM; scapulisque ad colla relatis, 135
 Ut licet, hæc majora fatetur pondera; & ore
 Compresso, tantum demisso vertice nutat.
 Bagrada respectat Tigrim simul, & simul omnem
 Prolixam, illacrimans, falso rigat æquore barbam.
 At Tigris nictatque oculis, torvumque tuctur, 140
 Jam jam erupturo similis, totamque sonanti
 Cursu everfuro pompam. Pavet obvia turba;
 Et flentes pueros pressant ad pectora matres.
 Sic Tagus ad Gangem, Ganges conversus ad Istrum,
 Inque alios alii, mussantque dolentque vicissim; 145
 Spectantumque tenent oculos, atque ora morantur.
 PAUSILYPUS læta redimitus tempora citro,
 Jura dat, & leges victis imponit amicas;
 Ac monet, ut partem socii SEBETHUS honoris
 Jam subeat, Nymphisq; rosas & lilia mittat. 150

Ipse

Ipse fluentifona lenis pater incubat urna,
 Cæruleos tenera præcinctus arundine crines,
 Sufficit & festas vario de flore corollas,
 Hortaturque suas per mollia prata Napæas,
 Visendi properent dulci prævertere cura 155
 Naiadas comites, festinantumque catervas
 Nereidum: quarum Siren dux, maxima Siren
 PARTHENOPE, thyasosque novos, nova carmina tentat;
 Et movet in numerum choreas, & voce canora
 ALFONSUM ingeminans, Felix, hoc auspice, felix 160
 Nunc ego dicar, ait. Responstant æquora plausu.
 Immixtæque viris passim nullo ordine matres.
 Et pueri adsultant, vocesque ad sidera tollunt,
 Gratandi exciti studio, effusique per urbem.
 Ære cavo divûmque arces, arcesque minorum 165
 Certatim plaudunt heroum, atque aëra frangunt:
 Sed divûm resonis tantum tinnitibus auras
 Complent, & molli nubes clangore serenant:
 Heroum valido fumantes igne coruscant,
 Igne tonant, cælumque petunt, cælum igne laceffunt, 170
 Et longis liquidum labefactant æthera bombis.
 Quæ pater ignipotens media Vulcanus ab Ætna
 Dum procul exaudit, clauso Cyclopas in antro
 Castigat, furtique vias & nomina quærît;
 Fulminibusque suis fremit æmula fulmina, olenti 175
 Sulphureque strepituque & terrificis fulgetris.
 Jam fremitu reboant montes; jam jam omnia late
 Litora turbantur: Campania tota resultat.

Ast AVALUS divūm templis indicit honores,
 Et larga fert dona manu, cumulatque per aras 180
 Tura Arabum, & stirpes ima ab radice revulsas.
 Tum spolia excelsis gaudet suspendere testis;
 Parietibusque sacris adfigit opima, superbis
 Pro foribus statuens quæsitæ ex hoste trophæa.
 Talis Liber erat, nigris cum victor ab Indis 185
 Indomitos egit tigres ad frena jugales,
 Sileno cum evante, & thyrsigeris Satyriscis.
 Talis & Alcides præda spectandus Ibera,
 Post tot inexhaustos terraque Ereboque labores,
 Aut fuit, aut poterat Pompejis esse propinquis, 190
 Æterno nostras dignatus nomine terras.

Victori in primis medio VICTORIA templo
 Adstitit, jactatque suo se nomine læta,
 Quondam sæpe viro, nunc facta nepotibus omen.
 Utque olim invicti fata immatura mariti 195
 Flebilibus numeris, doctisque sacrasse querelis
 Juvit, & æternis manes intexere chartis;
 Jam canit ALFONSI victricia signa nepotis,
 Lesboas Tusco percurrens pectine chordas.

Sed locus haud patitur me longius ire per altum, 200
 Nec mihi tam gelido præcordia frigore torpent,
 Hujus ego ut brevibus laudes perstringere verbis
 Possë rear, speremque omnes æquare canendo.
 O decus, o patriæ spes, heroina, deorum
 Salve perpetuo nostris data munere terris: 205
 Te canimus læti, te cælo tollimus omnes.

Tu

Tu mihi te facilem da, vates optima, vati:
 Et potuisse aliquid tecum fortasse feremur.
 Hæc meditor, tacitusque animo mecum ipse voluto.
 Atque utinam tantis par sim modo conditor actis, 210
 Ne me deficiant sub iniquo pondere vires.
 Sed tamen experiar: nec me tentasse pigebit.

II.

AD CARDINALEM FARNESIUM.

FARNESI, tibi non sat est, ut ajunt,
 In magnis voluisse; nam pusilli
 Illud est hominis * Tibullianum.
 Te, qui maximus es, deumque proles,
 Decet maxima quæque jure posse: 5
 Quamvis fors etiam Maronianum
 Perrupisse Acheronta sit necesse.
 Jam scis quod volo: perfice ut satis sit;
 Hac via, aut alia, nihil laboro:
 Tantum perfice. quod remordet, hoc est. 10
 Sic tu terque quaterque diis secundis
 Diu terque quaterque sis beatus.

III.

AD ANTONIUM PERENOTUM

CARDINALEM.

QUUM quisquam maris æstibus
 Deprehensus, truculenti & rabie Noti,
 Jactatus lacera trabe,
 Certus naufragii, vota deis facit;

Im-

* *Propertianum* debuit dicere; nam Propertii est Elegiar. lib. 2. *In magnis & voluisse sat est.*

Implerint subito leves	5
A puppi si animæ lintea; & æstibus	
Ereptus, rabie & Noti,	
Terras prospiciat, quas petit; & prope	
Accedat magis ac magis	
Cara ad litora, caram ad requiem, & lares,	10
Non jam naufragium timens;	
Attollit mediis lætus in æthera	
Ex undis duplices manus;	
Præsentisque supinus celebrat deos:	
Quos sperat fore perpetes,	15
Purgato rapidis cælo Aquilonibus,	
Dum terras cupidus premat.	
Sarcit carbasa mox; & reficit ratem	
Diris fluctibus erutam:	
Tranquillo det hians ne pelago prius,	20
Quam portum subeat, latus;	
: Et, qui nunc fuerat præsidio Dei	
Servatus, sua inertia	
Magno cum opprobrio turpiter occidat,	
Is, postquam incolumes tulit	25
Tandem in litus amicum madidus pedes,	
Pictis vestibus, & trabe.	
Votivam superis pariete de sacro	
Suspendit tabulam, memor	
Quam vim suspiciat Numinis, & colat.	30
Cesset si auxilium Dei,	
Nil nostrum ingenium, nil valeant manus;	

Sit.

Sitque incognita cœlitum
Virtus, si nihil æquo ab Jove defluat.

IV.

IN OBITU ARSILLI, MEDICI,
ET POETÆ.

ERGO videmus lumine hoc spirabili
Cassum jacere te quoque;
Ut plebe quivis unus e vili jacet;
ARSILLE magno Apollini,
Novemque Musis care? sive poculis
Præsentibus morbi graves
Essent levandi; sive dulci carmine
Dicenda mater aurea
Cupidinum, lususque furtorum leves.
O vota nostra inania! 10
Quid dura fati non potest necessitas?
I, da lyram mihi, puer;
Manuque funde prioniore Cæcubum.
Nunc sunt Lyæi munera,
Nunc plectra cordi; nunc juvat lectissimo 15
Cinxisse flore tempora.
Sicci, tenebris obsiti, tristi in Styge
Fortasse cras silebimus.

V.

AD NICOLAUM ARDINGHELLUM,
CARDINALEM.

EST quidem hoc aliquid, fatemur omnes,
Non magnum modo in urbe te, sed inter

Pa-

Patres posse videre purpuratos.

Est quidem hoc aliquid, fatemur omnes,

ARDINGHELLE: fatemur, & frequentes

5

Hinc, atque hinc tibi gratulari avemus.

Sed quod sit satis, id negamus omnes,

Quantum quod pote plurimum negari.

At, quum maximum in orbe viderimus,

Insignem triplici aurea tiara;

10

Quæ virtus tua, nostraque omnium est spes;

Tum vero id poterit satis videri.

VI.

AD F. CORNELIUM.

UNUS qui reliquus mihi patronus,

CORNELI, fueras, vetusque amicus;

Qui excelsio usque animo esse me jubebas

Firma in spe eximiaque, maximaque,

Ut jam istos facerem pili beatos;

5

Nunc diversus abire, nunc videris

Idem non animo esse, non loquela.

Et, quod me cruciat magis magisque,

Nullam ob causam aliam nisi ob facetam

Unam, ridiculamque, futilemque.

10

Quod FARNESIUS ad jocum libenter

Refert omnia; qui solet joculari

Tecum; & cui fuerit bono, rogare.

Atque hic tu mihi per jocum, atque lusum

Verbis illius (o novos lepores!)

15

Quid non dicere, vel tacere pergis?

Com-

Commentum placet elegans, falisque
 Plenum. sed, mihi crede, vultu, ocellis,
 Pallore, atque tremore, denique ipsa
 Næ tu proderis oscitatione. 20
 Tun' me? tun' mihi? qui tibi. sed ad rem.
 Amabo, mihi define ista posthac
 Plane frigida. Sin, vide, palam, clam
 Profecto ad JOVIUM elegantiarum
 Appellabo parentem. habet paratas 25
 Is chartas, calamosque, sive Etruscos
 Malis, sive etiam Latiniore:
 Quales nunc Venetos tuos videmus:
 Quibus quum historiam politiciorem
 Conscribillet ab orbe condito omnem, 30
 Illustrans, celebransque & hos, & illos:
 Jure amicitiae petemus, ut te
 In hos inferat, & tuos lepores.

VII.

IN PAULLUM JOVIUM.

NÆ debent JOVIO viri elegantes,
 Bonis artibus his, & his politi.
 Næ debent JOVIO elegantiarum

N n

Pa-

† Hoc Epigramma Italice ita redditum est an ab ipso FASCIVELLO, an ab alio illorum temporum poeta? Quæ quidem Interpretatio præponitur Elogiis Pauli Jovii Virorum litteris illustratum, de Latina in Italianam linguam translatis.

*Quanto al Giovin, che siede in su la cima
 Degl' ingegni eccellenti, lucidi, e ornati,
 Debba esser versato ebbè dal fato,
 Nè in prosa caper, non che in versi, o in rima.
 Ben tenuti gli sono i volti in prima,
 Ch' ammirano i suoi detti alti, e pregiati:
 Ma non men quel che fur quindi levati*

*Da lei che tutti al fin convien ad opprima.
 Che 'l suo studio gentile on' ei ci diede
 Tanto covante immagine da vedere;
 Senza cui la lor fama era smarrita;
 Fa che non teman quel movere il gl'ide
 Verso la morte: e a questi sa godere
 Ancor nel mondo sempiterna vita.*

Parenti, artibus omnibus polito,
 Quantum vix animus capeſſat ullus;
 Nec vivi modo, qui vident, amantque
 Urbani ſenis & ſalem, & lepores;
 Sed quos lumine adempto avarus Orcus
 Quis ſcit quo cohibet loco miſellos?
 Nam facit Jovius ſuis tabellis,
 Excultis lepido ſuo labore,
 Leti funera non timere vivos;
 Vitam vivere mortuos perennem.

VIII.

A D E U M D E M.

Jovi, quem pote nil novi latere,
 Reſciſtine hodie, tuum ſodalem,
 Qui te plus reliquis tulitque, fertque,
 Et ſemper feret in ſuis ocellis,
 A duro tibi Samnio rediſſe?
 Neges o utinam, ſenex beate;
 Sic ſit, ipſe ego nuntiusque primus,
 Biſque hoc nomine carus eſſe poſſim.
 Sed ſeu ſic habeat, quod ipſe malim,
 Se res, ſive aliter; tuus ſodalis
 A duro tibi Samnio reverſus
 Te ſalvere jubet, manuſque pronus
 Abſenti, ut licet, oſculatur ambas.
 Hoc primum: a regione tum remota
 Veſtos caſeolos dat, atque pernas;
 Addit præterea lepuſculosque

Duos,

Duos, quos ab Anagninæ ruinis
 Venator tibi tradidit ferendos.
 Tu ne despice qualecumque munus;
 Paulo post aderit sodalis ipse
 Cum rerum tibi sacculo novarum :
 Canet versiculos suos jocosos;
 Tu gravem historiam tuam repones.

20

IX.

A D J O V I I

Viros Illustres Armis.

MAGNANIMI heroes, salvete, haud parva supremi
 Cura Jovis, docti maxima cura Jovii.
 Vos tulit in cæli sublimes Juppiter arcem,
 Dignatus mensa concilioque deum:
 Vos Jovius totum late volitare per orbem,
 Romanaque jubet vivere in historia.
 Munera magna Jovis: verum, si dicere fas est,
 Non sunt æterni dona minora Jovii.

5

X.

D E J O V I O.

POSTQUAM relegit omnium
 Provinciarum Jovius intimos lares,
 Nec instituta substitit
 Via, vel alto territus montis jugo
 Hinc dividētis Italos,
 Illinc Iberos bellicosa Gallia,
 Vel æstuosis Hadriæ
 Illinc procellis, hinc profundis fluctibus

5

N n 2

Tur-

Turbatus inferi maris:

Sed inter acres evagatus milites, 10

Interque rauca cornua,

Et fusa victorum hinc, & hinc cadavera,

Non otiosa indagine,

Tot inde retulit libros annalium:

Mox utriusque litoris 15

Ora remensa, diligens felicibus

Piscator inde retibus,

Avara quidquid ante Neptuni manus

Celaverat nobis, tulit.

Nunc inquietus patre deductus Jove, 20

Animusque jam terrestribus

Non rebus explendus, velut celeri Noto

Elatus, ubi cælestibus

Explere se se latius bonis potest;

En aureo promit penu, 25

Quantum supremo Juppiter manu polo

Pulchri recondit: & quia

Numquam moveri cælites queunt loco,

Ut sustulit fati dies,

Veras recepit singulorum IMAGINES: 30

Quas deditas Apollini,

Musisque Larium colentibus lacum,

Beata continet domus.

Has si videre longa te vetat via,

Aut morbus, aut senium grave, 35

Præfens libellus indicabit, aureo

Quo-

Quovis monili carior.

Vos hinc remordet illa si cura, arduum.

Tentate cælum, posterì;

Quod summa virtus sola dat recludier. 40

XI.

IN CAROLI MAGNI EFFIGIEM.

AUDISTINE olim magni post Herculis arma,
 Extremam paribus Calpen qui terruit ausis,
 Inviictum virtute animi dextraque Rolandum?
 Audistin' robusta senis tot pignora Amonis?
 Ac teneram roseo cum primis ore puellam, 5
 Casside sub dura solitam se credere campo,
 Congressamque viris victricem excedere pugna?
 Atque alios aliosque omnes fortissima bello
 Pectora, bis senos ex ordine Pallatinos?
 Quos magnis longum spectatos Gallia rebus 10
 Evexit cælo, & fulgentibus intulit astris:
 Scilicet insignes spoliis heroas opimis,
 Insignes raptis immani ex hoste trophæis.
 Hoc duce, quem multo trabeatum cernis in auro,
 Nunc etiam adspectu ipso, & majestate verendum, 15
 Hoc meruere olli, & tantum exhaustere laborum.
 CAROLUS hic ille est, quem nec sæcla ulla, nec ætas
 Non canet eximio REGEM cognomine MAGNUM:
 Cujus ab auspiciis tum primum Gallica signa
 Bætis, & infractus victricia sensit Iberus. 20
 Intremuere Asiæ reges, jacuitque subacta
 Punica terribili tellus concussa duello.

Cete-

Cetera, ab angustæ spatii exclusa tabellæ,
Te magni divina Jovii monumenta docebunt.

XII.

FARINATÆ UBERTO.

SERVATA per te patria quod tum maxime,
Sic quum misera casura fuerat maxime;
Nunc optimo tu jure, præter ceteros,
O belli & ideni pacis artibus inclyte
UBERTE, patria vivis in superstitē,
Vivesque dum vivent sacri annales Jovii.

XIII.

IN GIBERTUM, SUMMA INGENII
INDOLE PUERUM.

GIBERTI ingenium bonas per artes
Excultum celebramus urbē tota,
Dignum Socratica institutione.
Hinc est gloria vera comparanda:
Hinc laus ipsa perennior petenda.
Hoc GIBERTUS amat, puer disertus,
Contemta juvenum procacitate.

XIV.

A D D E O S.

O, Inter veterem, & novam Theaten
Qui me, dii, statuistis immerentem,
Quid vobis voluistis? an poetam
Vestrum perdere per jocum, atque ludum?
Nam quid feci ego, quidve sum locutus,
Cur vos tam male me, male atque acerbe

Habe-

Haberetis, ineptiusque multo,
 Quam Rheæ deceat genus beatum?
 Esto enim mala nostra vos juvant:
 Una non fatis, & super Charybdis 10
 Erat? quorsum opus addidisse Scyllam?
 Sed freto bona ficus in Sicano
 Duci Dulichio tulit salutem:
 Nobis in Latio salus Latinis
 Est a montibus expetenda summis; 15
 Ut Phœbus cithara increpans sonora
 Ter per somnia visus admonere.
 Quare Tibridis ad fluentia, montes,
 Qui gratissima regna diis tenetis,
 Cælo vertice proximi, & decorum 20
 Incincti triplici caput tiara,
 Summos vos adeo, rogoque supplex,
 Ut monstro me ab utroque liberetis.
 In sinu liceat latere vestro,
 Et sacra recreare me sub umbra 25
 Non fici Siculæ; sed innocentis,
 Floridæ, peramabilisque olivæ:
 A cujus mihi ramulis in orbem
 Plexis Palladium petam coronam;
 Et colam omnia vestra dicta, facta. 30
 Sic post sæcula longa & usque & usque
 Vobis non modo collium superbas
 Septem assurgere gratulemur arces;
 Sed magnum Oromedonta, & ipsum Olympum.

XV.

IN SABELLAM ROMANAM. PUELLAM LEPIDISSIMAM.

SABELLÆ * ocelli, non ocelli, sed vagi
Soles duo minutuli:

Labella, non labella, sed corallia

Saxis tenella in candidis:

Si vos rigentum flabra ventorum horrida

5

Diffuaviari infaniunt,

Nec est manu vel pallio procacium

Arcere pervicaciam;

Nos perditos, qui carne molli, & ossibus

Non faxeis plane sumus,

10

Quonam putatis esse posse corculo?

Qua mente? nec plura attinet.

XVI.

IN EAMDEM.

Os purpureum, genæque læves

SABELLÆ, o teneræ manus eburnæ,

Dentes candiduli, venusti ocelli:

Quibus candidius, venustiusque

Nec candor potis esse, nec venustas;

5

Qui vestra glacie Notum rigere,

Aut vestra Boream tepere flamma,

Stulti versiculis canunt ineptis,

Ah quanto satiusque veriusque

Me ægrum, flante Aquilone, flante & Austro,

10

Dicerent tremere usque & æstare!

XVII.

* In Gage's Collectione legitur GIBERTI.

XVII.

DE LIVIÆ COLUMNÆ
ROMANÆ OCULIS.

OCELLI nitidi meæ puellæ,
 Puellæ lepidissimæ, & venustæ,
 Quantum non alia ulla, cui per urbes
 Forma excellere contigit Latinas;
 Ocelli nitidi, quid accidisse. 5
 Vobis (me miserum!) audio molesti?
 Vos horror malus, & malæ tenebræ,
 Vos furvis nigra nox obumbrat alis?
 Et qui sideribus pares eratis,
 Nunc caligine hebescitis profunda? 10
 O nimis male, nequiterque factum!

XVIII.

A D E O S D E M.

NÆ, si vos, nitidi & venusti ocelli,
 In magnum superi ferent olympum,
 Inter ætherias faces locandos;
 (Ut percubuit, & dolemus omnes)
 Næ duri superi, miselli homulli. 5
 Sed quando superi; nec in beatos
 Jus ægris, neque fas; quod unum, & ingens
 Solamen reliquum, valet, ocelli;
 Ocelli nitidi meæ puellæ,
 Avete, atque valet; deque summo 10
 Posthac vertice mi micate cæli.
 In terris ego ture vos, & ara,

O o

Et

Et cantu citharæ colam sonoræ,
 Incensus magis hinc dies magisque
 Sanctarum liquido igne popularum. 15

XIX.

A D E O S D E M.

POSTQUAM vos, nitidi & venusti ocelli,
 Ocelli nitidi meæ puellæ,
 Inter sidera diis referre visum est;
 Nos vestra sine luce multa passi,
 Eo nomine gratulari habemus, 5
 Quod iidem dederunt mali levamen.
 Terrarum miseram vicem dolentes:
 Ut quicumque levi secant faselo
 Magnæ navisfragum salum Diones,
 Illis vos Helice petita nautis, 10
 Vos sitis Cynosura jam futuri.
 Ergo, quod superest, miselli amantes,
 Ne frustra irrevocabiles fleamus;
 Sit finis lacrimis, modus querelis:
 Et mecum Veneris patens per æquor 15
 Hos jam suspicite, hos duces habetæ.

XX.

A D P E T R U M M Y R T E U M.

MISI caseolum meo poetæ;
 Ille continuo suæ puellæ
 Misit turpiculæ atque ineleganti:
 Tanti me meus æstimat poeta.
 Post paullo suus it puer, reditque 5

Ad

- Ad me versiculis novis onustus,
 Quærens quod dominus comesse possit.
 Mittam, Myrtæ: qui negare possum?
 Sed prius mihi dic, rogo, quid omnes
 Vos summi, & lepidissimi poetæ
 Musas dicere virgines soletis;
 In lustris tamen improbe adlubescit
 Enectas scabie, & fami perire?

10

XXI.

I N A S P A S I U M,
 M A L U M P O E T A M.

AD me tam stupidi, & mali poetæ
 ASPASII maledicta numquid hilum
 Pertinent, rogo? noti uterque nostrum
 Bonis omnibus, & malis ad unum,
 Ego, atque ille sumus suis uterque.
 Solum me miseret dicacitatis,
 Qua fertur stolidus, ruitque præceps,
 Cæcus nequitia, in meos Iambos.

5

XXII.

I N D I E M N A T A L E M S U U M.

NATALIS meus est. Io, sodales,
 Urantur pia tura diis amicis,
 Vitæ auctoribus, & Jovi supremo
 In primis hominum, & deum parenti.
 Post Jovem neque Juno, nec Minerva,
 Sed FARNESIUS inclytus colendus,
 Bona cum venia omnium deorum:

5

O O 2

Nam

Nam in terris prope par Jovi supremo.

Luce non alia, sed ipsa eadem,

Vitæ principium ut dedit mihi ille;

10

Hic cultum addidit, & decus: paremque

Jussit, & similem esse me deorum.

XXIII.

DE ANNIA VILLA.

ANNI nemoris sacra

Citria, & liquido facer

Fons fluens pede per nemus,

Quodque colle habet in sacro

Mollis acta facellum;

5

Vosque agrestia numina,

Dii deæque genus Jovis,

Frigidum quibus est nemus,

Fonsque jugis, & inclyta

Ara rite dicata;

10

Rite si nemore horrido

Fonte seposito procul

Imminens pelago capit

Ulla vos super arduo

Ara colle dicata;

15

Quam relinquo dolens querens,

Quam reviso volens lubens

Vos ego! & tenerum in sinum;

Dia ad otia, gaudeo

Memet abdere vestrum!

20

Sive sub nemoris nigri

Deli-

- Delitere comis juvat,
 Et fluente brevi in tuni-
 ca ad vagi Zephyri levem
 Frigerarier auram: 25
- Sive dulce loquaculi
 Fontis ad gelidos specus
 Sessitare, & aquam hac & hac
 Somnuli illecebram manu
 Usque pellere lenta. 30
- Tum modo spatiarier
 Garrula cithara gravem:
 Collis e specula modo
 Mille cernere pupptum
 Vela prætereuntum: 35
- Quum calore Canis gravi
 Terra & æquore perfurit,
 Fervidoque Hyperione
 Arctos icta vacat gelu,
 Tristibusque tenebris. 40
- At dies brevioribus
 Rapta quum spatiis ruit,
 Brumaque extulit horridum
 Verticem gelidæ nivis
 Imbriumque potentem, 45
- Tum foco silva integra
 Advoluta hilarat domum:
 Nos pigri utraque & utraque
 Cruraque & latera indidem

Ustu-

Ustulamus ad ignem.	50
Verna pingue mihi veru Versat, & pereat cavet Ne qua stilla beator: Ac premens foveat offulis Uncta crusta suillis.	55
Promit hic sibi Cæcuba, Miscet ille Falerna: nec Hic, nec ille spuit, negans Firma Massica lenibus Diluenda Calenis.	60
Tum satur Genium Laris, Tum Larem Genii canit: Stridulaque strepens cicu- ta hinc & hinc male sobrio Ter solum pede pulsat :	65
Usque dum veniens genis Conniventibus, & pede Debili Sopor, unus ut Quisque eat cubitum monet Oscitante labello.	70
Qui novi tibi flosculos Veris explicet, explicet Is minore negotio, Nocte quot media micant Clara sidera celo.	75
Nec meum officium mihi Excidit: faclo Jovi	

Ma-

Maximo, reliquisque diis Semper; ut decet, & boni Tradidere parentes:	80
Sive Solis ad extimos Cardines, citimofve fe Vertat annus, amabile Sive rideat ad pares Mollis ætheris horas.	85
Illa nocte dieque me Cura fervidior coquit Sola; cetera liberum; Ne sacri ulla operatio Negligatur aviti.	90
Hic diu mihi vivere, & Hic tandem liceat mori, Semper & lætam immemor Omnium, bene nec mihi Sæpe cognitus ipſi.	95
Quod meus Fabius ſuo Cum Polo facit optimus Optimo, Capimontio Rure qui ſibi candidum Lætus exigit ævum.	100
Quod Caſerta facit meus, Pontietta facit meus, Ille moribus aureis Clarus, hic fidibus ſacris, Infulaque decorus.	105
Quod	

Quod Maphæus ad uidi
 Rura frigida Tiburis
 Nuper ambitiosius
 Velle se quoque credulis
 Jactitabat amicis. 110

At FARNESIUS inclytus
 Vota dissipat irrita:
 Et jubet medio in foro
 Scribat historias graves,
 Ludicrumque poema. 115

Sed FARNESIUS, omnia
 Qui potest, mihi tum meum
 Posset excutere ANNIUM,
 Quum suum imperium sibi
 Poscet urbis & orbis. 120

Sic diu hic mihi vivere,
 Hic mori liceat mihi:
 Et FARNESIUS, ut lubet,
 Possit omnia, maximo
 Nil Avo minor olim. 125

Vosque agrestia numina,
 Dii deæque genus Jovis,
 Este vos faciles mihi:
 Vos Lares, Genius foci,
 Intonate sinistrum. 130

Sic lætum vireat nemus
 Semper, & vitreus fluat
 Fons perenne, recentibus

Ara

Ara fumet odoribus:

Intonate sinistrum. 135

Ipse non Heliconio

Collis invidet jugo:

Ipse non Aracynthios

Optet acta sibi modos: .

Intonate sinistrum. 140

Nullus huc aditum ferat,

Nullus aut grege cum improbo

Pastor impius, aut mala

Ales, aut quadrupes fera:

Intonate sinistrum. 145

Nullus undisoni æquoris

Fluctus auribus obstrepat:

Nulla vos violentior

Tundat aura Favonio:

Intonate sinistrum. 150

XXIV.

AD SCIPIONEM CAPICIUM.

QUIS mihi nunc ruri non suadeat esse, CAPICI,
Et vetet agresti munera ferre Lari?

In patrios migravit agros, cæloque Caserta

Devocat æternos ad sua rura deos:

Et facit, ut magnum Campania terra Tryphonem 5

In parva jactet se quoque habere casa.

O ego quid cesso? populique, urbesque, valete;

Et quæcumque levis compita vulgus amat:

P p

Vul-

Vulgus, in extremis quæsitæ Themistita terris
 Cui placet, incertis & Calicuta viis; 10
 Nescio quæ Calicuta novo sub Sole reposita,
 Æternum Hispanæ munus avaritiæ.
 Nempe parum fuerat, nostris ditescere regnis,
 Et versare avida fasque nefasque manu;
 Intactos nisi classe nova penetrasset ad Indos, 15
 Intentata rudis Tethyos ad spatia:
 Scilicet a curvo miles digressus aratro,
 Præceps trans terras, & maria alta ruit.
 Jamque super Solis cursusque æstusque perennes
 Audet in ignotum tendere vela salum. 20
 Sic alius nobis alio micat orbe Bootes;
 Merisque sub Stygio gurgite terra patet.
 Ille quidem victor terris advertere proram,
 Et nova post tanto gestit adire sola.
 Ignari rerum populi, per litora fusi, 25
 Mirantur liquidas currere monstra vias.
 Nunc alacres properant, trepida nunc mente resistunt:
 Attollunt cælo lumina cum manibus.
 Dumque nova passim tacti dulcedine torpent,
 Et multa ancipites speque metuque fremunt; 30
 Ecce tubæ subitus magnum ferit æthera clangor;
 Et crebra resonant tympana pulsâ manu.
 Illi Nereïdas divina voce canentes,
 Et sanctos rentur Doridos ire choros.
 Inter se miris obvertunt nutibus ora, 35
 Et plausum magnis vocibus ingeminant.

Ast,

Ast, ubi fulmineo cælum tremit omne fragore;
 Et late fumo stat graveolente fretum;
 Tum vero ingenti perculi corda pavore,
 Bacchari Eumenidas per vada falsa putant. 40
 Nec flammæ jam ferre novas, ictusque minaces,
 Permissumque gravi sulphur odore queunt.
 Pars fugit, & silvis se se procul abdit opacis:
 Agmine pars denso regia iussa facit.
 Regem magna virum proceraque colla duorum 45
 Sublimem junctis sustulerant manibus.
 Hi currus illis, hæ sunt in honore quadrigæ:
 Non aliis prisco more vehuntur equis.
 Sed quibus ille paret contra contendere telis?
 Aurum habet: hoc plena porrigit usque manu. 50
 Quid facis ah, demens? gemmas, aurumque reconde:
 Muneribus perdis teque, tuosque tuis.
 At felix quondam patriis Epicurus in hortis,
 Dum sibi & ipse ferit, quod sibi & ipse metit,
 Contentus modico vitam traduxit agello: 55
 Nec labes sanctum polluit ulla senem.
 Hei mihi, quid dixi? cælestes, parcite fasso;
 Contempsit magnos impius ille deos.
 Securus leti, Scygiæ securus & undæ,
 Risit tergemini ferrea vincla canis. 60
 Non ego, qui soleam sacra menstrua. vos mihi testes:
 Excidit; & linguæ, non mea culpa fuit.
 Sanctum ego iudicibus potuissem dicere vobis,
 Flagraret tanta ni scelus invidia.

Infelix Epicure, nec hoc mihi nomine care, 65
 Numina tune ausus temnere magna deum?
 Tune ausus Grajas convellere sacra per urbes,
 Et dulci mentes fasce levare pias?
 Stulte, luis pœnas: quam nunc Acheronte sub imo
 Velles accensus tura dedisse focis! 70
 I, miser, Eumenidum pendentes fronte colubros,
 I nunc, & manes, & Phlegethonta nega:
 Persephonem, Ditemque nega. te Tartarus horrens
 Compescat, miris excrucietque modis.
 Sed, mea quæ pietas, unum hoc ignoscite, divi; 75
 Tuncque illum sanctum quis neget esse, rogem.
 Quis tunc, oro, neget? primis cui semper ab annis,
 Ut sine cura esset, maxima cura fuit.
 Non vasti tumidis pelagi se credidit undis;
 Flecteret ut dubiam per freta cæca ratem. 80
 Non litui strepitus arrectis auribus hausit:
 Nec stupuit media vellera tincta Tyro.
 Denique despexit curas; quæcumque sequaces
 Protinus a tristi pectore nos abigunt.
 Quin rerum causas tantum libare latentes: 85
 Constituit primi liminis ante fores;
 Ne curis animum torqueret inanibus ægrum;
 Cerneret & medio somnia vana die.
 Huic igitur meritam dubitem concedere laudem;
 Et titulum nudi nominis invideam? 90
 Quin senis exemplo jam stat quoque, pace deorum,
 Hoc reliquum vitæ degere, quod superest.

Urbis

Urbis delicias in cælum ferte, sodales:

Urbs aliis placeat; fordida rura mihi.

Hic juvet insanos animi componere motus, 95

Et legere in tuto lintea laxa sinu:

Armaque pro templo non magnæ figere villæ,

Sospitis & cymbæ texta soluta meæ:

Tum longis dulces somnis adjungere somnos,

Et sæpe ipsius non meminisse mei. 100

Dii facite, immites discerpant cetera venti:

Hæc pars e votis sit rata sola meis.

Ut sit, qui possit de me quoque dicere, Felix,

Urbe procul solis qui sibi vivit agris:

Vivit; & æterno CHRISTI dum flagrat amore, 105

Farre pius modico rustica sacra facit.

XXV.

† A D R A M B E R T U M S U U M.

* *De quodam Veneto adolescentulo e nobili BARBARORUM genere, qui quum ficus decerpendi gratia in arborem ascendisset, in puteum delapsus, inde incolumis extractus fuit.*

NE lacrima, RAMBERTE; graves in fata querelas
Ne move; & Aonidum mitte dolere vice.

BARBARUS ut casu putei delapsus in ima est,

Najades incolumem restituere deæ.

Nam quicumque sacris semel os admoverit undis, 5

Hunc quæ jam reliquæ non vereantur aquæ?

MU.

* Hæc duo Epigrammata in eodem Codice chartaceo, in quo ALPHONSUS, adhuc inedita lucebant. pag. 28.

† MUSIS, DE EODEM.

DEVOTAS quid opus diris incessere fucus,
 Et probris puteos exagitare malis?
 Vos potius, MUSÆ, pleno vos prosequar ore,
 Quarum præsentī sospes amicus ope est.
 BARBARUS incolumis vestro mihi munere vivit,
 Infausta occiderat qui prope raptus ave.
 Scilicet hæc vestra est vatū bona cura piorum,
 Olim qui dextro vos adiere pede;
 Ut qui Castalio liquidos de fonte liquores
 Hauserit, is nullis stet violandus aquis.
 Inde etiam Pario quæ pendet fixa facello,
 Hæc FASCITELLI grata tabella tui est.

Honorati Fascitelli Carminum Finit.

MARCUS ANTONIUS FLAMINIUS ad HONORATUM
 FASCITELLUM. Edit. Cominianæ pag. 138.

FASCITELLE, quid otio in beato
 Dictavit tibi roseidis sub antris
 Musa candida? nil soles profecto
 Umquam scribere laurea corona
 Non dignum. Ipse miser tumultuosa
 Urbe detineor: tibi benignus
 Dedit Juppiter in remoto agello
 Latentem placida frui quiete,
 Inter Socraticos libros, & inter
 Nymphas, & Satyros, nihil profani
 Curantem populi leves honores.

Verum,

*Verum, sive aliquid Marone dignum
Pangis, sive modis Horatianis
Juvat ludere, quidquid est, sodali
Tuo mitte. alii sibi, atque Musis
Scribant: tu cave, carmina occulas, quæ.
Digna sunt medio legi theatro.*

De eodem Jo. MATTHÆUS TOSCANUS Carminum
Illustrum Poetarum Italarum Tomo I. pag. 257.

Citria mala tuæ, & quot flores Parthenopes, tot
Munditiæ versus sunt, FASITELLE, tui.

Idem Pepli Italiæ Lib. III. pag. 78. HONORATUS
FASCITELLUS, Episcopus Insulensis.

FASCITELLE, satum blandæ Sirenis ad urbem
Te probat ille, madent quo tua plectræ, lepos.
Parthenope æternos veris tua fundit honores:
Perpetuo vernat flore Camæna tibi.
Citria nativo patriæ auro mala reident:
Aurea sunt Musæ pignora cuncta tuæ.
Quam tibi cum patriâ bene convenit! illa poetæ
Est patriâ, at patriæ et ipse poetæ tuæ.



SCIPIO CAPICIUS in calce Lib. II.
De Principiis Rerum,

Tum vitæ unanimem socium comitemque laborum
FASCITELUM, iratæ rapuit quem numinis ira,
Redde meum. nil triste illo durumque recepto.
Ipse tuam cælo demissam virginis alvo
Progeniem, canet ille duces, magnique triumphos
AVALIDÆ, qui nunc vires Orientis, & acrem
Impia compressit reparantem prælia Gallum.

F I N I S.

592287



PATAVII. CIOIOCCXXXI.
EXCUDERAT JOSEPHUS COMINUS.

592287



